



清代傳記叢刊·綜錄類⑦  
周 駿 富 輯

# 國朝耆獻類徵初編

(五)

卷首六一至  
卷首一〇二

(清)

李

桓輯



明文書局印行

W2447/13

國朝耆獻類徵初編卷首之六十一

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之四十九

傳第三十三

扎薩克多羅貝勒西第什哩列傳今巖多羅郡王

西第什哩喀爾喀部人姓博爾濟吉特土謝圖汗察琿多爾濟弟

初號巴圖爾台吉康熙二十五年赴庫倫伯勒齊爾盟

詔授扎薩克二十七年來歸

命游牧蘇尼特界內阿嚕額呀蘇臺三十年迎

覲多倫諾爾

國朝通志卷之二十一  
一  
詔封多羅貝勒仍兼扎薩克三十一年來朝

宴之三十五年

上親征噶勒丹

諭偕車臣汗部郡王納木扎勒貝子朋素克各引數十騎由巴爾  
岱哈山麓往誘偵噶勒丹遁扈

駕追至拖諾山凱旋得

優賚四十五年卒子二長辰丕勒多爾濟授扎薩克台吉別有傳  
次丹津多爾濟襲貝勒

一次襲丹津多爾濟西第什哩次子康熙四十五年襲扎薩克多  
羅貝勒五十六年率兵赴阿爾台防禦策妄阿喇布坦五十九年

隨振武將軍傅爾丹由布拉罕進剿至格爾額爾格擒宰桑貝坤等百餘人斬獲甚眾師旋丹津多爾濟分屯昂奇爾圖六十年諭偕副都統穆克登以兵五百赴巴里坤參贊靖逆將軍富甯安軍雍正元年

諭曰自西北兩路出師以來貝勒丹津多爾濟敷歷戎行奮勉效力

聖祖仁皇帝深愛其材著加恩晉封多羅郡王以示獎勵二年大軍徵還

詔畱喀爾喀兵二千駐阿爾臺以丹津多爾濟及額駙郡王策楞貝勒博貝爲副將軍分統之所部有副將軍自此始三年

詔丹津多爾濟軍用鑲黃旗燾尋因督視軍營駝馬并捐羊助軍  
諭優敘加級復予紀錄四年以偕士謝圖汗旺扎勒多爾濟請助  
給屯田兵糧

獎賚幣仍

命加級八年敘功晉和碩親王尋封其子多爾濟色布騰爲固山  
貝子九年七月

命偕大學士馬爾賽駐防圖拉河尋議駐防四子部落界丹津多  
爾濟以地曠恐冬艱芻薪請附牧歸化城

上從其請九月以準噶爾賊由華額爾齊斯至索勒畢烏拉克沁  
謀掠喀爾喀靖逆大將軍傅爾丹擊之於和通呼爾哈諾爾不利

退守科布多

詔丹津多爾濟隨順承親王錫保防護察罕度爾爲科布多軍援  
十月偕額駙策楞由察罕度爾進勦準噶爾時賊酋大策凌敦多  
卜爲傅爾丹所邀不得逞偵察罕度爾屯重兵潛遣將海倫曼濟  
等取道阿爾宰分掠克魯倫及鄂爾海喀喇烏蘇而自擁二萬餘  
眾由蘇克阿勒達呼繼進丹津多爾濟等馳往擊至鄂登楚勒投  
台吉巴海兵六百令宵入賊營誘賊將貢楚克扎布喀喇巴圖魯  
等率騎來追伏兵擊之斬喀喇巴圖魯餘眾潰大策凌敦多卜及  
海倫曼濟等遁

諭曰丹津多爾濟督率弁兵奮勇爭先擊敗準噶爾甚屬可嘉伊



前在軍營效力已加恩晉封親王著賞銀一萬兩以示獎勵十年  
六月賊酋小策凌敦多卜復糾眾三萬越察罕度爾東掠杭愛山  
并謀劫哲卜尊丹巴呼圖克圖丹津多爾濟以額駙策楞既邀擊  
之於克爾森齊老乃引兵赴額爾德尼昭偵賊遁馳疏以大敗賊  
眾告

賜智勇號及黃帶尋授盟長十月

特封貝子多爾濟色布騰爲世子定例宗室親王始封世子外藩  
有世子自多爾濟色布騰始蓋異數也十一年追諭賊越察罕度  
爾軍營順承親王防禦不力罪事連丹津多爾濟先是策楞遇賊  
克爾森齊老丹津多爾濟奉檄往援弗至賊遂趨額爾德尼昭是

上察知其實

諭曰丹津多爾濟蒙

聖祖仁皇帝施恩教育襲貝勒爵候因其督辦駝馬積有勞績由貝勒洵封親王優加恩眷昨歲額爾德尼昭伊妄奏冒功今乃知其往援克爾森齊老時行未十里駐兵不前及額爾德尼昭之役賊由杭愛山陰敗遁伊不尾追反由杭愛山陽迂道遷延致賊免脫理應重治其罪但念前此曾經效力暫行寬免削智勇親王爵及世子并撤回黃帶降封郡王仍留所部副將軍任督辦未完駝馬隨定邊大將軍平郡王福彭協理蒙古事儻不奮勉自贖仍蹈前轍定加倍治罪其傳諭知之乾隆元年

諭曰郡王丹津多爾濟自出師以來督辦駝馬宣力有年整蒙

世宗憲皇帝寵眷嗣因自蹈愆尤降授郡王俾令自贖近見其竭  
力抒誠諸事奮勉不負激勵懲誡之意著加恩仍封和碩親王三  
年卒子三長卽貝子多爾濟色布騰尙和碩和惠公主授和碩額  
駙先丹津多爾濟卒子桑齋多爾濟襲郡王次喇木丕勒多爾濟  
授台吉次三達克多爾濟封扎薩克輔國公晉貝子品級別有傳  
二次襲桑齋多爾濟丹津多爾濟長子額駙多爾濟色布騰之子  
乾隆三年襲扎薩克多羅郡王

上念其幼孤

詔隨和惠公主來京

教養內廷嗣尙郡主授多羅額駙十九年署所部副將軍尋隨定邊左副將軍親王成袞扎布駐防鄂爾海喀喇烏蘇二十年正月隨定北將軍班第進勦達瓦齊時降酋阿睦爾撒納爲定邊左副將軍先行桑齋多爾濟偕賽因諾顏部貝子沙克都爾扎布等輕騎繼進七月達瓦齊就擒桑齋多爾濟攜索倫扎哈沁兵千還途聞阿睦爾撒納叛親王額璘沁多爾濟與同隊不能制齊赴額爾齊斯追收定邊左副將軍印擒賊黨阿喀察定進等檄沿途汛兵護軍需并防新降厄魯特眾

諭曰桑齋多爾濟以一少年奮勇效力甚屬可嘉其祖丹津多爾濟本係親王著加恩晉襲原爵二十一年八月和託輝特逆賊青

袁咱卜叛擅徹汎兵桑齋多爾濟飭所屬安伍察獲台吉阿雅喇  
所匿徹兵僞符

詔獎其能授北路參贊大臣尋

命往諭烏梁海總管齊倫協擒青袁咱卜閏九月授所部副將軍  
諭歸游牧嚴緝棄汎肆劫逃兵二十二年五月獲二十七人寘於  
法

命爾諭汎兵知之八月以遣兵擒解附青袁咱卜叛之族台吉達  
瑪琳至

獎賜幣二十三年赴庫倫協理俄羅斯邊境事二十四年正月  
命督解駝馬送烏里雅蘇臺軍營二月請以茶布易俄羅斯馬

詔如所請二十六年以妄奏定邊左副將軍親王成衮扎布選兵弗公

訓飭之尋奉

命赴恰克圖購馬三十年議私與俄羅斯互市罪

詔削爵尋

命復封多羅郡王四十二年仍授所部副將軍四十三年卒子雲

丹多爾濟襲

三次襲雲丹多爾濟桑齋多爾濟長子初授一等台吉

教養內廷乾隆四十二年

命乾清門行走

賜孔雀翎四十四年襲扎薩克多羅郡王

命御前行走

賜三眼孔雀翎是年扈

駕木蘭行圍

賜黃馬褂尋尚郡君授多羅額駙四十六年

詔世襲罔替四十八年授所部副將軍

國朝耆獻類徵初編卷首之六十二

通奉大夫前署江西巡撫江西布政使司布政使臣李桓奏錄

欽定外藩蒙古回部王公表傳卷之五十

傳第三十四

扎薩克固山貝子錫布推哈坦巴圖爾列傳今襲一

錫布推哈坦巴圖爾喀爾喀部人姓博爾濟吉特土謝圖汗察琿多爾濟從弟祖錫布固泰號鄂爾齋圖琿台吉斡齊賴賽因汗阿巴岱之長子也妻車臣哈屯生子二長穆車號烏巴什琿台吉即錫布推哈坦巴圖爾父次鄂爾果岱諾木齊生達什號琿台吉子車凌扎布授扎薩克台吉別有傳初錫布推哈坦巴圖爾與弟青

外藩傳



多爾濟納木扎勒陀音諾爾布額爾克等駐牧巴顏烏蘭常擊走俄羅斯掠境兵康熙二十七年噶勒丹由杭愛山肆掠錫布推哈坦巴圖爾逆擊之有和託輝特二台吉誓同拒噶勒丹旣而背盟錫布推哈坦巴圖爾拘之會噶勒丹遣人誘降錫布推哈坦巴圖爾怒執其使避走克嚕倫河三十年侍郎瓦岱奉

命赴圖拉河偵噶勒丹路由克嚕倫錫布推哈坦巴圖爾率諸弟迎會瓦岱來歸

上嘉之

諭曰爾錫布推哈坦巴圖爾於土謝圖汗察琿多爾濟爲兄弟行職貢有年當噶勒丹誘爾降時獨知大義雖敗不降今隨大軍慕

化歸誠朕甚嘉悅特封爾爲扎薩克輔國公爾其勛之是年仍歸  
巴顏烏蘭游牧尋徙圖拉河

上以其地爲噶勒丹往來所必經

諭嚴防禦三十四年八月噶勒丹貽書納木扎勒陀音誘往會納  
木扎勒陀音拒之隨錫布推哈坦巴圖爾走陰山北

詔亟徙歸化城界所屬戀故土弗肯徙噶勒丹猝至復被掠十月  
納木扎勒陀音自縛請罪

詔宥之尋徙色楞額河三十五年

上親征噶勒丹至克魯倫察噶勒丹必遁

款錫布推哈坦巴圖爾躡擊之三十八年敘追擒巴爾呼逃眾功

晉固山貝子四十三年卒子二長巴海封扎薩克輔國公別有傳  
次車布登降襲鎮國公

一次襲車布登錫布推哈坦巴圖爾次子康熙四十五年襲扎薩  
克鎮國公五十六年隨大軍由阿爾臺擒斬特楞古特賊眾雍正  
元年以居察哈爾之厄魯特降人羅卜藏錫喇布等叛逃偕同部  
輔國公車木楚克納木扎勒追緝之射斃賊眾阿玉什額博壘等  
敘功以其父原爵貝子

詔晉多羅貝勒九年大軍剿噶勒丹策凌車布登奏敗賊於蘇克  
阿勒達呼

賜阿克敦巴圖魯號并

賜三眼孔雀翎及黃帶十年額爾德尼昭之役復以追敗賊眾  
聞晉封多羅郡王十一年追議其勦賊不力偕同部親王丹津多  
爾濟飾奏冒功罪

諭曰車布登初襲公爵因追勦羅卜藏錫喇布著有勞績恩擢貝  
勒嗣與丹津多爾濟飾奏蘇克阿勒達呼及額爾德尼昭擊賊功  
妄邀封賞今實情畢露知其率一千兵遇賊百餘輒畏懼不前虛  
張聲勢令賊遠遁及偕副都統塔爾岱率兵追賊誑令迷路縱賊  
遠颺並無爲國效力實心著削郡王爵及賜號撤還黃帶降授貝  
勒飭赴科布多軍營效力贖罪儻仍舊退縮瞻顧定從重治罪乾  
隆元年

命署所部副將軍駐防烏里雅蘇臺定例駐防副將軍及期而代  
是年冬車布登不候代擅歸游牧爲額駙策楞所劾

敕責其罪六年參贊大臣都統塔爾瑪善奉

命赴烏克圖濟爾哈朗閱防秋兵以車布登旗軍容整肅

獎賚之十九年三月以收撫烏梁海

諭偕同部郡王桑齋多爾濟等赴鄂爾海喀喇烏蘇駐防尋偕參  
贊大臣安崇阿德甯等移駐庫克嶺七月新降杜爾伯特台吉車  
凌蒙克子巴朗攜眾由庫克嶺叛逃車布登以追捕弗及奏

諭曰車布登與安崇阿德甯同駐庫克嶺專爲防範逃眾乃巴朗  
從此脫逃伊等率兵尾追並不奮勇前進卽行退歸安崇阿德甯

二人著卽正典刑車布登削貝勒爵降授貝子仍畱軍營效力贖罪二十年定北將軍班第由北路進勦達瓦齊於伊犁道出阿爾台以烏梁海眾潛附準噶爾遣車布登沿途勦捕至固爾班鼐塔克及烏蘭布拉克喀喇哈巴地遇烏梁海副都統察達克屬得木齊綽罕宰桑圖布慎屬得木齊喀喇曼濟等眾盡降之並獲巴朗從賊二百餘戶伊犁平師旋車布登偕副都統敦多卜率兵三百由薩噶勒巴什嶺往收汗烏梁海汗卽烏梁海所居地也宰桑郭爾卓輝鄂木布及布魯古特宰桑根都什特楞古特宰桑瓜齊楞皆率眾降會阿睦爾撒納叛賊黨克什木等擾伊犁車布登齋救往

諭準噶爾眾敘功

詔復多羅貝勒二十一年和託輝特逆賊青衮咱卜叛車布登將以兵會參贊大臣塔爾瑪善赴烏蘭嶺追剿阿睦爾撒納未至遽由納林喀喇歸牧塔爾瑪善以

聞

諭曰車布登係喀爾喀舊人受恩最爲深重今乃擅棄職守私行逃歸情甚可惡著擒解來京治罪是年冬定邊左副將軍親王成衮扎布以車布登擅歸游牧復詭病不從剿青衮咱卜請削爵論死

詔削貝勒宥死子齊旺多爾濟降襲輔國公

二次襲齊旺多爾濟車布登長子乾隆十六年

命乾清門行走

賜孔雀翎及黃馬褂二十一年襲扎薩克輔國公二十三年二月所屬歉收

命賑之八月車布登來朝

諭曰原封貝勒車布登係附和逆賊青衮咱卜之人原應按例治罪朕因其平日爲人愚昧又年者可矜從寬祇令削爵仍許其子承襲輔國公伊悔罪感恩抒誠入覲念前此曾經宣力積有勤勞著加恩賜公品級遣歸游牧二十四年齊旺多爾濟擒自喀喇木蘭叛逃之厄魯特丹巴等



論獎之

賜雙眼孔雀翎三十年卒仍令其父車布登襲

三次襲車布登乾隆三十年仍襲扎薩克輔國公三十五年卒孫齊素隴多爾濟降襲扎薩克一等台吉

四次襲齊素隴多爾濟車布登次子台吉齊旺之子乾隆三十五年襲扎薩克一等台吉四十一年扈

駕木蘭行圍

賜孔雀翎四十六年

詔世襲罔替

扎薩克輔國公車凌巴勒列傳

車凌巴勒喀爾喀部人姓博爾濟吉特土謝圖汗察琿多爾濟第四子初授一等台吉康熙三十年隨父來朝

賜冠帶銀幣五十年

駕幸避暑山莊車凌巴勒來朝

上追念其父察琿多爾濟來歸之誠又以車凌巴勒年老猶爲台吉

詔封扎薩克輔國公析其從子扎薩克台吉班珠爾多爾濟五佐領隸之五十四年偕子巴木丕勒多爾濟隨大軍駐防扎布堪五十六年移駐哲爾格西喇呼魯蘇五十八年隨右衛將軍費揚古

籌築扎克拜達哩克城六十一年

命率兵由汗阿林移厄魯特降人羅卜藏錫喇布游牧於察哈爾  
雍正六年卒子巴木丕勒多爾濟襲

一次襲巴木丕勒多爾濟車凌巴勒長子康熙五十六年隨額駙  
巴林郡王烏爾袞由阿爾臺進剿準噶爾於赫色勒巴斯諾爾雍  
正七年襲扎薩克輔國公

命督所部備用軍駝八年由額爾德尼昭運屯田穀實於塔本託  
羅海尋以築科布多城解所用鐵九年隨同部親王丹津多爾濟  
等剿準噶爾賊酋大策凌敦多卜於蘇克阿勒達呼十年復隨額  
駙策楞敗小策凌敦多卜於額爾德尼昭乾隆十二年卒子車登

三不勒襲

二次襲車登三不勒巴木丕勒多爾濟次子乾隆十三年襲扎薩克輔國公十九年二月隨參贊大臣薩拉爾擒擅入汛界之烏梁海人博羅特瑚圖克等

諭嘉之二十年四月

命隨定北將軍班第由北路勦達瓦齊六月偵烏什阿奇木伯克崔集斯擒獻達瓦齊偕副都統額爾登額以兵五百由穆色爾嶺往取械達瓦齊詣軍七月班師率喀爾喀五百扎哈沁三百索倫二百兵還二十一年隨定邊左副將軍哈達哈進兵哈薩克路遇固爾班和卓等攜千餘戶遁烏梁海車登三不勒追擒有功

賜孔雀翎二十二年駐防翁固爾諾爾有台吉達瑪琳者其族也  
附和託輝特逆賊青衮咱卜叛副將軍親王桑齋多爾濟奉

詔往擒未至達瑪琳遁車登三丕勒偕協理台吉占楚卜由翁固  
爾諾爾馳追縛以獻

獎賚幣二十八年赴恰克圖駐防四十一年卒子拉素隴多爾濟  
襲

三次襲拉素隴多爾濟車登三丕勒長子乾隆三十七年扈

駕木蘭行圍

賜孔雀翎四十一年襲扎薩克輔國公四十三年督理烏里雅蘇  
臺軍營學舍四十六年理藩院議拉素隴多爾濟所襲輔國公係

恩封出缺時請降襲

諭曰拉素隴多爾濟之曾祖車凌巴勒蒙

聖祖仁皇帝格外鴻慈特封公爵承襲有年朕於車凌巴勒子巴木丕勒多爾濟出缺時不忍削去是以仍令其子車登三丕勒及孫拉素隴多爾濟相繼承襲今若照議降襲朕心殊爲不忍著加恩世襲罔替

日本書紀卷之二十一

末

扎薩克輔國公巴海列傳

巴海喀爾喀部人姓博爾濟吉特貝子錫布推哈坦巴圖爾長子  
康熙四十五年弟車布登襲鎮國公爵巴海協理旗務五十九年  
偕車布登隨振武將軍傅爾丹由布拉罕襲擊策妄阿喇布坦雍  
正九年隨大軍勦噶勒丹策凌偵賊酋大策凌敦多卜擁兵據蘇  
克阿勒達呼額駙親王策楞等列陣鄂登楚勒謀誘擊之巴海以  
兵六百夜入賊營擒三人還賊將貢楚克扎布喀喇巴圖魯以騎  
三千來追近大軍伏發敗之  
詔嘉其功授扎薩克一等台吉十年復隨策楞等擊小策凌敦多  
卜於額爾德尼昭斬馘甚眾



諭曰巴海曾經協理台吉效力阿爾臺軍營去歲蘇克阿勒達呼之捷勞績懋著朕擢授扎薩克台吉今復於額爾德尼昭奮勇勦賊深可嘉尚著加恩封輔國公乾隆八年卒子貢楚克扎布襲一次襲貢楚克扎布巴海長子乾隆八年襲扎薩克輔國公二十八年卒子貢楚克達什襲

二次襲貢楚克達什貢楚克扎布長子乾隆二十八年襲扎薩克輔國公四十六年

詔世襲罔替四十九年卒弟巴勒達爾扎布襲

三次襲巴勒達爾扎布貢楚克扎布次子乾隆四十九年襲扎薩

克輔國公

貝子品級扎薩克輔國公三達克多爾濟列傳今襲公品級一等台吉

三達克多爾濟喀爾喀部人姓博爾濟吉特親王丹津多爾濟第

三子初授一等台吉乾隆元年

命乾清門行走尋因其父丹津多爾濟卒兄貝子多爾濟色布騰之子桑齋多爾濟幼襲郡王爵

召居京師以三達克多爾濟代理旗務

賜公品級十八年

詔封輔國公

賜孔雀翎十九年偕同部輔國公車登三丕勒等請效力軍營

許之二十年大軍勦達瓦齊於伊犁三達克多爾濟督解駝馬敘

功晉貝子品級二十一年隨定邊左副將軍哈達哈進兵哈薩克  
索叛賊阿睦爾撒納師還偕車臣汗部親王巴雅爾什第等勦和  
託輝特逆賊青衮咱卜尋

遣歸游牧二十三年桑齋多爾濟請析屬隸三達克多爾濟別爲  
一旗從之

詔授扎薩克

賜雙眼孔雀翎二十九年卒子車凌多爾濟襲輔國公

一次襲車凌多爾濟三達克多爾濟長子乾隆二十八年扈

駕木蘭行圍

賜孔雀翎二十九年襲扎薩克輔國公三十九年

賜黃馬褂四十六年理藩院議車凌多爾濟所襲輔國公係  
恩封出缺時請降襲

諭曰輔國公車凌多爾濟之父三達克多爾濟朕因其爲親王丹  
津多爾濟子封授公爵復因效力軍營送馬無悞晉貝子品級車  
凌多爾濟襲爵時已削去貝子品級今若復令降襲朕心殊爲不  
忍卽云以世襲罔替於例不符此亦惟視車凌多爾濟效力如何  
若於烏里雅蘇臺值班等事奮勉出力毫無貽悞仍許承襲公爵  
俟出缺時奏聞請旨尋襲扎薩克輔國公五十三年卒子薩蘭多  
爾濟襲

二次襲薩蘭多爾濟車凌多爾濟長子乾隆五十三年襲公品級

扎薩克一等台吉

國朝耆獻類徵初編卷首之六十三

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之五十一

傳第三十五

扎薩克一等台吉禮塔爾列傳

今襲鎮國公

禮塔爾喀爾喀部人姓博爾濟吉特土謝圖汗察琿多爾濟族子  
曾祖喇瑚里子五長本塔爾次本巴什希次色爾濟次扎木素次  
額璘沁順治十年本塔爾偕本巴什希扎木素額璘沁來歸駐牧  
張家口外見喀爾喀右翼部傳色爾濟居杭愛號達賴岱青子  
敖巴號額爾克阿海卽禮塔爾父初隸信順額爾克岱青諾顏善

巴旗康熙二十七年率屬來歸以喀爾喀右翼親王諾內爲本塔爾子於己爲兄弟行乞附牧

允之二十八年授扎薩克卽

命諾內指示內地法度二十九年

詔選兵隨侍郎溫達赴圖拉河偵噶勒丹敖巴私縱屬千餘劫驛騎

上憫其無知不忍治檄察哈爾兵制之三十二年

上幸多倫諾爾大封喀爾喀敖巴以罪不封三十三年敖巴病歿禮塔爾入

覲謝罪

詔授扎薩克一等台吉

賜幣未幾禮塔爾卒子旺舒克襲

一次襲旺舒克禮塔爾長子康熙三十二年襲扎薩克一等台吉  
雍正六年以病罷子達什丕勒襲

二次襲達什丕勒旺舒克次子雍正六年襲扎薩克一等台吉八  
年督運科布多軍糧九年解馬赴巴里坤還隨額駙親王策楞等  
敗準噶爾賊眾於蘇克阿勒達呼及額爾德尼昭尋隨大將軍平  
郡王福彭駐防烏里雅蘇臺乾隆六年

命乾清門行走十三年擒脫歸布拉罕之厄魯特降人達什哈  
賜孔雀翎并



賚幣十八年獻駝馬助軍十九年以新降杜爾伯特台吉車凌屬  
被賊劫

詔攜兵百餘往護尋追擒逃賊巴朗餘黨

諭曰達什丕勒護視杜爾伯特游牧甚屬妥協今一聞巴朗逃遁  
卽率兵追斬黨惡奮勇出力朕甚嘉之著封輔國公以示獎勵二  
十一年和碩特訥默庫叛逃達什丕勒誘擒之

詔嘉其功晉封固山貝子

賜雙眼孔雀翎復以捐駝馬助軍

賜貝勒品級是年秋和託輝特逆賊青衮咱卜叛造偽符撤汎兵  
達什丕勒慮所屬游牧被掠由烏里雅蘇臺軍營私歸尋督兵往

護臺汛副將軍親王成衮扎布以

聞

諭曰達什丕勒由扎薩克台吉經朕加恩洊擢貝勒品級昨聞私歸游牧朕卽料其不過爲浮言所惑今果知悔悟率兵接遞驛務前咎不足深責仍加恩晉封郡王品級但驛站旣係新設非加意巡察恐有遲誤著達什丕勒會同總管達松阿等悉心辦理三十二年奉

命赴藩海督牧軍駝四十二年授副盟長尋卒子德沁喇木丕勒降襲貝子

三次襲德沁喇木丕勒達什丕勒第四子乾隆三十六年

賜孔雀翎四十三年襲扎薩克固山貝子四十六年

諭曰德沁喇木不勒之父達什丕勒宣力戎行著有勞績朕是以加恩由扎薩克台吉洊封固山貝子著令其世襲罔替五十七年以嚴斃之家未經查出降鎮國公是年卒五十八年子索諾木旺楚克襲

四次襲索諾木旺楚克德沁喇木丕勒長子乾隆五十八年襲鎮國公

扎薩克一等台吉巴朗列傳今襲輔國公

巴朗喀爾喀部人姓博爾濟吉特土謝圖汗察琿多爾濟從弟父喇布塔爾號達爾漢諾顏嘗偕其從弟額爾克岱青貢方物順治二年

遣使頒賚會蘇尼特騰機思叛逃喀爾喀土謝圖汗表布車臣汗碩壘皆遣兵迎獨喇布塔爾與額爾克岱青持不可且遣送前使至

上嘉悅

諭曰爾等自通好以來忱悃甚摯今復不肯舉兵助逆忠順如此朕豈有不報之理耶嗣是朝貢不絕

賜賚便蕃康熙二十七年額爾克岱青子岱青諾顏洪果爾俱同族偉徵諾顏阿玉什被噶勒丹掠因避居楚克地喇布塔爾子巴朗亦徙牧色楞額河近俄羅斯尋攜屬七百餘戶來歸

賜牧蘇尼特界內烏訥齊二十八年夏來朝以岱青諾顏洪果爾繼至

命巴朗兼領其眾秋所屬乏食

賜粟賑之三十年迎

覲多羅諾爾

詔授扎薩克一等台吉三十一年卒子旺布襲

一次襲旺布巴朗長子康熙三十二年襲扎薩克一等台吉三十

五年危

駕征噶勒丹凱旋

賜冠服弓矢五十四年捐羊助軍五十六年復獻駝馬雍正四年以策妄阿喇布坦謀掠克木克木齊克之烏梁海旺布隨扎薩克圖汗部副將軍貝勒博貝率兵千駐防特斯九年大軍勦噶勒丹策凌旺布捐助軍需尋偕同部輔國公巴木丕勒多爾濟隨大軍敗賊於蘇克阿勒達呼十年正月敘功

優賚之八月復擊準噶爾賊於額爾德尼昭

賜孔雀翎乾隆三年

諭曰旺布效力軍營勤勞懋著且軍需駝馬屢行捐助甚屬出力

臣等謹將... 主

著加恩封扎薩克輔國公七年卒子蒙固襲

二次襲蒙固旺布次子雍正十年駐防阿爾台軍營乾隆七年襲

扎薩克輔國公二十三年所屬乏食

賜銀賑之二十七年以病罷子索諾木辰伯勒襲

三次襲索諾木辰伯勒蒙固長子乾隆二十三年隨定邊右副將

軍郡王車布登扎布勒瑪哈沁賊二十七年襲扎薩克輔國公四

十五年卒子巴克巴扎布襲

四次襲巴克巴扎布索諾木辰伯勒次子乾隆四十五年襲扎薩

克輔國公四十六年

諭曰巴克巴扎布所襲輔國公係其祖旺布效力軍營晉封之爵

著加恩令其世襲罔替五十一年卒次年子齊巴克扎布襲  
五次襲齊巴克扎布巴克巴扎布長子乾隆五十二年襲扎薩克  
輔國公



月日 月日 月日 月日 月日 月日 月日 月日 月日 月日

才

扎薩克一等台吉班珠爾多爾濟列傳

今襲輔國公

班珠爾多爾濟喀爾喀部人姓博爾濟吉特土謝圖汗察琿多爾濟孫父班第達額爾德尼納木扎勒來歸授扎薩克尋卒康熙三十年班珠爾多爾濟迎

覲多倫諾爾

詔授一等台吉襲其父所遺扎薩克五十六年隨振武將軍傅爾丹駐防陞格札布堪乾隆元年卒子琳丕勒多爾濟襲

一次襲琳丕勒多爾濟班珠爾多爾濟長子乾隆二年襲扎薩克一等台吉八年扈

駕木蘭行圍十七年赴塔密爾駐防十九年阿睦爾撒納來降

詔琳丕勒多爾濟隨賽因諾顏部副將軍德沁扎布移所攜降眾於塔密爾二十年隨定北將軍班第進勦達瓦齊於伊犁尋以阿睦爾撒納異志隨同部親王額琳沁多爾濟由尼楚袞軍營護送入

覲至烏隆古額琳沁多爾濟遣送阿睦爾撒納歸牧治裝從騎二十餘至察罕郭勒阿睦爾撒納麾所部兵三百還攻琳丕勒多爾濟等被圍拔矢環射奮勇鬪賊不敢偏奪路歸遇其後隊邀擊之獲阿睦爾撒納所用旗纛甲冑

詔獎其勇封輔國公

賜孔雀翎并

資戶金是年冬

命赴科布多軍營二十一年調赴庫倫協理俄羅斯邊境事二十二年從勦和託輝特逆賊青衮咱卜有功授所部副將軍參贊仍赴庫倫二十三年俄羅斯以阿睦爾撒納竄死獻尸至界

命馳往恰克圖驗視未至卒子車布登多爾濟襲

二次襲車布登多爾濟琳丕勒多爾濟長子乾隆二十三年襲扎薩克輔國公二十九年扈

駕木蘭行圍

賜孔雀翎三十年轄烏里雅蘇臺軍營學舍四十年

賜黃馬褂四十六年

自奉天... 詔世襲罔替四十八年授所部副將軍參贊五十九年卒子那木  
濟爾多爾濟襲

三次襲那木濟爾多爾濟車布登多爾濟子乾隆五十九年襲扎  
薩克輔國公

扎薩克一等台吉辰丕勒多爾濟列傳

今襲輔國公

辰丕勒多爾濟喀爾喀部人姓博爾濟吉特貝勒西第什哩長子康熙四十五年弟丹津多爾濟襲貝勒爵辰丕勒多爾濟協理旗務五十八年隨哲卜尊丹巴呼圖克圖入

覲請編所屬別爲一旗

詔允其請授扎薩克一等台吉五十九年遣子協理台吉沙克都爾扎布隨振武將軍傅爾丹由布拉罕襲擊策妄阿喇布坦雍正五年隨額駙郡王策楞赴恰克圖勘俄羅斯地界六年辰丕勒多爾濟以老罷子沙克都爾扎布先卒沙克都爾扎布子二長喇木丕勒多爾濟次三部布多爾濟相繼襲

一次襲喇木丕勒多爾濟辰丕勒多爾濟孫雍正六年襲扎薩克一等台吉乾隆二年以病罷弟三都布多爾濟襲

二次襲三都布多爾濟喇木丕勒多爾濟弟乾隆二年襲扎薩克一等台吉十九年隨參贊大臣努三等赴阿勒和碩偵烏梁海宰桑赤倫遁吹河由喀喇莽柰直抵所居降其屬四百四十五戶解送特斯鄂爾琿安置之

獎賚幣二十年大軍進剿達瓦齊於伊犁三都布多爾濟以督辦軍需駐烏里雅蘇臺聞阿睦爾撒納叛隨烏里雅蘇臺大臣阿蘭泰等馳赴扎布堪擒阿睦爾撒納孛及其黨班珠爾扎木禪等時固爾班和卓等賊眾千餘戶潛通烏梁海誘同逃大軍猝與遇分

路掩擊盡誅之是役也三都布多爾濟督兵追斬甚力定邊左副將軍哈達哈上其功

諭獎之

賜公品級尋偕副都統鄂博什等以兵六百擊哈薩克於巴顏山斬馘甚眾師旋請協勦和託輝特逆賊青衮咱卜會青衮咱卜就擒其子齊蘇隆多爾濟等竄哲卜尊丹巴呼圖克圖所三都布多爾濟縛送

京師二十三年定邊右副將軍親王車布登扎布奉

命進兵哈薩克索叛賊哈薩克錫喇及布庫察罕以三都布多爾濟數著從戎績奏請隨往



允之并加

恩賜是年夏三都布多爾濟偕侍衛庫爾圖率五十騎爲大軍導至和洛霍斯偵賊據高岡夾擊之賊棄岡遁追勦至昭達里克賊眾盡降馳疏告捷

賜孔雀翎凱旋以土爾扈特台吉舍稜勞章扎卜等叛逃偕副都統鄂博什引兵百馳追之至伊蘭博羅特圖喇偵竄俄羅斯乃還冬授所部副將軍參贊協理俄羅斯邊境事尋署副將軍以擒獲厄魯特逃賊珠卓木等

賚幣二十四年敘功封輔國公四十五年卒子車登多爾濟襲三次襲車登多爾濟三都布多爾濟長子乾隆四十五年襲扎薩

克輔國公四十六年

詔世襲罔替五十二年卒次年子索諾木扎布襲

四次襲索諾木扎布車登多爾濟長子乾隆五十三年襲扎薩克

輔國公

三  
部  
書  
院  
藏  
本  
卷  
之  
三  
ノ  
三  
ノ  
三

三

扎薩克一等台吉車凌列傳

車凌喀爾喀部人姓博爾濟吉特郡王固鳴什喜從弟父巴特瑪什號墨爾根楚琥爾子一卽車凌號墨爾根岱青康熙二十七年來歸三十年迎

覲多倫諾爾授扎薩克一等台吉尋

命偕固噶什喜等選兵五百偵噶勒丹并令其長子鄂巴協理旗務三十六年卒子鄂巴襲

一次襲鄂巴車凌長子康熙三十六年襲扎薩克一等台吉五十二年卒子卓特巴襲

二次襲卓特巴鄂巴長子康熙五十二年襲扎薩克一等台吉雍

正七年以老罷子二長喇布坦次旺布多爾濟相繼襲

三次襲喇布坦卓特巴長子雍正七年襲扎薩克一等台吉尋卒弟旺布多爾濟襲

四次襲旺布多爾濟卓特巴次子雍正八年襲扎薩克一等台吉乾隆二十三年以病罷子敦多布多爾濟襲

五次襲敦多布多爾濟旺布多爾濟長子乾隆二十三年襲扎薩克一等台吉三十九年尾

駕木蘭行圍

賜孔雀翎四十六年

詔世襲罔替四十七年卒子邁達哩扎布襲

八次襲遣達哩扎布敦多布多爾濟長子乾隆四十七年襲扎薩  
克一等台吉


LIVING UNIT

國朝耆獻類徵初編卷首之六十四

通奉大夫前署江西巡撫江西布政使司布政使臣李桓恭錄  
欽定外藩蒙古回部王公表傳卷之五十二

傳第三十六

扎薩克一等台吉車凌扎布列傳

車凌扎布喀爾喀部人姓博爾濟吉特貝子錫布推哈坦巴圖爾  
從子祖鄂爾果岱諾木齊父達什見錫布推哈坦巴圖爾傳康熙  
二十七年噶勒丹掠所部車凌扎布偕弟齊巴克塔爾齊旺阿玉  
什及土謝圖汗察琿多爾濟從子幹齊賴達喇呼圖克圖袞濟扎  
布等避居俄羅斯境三十二年集屬六百自俄羅斯來歸聞錫布



國朝通志卷之六十四  
推哈坦巴圖爾駐牧巴顏烏蘭乞往附

允之三十三年

上念其父達什爲喀爾喀舊扎薩克

詔授車凌扎布一等台吉仍兼扎薩克三十四年移牧俄儂界三十五年四月

上親征噶勒丹車凌扎布迎

親行幄獻所擒厄魯特賊二請從征

詔曰爾等連歲播遷勞頓已極今達哩剛愛爲我軍牧馬地可攜爾屬眾赴彼安插卽爲督理牧務不必隨征車凌扎布復請遣兄子台吉三德濟扎勒等代往

許之六月大軍敗噶勒丹於昭莫多以和託輝特貝勒根敦追擊噶勒丹未歸

詔偕學士拉錫以兵六百往迎八月還駐汗阿林十月駕幸歸化城車凌扎布來朝

上念其與扎薩克台吉阿哩雅飭屬執訊有功

諭獎之五十七年卒子齊巴克扎布襲

一次襲齊巴克扎布車凌扎布長子康熙五十七年襲扎薩克一等台吉雍正九年隨額駙親王策凌等敗準噶爾賊眾於蘇克阿勒達呼

賚銀幣乾隆十九年收烏梁海部眾

詔設汛防竄逸二十年大軍進剿達瓦齊於伊犁齊巴克扎布率兵三百駐防奇爾吉斯諾爾以烏梁海逸賊戕守汛侍衛貝多爾偕扎薩克圖汗部台吉根敦往捕至察罕烏蘇遇和託輝特貝勒青衮咱卜自伊犁歸與合兵赴巴斯庫斯收撫烏梁海宰桑瑪濟岱納木扎勒保衮莽噶拉克等降其眾二十一年

賜公品級尋青衮咱卜叛眾扎薩克爲所煽多棄汛歸牧閭

上宣諭愷切皆感悔赴軍營聽調齊巴克扎布不至爲定邊左副將軍親王成衮扎布所劾

詔削公品級二十七年以病罷子額琳沁多爾濟襲

二次襲額琳沁多爾濟齊巴克扎布長子乾隆二十七年襲扎薩

克一等台吉尋扈

駕木蘭行圍

賜孔雀翎四十六年

詔世襲罔替五十八年卒次年子齊旺多爾濟襲

三次襲齊旺多爾濟額琳沁多爾濟長子乾隆五十九年襲扎薩

克一等台吉

外蕃傳

--	--	--	--	--	--	--	--	--	--

中華民國二十九年四月二十日

第...

扎薩克一等台吉青多爾濟列傳

青多爾濟喀爾喀部人姓博爾濟吉特貝子錫布推哈坦巴圖爾弟康熙三十年來歸三十五年

上親征噶勒丹青多爾濟從征有功

詔授扎薩克一等台吉折錫布推哈坦巴圖爾屬別爲一旗令轄之三十九年卒子恭格襲

一次襲恭格青多爾濟長子康熙三十九年襲扎薩克一等台吉雍正四年以病罷子旺扎勒襲

二次襲旺扎勒恭格長子雍正四年襲扎薩克一等台吉乾隆十五年卒子固嚕扎布襲

三次襲固嚕扎布旺扎勒長子乾隆十五年襲扎薩克一等台吉  
四十一年以病罷子齊巴克扎布襲

四次襲齊巴克扎布固嚕扎布長子乾隆四十一年襲扎薩克一  
等台吉四十六年

詔世襲罔替

扎薩克一等台吉開木楚克列傳

開木楚克喀爾喀部人姓博爾濟吉特郡王固嚕什喜從子父阿爾占號墨爾根岱青子一卽開木楚克康熙二十七年率弟奇塔特達什納木扎勒齊旺朋楚克車凌等來歸二十九年以固嚕什喜助納木扎勒爭已產借奇塔特訟於

朝并訐固嚕什喜奪所屬十三戶三十年

遣官往鞠先是開木楚克繼母羅里丹巴哈屯生女一名濟特阿爾占卒時遺命與開木楚克同居納木扎勒利其產謬言父令歸已以告固嚕什喜固嚕什喜信之遺屬烏巴什等取濟特人畜盡與納木扎勒且奪開木楚克及奇塔特產至是鞠得實



詔察歸開木楚克人戶姑免固嚕什喜罪三十五年開木楚克從  
大軍征噶勒丹遺部卒守汎鑿井并擒降噶勒丹屬台吉車凌等  
百餘人

諭獎之三十六年

上念其與固嚕什喜失睦不宜同牧

詔編所屬別爲一旗授扎薩克一等台吉四十二年卒子納木扎  
勒襲

一次襲納木扎勒開木楚克長子與前爭產之納木扎勒同名康  
熙四十三年襲扎薩克一等台吉五十四年卒子車凌旺舒克襲  
二次襲車凌旺舒克納木扎勒長子康熙五十四年襲扎薩克一

等台吉乾隆二十一年卒子達瑪琳扎布襲

三次襲達瑪琳扎布車凌旺舒克長子乾隆二十一年襲扎薩克  
一等台吉二十九年扈

駕木蘭行圍

賜孔雀翎三十六年卒子烏爾津扎布襲

四次襲烏爾津扎布達瑪琳扎布長子乾隆三十六年襲扎薩克  
一等台吉四十六年

詔世襲罔替嗣緣竊馬賊匪之案並未具報違例擅辦削爵五十  
六年以歉歲善於養贖屬下人等

恩旨仍畱扎薩克

國史館編纂所藏清宮書

六

扎薩克一等台吉成衮扎布列傳

成衮扎布喀爾喀部人姓博爾濟吉特郡王固魯什喜次子初授協理台吉隸兄郡王多爾濟阿喇布坦旗康熙五十六年大軍由阿爾台進剿策妄阿喇布坦成衮扎布捐馬助軍五十八年其母請析多爾濟阿喇布坦人戶別爲一旗令成衮扎布轄之

詔允其請授扎薩克一等台吉雍正九年大軍剿噶勒丹策楞成衮扎布隨大將軍傅爾丹駐科布多託故私歸順承親王錫保檄赴察罕度爾軍復不至奏請削職

命來京候旨十年遵

明至

上以其庸懦

詔削職子二長車布登次車登相繼襲

一次襲車布登成衮扎布長子雍正十年襲扎薩克一等台吉乾隆三十一年以私易所解達哩剛愛馬爲同部親王桑齋多爾濟所劾

詔削職其子不得襲以弟車登襲

二次襲車登成衮扎布次子乾隆三十一年襲扎薩克一等台吉三十五年卒子貢楚克襲

三次襲貢楚克車登次子乾隆三十五年襲扎薩克一等台吉四

十六年

詔世襲罔替

附同書狀頁及刀書  
外藩傳

同治三年庚子秋九月

卷之六

八

扎薩克一等台吉朋素克喇布坦列傳

朋素克喇布坦喀爾喀部人姓博爾濟吉特郡王車木楚克納木扎勒弟初授協理台吉隸車木楚克納木扎勒旗康熙五十四年隨右衛將軍費揚古赴扎布堪防禦策妄阿喇布坦尋偕侍衛尼斯崑至烏蘭固木伊圖克溫都爾防汛五十五年分兵駐額德爾五十六年隨和託輝特輔國公博貝擒厄魯特宰桑羅卜藏錫喇布等降其眾五十八年捐羊十萬納巴里坤軍

獎賚之五十九年隨征西將軍祁里德由布魯勒進剿厄魯特於鏗額爾河偵宰桑色布騰等率賊二千餘據山守大軍分擊之色布騰降師旋復率兵百赴察罕呼濟爾招降厄魯特餘眾雍正八



年

上以朋素克喇布坦材超眾且諳蒙古務

詔析其兄車木楚克納木扎勒二佐領令轄之別爲一旗授扎薩克一等台吉十年噶勒丹策凌遣大策凌敦多卜等掠喀爾喀牧至額爾德尼昭朋素克喇布坦方督所部廟工聞之亟引兵會大軍往剿俘斬甚眾復以車木楚克納木扎勒爲厄魯特貝勒色布騰旺布叛屬所戕率子喇木丕勒多爾濟馳追之斬賊首盡降其眾十一年解送科布多軍駝乾隆六年參贊大臣都統塔爾瑪善奉

命赴烏克圖爾濟爾哈朗闕防秋兵以朋素克喇布坦旗軍容整

獎賚之十一年卒子喇木丕勒多爾濟襲

一次襲喇木丕勒多爾濟朋素克喇布坦長子乾隆十二年襲扎薩克一等台吉十六年卒子袞楚克車凌襲

二次襲袞楚克車凌喇木丕勒多爾濟次子乾隆十七年襲扎薩克一等台吉二十七年扈

駕木蘭行圍

賜孔雀翎三十二年

賜黃馬褂四十六年

詔世襲罔替四十八年卒子達瑪第扎布襲

三次襲達瑪第扎布袞楚克車凌長子乾隆四十八年襲扎薩克

一等台吉五十年卒子固噶扎布襲

四次襲固噶扎布達瑪第扎布長子乾隆五十年襲扎薩克一等

台吉

扎薩克一等台吉遜篤布列傳

遜篤布喀爾喀部人姓博爾濟吉特郡王固魯什喜從子父達什  
號額爾克岱青子一卽遜篤布初授協理台吉隸從子郡王敏珠  
爾多爾濟旗雍正十年額駙策楞等敗準噶爾於額爾德尼昭賊  
沿鄂爾坤上流竄推河遜篤布以兵千掩擊偵走西爾哈昭隨參  
贊大臣馬蘭泰馳追斬獲無算策楞上其功

詔嘉之授扎薩克一等台吉並

賚銀五百十一年

賜孔雀翎乾隆二十年駐防烏里雅蘇臺偵阿睦爾撒納叛逃偕  
烏里雅蘇臺大臣阿蘭泰等馳赴賊牧收其孥屬二十一年和託

特逆賊青衮咱卜叛造偽符徹汎兵遜篤布與車臣汗部扎薩克台吉成衮扎布察其詐督兵嚴守各汎誓死拒事

聞

諭曰喀爾喀王公等爲青衮咱卜所煽多擅離職守遜篤布等特一扎薩克台吉耳獨明大義不背附逆誓死效力朕甚嘉之著賜公品級以示獎勵二十二年因私赴烏梁海購馬議削公品級詔其子三篤克多爾濟仍襲扎薩克一等台吉

一次襲三篤克多爾濟遜篤布長子乾隆二十三年襲扎薩克一等台吉四十六年

詔世襲罔替五十四年以病罷子阿扎拉襲

二次襲阿扎拉三篤克多爾濟長子乾隆五十四年襲扎薩克一等台吉

同治庚午年庚子月不考

十一

國朝耆獻類徵初編卷首之六十五

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之五十三

傳第三十七

喀爾喀車臣汗部總傳

車臣汗部稱喀爾喀東路至

京師三千五百里東界額爾德尼陀羅海西界察罕齊老圖南界  
塔爾袞柴達木北界溫都爾罕元太祖十七世孫阿敏都喇勒有  
子謨囉貝瑪駐牧克嚕倫河生子碩壘始號車臣汗與其族土謝  
圖汗袞布扎薩克圖汗素巴第同時稱三汗子十一今車臣汗部



二十三扎薩克皆其裔長嘛察哩號伊勒登土謝圖爲扎薩克貝子達哩台吉旺扎勒扎布二旗祖次察布哩號額爾德尼台吉爲扎薩克台吉吹音珠爾一旗祖次拉布哩號額爾克台吉爲扎薩克台吉色稜達什一旗祖次本巴號巴圖爾達爾漢琿台吉爲扎薩克鎮國公車布登一旗祖次巴布襲父汗號爲車臣汗烏默客扎薩克郡王納木扎勒朋素克台吉韜賚羅卜藏垂扎木素額爾德尼根敦八旗祖次綽斯嘉布號額爾德尼琿台吉爲扎薩克輔國公車凌達什台吉多爾濟達什固魯扎布三旗祖次巴特瑪達什號達賚琿台吉爲扎薩克貝勒車布登輔國公車凌旺布台吉車凌多岳特三旗祖次車布登號車臣濟農次阿南達號達賚濟

農次布達扎布號額爾德尼濟農均封扎薩克貝子阿南達于貢  
楚克投扎薩克台吉又自爲一旗初喀爾喀服屬於察哈爾天聰  
九年大軍平察哈爾車臣汗碩壘偕烏珠穆沁蘇尼特諸部長上  
書通好貢駝馬崇德元年春以其部私與明市馬

諭責之曰明朕讐也前者察哈爾林丹汗貪明歲幣沮朕伐明且  
欲助之朕故移師往征

天以察哈爾爲非故以其國予朕今爾與明市馬是助明也爾當  
以察哈爾爲戒其改之冬碩壘遣倭徵喇嘛等來朝請與明絕市  
上嘉之

命察罕喇嘛往賚貂服朝珠弓刀金幣二年獻所產獸曰獺喜三

年獻馬及甲冑貂皮雕翎俄羅斯烏槍回部弓箠鞍轡阿爾瑪斯  
斧白鼠裘唐古特元狐皮

詔歲貢九白他物毋入獻順治三年碩壘誘蘇尼特部長騰機思  
叛遣子本巴等以兵三萬援大軍敗之師旋

詔責碩壘曰蘇尼特本察哈爾屬部向化來歸爾誘之使叛朕遣  
兵追勦時猶誠勿加兵於爾詎意爾反稱兵抗拒以致

上蒼降譴立見敗衄儻非朕飭令班師大兵旣壓爾境何難長驅  
直入耶今爾若知自悔欲贖前愆其速擒騰機思來獻五年騰機  
思乞降碩壘遣使獻駝百馬千入謝

詔遣子弟來朝九年以妄爭歲貢賞

諭責勿貢十二年巴布繼其父碩壘爲車臣汗遣子穆彰墨爾根楚琥爾來朝

詔宥前罪貢九白如初是年喀爾喀左右翼設八扎薩克

命車臣汗領左翼扎薩克之一十五年

遣大臣齋服物

諭責之康熙二十一年以所屬巴爾呼人私掠烏珠穆沁部界議增汛兵嚴防禦會貢使至

諭曰朕聞爾屬眾與界內蒙古互相竊奪彼此效尤恐乖生計朕已飭界內人毋許出境滋擾爾亦當約束所屬守分安居違者卽拘治之毋稍姑息二十二年

國朝通志卷之二十一  
二  
詔毋越噶爾拜瀚海游牧巴布卒子諾爾布嗣車臣汗二十六年  
偕土謝圖汗察琿多爾濟表上

尊號

諭卻之二十七年噶勒丹掠喀爾喀至克嚕倫河時諾爾布及長  
子伊勒登阿喇布坦相繼卒孫烏默客幼台吉納木扎勒等攜之  
來歸從眾凡十餘萬戶

詔附牧烏珠穆沁諸部界烏默客襲汗號如故尋理藩院奏降眾  
日多請投納木扎勒等爲扎薩克轄之  
報可

命科爾沁親王沙津等往示內地法度

諭曰朕因爾等爲厄魯特所掠憐而納之今觀爾等並無法制約東部曲恐劫奪不已離析愈多爰命增置扎薩克分掌旗隊禁止盜賊各謀生業爾等果能遵而行之寇盜不興禍亂不作庶副朕撫育歸降愛養羣生之至意二十九年選所部兵赴圖拉河隨尙書阿喇尼偵禦噶勒丹三十年

駕幸多倫諾爾會閱

詔封王貝勒貝子台吉有差各授扎薩克編所屬佐領而以車臣汗烏默客統其眾自是始稱車臣汗部三十一年定所部爲喀爾喀東路三十四年

遣官往購駝馬三十五年

上親征噶勒丹師次克嚕倫河烏默客等以兵從凱旋所部沿途  
慶獻日億萬計明年

詔歸克嚕倫河游牧五十五年

諭所部選駝六千以兵五千領之由郭多里巴勒噶遜運軍糧赴  
推河六十年調兵防護烏梁海降眾於巴顏珠爾克雍正九年選  
兵三千赴察罕庫爾軍營從勒噶勒丹策凌十一年復

詔以所部兵千屯游牧西界訓練防守並追緝巴爾呼逃眾十三  
年撤還乾隆元年選兵赴鄂爾坤防秋六年

命參贊大臣都統塔爾瑪善察閱防秋兵於塞勒壁口十三年選  
駝五百運歸化城米赴塔密爾軍營十七年選兵四千駐防巴顏

烏蘭二十年隨大軍勦達瓦齊於伊犁二十一年以所屬齊木齊格特人肆竊

命參贊大臣納穆扎爾等往緝寘之法

諭扎薩克等曰朕因爾等不善經理游牧以致盜賊肆行特命大臣前往督緝念皆起於飢寒復令發帑賑給貧戶以贍生業爾等游牧始皆甯謐恐爾等習於玩愒徒知盜賊已除不復爲貧者籌畫生計又或目前尙知約束日久漸至廢弛當各統率所屬詳察貧困之由俾謀生有策不至爲非卽有頑悍不悛之徒亦當嚴加約束有犯必懲務令上下安全共享昇平之福先是車臣汗部編佐領置十一旗後增十二旗扎薩克二十有三盟於克嚕倫巴爾



河屯設正副盟長各一副將軍參贊各一爵二十有六車臣汗一  
附輔國公一扎薩克和碩親王一由郡王晉襲扎薩克多羅郡王  
一附多羅貝勒一扎薩克多羅貝勒一扎薩克固山貝子二一由  
貝勒降襲扎薩克鎮國公一扎薩克輔國公二一由貝子降襲公  
品級扎薩克一等台吉一扎薩克一等台吉十三一由貝子降襲  
二由輔國公降襲附鎮國公一由貝子降襲

國朝耆獻類徵初編卷首之六十六

通奉大夫剛署江西巡撫江西布政使司布政使臣李桓恭錄

欽定外藩蒙古回部王公表傳卷之五十四

傳第三十八

車臣汗烏默客列傳

烏默客喀爾喀部人姓博爾濟吉特元太祖裔格埒森扎扎賚爾  
琿台吉之雲孫其高祖曰碩壘爲喀爾喀三汗之一號車臣汗又  
號瑪哈薩嘛諦碩壘傳巴布巴布傳諾爾布諾爾布子六長伊勒  
登阿喇布坦子烏默客及三濟扎布次朋素克次納木扎勒均封  
郡王次垂扎木素次額爾德尼次根敦均授扎薩克台吉別有傳

康熙二十年伊勒登阿喇布坦隨父諾爾布入貢二十一年

遣散秩大臣博洛特等往賚冠服佩帶弓刀器幣先是俄羅斯部人散居雅克薩尼布楚諸地諾爾布屬巴爾呼與接壤時以牲畜及貂皮市其黠者闖入黑龍江沿邊肆掠人因呼之爲羅利至是大軍往征

詔諾爾布飭所屬絕市二十五年同族土謝圖汗察琿多爾濟與扎薩克圖汗成衮構戮

諭諾爾布導之修好二十六年諾爾布卒伊勒登阿喇布坦嗣稱汗駐牧克嚕倫河北巴顏烏蘭二十七年伊勒登阿喇布坦卒遣侍衛阿南達往賻會噶勒丹旣敗土謝圖汗察琿多爾濟兵偵

伊勒登阿喇布坦子烏默客幼由圖拉踰克噶倫謀掠巴顏烏蘭所部聞之懼欲遁烏默客叔父納木扎勒倡內附眾始定因白烏默客母率眾來歸阿南達以

聞

詔附牧烏珠穆沁界外阿爾圖烏珠穆沁及浩齊特蘇尼特阿巴噶阿巴哈納爾舊爲車臣汗屬部後相繼南徙隸內扎薩克獨阿巴哈納爾諸台吉有畱故土者曰根敦額爾克阿海烏巴什伊克岱青額爾克烏巴什凡千餘戶仍隸車臣汗至是隨烏默客至均賜牧界外安置之尋

命烏默客襲汗號以納木扎勒代掌旗務二十八年

諭輯所屬潰散者未幾台吉額爾克綽克圖暨巴爾呼巴特瑪達  
噶噶索諾木達噶噶等攜屬踵至

命烏默客轄之二十九年選兵隨尙書阿喇尼偵噶勒丹三十年  
上幸多倫諾爾會閱

詔畱烏默客車臣汗號

賜宴

優賚三十一年理藩院議車臣汗既畱故號應仍貢九白

上憫其新附牧產未裕

詔寬其期三年尋乞由阿爾岡徙牧伯依爾

許之三十四年所部鎮國公罕篤叛遁俄羅斯烏默客遣兵隨郎

中阿必達員外郎伯什喜等由喀爾喀河追降其眾三十五年春諭還牧阿爾圖烏默客以牲瘠乞緩徙從之夏

上親征噶勒丹烏默客暨郡王納木扎勒貝子朋素克率兵從且遣護衛墨濟噶爾爲嚮導噶勒丹

詔納木扎勒等隨平北大將軍馬思喀追勦烏默客扈駕旋

賜牧克噶倫河北翁都爾多博其地居巴顏烏蘭東先是噶勒丹遣使卓里克圖貽書烏默客通好烏默客拒之擒其使至是以獻獎賚金帛復授墨濟噶爾雲騎尉世職

賜號達爾漢四十年

上幸塞外

駐蹕喀喇烏蘇烏默客來朝尋扈

駕幸索約勒濟山進

宴

賜衣幣四十八年卒子衮臣襲

一次襲衮臣烏默客長子康熙四十八年襲車臣汗雍正六年卒  
子二長車布登班珠爾次達瑪璘相繼襲

二次襲車布登班珠爾衮臣長子雍正六年襲車臣汗

賜之印文曰格根車臣汗以幼

命其叔祖郡王垂扎布代掌旗務十一年以闇懦削爵

詔垂扎布襲

三次襲垂扎布烏默客從弟初襲其父朋素克扎薩克郡王爵互見彼傳雍正十一年襲車臣汗請給俸

諭曰前此喀爾喀三汗皆不給俸蓋欲伊等守蒙古舊業不令與眾扎薩克一以未經頒給今垂扎布既有此奏著給親王俸每歲加賞銀二千五百兩土謝圖扎薩克圖二汗著行文詢問若願請給一體施行十三年垂扎布卒

詔以原襲車臣汗車布登班珠爾之弟達瑪璘襲

四次襲達瑪璘衮臣次子初授一等台吉雍正十三年襲車臣汗乾隆元年遵



旨議駐兵備邊請擇額爾德尼昭水草地設汛防守從之十三年  
授盟長

命乾清門行走尋

命御前行走

賜紫轡十六年卒子二長嘛呢巴達喇次車布登扎布相繼襲  
五次襲嘛呢巴達喇達瑪璘長子乾隆十六年襲車臣汗十八年  
授盟長二十一年和托輝特逆賊青衮咱卜叛喀爾喀守汛兵多  
私歸游牧獨所屬台吉達瑪璘率子德木楚克約從眾無擅離軍  
汛者事

聞

諭獎之是年

命副都統濟福會緝所部劫賊至則嘛呢巴達喇疾濟福以

聞

諭曰嘛呢巴達喇年幼不更事今既染疾無庸俟其會緝伊同族郡王德木楚克見由軍營遣歸游牧著協同辦理二十二年德木楚克等擒賊什第及其黨

命予嘛呢巴達喇議敘加一級二十三年來朝

命乾清門行走

賜三眼孔雀翎黃馬褂及紫轡是年偕土謝圖汗部郡王桑齋多爾濟緝獲劫賊阿爾弼斯瑚等

賚幣二十六年有劫賊羅卜藏錫喇布者冒章嘉呼圖克圖名沿邊肆擾嘛呢巴達喇擒送

京師復

賚幣三十年來朝

命御前行走三十二年卒弟車布登扎布襲

六次襲車布登扎布達瑪璘次子乾隆三十二年襲車臣汗來朝

命乾清門行走三十三年授盟長三十五年

賜三眼孔雀翎及黃馬褂四十年

命御前行走四十六年

諭曰車臣汗車布登扎布之曾祖烏默客來歸時仍畱汗號子孫

至今承襲將及百年著加恩世襲罔替四十八年以私用烏拉票  
恩免治罪未入謝

詔黜

御前行走及盟長并奪翎褂四十九年七月迎

覬避暑山莊復

賜孔雀翎

命乾清門行走八月復

賜黃馬褂五十三年卒子齊旺多爾濟襲

七次襲齊旺多爾濟車布登扎布長子乾隆五十三年襲車臣汗

日本書紀卷之六十四

八

附 輔國公三濟扎布列傳

三濟扎布車臣汗烏默客弟初授一等台吉康熙四十年  
上幸塞外

駐蹕喀喇烏蘇三濟扎布隨兄來朝

賜衣幣五十六年

詔獎督駝運糧功封輔國公雍正七年卒子密瓦扎布襲

一次襲密瓦扎布三濟扎布長子雍正八年襲輔國公十二年駐  
防塔本和漠及委歡塔勒滿乾隆十一年卒子格埒克襲

二次襲格埒克密瓦扎布長子乾隆十一年襲輔國公十八年赴  
鄂爾坤防秋十九年解羊赴烏里雅蘇臺軍營四十三年卒子車

登扎布襲

三次襲車登扎布格埒克長子，乾隆四十三年襲輔國公四十六年

詔世襲罔替

國朝耆獻類徵初編卷首之六十七

通奉大夫前首江西巡撫江西布政使司布政使臣李桓恭錄

欽定外藩蒙古回部王公表傳卷之五十五

傳第三十九

扎薩克多羅郡王納木扎勒列傳

今襲和碩親王

納木扎勒喀爾喀部人姓博爾濟吉特車臣汗烏默客叔父初號

額爾德尼台吉康熙二十七年倡議偕烏默客來歸投濟農

上以烏默客幼

命納木扎勒駐牧烏珠穆沁界外布哈和賴距烏默客居一日程

兼領其眾二十八年授扎薩克二十九年選兵隨尙書阿喇尼偵



噶勒丹三十年

覲多倫諾爾

諭曰爾於車臣汗爲叔父行當噶勒丹肆掠時爾能倡議率眾來歸保全爾部人民復籲請視四十九旗例編立佐領向化抒誠朕甚嘉之特封爾爲多羅郡王仍兼扎薩克其勉承朕恩勛哉毋敦尋投盟長三十四年噶勒丹掠巴顏烏蘭

諭所部內徙游牧納木扎勒遣子旺扎勒隨郎中音扎納赴喀喇呼濟爾傳

諭鎮國公罕篤至則罕篤叛音扎納被畱旺扎勒馳還報因偕郎中阿必達員外郎伯什喜等追降其眾三十五年春扈

駕征噶勒丹選部校庫濟根等七人爲嚮導尋奉

命偕兄朋素克等各引十餘騎赴巴爾岱哈山麓誘致之偵噶勒丹遁隨平北大將軍馬思喀由拖諾山追勦凱旋得

優賚授庫濟根等雲騎尉世職

賜號達爾漢三十八年來朝五十八年獻馬助軍六十年卒子二長達瑪琳多爾濟次多爾濟扎勒相繼襲

一次襲達瑪琳多爾濟納木扎勒長子康熙六十年襲扎薩克多羅郡王雍正十年以遲誤軍駝罪削爵

命其弟多爾濟扎勒襲

二次襲多爾濟扎勒納木扎勒次子雍正十年襲扎薩克多羅郡

王乾隆五年卒子巴雅爾什第襲

三次襲巴雅爾什第多爾濟扎勒長子乾隆五年襲扎薩克多羅郡王十五年授盟長二十年大軍進勒達瓦齊於伊犁巴雅爾什第偕同部輔國公達爾濟賽因諾顏部輔國公巴圖蒙克一等台吉濟旺多爾濟等以聲援兵三千由烏蘭呼濟爾繼進伊犁定軍還阿睦爾撒納叛包沁總管阿克珠勒副總管台拉克和濟木呼哩等應之由索勒畢烏拉克沁踰阿爾台掠守汛侍衛齊徹布台吉達瑪璘等牧產烏里雅蘇臺大臣阿蘭泰檄會勒巴雅爾什第偕達爾濟雅馳赴布拉罕路擊之斬台拉克和濟木呼哩擒阿克珠勒以所獲還齊徹布等阿蘭泰上其功

詔嘉之封和碩親王尋赴科布多布延圖駐防二十一年偕定邊左副將軍哈達哈由伊犁進征哈薩克敗阿布賚汗兵并擒逆賊固爾班和卓等

賜三眼孔雀翎時大軍會剿和托輝特逆賊青衮咱卜巴雅爾什第仍請從勦

上以其部齊木齊格特賊肆掠喀喇沁貝子瑚圖靈阿等往捕未獲

諭速歸嚴緝二十二年偵賊什第等竄呼倫貝爾之西墨爾根哈瑪爾偕同部郡王德木楚克等掩擒之敘功加一級二十三年獎賚幣四十六年卒子貢楚克扎布襲

四次襲貢楚克扎布巴雅爾什第長子乾隆四十六年襲扎薩克  
和碩親王

詔世襲罔替五十五年卒子達爾瑪錫里襲

五次襲達爾瑪錫里貢楚克扎布長子乾隆五十五年襲扎薩克  
和碩親王

扎薩克多羅郡王朋素克列傳

朋素克喀爾喀部人姓博爾濟吉特車臣汗烏默客叔父初號伊勒登台吉康熙二十七年偕烏默客來歸授濟農

命駐牧烏珠穆沁界外布哈和賴二十八年授扎薩克三十年迎覲多倫諾爾

詔封固山貝子仍兼扎薩克尋徙牧呼濟爾圖布嚨三十四年噶勒丹掠巴顏烏蘭朋素克遵

諭徙牧布哈和賴其部鎮國公罕篤者不肯內徙執往

諭之郎中音扎納叛遁朋素克偕罕篤兄台吉車布登追至呼拉濟大敗之獲其孥復迎郎中阿必達及郡王納木扎勒軍於烏爾

順河遣第三子根敦扎布往求音扎納謀罕篤由博爾濟河走俄羅斯弗納攜五百餘眾棲額克阿喇勒勢甚憊朋素克以噶勒丹方於巴顏烏蘭作度冬計罕篤必往奔遣赴克噶倫鄂爾扎俄儂河諸界分路偵緝而自設汛收地督沿邊弁兵防守三十五年請率次子恭格三丕勒從征噶勒丹并遣護衛穆扎哈爾爲大軍嚮導

允之

賜蟒服及帳幕駝馬時根敦扎布在京

遣歸游牧朋素克扈

駕駐訥海和碩

命之射師次克噶倫

諭偕納木扎勒等各引十餘騎誘致之俱噶勒丹遁隨平北大將軍馬思喀由拖諾山追勦西路大將軍費揚古逆擊之昭莫多凱旋

諭曰貝子朋素克此次從征噶勒丹始終奮勉勞績懋著朕甚嘉之著晉封多羅郡王仍留伊勒登濟農號尋

賜牧烏蘭布拉克授盟長

賚冠服器幣并授穆扎哈爾雲騎尉世職

賜號達爾漢三十六年偕員外郎常祿赴噶爾達台河收貝勒旺扎勒舊屬齊巴齊努特戶百餘安置烏爾順河六十一年所部台



吉齊瑞等訟朋素克侵駝丁賞及勒買民婦狀

遣散秩大臣巴咱爾勘得實

詔奪俸年半補賞駝丁所買婦歸其夫雍正五年以老罷子垂扎布襲

一次襲垂扎布朋素克長子雍正五年襲扎薩克多羅郡王

賜貂冠服十一年車臣汗車布登班珠爾以闇懦削爵

詔垂扎布襲車臣汗十三年卒仍以車布登班珠爾之弟達瑪璘襲車臣汗而以其子德木楚克襲郡王爵

二次襲德木楚克垂扎布長子雍正十三年襲扎薩克多羅郡王賜貂冠服乾隆十三年署盟長二十年授所部副將軍偕副都統

納木扎勒由塔密爾徙輝特和碩特降眾於固爾班舒魯克防護之二十一年設參贊大臣會其部齊木齊格特賊肆劫

諭曰此皆自德木楚克久在軍營未獲經理部務所致著傳諭速歸游牧嚴緝二十二年偵賊什第等竄呼倫貝爾之西墨爾根哈瑪爾偕同部親王巴雅爾什第等掩擒之敘功加一級二十三年獎賚幣

賜三眼孔雀翎四十五年卒子齊旺多爾濟襲

三次襲齊旺多爾濟德木楚克長子乾隆四十五年襲扎薩克多羅郡王四十六年

詔世襲罔替是年卒子桑齋多爾濟襲

四次襲桑齋多爾濟齊旺多爾濟長子乾隆四十六年襲扎薩克  
多羅郡王

附 多羅郡王貢格三丕勒列傳 今襲多羅貝勒

貢格三丕勒車臣汗垂扎布弟雍正十一年垂扎布由扎薩克郡王代車布登班珠爾爲車臣汗貢格三丕勒襲所遺扎薩克郡王爵十三年垂扎布子德木楚克襲扎薩克郡王

襲 詔貢格三丕勒仍爲郡王不兼扎薩克乾隆九年卒理藩院議停

諭曰貢格三丕勒所授王爵本係額外加恩又未奮勉效力理應照議停襲但伊素係郡王今因身故遽爾削除朕心殊覺不忍著加恩授其子丹津爲多羅郡王

次襲丹津貢格三丕勒長子乾隆九年襲多羅貝勒十九年督

解駝馬至翁吉達什和碩二十一年來朝

賜雙眼孔雀翎黃馬褂

命乾清門行走二十三年

賜紫轡二十六年由烏里雅蘇臺解馬赴巴里坤四十五年卒子車凌多爾濟襲

二次襲車凌多爾濟丹津長子乾隆四十五年襲多羅貝勒四十六年理藩院議車凌多爾濟所襲貝勒係

懇封出缺後請降襲

諭曰車凌多爾濟所襲貝勒雖與初封及有功襲封者不同但此原係朕施恩封授伊父丹津之爵丹津又係車臣汗垂扎布弟原

任郡王貢格三丕勒之子是以出賦後仍著車凌多爾濟承襲今  
若照議降襲朕心殊覺不忍著加恩世襲罔替

國朝書目考卷之八十一

八

國朝耆獻類徵初編卷首之六十八

通奉大夫前署江西巡撫江西布政使臣李桓恭錄

欽定外藩蒙古回部王公表傳卷之五十六

傳第四十

扎薩克多羅貝勒車布登列傳

車布登喀爾喀部人姓博爾濟吉特車臣汗烏默客族叔父祖巴特瑪達什爲碩壘汗第八子有子二長丹巴嗣父達賚琿台吉號子一卽車布登次齊旺子車凌旺布投扎薩克輔國公別有傳車布登初號額爾克台吉駐牧克嚕倫河之南烏純地康熙二十七年隨烏默客來歸以烏純距邊近



遣歸牧二十八年投扎薩克時大軍征噶勒丹車布登捐助弁兵  
乏馬者三十年四月迎

覲多倫諾爾

詔封多羅貝勒仍兼扎薩克十月來朝

優賚之先是車布登屬車凌楚琥爾偉沁布爾齋噶爾瑪固英杜  
喇爾塔布囊等懼噶勒丹掠往依俄羅斯至是攜戶千餘來歸

命仍轄之是月車布登叔父伊勒登台吉以與扎木巴喇藏布呼  
圖克圖交惡爲所執土謝圖汗部郡王固魯什喜勸釋之不聽伊  
勒登台吉及子丹津旺布皆被殺車布登訴諸

朝

遣官往鞫扎木巴喇藏布呼圖克圖懼罪遁附噶勒丹

敕擒獻抵罪三十三年車布登卒子旺扎勒襲

一次襲旺扎勒車布登長子康熙三十三年襲扎薩克多羅貝勒  
時所屬巴爾呼人散居興安嶺後霍勒烏勒輝糾眾肆劫旺扎勒  
幼母博第蘇克遣台吉川珠爾齊旺多爾濟往緝之不克具以

聞

命黑龍江將軍薩布素就近招撫之巴爾呼凡數種有稱齊巴齊  
努特者其塔布囊等避噶勒丹攜六百戶奔附扎薩克阿哩雅所  
而畱五百戶棲呼倫貝爾之烏稜地無所依

諭旺扎勒白其母收之還三十五年

聖祖實錄卷一百一十五 聖祖實錄

上親征噶勒丹所屬爲大將軍嚮導凱旋

頒賚三十六年

遣官招降厄魯特餘眾取道旺扎勒所

命護入內汛雍正元年偕其從叔父扎薩克台吉車凌旺布追擒厄魯特逃賊羅卜藏錫喇布於烏克爾布克色敘功

詔晉封多羅郡王尋授副盟長八年以遲誤軍駝罪削爵九年詔復貝勒

遣偕車凌旺布赴察罕度爾軍效力乾隆十四年卒子盱沁扎布襲

二次襲旺沁扎布旺扎勒長子乾隆十四年襲扎薩克多羅貝勒

十九年獻馬助軍二十年春隨大軍進勦準噶爾達瓦齊就擒軍  
旋旺沁扎布隨定北將軍班第留駐伊犁阿睦爾撒納叛賊黨克  
什木等擾伊犁旺沁扎布偕土謝圖汗部郡王車凌拜都布擊賊  
弗克死之

賜卹子達克丹多爾濟襲

三次襲達克丹多爾濟旺沁扎布長子乾隆二十一年襲扎薩克  
多羅貝勒三十年扈

駕木蘭行圍

賜雙眼孔雀翎四十六年

詔世襲罔替

國身者用者得示我

十一

扎薩克多羅貝勒布達扎布列傳

今襲固山貝子

布達扎布喀爾喀部人姓博爾濟吉特車臣汗烏默客從曾祖爲  
碩壘汗第十子初號額爾德尼台吉隨母察罕達喇哈屯駐克魯  
倫河布色譯埒客康熙二十七年偕兄車布登阿南達來歸二十  
八年授濟農及扎薩克

命附牧烏珠穆沁界外烏德翁果額埒蘇三十年四月迎  
覲多倫諾爾

詔封固山貝子仍兼扎薩克冬遣台吉錫喇陀音貢楚克穆勒濟  
偉沁二都克等入貢

優賚之五十年來朝

國朝書林英雅系綱 卷之三十一 四  
諭曰貝子布達扎布於車臣汗部爲尊行年老艱履猶扞誠入覲  
朕甚念之著加恩晉封多羅貝勒以昭優眷五十一年卒子雲敦  
琳沁降襲扎薩克輔國公

一次襲雲敦琳沁布達扎布長子康熙五十一年襲扎薩克輔國  
公五十五年卒子巴蘇襲

二次襲巴蘇雲敦琳沁長子康熙五十七年襲扎薩克輔國公雍  
正六年授所部副將軍尋授副盟長

賜雙眼孔雀翎乾隆七年赴塔密爾軍營十五年卒於軍  
上念其宣力有年軫悼之

賜卹子達爾濟雅襲

三次襲達爾濟雅巴蘇長子乾隆十五年襲扎薩克輔國公十六年扈

駕木蘭行圍

賜孔雀翎黃馬褂

命乾清門行走十七年赴塔密爾軍營二十年偕同部郡王巴雅爾什第等從勦達瓦齊於伊犁達瓦齊就擒軍還逆賊阿睦爾撒納叛湖包沁總管阿克珠勒等由索勒畢烏拉克沁擾軍汛達爾濟雅等引兵馳擊俘賊阿克珠勒

詔嘉之晉封固山貝子

命由郡固稜赴索勒畢烏拉克沁駐防時包沁餘賊有竄伏烏隆



古諸界者達爾濟雅偕副都統扎爾杭阿等以兵千餘由阿爾台  
烏蘭嶺分捕至額爾齊斯庫克托輝盡擒之是年冬移駐察罕布  
爾哈遜二十一年春偕參贊大臣塔爾瑪善等踰阿爾台勒阿睦  
爾撒納至布拉罕察罕托輝偵和碩特訥默庫叛分兵屯和通鄂  
博哈布塔克之伯爾克蘇伯口訥默庫就擒還屯塔密爾會烏梁  
海賊郭勒卓輝博博等僞傳阿睦爾撒納與哈薩克合兵

詔偕賽因諾顏部貝勒納木扎勒齊蘇隴等由海喇蘭伯勒齊爾  
往勦烏梁海之倡亂者追至庫楚克及哈達什伯根斬獲甚眾夏  
迎會大軍於哈什拉克謀哈薩克賊千餘由巴顏山遁偕土謝圖  
汗部台吉三都布多爾濟等追至伊什勒郭爾及烏拉罕布木巴

掩擊之冬

賜雙眼孔雀翎隨定邊左副將軍親王成袞扎布由彰奇斯追剿和託輝特逆賊青袞咱卜二十二年春

遣歸牧尋

諭偕副都統濟福會緝所部劫賊弼齊罕扣等於色布蒐勒復由鄂煖郭勒擒逃賊塔瑚賚秋扈

駕木蘭行圍授副盟長二十三年偕土謝圖汗部親王桑齋多爾濟追獲劫汛賊阿爾弼斯瑚等

獎賚幣四十五年卒子索諾木旺扎勒多爾濟襲

四次襲索諾木旺扎勒多爾濟達爾濟雅長子乾隆四十五年襲

國朝志序及後有補遺

扎薩克固山貝子四十六年

諭曰貝子索諾木旺扎勒多爾濟之始祖布達扎布原封貝子洵  
封貝勒出缺時降襲公爵嗣因達爾濟雅效力軍營勞績懋著復  
授貝子且令其子索諾木旺扎勒多爾濟承襲著加恩世襲罔替

國朝耆獻類徵初編卷首之六十九

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之五十七

傳第四十一

扎薩克固山貝子達哩列傳

達哩喀爾喀部人姓博爾濟吉特車臣汗烏默客族祖父嘛察哩  
號伊勒登土謝圖爲碩壘汗長子有子三達哩其長也襲伊勒登  
號駐牧克嚕倫河之南博囉布達蘇康熙二十七年偕烏默客來  
歸授濟農三十年正月遣弟齊旺達瑪璘等來貢四月迎

覲多倫諾爾

國朝通志卷之六十一  
一  
詔授扎薩克固山貝子尋因老疾乞休

許之三十七年卒子三長阿海成伯勒襲貝子次車凌子旺扎勒  
扎布授扎薩克台吉別有傳次喇布坦亦襲貝子

一次襲阿海成伯勒達哩長子康熙三十一年襲扎薩克固山貝  
子三十五年

上親征噶勒丹阿海成伯勒遣屬瑪哈杜喇爾爲大軍嚮導凱旋  
隨父達哩綵服謁道左

慰勞之

召覲行幄

賜茶及銀幣并授瑪哈杜喇爾達爾漢號四十年卒弟喇布坦襲

二次襲喇布坦達哩第三子康熙四十年襲扎薩克固山貝子五十四年獻駝助軍五十八年復獻馬

諭獎之雍正十年卒子旺扎勒襲

三次襲旺扎勒喇布坦長子初授二等台吉雍正十年襲扎薩克固山貝子乾隆二十七年卒子伊達木扎布襲

四次襲伊達木扎布旺扎勒次子乾隆二十年偕土謝圖汗部扎薩克台吉遜篤布俘逆賊阿睦爾撒納孛屬二十二年復偕同部輔國公車凌多岳特追緝土謝圖汗部郡王丹忠多爾濟屬眾之逋逃者二十七年襲扎薩克固山貝子四十六年

詔世襲罔替四十九年卒子貢楚克扎布襲

五次襲貢楚克扎布伊達木扎布長子乾隆四十九年襲扎薩克  
固山貝子

扎薩克岡山貝子車布登列傳

今襲輔  
君公

車布登喀爾喀部人姓博爾濟吉特車臣汗烏默客從曾祖爲碩  
壘汗第七子初號車臣濟農駐牧克嚕倫河之北巴畱台康熙二  
十七年偕弟阿南達布達扎布來歸二十八年授扎薩克三十年  
四月迎

覲多倫諾爾

詔封岡山貝子仍兼扎薩克是年移牧克爾喀河遣台吉阿巴拉  
等入貢

宴資之三十四年卒子阿勒達爾襲

一次襲阿勒達爾車布登長子康熙三十四年隨郎中阿必達追



緝叛賊罕篤軍旋率屬徙牧烏蘭庫布爾三十五年襲扎薩克固  
山貝子四十一年卒子二長車凌布木降襲鎮國公次敦多布子  
車凌多岳特授扎薩克台吉別有傳

二次襲車凌布木阿勒達爾長子康熙四十二年襲扎薩克鎮國  
公五十三年卒子格埒克巴木丕勒降襲輔國公

三次襲格埒克巴木丕勒車凌布木長子康熙五十三年襲扎薩  
克輔國公雍正十一年以所屬巴爾呼人由塔爾巴哈臺遁俄羅  
斯格埒克巴木丕勒馳擊之

賜雙眼孔雀翎尋助軍需得紀錄乾隆元年授所部副將軍六年  
都統塔爾瑪善奉

命赴塞勒壁口閱防秋兵以格埒克巴木丕勒旗軍容整

獎資之尋復獻駝助軍得紀錄十九年杜爾伯特台吉車凌等降定邊左副將軍成袞扎布檄以兵千由烏里雅蘇臺赴扎布堪禦準噶爾追者會扎哈沁宰桑禡木特引三百騎擅入汛揚言準噶爾追且至成袞扎布復檄由庫克嶺會參贊大臣達青阿軍未至禡木特逸告馬瘠故後期議罪削爵

詔罰俸三年免削二十年從大軍勦達瓦齊定北將軍班第劾督解駝馬遲誤罪

詔削副將軍及輔國公爵從軍贖罪達瓦齊既就擒阿睦爾撒納叛賊黨克什木等授伊犁格埒克巴木丕勒奮擊被創爲所畱明

年自伊犁還

命復扎薩克輔國公爵

賜雙眼孔雀翎

遣歸牧與郡王巴雅爾什第德木楚克等會緝其部齊木齊格特人之肆劫者二十二年賊什第等就擒敘功加一級二十五年來朝晉鎮國公

賜黃馬褂三十六年卒子衮布扎布降襲輔國公

四次襲衮布扎布格埒克巴木丕勒長子初授二等台吉乾隆二十四年擒嗎哈沁賊珠靖特穆爾

獎賚幣二十五年扈

駕木蘭行圍

賜孔雀翎三十二年以擒逃賊圖什爾格復

賚幣三十六年襲扎薩克輔國公

賜黃馬褂四十六年

諭曰袁布扎布之父格埒克巴木丕勒原襲輔國公以軍務獲罪  
削爵嗣因赴伊犁奮勉效力復予原職經朕特降旨晉封鎮國公  
出缺時既經照例減等承襲著卽將扎薩克輔國公爵恩予世襲  
罔替

國朝詩林類選初編

五

扎薩克固山貝子阿南達列傳

今襲一等台吉

阿南達喀爾喀部人姓博爾濟吉特車臣汗烏默客從曾祖爲碩壘汗第十一子初號達賚台吉駐牧克魯倫河之北索和尼康熙二十七年率子貢楚客噶勒丹冰圖丹津齊巴勒阿喇布坦暨台吉扎布伊勒登卓哩克圖重爾車臣等來歸二十八年授濟農及扎薩克

詔以所攜屬戶分牧錫喇什寶台及烏珠穆沁界內之都什多羅特浩齊特界內之固都哩呼而令阿南達雷牧阿魯科爾沁界內之呼魯蘇台往來防護會其屬泰賴等糾眾肆劫

命嚴懲之三十年迎

觀多倫諾爾

詔封固山貝子仍兼扎薩克三十四年同部鎮國公罕篤叛遁阿南達屬綽內色稜呼森岱鄂齊爾等數十戶被掠因遣兵百餘由烏勒輝河迎郎中阿必達軍同追緝遇綽內色稜子額騰格等攜眾歸由琿圖塔什海攜至阿嚙科爾沁界內烏蘭庫布爾游牧三十五年卒妻蘇麻達喇請以第三子丹津襲爵

詔丹津襲固山貝子其扎薩克以阿南達長子一等台吉貢楚克襲別有傳

一次襲丹津阿南達第三子康熙三十六年襲固山貝子四十四年卒其母蘇麻達喇奏丹津子延楚尚多爾濟幼請以阿南達第

四子齊巴勒阿喇布坦襲

允之

詔降襲鎮國公

二次襲齊巴勒阿喇布坦阿南達第四子康熙四十四年襲鎮國公尋授扎薩克四十五年卒

詔以丹津子延楚布多爾濟襲

三次襲延楚布多爾濟丹津長子康熙四十五年襲扎薩克鎮國公五十一年獻馬助軍會

上由塞外行圍延楚布多爾濟隨其祖母蘇麻達喇迎

覲



賜蘇嘛達喇墨爾根哈屯號

諭曰爾一婦人能教孫大義協助軍需朕甚嘉悅俟軍需竣時必於爾孫額外加恩勉之雍正二年蘇嘛達喇攜延楚布多爾濟來朝

上曰延楚布多爾濟協助軍需夙蒙

聖祖仁皇帝嘉獎朕猶憶當年隨圍烏喇爾罕時伊祖母手炊一飯以進食之甚甘此雖小節亦可想見其竭力抒誠矣著加恩晉封延楚布多爾濟為扎薩克固山貝子乾隆二十一年所屬齊木齊格特人肆劫延楚布多爾濟不能戢乞避居阿巴噶部界詔喀喇沁部貝子瑚圖靈阿會郡王德木楚克等嚴緝之復

諭廷臣曰齊木齊格特人所居與呼倫貝爾甚近原係延楚布多爾濟屬因伊不能約束妄生事端若不盡行翦除地方何由甯謐者傳諭德木楚克等查出爲首倡亂之人卽正典刑餘亦毋庸交該扎薩克管轄卽賞給喀爾喀曾經效力之人爲奴以示懲儆二十二年擒賊什第等寘之法以延楚布多爾濟溺職

詔削爵于二長旺沁扎布次貢素隴扎布相繼襲

四次襲旺沁扎布延楚布多爾濟長子乾隆二十二年襲扎薩克固山貝子二十五年以輕刑斃命削扎薩克

詔以其弟一等台吉貢素隴扎布襲別封旺沁扎布爲閒散鎮國公互見彼傳

五次襲貢素隴扎布延楚布多爾濟次子乾隆二十五年襲扎薩克一等台吉四十六年

諭曰旺沁扎布之閒散鎮國公與貢素隴扎布之扎薩克台吉原係其祖阿南達所封貝子遜行改授之爵著加恩均予世襲罔替五十二年以病罷于車登多爾濟襲

六次襲車登多爾濟貢素隴扎布長子乾隆五十二年襲扎薩克一等台吉

附 鎮國公旺沁扎布列傳

旺沁扎布原封貝子延楚布多爾濟長子初襲其父貝子爵互見彼傳  
乾隆二十五年改封鎮國公四十六年

詔世襲罔替四十八年卒子垂濟扎布襲

一次襲垂濟扎布旺沁扎布長子乾隆四十八年襲鎮國公

國朝通志卷之九

九

國朝耆獻類徵初編卷首之七十

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之五十八

傳第四十二

扎薩克鎮國公車布登列傳

車布登喀爾喀部人姓博爾濟吉特車臣汗烏默客族叔父祖本巴號巴圖爾達爾漢琿台吉爲碩壘汗第四子有子三長噶爾瑪次洪俄爾岱青次額爾克阿海噶爾瑪子二長卽車布登次罕篤初本巴以兵三萬援蘇尼特部叛人騰機思於扎濟布拉克爲我軍所敗本巴卒子洪俄爾岱青嗣爲琿台吉駐牧克嚕倫河之南

穆壘和碩瑪塔特諸界以時入貢最恭順康熙二十七年噶勒丹  
掠所部誘執洪俄爾岱青屬達賴宰桑投之檄令還誘其主洪俄  
爾岱青弗從遣使乞內附會

上幸塞外

駐蹕紅川洪俄爾岱青率眾來歸

召覲行幄

諭曰爾喀爾喀與厄魯特世世通貢朕一體優禮從無偏庇今聞  
互相結怨亟遣使諭令和睦使臣未至而喀爾喀敗遁悉至汎界  
朕以亂尙未定故爾之未遣朕昔遣兵平定羅刹時爾母達賴達  
喇納預備糗糧牛羊資送大軍今爾又率屬歸誠朕甚嘉之特賜

爾御用朝珠一以示優眷尋

命附牧扎賚特界外理圖塔什海二十八年授扎薩克

諭輯所屬潰散者二十九年以巴爾呼入肆劫

命尙書阿喇尼往緝擒其酋詢知洪俄爾岱青及達賴宰桑爲噶勒丹所掠不獲歸洪俄爾岱青兒子罕篤代領其眾

詔罕篤攜眾入科爾沁界附親王沙津游牧罕篤至縱屬肆劫命阿喇尼遣之出界其兄車布登乞畱牧

諭飭屬毋爲盜三十年罕篤迎

覲多倫諾爾

上追念洪俄爾岱青內附誠



詔封罕篤爲鎮國公襲洪俄爾岱青所遺扎薩克是年移牧喀爾喀河三十四年額爾克阿海子錫喇布以罕篤誘奪所屬瑚爾拉特等眾訴於

朝

遣官往鞠罕篤說言車臣汗傾巽營以瑚爾拉特人界其祖噶爾瑪哲卜尊丹巴呼圖克圖猶識之詢哲卜尊丹巴呼圖克圖則云界額爾克阿海不聞界噶爾瑪同族郡王納木扎勒等皆有錫喇布事乃白錫喇布以與罕篤訟仍隸其旗懼虐請改隸納木扎勒旗罕篤怨錫喇布益遣人誘奪其屬會噶勒丹掠巴顏烏蘭郎中音扎納奉

命往諭罕篤徙牧界內罕篤不從又以誘奪錫喇布屬懼討執音  
扎納以叛脅台吉扎木巴拉等通附俄羅斯邀車布登與俱車布  
登不可泣告曰我等毫無報效

聖主念我先世職貢有年

恩授爵秩今反謀他遁負

聖主恩辱先人業將安之罕篤卒弗聽車布登遣子圖巴馳告納  
木扎勒而自與貝子朋素克率兵追至呼拉濟大敗之復遣人往  
招以雪阻弗及時郎中阿必達偕納木扎勒檄諸扎薩克兵出噶  
勒伯哩會緝謀扎木巴拉等謀擒罕篤不克攜眾歸罕篤由博爾  
濟近俄僂河乃還於是車布登攜屬由喀爾喀河烏蘭庫布爾附

向族貝子阿南達游牧未幾俄羅斯擒獻罕篤伏誅

諭曰當罕篤叛遁時車布登感朕收養鴻恩不惟不從之同逃且能率兵追擊深明大義不顧私情朕甚嘉悅著卽以罕篤鎮國公爵授之仍兼扎薩克三十六年請隨大軍勦噶勒丹上知其乏馬

諭歸牧五十二年卒子岡巴襲

一次襲岡巴車布登長子康熙五十二年襲扎薩克鎮國公雍正十一年卒子扎木禪襲

二次襲扎木禪岡巴長子雍正十一年襲扎薩克鎮國公尋授所部副將軍參贊乾隆六年都統塔爾瑪善奉

命赴塞勒壁口閱防秋兵以扎木禪旗軍容整

獎賚之三十二年卒子雲丹襲

三次襲雲丹扎木禪長子乾隆三十二年襲扎薩克鎮國公四十六年

詔世襲罔替五十一年卒子達什格埒克襲

四次襲達什格埒克雲丹次子乾隆五十一年襲扎薩克鎮國公



扎薩克輔國公車凌旺布列傳

車凌旺布喀爾喀部人姓博爾濟吉特貝勒車布登從弟祖巴特瑪達什父齊旺初授協理台吉隸車布登旗康熙五十年敘由敦都台察罕德埒蘇追緝巴爾呼逃人噶克圖冰圖功授一等台吉五十一年

詔授扎薩克雍正元年偕車布登子貝勒旺扎勒追勦厄魯特逃賊羅卜藏錫喇布盡擒賊眾二年車臣汗衮布等表其功

詔封輔國公九年授盟長復偕旺扎勒赴察罕度爾軍營十年率子台吉格埒克隨大軍擊準噶爾於額爾德尼昭

獎賚幣乾隆七年以老罷子格埒克襲

五  
一次襲格埒克車凌旺布長子乾隆七年襲扎薩克輔國公十九年獻馬助軍得紀錄二十一年偕同部郡王德木楚克等偵緝齊木齊格特劫賊於呼倫貝爾之西墨爾根哈瑪爾二十二年以病罷子貢楚克多爾濟襲

二次襲貢楚克多爾濟格埒克長子乾隆二十二年襲扎薩克輔國公三十六年扈

駕木蘭行圍

賜孔雀翎四十六年

諭曰貢楚克多爾濟所襲公爵原係其祖車凌旺布抒誠效力所封朕體

世宗憲皇帝推恩之意不忍削除故令兩代承襲若恩于世襲罔替五十九年卒子齊旺多爾濟襲

三次襲齊旺多爾濟貢楚克多爾濟子乾隆五十九年襲扎薩克輔國公六十年卒子彭楚克多爾濟襲

四次襲彭楚克多爾濟齊旺多爾濟子乾隆六十年襲扎薩克輔國公是年卒



國朝詩話類編卷之二十一

六

扎薩克輔國公車凌達什列傳

今襲一等台吉

車凌達什喀爾喀部人姓博爾濟吉特車臣汗烏默客族祖父綽斯喜布爲碩壘汗第六子有子三長丹津子固嚕扎布授扎薩克台吉別有傳次卽車凌達什次多爾濟達什授扎薩克台吉別有傳初所部台吉之得貢九白者皆授扎薩克車凌達什其一也號額爾德尼琿台吉康熙二十七年率屬來歸三十年迎

覲多倫諾爾

詔授一等台吉仍兼扎薩克有巴特瑪達什者其戚族也率千餘戶至尋卒子朋素克授一等台吉

命車凌達什並轄之三十五年

上親征噶勒丹車凌達什赴庫哩葉圖什巴爾台設汛防守師旋督解軍需未踰期復獻駝馬助弁兵敘功

詔封輔國公三十六年請隨大軍勦噶勒丹

上知其乏馬

諭歸牧會屬台吉阿密拉等以糞困乞隸內地

命改隸察哈爾旗四十二年車凌達什卒子根敦襲

一次襲根敦車凌達什長子康熙四十二年襲扎薩克輔國公雍

正九年卒子三丕勒襲

二次襲三丕勒根敦次子雍正九年襲扎薩克輔國公乾隆九年

卒子成衮襲

三次襲成裘三丕勒長子乾隆九年襲扎薩克輔國公十九年駐防鄂爾坤二十一年移駐烏里雅蘇臺會和托輝特逆賊青衮咱卜叛成裘私歸游牧議削爵

詔遣鄂爾坤效力贖罪二十四年卒

諭曰成裘自獲罪後雖無效力之處但念伊卒於軍營究屬可憫著伊子德木楚克降襲扎薩克一等台吉不必仍襲公爵

四次襲德木楚克成裘長子乾隆二十四年襲扎薩克一等台吉四十六年

詔世襲罔替

國朝詩林卷之二十一

一

扎薩克輔國公車凌多岳特列傳今襲一等台吉

車凌多岳特喀爾喀部人姓博爾濟吉特貝子阿勒達爾孫台吉  
敦多布子康熙五十五年敦多布由郭多里巴勒噶遜督駝運糧  
赴軍

獎賚幣雍正元年偕同部輔國公車凌旺布追擒厄魯特逃賊羅  
卜藏錫喇布十年俄羅斯使入貢道被劫敦多布遣人護之行且  
給糧

獎賜銀幣尋卒子車凌多岳特初授二等台吉乾隆十九年駐防  
烏里雅蘇臺獻馬五百助軍敘功晉一等台吉先是其族扎薩克  
台吉齊旺等族被災乏食車凌多岳特以羊千遺之二十年大軍

外藩傳

勦達瓦齊復獻馬六百牛百羊千濟軍

詔封扎薩克輔國公四十三年卒子車登扎布降襲扎薩克一等台吉

一次襲車登扎布車凌多岳特長子乾隆四十三年襲扎薩克一等台吉四十四年卒子齊巴克扎布襲

二次襲齊巴克扎布車登扎布長子乾隆四十四年襲扎薩克一等台吉四十六年

詔世襲罔替

國朝耆獻類徵初編卷首之七十一

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之五十五

傳第四十三

扎薩克一等台吉多爾濟達什列傳今襲公品級

多爾濟達什喀爾喀部人姓博爾濟吉特輔國公車凌達什弟初

授二等台吉

賜扎薩克俸康熙五十年授扎薩克一等台吉雍正三年卒子成

衮扎布襲

一次襲成衮扎布多爾濟達什長子雍正三年襲扎薩克一等台



吉十年大軍擊準噶爾於額爾德尼昭成袞扎布獻馬助軍  
賜孔雀翎並

賚白金是年其部巴爾呼入佐領人叛竄俄羅斯成袞扎布率兵  
隨尙書查克丹追擒之無脫者乾隆二十年大軍進勦達瓦齊於  
伊犁成袞扎布由烏里雅蘇臺赴阿嚕博爾濟巴顏濟魯克督解  
駝馬

獎賜佩飾二十一年和託輝特逆賊青袞咱卜叛造偽符徹汎兵  
成袞扎布與土謝圖汗部扎薩克台吉遜篤布察其詐督兵嚴守  
各汎誓死拒

獎明大義

賜公品級三十六年卒子雲敦齊旺襲

二次襲雲敦齊旺成衮扎布長子乾隆三十六年襲公品級扎薩克一等台吉三十九年卒子貢桑班巴爾襲

三次襲貢桑班巴爾雲敦齊旺長子乾隆三十九年襲公品級扎薩克一等台吉四十六年

詔世襲罔替



扎薩克一等台吉固嚙扎布列傳

固嚙扎布喀爾喀部人姓博爾濟吉特輔國公車凌達什從子祖  
絳斯喜布父丹津固嚙扎布初號額爾德尼台吉駐牧克嚙倫河  
之南鄂羅賴康熙二十七年隨母達吉納哈屯來歸

命附牧烏珠穆沁界外哈爾吉勒岱喀喇瀚海其偕至台吉沙克  
都爾等置阿巴噶界內巴顏鄂隴地康熙三十年迎

覲多倫諾爾

詔授扎薩克一等台吉尋卒子齊旺班珠爾襲

一次襲齊旺班珠爾固嚙扎布長子康熙三十一年襲扎薩克一  
等台吉三十五年移牧巴顏濟嚙克奏佐領十有三今祇存三以

雪盛損畜多乏食者

賜粟賑之雍正十三年以病罷子格埒克襲

二次襲格埒克齊旺班珠爾長子雍正十三年襲扎薩克一等台

吉乾隆六年參贊大臣都統塔爾瑪善奉

命赴塞勒壁口閱防秋兵以格埒克旗軍容弛嚴飭之八年以解

駝馬遲誤爲所部副將軍扎薩克輔國公巴蘇所劾

詔削職子索諾木敦多布襲

三次襲索諾木敦多布格埒克長子乾隆八年襲扎薩克一等台

吉二十一年隨土謝圖汗部親王桑齋多爾濟駐防阿爾臺烏蘭

嶺二十三年扈

駕木蘭行圍

賜孔雀翎四十六年

詔世襲罔替五十六年卒子巴延巴達爾瑚襲

四次襲巴延巴達爾瑚索諾木敦多布長子乾隆五十六年襲扎薩克一等台吉

國史書局影印 卷之二十一

四

扎薩克一等台吉色稜達什列傳

色稜達什喀爾喀部人姓博爾濟吉特車臣汗烏默客族叔父祖  
拉布哩號額爾克台吉爲碩壘汗第三子有子曰諾捫宰一桑琿  
台吉襲額爾克號色稜達什其子也康熙十六年土謝圖汗察琿  
多爾濟與噶勒丹構兵色稜達什偵噶勒丹使入貢以兵三百擊  
之二十七年來歸三十年迎

覲多倫諾爾

詔授扎薩克一等台吉尋遣子固嚕扎布貢駝馬

宴賚之四十一年卒子固嚕扎布襲

一次襲固嚕扎布色稜達什長子康熙四十一年襲扎薩克一等



台吉雍正元年厄魯特降人羅卜藏錫喇布等叛逃固嚕扎布隨同部貝勒旺扎勒追擒之八年督運鄂爾坤米赴烏里雅蘇臺軍營十年隨大軍敗準噶爾賊眾於額爾德尼昭乾隆二年卒子貢楚克扎布襲

二次襲貢楚克扎布固嚕扎布長子乾隆二年襲扎薩克一等台吉八年以兵五百赴庫倫護視哲卜尊丹巴呼圖克圖十八年解馬赴庫克訥塔爾納飼牧十九年檄守塔密爾軍倉二十一年由翁吉達什和碩解內扎薩克馬納烏里雅蘇臺二十六年督牧軍駝尋

命赴恰克圖助土謝圖汗部親王桑齋多爾濟購馬四十六年

詔世襲罔替是年卒子瑪哈巴達襲

二次襲瑪哈巴達貢楚克扎布長子乾隆四十六年襲扎薩克一等台吉五十六年卒次年子扎木薩朗扎布襲

四次襲扎木薩朗扎布瑪哈巴達子乾隆五十七年襲扎薩克一等台吉



扎薩克一等台吉貢楚克列傳

貢楚克喀爾喀部人姓博爾濟吉特扎薩克貝子阿南達長子康熙三十六年其弟丹津襲貝子爵

詔貢楚克領扎薩克授一等台吉四十二年卒子二長布尼次達瑪璘扎布相繼襲

一次襲布尼貢楚克長子康熙四十二年襲扎薩克一等台吉四十九年卒無嗣弟達瑪璘扎布襲

二次襲達瑪璘扎布貢楚克次子康熙四十九年襲扎薩克一等台吉五十八年

詔以兵六百徙厄魯特降人羅卜藏錫喇布等於汗阿林防護之

雍正七年擒解既降復叛之克爾格斯烏梁海赴呼倫貝爾安置  
十一年以酗酒削職子旺舒克達爾扎襲

三次襲旺舒克達爾扎達瑪璘扎布長子雍正十一年襲扎薩克  
一等台吉十二年以同族扎薩克台吉沙克都爾扎布屬圖濟格  
等煽齊木齊格特人遁俄羅斯且肆劫

命隨尚書查克丹率兵緝之無脫者乾隆十三年卒子貢楚克扎  
布襲

四次襲貢楚克扎布旺舒克達爾扎長子乾隆十三年襲扎薩克  
一等台吉十八年

詔赴庫倫駐防十九年移駐鄂爾坤二十年檄守塔密爾軍倉尋

移駐烏里雅蘇臺四十六年

詔世襲罔替

國朝通志卷之九十一

一

扎薩克一等台吉韜賚列傳

韜賚喀爾喀部人姓博爾濟吉特車臣汗烏默客從叔父其父穆彰號墨爾根楚琥爾烏默客祖諾爾布伯兄也康熙三十年韜賚授閒散台吉隸烏默客旗三十四年隨郡王納木扎勒等由喀爾喀河追擊叛賊罕篤尋請編屬丁六百自爲一旗

詔授扎薩克一等台吉六十年卒子車登敦多布襲

一次襲車登敦多布韜賚長子康熙六十年襲扎薩克一等台吉乾隆二年駐防鄂爾坤十九年由鄂爾坤解軍械赴烏里雅蘇臺二十年大軍進勦達瓦齊於伊犁車登敦多布畱軍營督駝馬二十一年和託輝特逆賊青衮咱卜叛眾喀爾喀爲所煽多棄汛歸



車登敦多布弗從督牧如故

詔嘉之

賜孔雀翎及幣二十九年卒子根敦扎布襲

二次襲根敦扎布車登敦多布長子乾隆二十九年襲扎薩克一等台吉四十六年

詔世襲罔替五十年卒子車凌多爾濟襲

三次襲車凌多爾濟根敦扎布長子乾隆五十年襲扎薩克一等台吉五十七年卒子衮布扎布襲

四次襲衮布扎布車凌多爾濟子乾隆五十七年襲扎薩克一等台吉

國朝耆獻類徵初編卷首之七十二

通奉大夫前署江西巡撫江西布政使司布政使臣李植

欽定外藩蒙古回部王公表傳卷之六十

傳第四十四

扎薩克一等台吉羅卜藏列傳

羅卜藏喀爾喀部人姓博爾濟吉特車臣汗烏默客從叔父其父布達號岱青琿台吉烏默客祖諾爾布仲兄也康熙三十年羅卜藏授閒散台吉隸貝子朋素克旗三十六年敘擊叛賊罕篤功授扎薩克一等台吉以所獲牲械

賜之五十四年卒子沙克都爾扎布襲

一次襲沙克都爾扎布羅卜藏長子康熙五十四年襲扎薩克一等台吉五十九年隨平逆將軍延信等由裏塘護達賴喇嘛入藏雍正元年敘功

詔封輔國公八年以曠怠削職子格木丕勒襲

二次襲格木丕勒沙克都爾扎布長子雍正八年襲扎薩克一等台吉十年以所屬巴爾呼人附俄羅斯糾竊格木丕勒不能戢

命尙書查克丹率兵往緝乾隆元年格木丕勒卒仍

詔其父沙克都爾扎布襲扎薩克

三次襲沙克都爾扎布乾隆元年復襲扎薩克一等台吉七年卒孫納旺伊什襲

四次襲納旺伊什格木丕勒長子乾隆七年襲扎薩克一等台吉  
十七年駐防鄂爾坤二十一年赴烏里雅蘇臺督軍需會和託輝  
特逆賊青衮咱卜叛納旺伊什與同部台吉桑齋璘沁私歸游牧  
議削職

命赴軍效力二十五年

諭曰納旺伊什與桑齋璘沁削職後畱居軍營效力有年見在軍  
營無事伊等所獲之罪不過昏愚所致著加恩給還原職四十六  
年

詔世襲罔替五十七年卒次年子貢素隆扎布襲

五次襲貢素隆扎布納旺伊什子乾隆五十八年襲扎薩克一等

台吉五十九年卒子車木布爾扎布襲

六次襲車木布爾扎布貢素隆扎布子乾隆五十九年襲扎薩克  
一等台吉

扎薩克一等台吉垂扎木素列傳

垂扎木素喀爾喀部人姓博爾濟吉特車臣汗烏默客叔父康熙四十年偕弟額爾德尼根敦來朝

上念其爲舊車臣汗諾爾布之子授扎薩克一等台吉雍正五年以老罷子二長齊旺多爾濟次旺扎勒相繼襲

一次襲齊旺多爾濟垂扎木素長子雍正五年襲扎薩克一等台吉十一年以庸懦削職弟旺扎勒襲

三次襲旺扎勒垂扎木素次子雍正十一年襲扎薩克一等台吉乾隆四年駐防鄂爾坤二十五年以老罷子噶爾瑪扎布襲

三次襲噶爾瑪扎布旺扎勒長子乾隆二十五年襲扎薩克一等

台吉四十二年卒子索諾木襲

四次襲索諾木鳴爾瑪扎布次子乾隆四十二年襲扎薩克一等

台吉四十六年

詔世襲罔替

扎薩克一等台吉額爾德尼列傳

額爾德尼喀爾喀部人姓博爾濟吉特車臣汗烏默客叔父康熙三十五年從大軍征噶勒丹敘功授一等台吉

命乾清門行走四十年來朝

上念其爲舊車臣汗諾爾布之子授扎薩克雍正五年以老罷子二長旺布次齊旺相繼襲

一次襲旺布額爾德尼長子雍正五年襲扎薩克一等台吉十年以縱囚罪削職弟齊旺襲

二次襲齊旺額爾德尼次子雍正十一年襲扎薩克一等台吉乾隆元年駐防鄂爾坤二十五年以老罷子車登旺扎勒



二次襲車登旺扎勒齊旺長子乾隆二十五年襲扎薩克一等台

吉三十七年卒子扎木巴勒多爾濟襲

四次襲扎木巴勒多爾濟車登旺扎勒長子乾隆三十七年襲扎

薩克一等台吉四十六年

詔世襲罔替

扎薩克一等台吉根敦列傳

根敦喀爾喀部人姓博爾濟吉特車臣汗烏默客叔父康熙四十年來朝

上念其爲舊車臣汗諾爾布之子授扎薩克一等台吉雍正五年以老罷子博洛爾襲

一次襲博洛爾根敦第三子雍正五年襲扎薩克一等台吉乾隆十五年卒子翰克襲

二次襲翰克博洛爾長子乾隆十五年襲扎薩克一等台吉四十四年卒弟僧格喇布坦襲

三次襲僧格喇布坦博洛爾次子乾隆四十四年襲扎薩克一等

台吉四十六年

詔世襲罔替五十四年卒子朗衮扎布襲

四次襲朗衮扎布僧格喇布坦長子乾隆五十四年襲扎薩克一

等台吉

扎薩克一等台吉吹音珠爾列傳

吹音珠爾喀爾喀部人姓博爾濟吉特車臣汗烏默客族叔父祖  
察布哩號額爾德尼台吉爲碩壘汗次子有子一曰色稜達什襲  
額爾德尼號吹音珠爾其子也初授協理台吉隸貝子喇布坦旗  
康熙五十二年請編屬丁五百自爲一旗

詔授扎薩克一等台吉五十二年卒子二長車布登先卒次塔旺  
襲扎薩克

一次襲塔旺吹音珠爾次子康熙五十三年襲扎薩克一等台吉  
雍正十三年以縱屬擅取民物議削職  
命其從子齊瑚拉襲

二次襲齊瑚拉吹音珠爾長子車布登之子雍正十年隨大軍敗準噶爾於額爾德尼昭尋駐防鄂爾坤十三年襲扎薩克一等台吉乾隆七年卒子桑齋璘沁襲

三次襲桑齋璘沁齊瑚拉長子乾隆七年襲扎薩克一等台吉二十年隨大軍剿達瓦齊二十一年和託輝特逆賊青衮咱卜叛桑齋璘沁與同部台吉納旺伊什私歸游牧議削職

命赴軍效力二十五年

詔復職二十六年督牧駝馬三十四年卒於軍子楚克蘇木扎布襲

四次襲楚克蘇木扎布桑齋璘沁長子乾隆三十五年襲扎薩克

一等台吉四十六年

詔世襲罔替

--	--	--	--	--	--	--	--	--	--

扎薩克一等台吉旺扎勒扎布列傳

旺扎勒扎布喀爾喀部人姓博爾濟吉特扎薩克貝子達哩孫台吉車凌子初授二等台吉隸貝子旺扎勒旗雍正十三年獻駝馬助軍

詔授一等台吉

賚幣乾隆八年駐防鄂爾坤攜牲械濟兵

賜孔雀翎十四年捐貲造矢千送軍營並以羊四千餘給兵

諭曰旺扎勒扎布前因屢助軍需授一等台吉今復備辦軍器協濟口糧感恩效力殊可嘉尙著加恩授扎薩克二十五年卒子班珠爾襲



一次襲班珠爾旺扎勒扎布長子乾隆二十五年襲扎薩克一等

台吉四十二年卒子車凌達什襲

二次襲車凌達什班珠爾長子乾隆四十二年襲扎薩克一等台

吉四十六年

詔世襲罔替五十二年卒子車凌納木扎勒襲

三次襲車凌納木扎勒車凌達什長子乾隆五十二年襲扎薩克

一等台吉

國朝耆獻類徵初編卷首之七十三

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之六十一

傳第四十五

喀爾喀扎薩克圖汗部總傳

扎薩克圖汗部稱喀爾喀西路至

京師四千餘里東界翁錦西爾哈勒珠勒西界喀喇烏蘇額埒克  
諾爾南界阿爾察喀喇托輝北界推河元太祖十六世孫格噶森  
扎扎賚爾琿台吉有子七分掌喀爾喀左右翼左翼徙牧圖拉河  
界右翼仍畱居杭愛山其長子阿什海達爾汗琿台吉次子諾顏

泰哈坦巴圖爾第四子德勒登昆都倫第七子鄂特歡諾顏同掌  
之今扎薩克圖汗部十九扎薩克自厄魯特一旗外皆其裔阿什  
海達爾漢輝台吉子二長巴延達喇子賚瑚爾汗爲原封扎薩克  
圖汗策旺扎布及扎薩克貝勒卓特巴台吉喇布坦額爾德尼衮  
布三旗祖次圖把達喇岱青子碩壘烏巴什號輝台吉爲扎薩克  
貝勒根敦輔國公沙克扎齊巴克扎布台吉納瑪琳藏布達什朋  
素克五旗祖諾顏泰哈坦巴圖爾生土伯特哈坦巴圖爾子二長  
崆奎號車臣濟農爲扎薩克郡王朋素克喇布坦貝子博貝輔國  
公索諾木伊斯扎布台吉烏爾占哈瑪爾岱青五旗祖次賽因巴  
特瑪號哈坦巴圖爾爲扎薩克輔國公衮占台吉伊達木扎布二

旗祖德勒登昆都倫生鍾圖岱號巴圖爾爲扎薩克台吉諾爾布  
一旗祖鄂特歡諾顏生青達瑪尼默濟克號車臣諾顏爲扎薩克  
輔國公通謨克台吉普爾普車凌二旗祖初賚瑚爾爲喀爾喀右  
翼長所部以汗稱傳子素巴第始號扎薩克圖汗與其族土謝圖  
汗袞布車臣汗碩壘同時稱三汗碩壘通好最先袞布次之素巴  
第最後崇德三年以其部謀掠歸化城

上統師征所部遁素巴第遣使謝罪並貢馬及獨峯駝無尾羊

諭曰朕以兵討有罪以德撫無罪惟行正義故

上天垂佑蒙古察哈爾諸部皆以畀朕爾等皆其所屬當卽相率  
歸誠不則亦惟謹守爾界乃反與兵構怨謀肆侵掠豈以遠處西

北卽爲征討不及之區耶今與爾約嗣後慎勿復入歸化城界重貽罪戾五年復

賜敕誠諭順治四年素巴第聞

詔責碩壘衮布等納蘇尼特叛人騰機思及掠巴林罪欲代解偕同族俄木布額爾德尼上書乞好

上因其書不稱名詞近悖慢切責之七年俄木布額爾德尼等詭稱行獵私入歸化城界掠牧產

遣官飭歸所掠會素巴第卒子諾爾布嗣稱畢錫時勒圖汗遣使入貢

諭曰朕本欲許爾等和好故命察歸所掠以贖前罪今爾等反以

朕畱爾逃人爲詞是何心耶朕統一四海爾等彈丸小國勿恃荒遠勿聽奸詞致隕爾緒十二年諾爾布偕俄木布額爾德尼各遣子來朝謝罪十四年復偕同族車臣濟農昆都倫陀音奉表乞好詔宥前罪十六年

遣大臣齋服物

諭賚之先是喀爾喀左右翼設八扎薩克諾爾布及俄木布額爾德尼車臣濟農昆都倫陀音各領右翼扎薩克之一諾爾布卒子旺舒克襲仍號扎薩克圖汗俄木布額爾德尼卒子額璘沁襲號羅卜藏台吉康熙元年額璘沁以私憾襲殺旺舒克奔就厄魯特其叔父衮布伊勒登避難來歸封扎薩克貝勒駐牧喜峯口外察

罕和朔圖詳喀爾喀左翼部總傳九年

命旺舒克弟成袞襲扎薩克圖汗號輯其眾二十三年成袞以額  
璘沁之亂屬眾潰多往依左翼土謝圖汗察琿多爾濟屢索不獲  
與構釁

命阿齊圖格隆等諭解之會成袞卒厄魯特噶勒丹謀掠喀爾喀  
誘成袞子沙喇攻察琿多爾濟沙喇因會噶勒丹於固爾班赫格  
爾台吉德克德赫等從往察琿多爾濟惡之追殺沙喇及德克德  
赫二十七年噶勒丹以兵三萬掠喀爾喀至杭愛山所部大潰沙  
喇弟策旺扎布偕同族色凌阿海等相繼來歸

詔附牧烏喇特諸部界三十年

駕幸多倫諾爾會閱以所部屢經變亂被芟夷

詔封色凌阿海等王貝子台吉有差各授扎薩克令集所屬編佐領撫輯之而以策旺扎布爲扎薩克圖汗成衮子

特封和碩親 以其眾自是始稱扎薩克圖汗部三十一年定所部爲喀爾喀 此三十六年

詔歸杭愛山游牧四十年

賜牧產贍之尋

命策旺扎布仍襲扎薩克圖汗號雍正四年

遣額駙策棱等赴阿爾台勘所部與準噶爾界九年大軍勦噶勒丹策凌



詔所部扎薩克等內徙游牧十年以準噶爾敗遁

諭曰去歲朕降旨令爾等徙居內地並不感悅遵行屢次催促始勉强遷移今幸大軍於蘇克阿勒達呼及額爾德尼昭兩敗賊眾爾等始得安居否則豈能保護牲畜乎朕思爾等本屬一體豈有甘居庸懦受人庇蔭之理嗣後各宜激烈奮發不惟永享昇平亦且垂光史冊矣是年扎薩克圖汗策旺扎布以從征退縮罪削爵詔郡王朋素克喇布坦子格埒克延丕勒襲汗號十二年調兵駐防察罕廋爾乾隆元年選兵赴鄂爾坤防秋二年定邊大將軍平郡王福彭奏喀爾喀四部防秋兵皆駐鄂爾坤扎薩克圖汗部駐牧扎克拜達哩克西南距鄂爾坤尤邇請卽令在彼駐防徵調無

難卽至

詔如所請五年

諭曰前以軍務方興恐爾部游牧被賊侵擾悉令內徙今噶勒丹策凌謹遵朕旨奏稱不敢越阿爾台游牧甚屬恭順朕亦降旨令爾部游牧毋踰扎布堪齊克慎哈薩克圖庫克嶺等處爾等當徧諭所屬永遠遵行儻有違令生事者嚴行治罪況今雖許準噶爾和好罷息干戈而平日不可不訓習武備爾等其畱意毋忽六年命參贊大臣副都統慶泰察閱防秋兵於哈里勒邁十三年選駝五百運歸化城米赴塔密爾軍營十六年  
敕禁所部越境與準噶爾及回眾私市十七年選兵千駐防錫喇

烏蘇二十年隨大軍進剿達瓦齊二十二年以其部和托輝特郡王青衮咱卜叛誅之尋

諭扎薩克曰前因青衮咱卜負恩背叛散布流言眾喀爾喀聞有煽動經朕訓諭爾等旋知悔悟各奉職守今逆賊就誅黨附人等應分別治罪以彰國憲但爾等爲國家臣僕百餘年誤聽浮言致干罪戾並非有心附賊免其查究嗣後益宜仰體朕恩湔滌前愆約束所屬各安本業綏靜邊隅長享太平之福先是扎薩克圖汗部編佐領分十旗後增八旗附厄魯特一旗扎薩克十有九盟於扎克畢賴色欽畢都哩雅諾爾設正副盟長各一副將軍參贊各一爵二十有二扎薩克圖汗兼多羅郡王一附公品級三等台吉

一由輔國公降襲郡王品級扎薩克多羅貝勒一扎薩克鎮國公  
二一由貝勒降襲一由扎薩克台吉晉襲扎薩克輔國公六一由  
貝子降襲附輔國公一扎薩克一等台吉八附輔國公一厄魯特  
扎薩克一等台吉一

國朝書目考卷之七十三

六

原封扎薩克圖汗和碩親王策旺扎布列傳

以罪削爵其族弟多羅郡王格

埒克延丕勒襲扎薩克圖汗別有傳

策旺扎布喀爾喀部人姓博爾濟吉特元太祖裔格埒森扎扎賚爾琿台吉之七世孫其曾祖曰素巴第爲喀爾喀三汗之一號扎薩克圖汗子諾爾布繼之有子四長綽墨爾根次旺舒克次成衮次噶勒丹呼圖克圖成衮子三長沙喇次色布騰次卽策旺扎布初旺舒克嗣父諾爾布稱汗爲同族羅卜藏台吉額璘沁所戕土謝圖汗察琿多爾濟及丹津喇嘛兵擊之額璘沁奔厄魯特旺舒克兄綽墨爾根因自立爲汗以未請於朝眾弗附多歸察琿多爾濟康熙九年

詔廢綽墨爾根以成衮襲扎薩克圖汗二十一年

命都統阿密達等往賚冠服佩帶弓刀器幣成衮既襲汗遣告察  
琿多爾濟索逃眾匿弗子至是厄魯特台吉噶勒丹送額璘沁歸  
成衮以舊列入扎薩克令隨已入貢額璘沁懼前罪約俄羅斯攻  
成衮成衮覺遣子沙喇率兵萬餘襲執額璘沁尋逸復奔厄魯特  
成衮盡收其戶畜復遣赴察琿多爾濟所索逃眾會達賴喇嘛遣  
阿爾布柰召察琿多爾濟與成衮盟卒弗聽成衮自是與察琿多  
爾濟交惡二十三年

遣阿齊圖格隆約達賴喇嘛使赴其部諭和會達賴喇嘛所遣色  
木巴陳布呼圖克圖至歸化城疾卒

召阿齊圖格隆還二十五年達賴喇嘛復遣噶勒丹西勒圖往尙書阿喇尼齋

敕會未至成寇卒

詔其子沙喇 薩克圖汗尋隨阿喇尼赴庫倫伯勒齊爾與察  
琿多爾濟盟察琿多爾濟僅歸逃眾之半復交惡二十六年噶勒  
丹與察琿多爾濟構兵沙喇女兄之夫曰阿喇布坦爲噶勒丹戚  
屬噶勒丹誘沙喇往會沙喇因率台吉德克德赫卓特巴移牧就  
阿喇布坦察琿多爾濟追及之沙喇被殺屬眾潰二十七年噶勒  
丹掠杭愛山遷沙喇妻布尼達喇子巴朗恭格格色克居阿爾台  
山陽策旺扎布隨母扎爾穆轉徙年餘遂相失二十九年三月巴



朗等由阿爾台逃歸遇卓特巴偕內附聞同族岳蘇圖阿海游牧烏蘭往依之五月來朝乞襲封

上憫其父沙喇無辜被殺欲俟會閱以雪其冤而後命之襲未許也明年四月

駕幸多倫諾爾巴朗與弟恭格已相繼卒格色克以幼不能赴策旺扎布自與母相失困隄靡依至是長史瑪尼圖以小車載之入覲

諭曰扎薩克圖汗沙喇存日抒誠奉貢備著勤勞若其子巴朗尙在卽應襲封但今已身故策旺扎布係沙喇弟年雖幼眾皆稱賢著加恩封和碩親王代領部眾

召宴

御前策旺扎布以次應列車臣汗烏默客後

特命先之并

賜冠服朝珠九月

命駐牧歸化城北以岳蘇圖阿海理旗務十月封格色克輔國公  
附策旺扎布旗別有傳十二月所屬乏食

賑之三十一年來朝

優賚遣歸初策旺扎布有姑曰額爾克博第素克爲噶勒丹所掠  
尋釋歸台吉羅卜藏貧不給諾爾布妾烏克罕默齊克自厄魯特  
逃歸與遇因偕赴歸化城乞賑會喇嘛商南多爾濟奉使青海攜

策旺扎布母扎爾穆至

詔悉歸策旺扎布令完聚三十五年大軍敗噶勒丹以阿喇布坦  
謀降未決

諭遣長史瑪尼圖往招之至四十二年尙縣主授多羅額駙尋晉  
和碩額駙

命襲扎薩克圖汗號四十四年迎

覲喀喇河屯

賜鞍馬銀幣嗣是每

時巡輒入

覲

錫賚便蕃雍正九年授所部副將軍隨靖邊大將軍順承親王錫保駐察罕度爾軍營以額駙郡王策棱等敗準噶爾賊酋大策凌敦多卜於蘇克阿勒達呼

優賜策旺扎布銀五千先是

命所部游牧內徙眾扎薩克戀故土不卽徙牲畜多失至是策旺扎布自請償

詔免十年小策凌敦多卜掠克爾森齊老振武將軍傅爾丹由烏遜珠勒邀擊之策旺扎布勦不力棄軍歸且縱屬劫糧議削爵論死

諭曰策旺扎布昔爲噶勒丹所掠流離遷徙狼狽來歸

聖祖仁皇帝憫其窮困收集潰散人戶悉以畀之封親王授額駙  
游襲汗號恩養備至朕念伊係一部之汗復授副將軍俾赴軍營  
統兵進剿乃甫與賊戰望風奔潰擾動眾心復不歸軍營匆遽移  
居內地恬不知恥反藉保護游牧爲詞且並不約束所屬任令劫  
糧沿途商賈亦被侵擾甚玷國家養育之恩理應於削爵後立正  
典刑但念伊祖父累代抒誠不忍予以顯戮著從寬免死永遠監  
禁朕觀伊族弟多羅郡王格埒克延丕勒人材出眾此次追擊準  
噶爾奮勇效力足爲所部表率著加恩襲封扎薩克圖汗兼副將  
軍至策旺扎布屬人膽敢劫糧不可不示懲儆著御前侍衛旺扎  
勒赴歸化城傳諭格埒克延丕勒嚴緝治罪

國朝耆獻類徵初編卷首之七十四

通奉大夫前署江西巡撫江西布政使臣李桓恭錄

欽定外藩蒙古回部王公表傳卷之六十二

傳第四十六

扎薩克多羅郡王朋素克喇布坦列傳

今係扎薩克圖汗兼襲

朋素克喇布坦喀爾喀部人姓博爾濟吉特元太祖裔格埒森扎  
扎賚爾琿台吉之六世孫曾祖崆奎號車臣濟農居伯蘇特子六  
長策璘楚琥爾生多爾濟見輔國公索諾木伊斯扎布傳次策哩  
期奇布賽因阿海生巴喇斯騰額哩陀音見貝子博貝傳次固魯  
諾木齊生博托果見扎薩克台吉哈瑪爾岱青傳次濟農陀音生

薩瑪第號額爾德尼濟農卽朋素克喇布坦父次察噶斯奇布生  
烏爾占授扎薩克次諾爾布額爾德尼生裘布扎布封輔國公均  
有傳初多爾濟爲右翼扎薩克之一嘗以濟農號奉表貢康熙十  
九年扎薩克圖汗成裘與多爾濟隙奪濟農號授薩瑪第俾代貢  
九白理藩院請卻其使

詔納之二十一年

命都統喇克達等往賚冠服佩帶弓刀器幣二十五年朋素克喇  
布坦嗣稱額爾德尼濟農遣使貢

上聞成裘與土謝圖汗察琿多爾濟交惡

詔朋素克喇布坦導之修好

賜珊瑚朝珠二十九年來朝三十年迎

覲多倫諾爾時多爾濟子索諾木伊斯扎布乞襲車臣濟農朋素克喇布坦訴世爲額爾德尼濟農奉貢有年不應居索諾木伊斯扎布後且出前所

賜朝珠爲信

詔除濟農舊號封扎薩克多羅郡王三十六年

上視師甯夏朋素克喇布坦來朝請

駕臨牧

許之尋授盟長五十一年卒子格埒克延丕勒襲

一次襲格埒克延丕勒朋素克喇布坦長子康熙五十一年襲扎



薩克多羅都王五十四年隨散秩大臣那里德赴推河防禦策妄  
阿喇布坦五十六年移駐塔斯果爾瑪及哲斯庫布帖爾庫業根  
會大軍由布魯勒擒厄魯特羅卜藏錫喇布等還至和通呼爾哈  
諾爾格埒克延丕勒獻牲畜濟軍雍正八年

詔偕同部輔國公通謨克以兵千赴塔爾彌阿嚕詰助前鋒統領  
定壽防禦準噶爾時賊酋謀犯阿濟畢濟界定壽屯伊克斯諾爾  
邊賊衝故令格埒克延丕勒等助之九年秋還駐科布多尋偕侍  
郎查克丹由烏遜珠勒分擊賊眾於齊齊克諾爾冬十月賊入阿  
濟掠通謨克屬格埒克延丕勒牧地邇亦被掠振武將軍傅爾丹  
檄由科布多馳歸卽內徙十一月

遣侍衛常尼慰諭十年春

頒牲糧賑被掠人戶并

賜銀千兩

諭隨建勳將軍達爾濟駐防伯格爾尋授盟長會準噶爾賊由克爾森齊老轉掠額爾德尼昭爲額駙親王策棱所敗格埒克延丕勒引兵由拜達哩克追至哈琳城復由布克哈喇追至烏蘭布拉克斬賊數百擐其纛偵走庫爾圖勒夜攻之斬四百餘級獲牲械無算賊潰遁

諭獎之方賊眾之掠克爾森齊老也扎薩克圖汗策旺扎布棄軍私歸且縱屬劫糧議罪削爵

詔格埒克延丕勒襲扎薩克圖汗仍畱多羅郡王爵兼授所部副將軍是年冬遵

旨議防游牧奏洪郭爾鄂隆可駐兵千東南百餘里外圖伯策克可駐二千西什巴爾台河至濟爾噶朗圖可駐三千請令都統哈什哈副都統綽爾多等率兵分駐

詔如議十一年春

命督辦軍駝格埒克延丕勒選健駝以獻

詔察策旺扎布舊屬令轄之尋請入

覲

諭隨定邊大將軍平郡王福彭駐烏里雅蘇臺

賜元狐冠服冬請隨額駙策梭由科布多進剿

諭曰爾初襲汗號見駐軍營董率爾屬保護游牧自可出力報效  
況軍營蒙古王公甚少爾可無庸隨往十二年五月解駝馬赴科  
布多以策梭入

覲

諭畱屯科布多轄蒙古兵十三年四月還駐烏里雅蘇臺十月奏  
臣游牧舊在察罕度爾附近啞格地以準噶爾掠內移見居鄂爾  
坤迤西哈魯納不利畜牧請外徙推河伊克鄂拉翁吉等處不惟  
生計可復且距軍營近效力便

詔策梭等議尋議所請地爲賽因諾顏部親王德沁扎布扎薩克

台吉阿保吹木丕勒牧錯處不便應令所屬以納壘察罕和賴西  
伊克鄂拉等處爲界就推河鄂羅克諾爾和爾博爾津阿爾察喀  
喇托輝東伊克鄂拉山陰度濟迤西游牧從之乾隆元年遵

旨議駐兵備邊請選內地兵萬駐鄂爾坤三千駐烏里雅蘇臺伺  
賊蹤決進止選西三部兵萬車臣汗部兵五千以三千分駐偉袞  
特里默及台錫里餘萬二千令副將軍扎薩克等訓練備調至扎  
布堪台錫里腔格特斯四地請仍設內汛令蒙古游牧無踰察罕  
和羅畢畱台齊老圖色楞額

上以言多可採示廷臣是年

命駐防偉袞特里默

賜貂冠及裘五年五月定所部游牧自鄂爾海取中南以博羅椿  
濟塔爾喇布喀岱罕諾爾黨納爾台圖穆爾哈巴沙喇布里都奇  
齊格納阿魯通津鄂倫諾爾達蘭圖魯北以額德爾齊德爾伯勒  
齊爾準舒瑪勒台桑錦達賚喀喇塔爾阿勒坦噶達蘇爲界

諭嚴飭屬人毋越汛十月偕策梭等議烏里雅蘇臺及鄂爾坤專  
用喀爾喀兵駐防從之六年卒子巴勒達爾襲

二次襲巴勒達爾格埒克延丕勒長子乾隆六年襲扎薩克多羅  
郡王七年來朝

諭曰扎薩克汗號尙未承襲已召郡王巴勒達爾偕原封扎薩克  
圖汗策旺扎布兄孫輔國公多岳特入覲朕思策旺扎布身獲重

譴兼之子嗣而格埒克延丕勒自襲汗以來效力軍營甚屬奮勉  
其子自應承襲況多岳特又非應襲汗號之人其扎薩克圖汗仍  
著郡王巴勒達爾承襲是年冬授盟長十三年所屬有多爾濟者  
匿厄魯特逃人察岱歲餘巴勒達爾始縛獻額駙策梭劾不嚴緝  
賊罪

詔免議十七年偕副都統達青阿以兵三千駐防鄂爾海喀喇烏  
蘇十八年獻駝馬助軍十九年以杜爾伯特部台吉車凌車凌烏  
巴什車凌蒙克等率屬降爲喀爾喀人所虐

詔偕土謝圖汗部扎薩克台吉達什丕勒駐巴雅特防護之未幾  
車凌蒙克子巴朗叛逃巴勒達爾馳報烏里雅蘇臺軍分路追緝

獎賜冠服及幣

諭仍駐巴雅特二十一年和托輝特逆賊青衮咱卜叛檄杜爾伯特兵赴軍青衮咱卜揚言將盡擒喀爾喀王公治罪巴勒達爾以游牧密邇和托輝特懼禍私歸

上鑒其無他

詔定邊左副將軍親王成衮扎布諭勿疑懼令協勦青衮咱卜冬授所部副將軍二十三年來朝

命乾清門行走二十五年扈

駕木蘭行圍

命之射



賜三眼孔雀翎及黃馬褂三十年

命御前行走三十二年

賜杏黃轡三十五年卒子齊旺巴勒齋襲

三次襲齊旺巴勒齋巴勒達爾長子初授一等台吉

賜公品級乾隆二十五年扈

駕木蘭行圍

賜孔雀翎二十八年署盟長二十九年

賜黃馬褂三十二年

命乾清門行走三十三年轄烏里雅蘇臺軍營學舍三十五年襲

扎薩克圖汗兼多羅郡王尋授盟長四十年

賜三眼孔雀翎四十三年

賜其子貝喇特納公品級四十六年

諭曰扎薩克圖汗號因策旺扎布獲罪削爵伊族弟格埒克延丕勒承襲至齊旺巴勒齋襲已三世其郡王爵又係齊旺巴勒齋始祖朋素克喇布坦來歸時所封俱著恩予世襲罔替五十六年以病罷子布尼拉忒納襲

四次襲布尼拉忒納齊旺巴勒齋長子乾隆五十六年襲扎薩克圖汗兼多羅郡王

國朝通志卷之四十一

七

附 輔國公格色克列傳 今襲公品級  
三等台吉

格色克原封扎薩克圖汗策旺扎布兄沙喇之第三子借兄巴朗  
恭格爲噶勒丹所逼居阿爾台山陽康熙二十九年來歸居烏蘭  
三十年四月

上幸多倫諾爾會巴朗恭格相繼歿格色克幼不赴因封其叔父  
策旺扎布親王爵代掌部眾十月格色克隨母布尼達喇赴訴

京師

諭曰舊扎薩克圖汗沙喇之子格色克被噶勒丹所虐逃難來歸  
雖於多倫諾爾會閱時未至念伊先世通貢有年伊父無辜被殺  
其子又僅留格色克一人朕甚憫之著加恩封輔國公四十一年

來朝乾隆十七年卒子多岳特襲

一次襲多岳特格色克長子乾隆十七年襲輔國公二十年大軍  
勦達瓦齊以軍營所用馬由喀爾喀購未至定邊左副將軍親王  
成衮扎布恐後期檄由烏里雅蘇臺督解科布多多岳特私攜所  
解馬歸牧成衮扎布劾之

詔削爵仍解馬贖罪二十二年隨賽因諾顏部郡王卓木楚克扎  
布招降烏梁海宰桑博和勒納木扎勒等單騎赴濟伯拉克堡偵  
賊爲所窘不屈歸

詔嘉之授三等台吉

賜公品級二十三年烏梁海總管阿拉善攜戶百餘叛逃多岳特

隨車木楚克扎布追擒有車根者亦烏梁海總管也縛獻阿拉善收其眾二十四年以隨賽因諾顏部郡王車布登扎布赴伊犁追捕嗎哈沁不力

訓飭之二十六年解軍需赴伊犁濟貝子額爾克沙喇軍四十六年理藩院議多岳特所封公品級例弗予襲

諭曰三等台吉多岳特原襲伊父格色克輔國公爵因獲罪後在軍營效力又招降烏梁海朕復施恩賜公品級雖於例不應承襲但削除朕復不忍俟出缺時詳察有無功過另降諭旨四十八年卒

詔其子幹珠爾扎布襲公品級三等台吉尋

諭曰幹珠爾扎布之祖格色克係舊扎薩克圖汗沙喇之子

聖祖仁皇帝格外加恩封輔國公格色克卒朕命多岳特襲嗣因  
自蹈愆尤旋知悔懼復賜公品級今伊已卒若卽將公品級削除  
祇令幹珠爾扎布承襲原有三等台吉朕實不忍是以加恩仍令  
襲公品級俟出缺時再行奏聞請旨

二次襲幹珠爾扎布多岳特長子乾隆四十八年襲公品級三等  
台吉五十二年

賜孔雀翎

國朝耆獻類徵初編卷首之七十五

通奉大夫前署江西巡撫江西布政使司布政使臣李桓恭錄  
欽定外藩蒙古回部王公表傳卷之六十三

傳第四十七

扎薩克多羅貝勒根敦列傳

今襲郡王品級

根敦喀爾喀部人姓博爾濟吉特扎薩克圖汗格埒克延丕勒族  
祖號額爾克岱青祖碩壘烏巴什父杭圖岱世爲琿台吉居和托  
輝特杭圖岱兄曰俄木布額爾德尼有子額璘沁以和托輝特兵  
戕其汗王舒克奔厄魯特見扎薩克圖汗傳蓋和托輝特爲喀爾  
喀極邊西近厄魯特北近俄羅斯俗喜鬪烏梁海復錯處其閒捕



貂射獵依木而居納賦和扎輝特有事則籍之爲兵故和託輝特雖隸扎薩克圖汗實自爲一部康熙二十五年尙書阿喇尼奉命赴庫倫伯勒齊爾荏喀爾喀盟以和托輝特自額璘沁西奔久無主承

敕授根敦扎薩克使領其眾二十七年噶勒丹侵所部根敦徒屬避色楞額河自引兵擊走噶勒丹將濟喇克偉喀什哈等二十八年所部齊巴克塔爾及諾木齊扎朗阿伊爾扎海等附噶勒丹逸走根敦追執之收其戶畜乘勝由杭愛山趨阿爾台斬噶勒丹將察罕台吉及烏爾袞而還三十二年遣達爾漢諾顏獻捷先是上以眾喀爾喀內附獨根敦與其族錫布推哈坦巴圖魯爲噶勒

丹所阻不得歸根敦復轉戰數載貢表久不至

詔遣人閒道往諭令偕錫布推哈坦巴圖魯內徙至是根敦使至  
奏由色楞額河南徙杭愛山

上嘉悅厚賚其使三十三年四月以錫布推哈坦巴圖魯既內徙  
根敦弗至

遣官赴圖拉河約錫布推哈坦巴圖魯往召之九月根敦遵

諭至

詔封多羅貝勒仍兼扎薩克三十四年

命偵噶勒丹

詔所至備給馬會噶勒丹掠巴顏烏蘭根敦復被阻居色楞額河

尋移牧齊斯希部三十五年五月

上親征噶勒丹遣土謝圖汗部輔國公車木楚克納木扎勒屬齋書赴額格穆爾布爾哈蘇臺諭根敦令協剿有阿喇布坦者噶勒丹戚族也根敦擊其眾盡降之六月大將軍費揚古遣人由齊斯希特克木齊克往迎根敦九月至自博羅罕請追擒噶勒丹

獎賜冠服三十六年獻所降阿喇布坦人戶是年卒子松津僧格降襲輔國公

一次襲松津僧格根敦長子康熙三十六年襲扎薩克輔國公四  
十三年卒無嗣根敦嗣子博貝降襲扎薩克一等台吉四十四年  
所屬人穆庫爾等請以博貝襲輔國公

諭曰貝勒根敦子松津僧格曾經承襲輔國公爵因伊身故令根敦嗣子博貝以扎薩克台吉管理旗務今屬人又請承襲公爵朕念根敦從征噶勒丹懋著勤勞著加恩卽令博貝襲扎薩克輔國公

二次襲博貝根敦嗣子初授侍衛康熙四十三年襲扎薩克一等台吉四十四年襲輔國公五十四年七月隨大軍赴推河防禦策妄阿喇布坦因言準噶爾不靖特烏梁海障之乞往招若抗卽以兵取扎薩克台吉濟納彌達阿哩雅及根敦羅卜藏兵俱習戰請與同往

上聽其議從之九月烏梁海頭目和羅爾邁率屬降先是和羅爾

國朝通志卷之七十一  
二十一  
邁居吹河嘗以越界射獵爲博貝縛獻

上宥其罪諭還巢至是將遣子瑚洛虎納請降博貝至因遷其游牧赴特斯冬和羅爾邁邁博貝追至呼爾罕什巴爾執之還五十六年三月大軍分路勦準噶爾

上知博貝勤慎

諭借署副都統常關保由布魯勒趨博羅布爾噶蘇自爲一路七月敗賊眾於和特克什里及額訥特珂克擒宰桑羅卜藏錫喇布奇爾薩噶勒等以歸五十九年隨征西將軍祁里德由鎰格爾河擊宰桑色布騰降其屬二千餘並擒烏梁海逃眾四百封多羅貝勒籍準噶爾降眾

賜之雍正二年正月來朝

諭廷臣曰朕詢貝勒博貝管轄烏梁海何以資生據奏在將軍祁里德處借餉一萬八千餘兩買牲分給各得產業今勝於昔所有借項伊自以貝勒俸逐年扣抵朕思博貝宣力戎行動績卓著且烏梁海均朕百姓豈有朕之百姓而借餉於朕之理所借銀兩著不必扣還諭祁里德知之二月以徹兵

諭偕親王丹津多爾濟額駙策楞爲所部副將軍畱駐阿爾台尋賜博貝軍用正白旗纛三年和羅爾邁復遁由阿哩克竄準噶爾界博貝遣次子額璘沁由托濟邀擒而自赴克木克木齊克緝叛黨誅之四年正月偕策凌赴阿爾台勘界初厄魯特與喀爾喀未

構兵時錯處科布多烏蘭固木噶勒丹既滅喀爾喀西境直抵阿爾台故自唐努山陰之克木克木齊克至博木等處皆博貝及來歸之厄魯特貝子策凌旺布所屬烏梁海游牧其地至是策妄阿喇布坦奏克木克木齊克舊隸準噶爾乞還

上弗許慮伺閒掠烏梁海

詔博貝率所部兵千隨前鋒統領定壽駐唐努山陽特斯地防護之尋

諭理藩院曰朕詳思克木克木齊克烏梁海皆博貝等所屬和羅爾邁既已就擒交博貝撫恤居之公所但念此等人向在喀爾喀邊外林木中射獵爲生與準噶爾所屬烏梁海接壤又與俄羅斯

連界宜令博貝等同大臣前往曉諭令自爲預備以防不虞著傳  
諭博貝知之八年卒子二長班第襲貝勒子青衮咱卜嗣次額璘  
沁封輔國公子旺布多爾濟嗣後以青衮咱卜叛誅旺布多爾濟  
襲貝勒

三次襲班第博貝長子雍正八年襲扎薩克多羅貝勒九年十一  
月

上以親王丹津多爾濟額駙策楞旣敗準噶爾於蘇克阿勒達呼  
馳疏告捷不列班第名恐駐牧被擾

詔順承親王錫保傳諭班第令東徙十二月錫保奏遵

旨遣詢班第知前因準噶爾入掠山原駐桑錦達賚東遷額格地



偵賊敗遁由額格至色楞額河同扎薩克根敦等駐牧南北兩岸  
嶺峻林密兼河流深闊據要害可禦敵報

聞十二年獻駝馬助軍大將軍平郡王福彭與之值辭不受乾隆  
二年卒子青衮咱卜襲後以謀叛伏誅故不立傳仍載其事附班  
第傳青衮咱卜既襲扎薩克多羅貝勒授所部副將軍八年以怠  
玩爲額駙策楞所劾

諭曰朕聞青衮咱卜凡事怠惰並不赴軍營效力去歲察閱所部  
防秋兵伊係副將軍所屬兵丁器械全不整飭又將伊本身開入  
軍營行走之列希圖雙俸經策楞察出除名嚴行訓誡喀爾喀副  
將軍有統轄全部之責爲眾蒙古表率豈可稍有怠玩苟且因諭

策楞傳旨詢問伊俯首無詞理應治罪但既自知其罪姑行寬免  
飭令嗣後加意奮勉效力贖罪十三年請以其叔父公品級一等  
台吉額璘沁別授扎薩克

許之十六年

諭曰青衮咱卜縱所屬人私出汛界與準噶爾回眾貿易以致潛  
居烏梁海甚屬疎懈且於特諭擒解之喇嘛扎木剛尙未解到怯  
懦推諉深負朕恩著革副將軍及扎薩克貝勒爵朕親額璘沁人  
才出眾著襲扎薩克多羅貝勒但念青衮咱卜係博貝長孫一旦  
全削朕心殊爲不忍著卽以額璘沁所遺公品級扎薩克台吉職  
令其調補十九年二月隨參贊大臣薩拉爾由控裕進屯卓克索

招撫烏梁海尋以額璘沁調赴逗遛獲罪

詔仍授青衮咱卜扎薩克貝勒原爵九月隨參贊大臣努三以兵  
千擊烏梁海宰桑赤倫於阿勒和碩謀遁吹河由喀喇莽奈追擒  
之盡降其眾令所屬台吉班扎喇克察徙之特斯偉衮地十二月  
敘功晉封郡王品級復授所部副將軍十二年三月大軍赴伊犁  
勦達瓦齊青衮咱卜引兵先進

賜三眼孔雀翎四月以招降烏梁海宰桑齊巴漢等

賜佩飾諸物六月至伊犁借賽因諾顏部郡王納木扎勒齊素朮  
等收達瓦齊游牧獲其孥屬並喇嘛六千餘是月緝新降烏梁海  
旗分補授總管以青衮咱卜習烏梁海情

命總轄之先是杜爾伯特車凌蒙克子巴朗叛逃青衮咱卜追至和通鄂博率兵還言巴朗由西路額璘哈畢爾噶遁以故追之不及至是巴朗就擒青衮咱卜言盡妄

諭責之達瓦齊就擒大軍旋以舊屬準噶爾之烏梁海散居汗哈屯等處

命青衮咱卜往諭降八月宰桑哈爾瑪什瑪濟岱納木扎勒保衮莽噶拉克納穆克布珠庫鄂木布等相繼降九月

諭率烏梁海兵隨參贊大臣哈達哈勦叛賊阿睦爾撒納青衮咱卜請選兵五萬俟來歲進剿

諭曰前聞青衮咱卜諸事迎合阿逆曾降旨擒治念其情尚可恕

旋諭停止以觀後效今詢阿逆屬人供稱青衮咱卜實有以班第薩拉爾奏參之處通信阿逆伊既從中漏洩則聞其叛逆遁心必懼見今所請派兵進剿之說不過藉此姑延時日著傳諭哈達哈達前旨擒解來京方大軍之剿達瓦齊也青衮咱卜與阿睦爾撒納同隊交甚暱定北將軍班第參贊大臣薩拉爾密奏阿睦爾撒納逆狀青衮咱卜微聞之私以告阿睦爾撒納叛青衮咱卜潛遣烏梁海人諾爾布丹津赴阿睦爾撒納所至是事發故有擒解之命未幾

上追念其招撫烏梁海功宥勿究會烏梁海僞傳阿逆煽哈薩克阿布賚汗入寇仍

命青衮咱卜以參贊大臣隨哈達哈進剿二十一年五月大軍抵烏梁海青衮咱卜私攜所部兵還牧且遣人赴烏里雅蘇臺軍煽眾喀爾喀令散歸蓋自青衮咱卜屢干重譴

上不忍寘之法

恩宥者三至是叛迹顯著不可復道

諭廷臣曰青衮咱卜受朕恩最深去歲將軍大臣奏參阿逆伊敢私自漏洩百計趨承以致阿逆趾高氣揚肆行無忌後於追緝之時觀望退縮妄言必得兩路出師五萬方可追擒種種乖謬措不勝屈前此屢欲擒治念伊祖博貝夙著勤勞施恩寬宥今無故自軍營擅歸又揚言額璘沁多爾濟達木巴扎布等治罪之後取心

疑懼而喀爾喀數年以來皆以用兵爲累以其怨望之私託爲他人之說妄行瀆奏藐法已極斷難姑容必當明正典刑以示懲戒著傳諭舒明阿蘭泰如已歸游牧可諭哈達哈等旋師往勦如至舒明所駐地方卽降旨擒解七月

宣諭喀爾喀王公等曰青衮咱卜係獲罪斥革之人復加恩令襲貝勒並授副將軍去歲從征伊犁封授郡王伊稍有人心自當圖報孰意深負朕恩實出情理之外此次辦理烏梁海授爲參贊子以自新之路伊至烏梁海並未擒獲鄂木布郭勒卓輝等卽徹兵還雖自有哈達哈率兵往勦伊卽退還無關輕重但旣爲參贊並不奏請諭旨亦未咨報將軍率兵擅還律以軍法罪不容誅且妄

造浮言煽惑眾聽其心實不可問試思辦理準噶爾一事原爲喀爾喀經理長久之計命將興師以期一勞永逸然選派爾部官兵俱經賞給錢糧米石購辦牲畜何次不給價值而伊乃謂以連年用兵爲累是誠何心至軍營賞罰乃國家憲典所必行達木巴扎布係管理杜爾伯特游牧之人縱令巴朗遁走諱匿不報額璘沁多爾濟監視阿逆來京明知叛逆已著袖手旁觀致令兔脫二人情罪斷無可逭然猶不忍加以顯戮令其自裁此而曲爲寬貸國法何在伊乃謂青吉思汗裔向不治罪此語舛謬更甚如朕宗室中有犯刑章者朕又何嘗廢法耶至於稍知奮勉如巴雅爾什第桑齊多爾濟及車布登扎布等則優封顯秩賜賚便蕃伊甯不聞



之耶本應除其屬眾削其封爵朕始終眷念舊勳不忍遽令漸滅  
所有貝勒爵仍著施恩以額璘沁之子輔國公旺布多爾濟承襲  
先是眾喀爾喀爲青衮咱卜所煽或棄汛私歸或乘閒肆劫青衮  
咱卜又分遣其黨誘厄魯特貝子朋素克公丹拜及烏梁海總管  
赤倫達克等與同叛及聞

諭無不悔悟乞罪八月

詔以賽因諾顏部親王成衮扎布爲定邊左副將軍率師往擒會  
哲卜尊丹巴呼圖克圖以青衮咱卜悔罪乞宥具奏

詔弗許青衮咱卜窘懼爲擁兵自衛計脅所屬伊克和托輝特巴  
噶和扎輝特明噶特哈柳沁托斯奢集努特六鄂拓克及烏梁海

十六鄂拓克附己大兵至皆棄去青衮咱卜攜孥由托濟走齊斯  
吉特謀遁俄羅斯十一月成衮扎布遣參贊大臣納木扎爾率輕  
騎往追至杭哈獎噶斯擒青衮咱卜及其子齊蘇隆多爾濟齊旺  
扎布巴里械送

京師二十二年正月伏誅諸子皆連坐

旨宥其幼子巴里

諭曰逆賊青衮咱卜親屬理應槩予駢誅但念伊祖母原封貝勒  
博貝之妻巴勒津年踰八旬孤苦無依博貝曾著勞績不忍令其  
絕嗣著加恩令巴里與之同居免其正法以示朕格外優卹至意  
四次襲旺布多爾濟博貝次子額璘沁之子額璘沁初授二等台

口雍正五年隨父博貝追擒烏梁海逃人和羅爾邁於托濟降其  
年八年赴科布多軍九年大軍擊準噶爾於蘇克阿勒達呼額璘  
沁由烏爾袞拔勒大敗之十年復敗之於克爾森齊老乾隆八年  
晉一等台吉尋

賜公品級十二年

命轄烏梁海降眾十三年授扎薩克十四年烏梁海降人巴黨遁  
有烏勒木濟者馳告旺布多爾濟追至賈替伯勒齊爾盡擒還理  
藩院議雖擒獲究因疏懈所致停敘功

上以旺布多爾濟聞信疾追奮勇可嘉

賜幣尋授二等台吉十六年青衮咱卜坐縱屬私與準噶爾互市

罪削貝勒

詔額璘沁代襲其爵卽

命議定烏梁海出入汛界例十七年授所部副將軍參贊

詔隨參贊大臣達青阿等以兵三千赴錫喇烏蘇駐防十八年達青阿緝擅入內汛之宰桑禡木特定邊左副將軍親王成袞扎布檄額璘沁偕車臣汗部公格勒克巴木丕勒助之額璘沁以馬疲弗至禡木特逸成袞扎布覈其逗遛應削爵

諭曰額璘沁原係二等台吉朕因其人材出眾行走奮勉授一等台吉復賜公品級嗣因伊兄子青袞咱卜獲罪奪貝勒爵令額璘沁承襲伊自宜感激隆恩益加奮勉乃奉將軍調遣託故不前理

應治罪但念伊父博貝舊有勞績仍賞公品級畱軍營效力其貝勒爵仍以青衮咱卜襲之伊等若知朕恩效力自贖朕亦不究前愆否則必重治其罪十九年二月隨參贊大臣薩拉爾擒禡木特黨扎木闕等薩拉爾奏額璘沁悔罪奮勉

詔封輔國公九月率兵千餘隨薩拉爾勦撫烏梁海宰桑察達克車根等於察罕烏蘇十月復擊宰桑禡木特及通瑪木特降之尋命率兵二百赴圍蘇爾勒軍營聽調二十年二月行至松樹塘病卒

諡曰額璘沁所封輔國公原非應襲之爵但念伊雖未至軍營中途溘逝亦屬可憫著加恩以旺布多爾濟襲時旺布多爾濟隨征

西路大軍進剿達瓦齊抵伊犁達瓦齊就擒旺布多爾濟偕賽因諾顏部貝勒車木楚克扎布引所部兵千餘還尋以阿睦爾撒納叛隨定西將軍策楞由博囉塔拉進剿

賜孔雀翎二十一年四月

遣歸游牧七月青衮咱卜叛

詔旺布多爾濟就近擒獻

諭曰逆賊青衮咱卜背恩叛逆所襲之爵自不應復令承襲但念此爵本係博貝所襲且效力有年不忍遽削著加恩卽令旺布多爾濟晉襲青衮咱卜所屬盡轄之九月

諭旺布多爾濟爾必無與逆賊同謀之事朕可深信昨據貝勒車

登扎布屬人告稱逆賊令遷爾游牧爾雖聽從並非有心附之今大兵已抵和托輝特爾若能擒獻朕必加重賞否卽率屬速赴軍營旣可永受朕恩且不墮爾祖博貝舊勳況青衮咱卜屬人不過脅從若棄之來歸槩免治罪爾其熟思審慮善自爲計毋貽後悔十一月旺布多爾濟隨參贊大臣納穆扎爾協擒青衮咱卜

賜雙眼孔雀翎尋量給青衮咱卜所屬人戶二十二年五月授副盟長六月隨大軍由巴里坤擒準噶爾叛賊泥瑪於阿爾察圖山諭獎其功

賜郡王品級十一月卒於軍時土謝圖汗部一等台吉三濟扎布亦以疾卒將軍親王成衮扎布以

聞

諭曰旺布多爾濟及三齊扎布久駐軍營黽勉行走前曾降旨令歸游牧休息今已溘逝深堪憫惻著加恩以旺布多爾濟之子車都布襲貝勒仍賞郡王品級賜銀五百兩治喪三齊扎布之一等台吉亦令伊子三都布多爾濟承襲並賞公品級賜銀三百兩治喪

五次襲車都布旺布多爾濟長子乾隆二十二年襲郡王品級扎薩克多羅貝勒二十三年以烏梁海叛賊恩克就擒賜銀幣二十四年扈

駕木蘭行圍



賜雙眼孔雀翎

命乾清門行走二十九年授盟長三十年

賜黃馬褂三十五年授所部副將軍四十六年

諭曰車都布所襲貝勒原因博貝軍營效力由輔國公晉封之爵著加恩世襲罔替其郡王品級係因車都布之父旺布多爾濟效力所加出缺時朕不忍卽行削除是以仍令承襲但卽令世襲罔替於例又不可行著暫令承襲如故俟出缺時再行請旨五十年卒子成敦扎布襲

六次襲成敦扎布車都布長子乾隆五十年襲郡王品級扎薩克

多羅貝勒

國朝耆獻徵初編卷首之七十六

通奉大夫前署江西巡撫江西布政使司布政使臣李桓恭錄  
欽定外藩蒙古回部王公表傳卷之六十四

傳第四十八

扎薩克多羅貝勒卓特巴列傳

今襲鎮國公

卓特巴喀爾喀部人姓博爾濟吉特扎薩克圖汗格埒克延丕勒  
族祖父烏巴岱爲賚瑚爾汗次子號達爾瑪什哩琿台吉子二長  
卽卓特巴襲達爾瑪什哩號次諾木齊子額爾德尼袞布授扎薩  
克台吉別有傳康熙十四年卓特巴遣使入貢二十一年

命前鋒參領扎木素等往賚冠服佩帶弓刀器幣二十五年以扎

薩克圖汗成衮與土謝圖汗察琿多爾濟構釁

命卓特巴遁之修好二十六年成衮子沙喇謀糾噶勒丹攻察琿  
多爾濟卓特巴偕同族台吉德克德赫與其謀從沙喇迎噶勒丹  
尋爲察琿多爾濟所追德克德赫被殺卓特巴遁二十九年偕沙  
喇子巴朗率屬來歸授扎薩克

賜居歸化城同族台吉喇布坦納木扎勒鄂齊爾冰圖岱青等相  
繼降

命轄之

賜粟賑所屬貧戶三十年四月

賜幸多倫諾爾卓特巴弗至首遵義台吉朋素克耆額爾德尼衮

布從子也嗣父阿海岱青爲所部扎薩克時以疾卒卓特巴率台吉桑噶斯轄布掠其牧額爾德尼衮布懇請

朝

詔奪扎薩克職九月服罪來朝

詔封多羅貝勒仍授扎薩克尋以乏食

賜粟賑之三十二年卒子二長薩穆多爾濟襲貝勒次喇布坦授扎薩克台吉別有傳

一次襲薩穆多爾濟卓特巴長子康熙三十一年襲扎薩克多羅貝勒三十五年卒子諾爾布班第襲

二次襲諾爾布班第薩木多爾濟長子康熙三十五年襲扎薩克

多羅貝勒尋

賜牧塔爾彌克哩葉庫布帖爾四十年

賜黃馬褂杏黃轡五十九年隨振武將軍傅爾丹由布魯勒進剿  
準噶爾至格爾額爾格擒宰桑貝坤等百餘人焚其糧於烏蘭呼  
濟爾軍旋赴汗空奎烏伯爾賽堪呼拉濟駐防雍正十二年以縱  
屬奪軍糧議罪

詔降扎薩克鎮國公尋卒子齊巴克扎布先卒孫旺扎勒襲

三次襲旺扎勒諾爾布班第孫雍正十二年襲扎薩克鎮國公十  
三年由哈魯納解牲畜納科布多軍營乾隆十七年卒子瑪哈巴  
拉襲

四次襲瑪哈巴拉旺扎勒長子乾隆十七年襲扎薩克鎮國公三  
十六年扈

駕木蘭行圍

賜孔雀翎四十六年

諭曰瑪哈巴拉所襲鎮國公係其祖諾爾布班第獲罪降襲之爵  
著恩予世襲罔替五十年以公事託病不往有心推諉削爵子貢  
楚克多爾濟襲

五次襲貢楚克多爾濟瑪哈巴拉次子乾隆五十年襲扎薩克鎮  
國公



扎薩克固山貝子博貝列傳

今襲輔國公

博貝喀爾喀部人姓博爾濟吉特扎薩克圖汗格埒克延丕勒從叔父祖策哩斯奇布賽因阿海爲車臣濟農崆奎次子生巴喇斯騰額哩陀音號察罕巴爾子二長卽博貝仍父號次班第號阿海岱青駐牧唐努翁努山界康熙二十七年博貝率屬來歸命游牧烏喇特界內庫噶謨多二十八年授扎薩克

遣官頒示法度俾輯所屬失業者二十九年來朝先是博貝奉貢至奏喀爾喀習尙隳必敗亡彼時臣必來歸至是

上憶前奏嘉其先見

賜賚甚厚三十年迎



觀多倫諾爾

詔封固山貝子仍兼扎薩克初博貝弟班第爲厄魯特羅卜藏額  
璘沁罕篤所掠奔青海有達賴巴圖爾者青海和碩特族也遣歸  
喀爾喀畱其孥百餘育之至是班第具疏自陳

上因喇嘛商南多爾濟奉使青海

命攜歸使完聚四十二年博貝卒子烏巴什降襲鎮國公

一次襲烏巴什博貝長子康熙四十二年襲扎薩克鎮國公雍正  
二年以縱厄魯特叛賊車木伯勒議罪削爵

命其弟旺舒克襲

二次襲旺舒克博貝次子雍正二年襲扎薩克鎮國公十年以同

部輔國公通謨克游牧被準噶爾

詔察閱旺舒克及扎薩克輔國公喇勒桑色旺鄂木布濟等牧地均給糧茶乾隆三十一年以病罷十拉旺多爾濟降襲輔國公三次襲拉旺多爾濟旺舒克長子乾隆三十一年襲扎薩克輔國公四十六年

諭曰拉旺多爾濟所襲輔國公係由初封貝子降等承襲著加恩世襲罔替四十九年以病罷子達布拉車琳襲

四次襲達布拉車琳拉旺多爾濟長子乾隆四十九年襲扎薩克輔國公

圖書集成醫部全錄

卷

扎薩克輔國公索諾木伊斯扎布列傳

索諾木伊斯扎布喀爾喀部人姓博爾濟吉特郡王朋素克喇布坦從弟祖策璘楚琥爾爲車臣濟農崆奎長子生子多爾濟仍車臣濟農號子一卽索諾木伊斯扎布喀爾喀舊俗汗最貴濟農次之諾顏又次之多爾濟以與扎薩克圖汗成袞隙失濟農號代之者爲額爾德尼濟農薩瑪第卽朋素克拉布坦父康熙二十七年索諾木伊斯扎布率屬由和碩托輝來歸

命居歸化城三十年迎

覲多倫諾爾與朋素克喇布坦爭濟農

詔除濟農舊號授索諾木伊斯扎布扎薩克一等台吉有格甯者

號伊勒登和碩齊其弟也避噶勒丹徙居青海至是率戶百餘來歸乞與索諾木伊斯扎布同居

詔令完聚是年冬來朝三十五年隨大將軍費揚古擊噶勒丹於昭莫多敗之噶勒丹遁請隨侍衛阿南達沿途追緝

允之三十六年偕弟格甯分駐布隆吉爾巴里坤噶斯等處噶勒丹竄斃敘功

### 詔封輔國公

賜牧伊克敖拉里克察罕郭勒五十六年卒子噶勒桑色旺襲

一次襲噶勒桑色旺索諾木伊斯扎布長子康熙五十七年襲扎

薩克輔國公雍正十年以同部輔國公通謨克游牧被掠

詔均頒給糧茶乾隆二年卒子旌準多爾濟襲

二次襲旌準多爾濟噶勒桑色旺長子乾隆二年襲扎薩克輔國公二十三年卒子拉沁蘇隴襲

三次襲拉沁蘇隴旌準多爾濟長子乾隆二十三年襲扎薩克輔國公四十六年

諭曰拉沁蘇隴所襲扎薩克輔國公爵係其祖索諾木伊斯扎布效力軍營所封著加恩世襲罔替

國朝三才圖會卷之二十一

--	--	--	--	--	--	--	--	--	--

扎薩克輔國公衮占列傳

衮占喀爾喀部人姓博爾濟吉特扎薩克郡王朋素克喇布坦從叔父祖賽因巴特瑪號哈坦巴圖爾居額爾濟根子車凌衮布嗣哈坦巴圖爾號有子二長卽衮占號額爾德尼哈坦巴圖爾次諾爾布愷號額爾德尼岱青康熙二十七年噶勒丹掠喀爾喀抵杭愛山衮占以兵拒之爲所敗攜眾來歸

命游牧茂明安界外蘇默圖格爾二十八年授扎薩克

遣官頒示法度俾輯所屬失業者三十年迎

覲多倫諾爾

詔授一等台吉仍兼扎薩克三十一年



詔發粟賑所屬貧戶有伊拉古克三呼圖克圖者奉使諭噶勒丹  
至則叛降隨噶勒丹掠烏珠穆沁克什克騰諸部界大軍敗之於  
烏蘭布通伊拉古克三呼圖克圖潛遣黨入遊伺覈衮占縛以獻  
詔獎之三十五年夏隨大將軍費揚古擊噶勒丹於昭莫多大敗  
之冬

上幸歸化城衮占自軍營來朝

賜牧杭愛山陰之額德爾齊老圖五十年來朝請駐邊巡哨

諭曰爾自來歸以來奮勉效力屢著勤勞行走甚屬敬慎今業已  
年高於爾部中爲尊行肫誠盡力至老不衰朕甚念之著加恩封  
爾爲輔國公以示優眷五十二年卒子二長伊達木扎布授扎薩

克台吉別有傳次敏珠爾襲輔國公

一次襲敏珠爾袞占次子康熙五十一年襲扎薩克輔國公五十四年散秩大臣祁里德赴推河防禦準噶爾

上念敏珠爾遠居邊勢稍弱

詔給軍符令有警輒馳報仍下廷臣議駐防策尋議令祁里德會喀爾喀眾扎薩克於敏珠爾所居額德爾齊老圍附近額克阿喇勒科布多烏蘭固木各擇適中地有水草可耕者移兵屯駐以壯聲援兼護敏珠爾游牧

詔如議雍正九年

命內徙游牧乾隆二年授所部副將軍參贊五年

諭由多倫諾爾送哲卜尊丹巴呼圖克圖歸居庫倫會敏珠爾以屬台吉特克什等牧產損各扎薩克助之卒不給請毋越綽克圖視可漁獵地暫外徙額駙親王策楞代奏

上以準噶爾議界未定弗許是年敏珠爾卒子策噶布襲

二次襲策噶布敏珠爾長子乾隆五年襲扎薩克輔國公九年卒無嗣弟多岳特多爾濟襲

三次襲多岳特多爾濟敏珠爾第三子乾隆九年襲扎薩克輔國公二十一年卒無嗣弟敏丕木多爾濟襲

四次襲敏丕木多爾濟敏珠爾第四子乾隆二十一年襲扎薩克輔國公三十七年扈

駕木蘭行圍

賜孔雀翎四十一年護哲卜尊丹巴呼圖克圖赴西藏四十四年  
赴汗哈屯察罕烏蘇巡邊四十六年

諭曰敏丕木多爾濟所襲扎薩克輔國公係其祖衮占軍營奮勉  
所封著加恩世襲罔替是年卒子齊旺達什襲

五次襲齊旺達什敏丕木多爾濟長子乾隆四十六年襲扎薩克

輔國公

廣東通志卷之九十四

十一

國朝耆獻類徵初編卷首之七十七

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之六十五

傳第四十九

扎薩克輔國公通謨克列傳

通謨克喀爾喀部人姓博爾濟吉特扎薩克圖汗格埒克延丕勒族叔父其高祖青達瑪尼默濟克號車臣諾顏子二長唐古特墨爾根岱青次多爾濟阿喇布坦伊勒登唐古特墨爾根岱青子本塔爾岱青巴圖爾有子三長墨德卓哩克圖卽通謨克父次徹埒克追封輔國公次巴克蘇木孫普爾普車凌授扎薩克台吉別有

傳多爾濟阿喇布坦伊勒登子納克額爾德尼阿海生達什敦多  
布授扎薩克台吉居青海見青海厄魯特部總傳初噶勒丹掠所  
部墨德卓哩克圖族潰奔青海康熙四十三年乞還牧喀爾喀  
許之

詔授一等台吉

賜牧阿爾台額爾齊斯烏隴貴界五十三年卒子通謨克嗣一等  
台吉

詔授扎薩克以所居近烏梁海

命轄之五十六年大軍由阿爾台進剿準噶爾通謨克隨前鋒統  
領定壽先往擊之

賜諭嘉獎時策妄阿喇布坦遊牧博羅塔拉以額琳哈畢鄂博爲  
要隘通謨克居邊久悉賊勢虛實

上知其能

詔隨土謝圖汗部貝勒丹津多爾濟赴巴里坤援剿雍正二年青  
海逆賊羅卜藏丹津叛通謨克隨副將軍阿喇納駐布隆吉爾偵  
賊黨阿喇布坦蘇巴泰等據喀喇諾爾路肆掠偕總兵孫繼宗往  
捕至推默爾賊敗遁復偕副都統阿玉什追縛其黨丹津以獻  
詔嘉之晉封輔國公八年靖邊大將軍傅爾丹以通謨克遊牧偏  
阿濟畢濟慮爲準噶爾所侵奏遣前鋒統領定壽副都統瑪爾齊  
喇錫等由庫卜克爾屯兵伊克斯諾爾通謨克偕所部郡王格埒



克延丕勒督兵千駐塔爾彌阿魯諾互爲聲援九年賊酋大策凌  
敦多布等偵我師還駐科布多由阿濟掠通謨克牧其屬多潰析  
上憫之

諭總督查郎阿察置務令得所復

遣官慰諭十年

詔移其衆於阿拉善頒糧茶給之查郎阿奏通謨克屬業盡失無  
食居請增給口糧理藩院議遣員攜帑二萬往賞并給一年口糧  
認如議速行乾隆四年通謨克卒子旺沁扎布襲

一次襲旺沁扎布通謨克長子乾隆四年襲扎薩克輔國公二十  
四年授副盟長四十六年

諭曰旺沁扎布所襲輔國公乃其父通謨克軍營奮勉有功所封  
著加恩世襲罔替五十年卒子格哩克襲

二次襲格哩克旺沁扎布次子乾隆五十年襲扎薩克輔國公

--	--	--	--	--	--	--	--	--	--

附 追封輔國公徹埒克列傳

徹埒克輔國公通謨克叔父初授一等台吉隸扎薩克圖汗策旺扎布旗雍正十年準噶爾賊酋小策凌敦多卜等由奇蘭襲阿爾台徹埒克選騎四十餘與子彌什克迎擊之賊益眾攻徹埒克力戰死靖邊大將軍順承親王錫保以

聞

詔追封輔國公改附通謨克旗令其子彌什克襲

特命世襲罔替

一次襲彌什克徹埒克長子雍正十年七月隨父擊準噶爾被擒尋脫歸襲輔國公十月以駐張家口外之察哈爾蒙古積六百餘

丁

賜彌什克七十令轄之乾隆十八年杜爾伯特台吉車凌等來降  
彌什克偕賽因諾顏部貝子車木楚克扎布以兵三百赴巴顏珠  
爾克及博託和泥溝禦準噶爾追賊會扎哈沁宰桑禡木特追至  
擅入汛

飭偕副都統達青阿率兵千餘捕之弗獲十九年誘擒禡木特  
傳旨訓飭二十年隨大軍剿達瓦齊於伊犁軍還駐烏哈爾和碩  
防護烏梁海尋

命督理驛務二十二年署定邊左副將軍郡王車布登扎布奏彌  
什克老成練事請遣護杜爾伯特遊牧從之二十九年卒子貢楚

克扎布襲

二次襲貢楚克扎布彌什克長子乾隆二十九年襲輔國公四十年卒子索諾木車璘襲

三次襲索諾木車璘貢楚克扎布長子乾隆四十年襲輔國公四十六年

詔世襲罔替如故

131-302

131

扎薩克輔國公沙克扎列傳

沙克扎喀爾喀部人姓博爾濟吉特貝勒博貝弟初陷準噶爾後乘閒歸授二等台吉康熙五十四年隨博貝招降烏梁海人和羅爾邁五十六年隨勒厄魯特宰桑羅卜藏錫喇布皆有功雍正二年

詔封扎薩克輔國公仍畱軍效力乾隆二年以病罷子多爾濟車登襲

一次襲多爾濟車登沙克扎長子乾隆二年襲扎薩克輔國公二十年隨大軍剿達瓦齊師旋阿睦爾撒納叛多爾濟車登被執不屈歸有達瓦藏布者阿睦爾撒納族也邀於路復執之去或言已



降賊

命削爵嚴緝治罪二十一年七月定邊左副將軍哈達哈追剿阿睦爾撒納擒達瓦藏布多爾濟車登始脫歸

諭曰去歲伊犁復叛多爾濟車登力弱被擒賊退後他人俱已全歸伊獨弗至朕意其或順從阿逆苟且偷生不獨深負國恩實爲眾喀爾喀之辱是以令嚴緝治罪今覽哈達哈奏始知其被賊拘畱備經勞瘁甚屬可憫著加恩復其公爵卽隨哈達哈進征哈薩克會和托輝特逆賊青衮咱卜叛

詔大軍往剿以多爾濟車登係和托輝特族慮疑懼

諭馳赴軍協剿十月定邊左副將軍親王成衮扎布奏多爾濟車

登孛與逆賊同居應令由軍營速歸牧示所屬毋惑從之十二月  
青衮咱卜就擒籍其屬

命多爾濟車登分轄之

賜雙眼孔雀翎二十二年授所部副將軍參贊二十三年

命偕參贊大臣福祿緝烏梁海劫賊布爾古特布格等擒之

獎資幣二十九年卒子車都布多爾濟襲

二次襲車都布多爾濟多爾濟車登長子乾隆二十九年襲扎薩

克輔國公四十六年

詔世襲罔替

國朝文獻通考卷之...

下

追封輔國公齊巴克扎布列傳

後授扎薩克

齊巴克扎布喀爾喀部人姓博爾濟吉特貝勒博貝從孫祖羅卜藏達什以協理台吉隨博貝招降烏梁海人和羅爾邁有功

賜孔雀翎子烏巴錫生子一卽齊巴克扎布初授二等台吉乾隆二十年隨大軍達瓦齊抵塔本集賽杜爾伯特叛賊巴朗就擒齊巴克扎布偕年桑烏勒木濟械送

京師

賜孔雀翎尋赴烏里雅蘇臺聽調二十一年輝特逆賊普爾普德濟特等由固都爾格叛逃齊巴克扎布追擒之復隨參贊大臣納穆扎爾捕烏梁海逃眾至阿里固特賊逸尾擊之陣歿事

聞

諭曰齊巴克扎布致命行陣深堪嘉憫著追封輔國公賜銀三百兩治喪其子巴圖濟爾噶勒襲爵并授扎薩克尋視一品大臣例賜祭葬入祀昭忠祠

一次襲巴圖濟爾噶勒齊巴克扎布長子乾隆二十二年襲輔國公授扎薩克四十六年

諭曰巴圖濟爾噶勒所襲扎薩克輔國公係因其父齊巴克扎布軍營效力被傷陣歿所封著加恩世襲罔替

公品級扎薩克一等台吉喇布坦列傳

今襲鎮國公

喇布坦喀爾喀部人姓博爾濟吉特貝勒卓特巴次子初授閒散台吉隸兄子貝勒諾爾部班第旗康熙五十六年隨大軍由布魯勒路進剿策妄阿喇布坦五十九年復由布拉罕路襲擊皆有功雍正五年隨額駙郡王策棱與俄羅斯使薩瓦立石定界六年策棱疏薦其才請別爲扎薩克

許之

詔授一等台吉

賜牧奇吉爾蘇台界十年策棱等統大軍追擊準噶爾順承親王錫保檄扎薩克圖汗部兵萬赴烏遜珠勒援剿喇布坦弗至私歸

遊牧

詔削職十三年扎薩克圖汗格埒克延丕勒奏喇布坦留再從征又輓米捐羊歷著績罷斥後深自愧懼奮力軍營請

恩予開復

詔授原職乾隆二十一年和托輝特逆賊青衮咱卜叛眾喀爾喀爲所煽多棄汛歸喇布坦不之附事

聞

諭曰喇布坦年雖已老行走甚屬奮勉著賜公品級以示獎勵喇布坦子也以協理台吉從征達瓦齊及哈薩克敘功授一等台吉

賜孔雀翎二十三年靖逆將軍雅爾哈善勦庫車逆回朗衮扎布  
偕台吉額璘沁率兵八百繼進由巴掄沙扎爾至積噶扎果納擊  
賊援斬獲甚眾

諭嘉之封輔國公尋克庫車朗衮扎布邀擊逃賊無脫者復隨定  
邊將軍兆惠進師葉爾羌至呼爾璦擊賊敗之

詔晉封鎮國公

賜雙眼孔雀翎二十六年

賜凱軍宴朗衮扎布畱駐軍營

頒賜銀幣二十八年以展汎界偕烏梁海內大臣察達克由巴顏  
珠爾克至烏拉克沁伯勒齊爾及烏魯木齊路定十五汎俱相隔



國朝通志卷之二十一  
十一  
百里爲率

詔如議尋扈

駕木蘭行圍

賜黃馬褂

命乾清門行走三十一年喇布坦以老罷時朗袞扎布卒孫索諾

木多爾濟襲

一次襲索諾木多爾濟喇布坦孫鎮國公朗袞扎布子乾隆三十

一年襲公品級扎薩克一等台吉尋襲鎮國公四十六年

諭曰索諾木多爾濟所襲扎薩克鎮國公爵係其祖父效力軍營  
所封著恩予世襲罔替

國朝耆獻類徵初編卷首之七十八

通奉大夫前署江西巡撫江西布政使司布政使 臣 李桓恭錄

欽定外藩蒙古回部王公表傳卷之六十六

傳第五十

扎薩克一等台吉額爾德尼袞布列傳

額爾德尼袞布喀爾喀部人姓博爾濟吉特貝勒卓特巴從子父諾木齊號阿海台吉子五長額爾克次卽額爾德尼袞布次阿海岱青次羅卜藏車凌次納木扎勒康熙元年扎薩克圖汗旺舒克爲羅卜藏台吉額璘沁所戕阿海岱青會土謝圖汗察琿多爾濟兵擊走額璘沁九年請於

朝以旺舒克成衮嗣稱汗遣使貢駝馬

詔嘉之授扎薩克代額璘沁貢九白十七年阿海岱青卒子朋素克嗣扎薩克

賜遵義台吉號及印二十年遣使貢二十一年

命內大臣烏默訥等往賚冠服佩帶弓刀器幣二十五年

諭導其汗成衮與察琿多爾濟釋怨修好三十年朋素克卒額爾德尼衮布迎

覲多倫諾爾

詔授扎薩克一等台吉以所屬乏食

賜粟賑之時卓特巴以朋素克嗣絕掠其牧產額爾德尼衮布因

懇狀

諭卓特巴歸所掠十二月額爾德尼衮布來朝

優賚之三十六年

賜牧扎布堪二十八年卒子垂扎布襲

一次襲垂扎布額爾德尼衮布長子康熙三十八年襲扎薩克一

等台吉雍正三年卒子丹津襲

二次襲丹津垂扎布長子雍正三年襲扎薩克一等台吉八年卒

子格埒克襲

三次襲格埒克丹津次子雍正八年襲扎薩克一等台吉十年以

縱屬奪軍糧罪削職

命其兄羅卜藏喇布坦襲

四次襲羅卜藏喇布坦丹津長子雍正十二年襲扎薩克一等台  
吉乾隆二十二年以病罷子莽蘇爾襲

五次襲莽蘇爾羅卜藏喇布坦長子乾隆二十二年襲扎薩克一  
等台吉四十六年

詔世襲罔替五十四年卒子吹木丕勒襲

六次襲吹木丕勒莽蘇爾長子乾隆五十四年襲扎薩克一等台  
吉

扎薩克一等台吉烏爾占列傳

烏爾占喀爾喀部人姓博爾濟吉特扎薩克圖汗格埒克延丕勒從祖父察罕斯奇布號車臣諾顏爲車臣濟農崆奎第五子烏爾占嗣車臣號駐牧固爾班賽堪康熙二十七年率屬來歸

命游牧茂明安界安蘇默圖格爾二十八年授扎薩克

遣官頒示法度俾輯所屬失業者三十年迎

覲多倫諾爾

詔授一等台吉仍兼扎薩克三十一年

詔發粟賑所屬貧戶三十四年遣使陳鳴勒丹肆掠狀三十五年隨大將軍費揚古擊噶勒丹於昭莫多三十六年奏遣協理台吉

顧木濟布赴費揚古軍效力

許之尋噶勒丹竄死朔漠平

賜牧阿爾察圖和岳爾敖拉雅蘇圖鄂和多爾訥默格爾諸界雍正五年以病罷子彌育特多爾濟襲

一次襲彌育特多爾濟烏爾占長子雍正五年襲扎薩克一等台

吉乾隆十三年卒子根敦車琳襲

二次襲根敦車琳彌育特多爾濟長子乾隆十三年襲扎薩克一等台吉三十五年卒子烏巴什襲

三次襲烏巴什根敦車琳長子乾隆三十五年襲扎薩克一等台吉四十六年

詔世襲罔替五十一年卒子吹忠達什襲

四次襲吹忠達什烏巴什長子乾隆五十一年襲扎薩克一等台  
吉五十九年卒子蒙袞扎布襲

五次襲蒙袞扎布吹忠達什長子乾隆五十九年襲扎薩克一等  
台吉



日本書紀卷之八十一

八

附 輔國公衮布扎布列傳

衮布扎布扎薩克台吉烏爾占弟父諾爾布號額爾德尼琿台吉子一卽衮布扎布康熙二十九年來朝授二等台吉附烏爾占旗三十五年隨大軍敗噶勒丹於昭莫多五十六年駐防阿爾台軍營

詔授一等台吉雍正二年

諭曰衮布扎布曾從征昭莫多此次大兵駐阿爾台伊不論班期久駐軍營督辦馬事宜復遣大軍三擊賊眾其爲奮勉著授輔國公是年卒子沙克都爾扎布襲

一次襲沙克都爾扎布衮布扎布長子雍正二年襲輔國公八年

卒無嗣弟巴勒桑襲

二次襲巴勒桑衮布扎布次子雍正八年襲輔國公乾隆三十六年卒子錫喇布多爾濟襲

三次襲錫喇布多爾濟巴勒桑長子乾隆三十六年襲輔國公四十二年卒子納木扎勒多爾濟襲

四次襲納木扎勒多爾濟錫喇布多爾濟次子乾隆四十二年襲輔國公四十六年

諭曰納木扎勒多爾濟所襲輔國公爵因其祖衮布扎布效力軍營所封著加恩世襲罔替

扎薩克一等台吉哈瑪爾岱青列傳

哈瑪爾岱青喀爾喀部人姓博爾濟吉特郡王朋素克喇布坦從弟祖固魯諾木齊爲車臣濟農崆奎第三子生子博託果號額爾克諾顏子一卽哈瑪爾岱青初授二等台吉康熙三十四年大軍將進剿噶勒丹哈瑪爾岱青請往偵

許之三十五年隨前鋒侍衛阿南達至汗阿林擊固英必齊葉齊等賊百餘盡降之偵噶勒丹遁率屬五十赴昆都倫額濟內河分路追緝尋引兵五百助葛斯日三十六年湖漠平殺功

詔授扎薩克一等台吉四十二年

上幸西安府哈瑪爾岱青來朝會大閱

國朝一... 卷之二十一  
駕預觀奏言軍容之盛目所未睹因

賜宴遣歸五十三年卒于鄂木布濟襲

一次襲鄂木布濟哈瑪爾岱青長子康熙五十三年襲扎薩克一  
等台吉五十五年率兵駐防扎布堪尋赴散秩大臣祁里德軍聽  
調五十六年大軍由布拉罕布魯勒分路進剿準噶爾鄂木布濟  
奉檄赴哈達青吉勒護軍收偵特楞古特降眾叛率兵二百立木  
柵於阿爾台防賊逸五十七年率兵千餘駐呼勒瑪諾爾五十八  
年移駐布拉罕蘇伯尋由阿濟督解巴里坤軍需五十九年率兵  
二百至察罕呼濟爾偵賊蹤由額爾勒河沙喇呼魯蘇擒厄魯特  
逃眾還駐布拉罕蘇伯六十年春駐拜達哩克夏解送軍駝冬駐

塔爾彌六十一年由柰曼明安督解軍需雍正二年仍駐塔爾彌  
八年駐和蘇伯和甯烏蘇九年隨副都統阿三等率兵二千赴庫  
卜克爾防禦準噶爾會賊入阿濟鄂木布濟棄汎私歸靖邊大將  
軍順承親王錫保劾請削職

詔來京治罪再行降旨尋以輔國公通謨克游牧被掠  
遣官移之阿拉善

詔察閱鄂木布濟等牧地

頒給糧茶尋請移居阿拉善附近之綽確地

許之十年三月入

覲

諭曰鄂木布濟棄汛私歸固有應得之罪但念爲賊阻截不能通  
信回守游牧使賊秋毫無犯情尚可矜且人材亦甚出眾著加恩  
免其削職卽隨郡王格埒克延丕勒統率所屬兵丁赴伯格爾建  
勳將軍達爾濟軍營效力贖罪是年隨格埒克延丕勒追擊準噶  
爾有功會同部扎薩克喇布坦坐烏遜珠勒退縮罪削職

詔徹其屬十五戶

賜鄂木布濟轄之尋移牧奇齊格訥洪果爾阿齊喇克十一年偕  
前鋒統領塔爾瑪善擒獲準噶爾賊眾

賜孔雀翎十三年駐防偉歡塔勒滿乾隆十五年以病罷子達爾  
巴圖襲

二次襲達爾巴圖鄂木布濟長子乾隆十五年襲扎薩克一等台  
吉十九年解送烏爾袞塔密爾城所貯軍械赴烏里雅蘇臺二十  
一年和托輝特逆賊青衮咱卜叛煽眾喀爾喀達爾巴圖督兵防  
汛

獎賜孔雀翎三十五年以病罷子達什琳沁襲

三次襲達什琳沁達爾巴圖長子乾隆三十五年襲扎薩克一等  
台吉四十六年

詔世襲罔替



國朝詩集卷之二十一

八

國朝耆獻類徵初編卷首之七十九

通奉大夫前署江西巡撫江西布政使臣李桓恭錄  
欽定外藩蒙古回部王公表傳卷之六十七

傳第五十一

扎薩克一等台吉納瑪璘藏布列傳

納瑪璘藏布喀爾喀部人姓博爾濟吉特貝勒博貝從子祖羅卜  
藏台吉額璘沁以戕扎薩克圖汗旺舒克奔厄魯特嗣與噶勒丹  
隙避居西藏依達賴喇嘛康熙三十一年來歸由西甯入

覲

上以其舊爲扎薩克

詔封輔國公駐牧歸化城三十五年隨勦噶勒丹卒於軍有子三  
長額勒齋圖哈坦巴圖爾次拉哩次衮布車凌皆畱西藏至是  
召來京額勒齋圖哈坦巴圖爾以疾廢停襲子二長納瑪璘藏布  
次扎木揚四十八年

諭曰和托輝特貝勒博貝與厄魯特接壤防守不可不嚴念伊力  
孤必得族中兄弟助之方克有濟納瑪璘藏布本和托輝特人著  
授扎薩克一等台吉與博貝同居尋

賜牧塔斯郭勒克木克木齊克地五十七年卒弟扎木揚襲

一次襲扎木揚納瑪璘藏布弟康熙五十七年襲扎薩克一等台

吉雍正二年卒無嗣

詔其叔父衮布車凌襲

二次襲衮布車凌額璘沁第三子雍正二年襲扎薩克一等台吉  
十年準噶爾賊掠杭愛山衮布車凌被執遂遇害

詔其兄拉哩襲

三次襲拉哩額璘沁次子雍正十年襲扎薩克一等台吉命移收  
拜幹偉歡塔勒滿訥穆爾格庫都爾格烏克爾等處乾隆二年卒  
子班第襲

四次襲班第拉哩長子乾隆二年襲扎薩克一等台吉二十一年  
卒子三都布多爾濟襲

五次襲三都布多爾濟班第長子乾隆二十一年襲扎薩克一等

台吉四十六年

詔世襲罔替六十年卒子齊素隴多爾濟襲

六次襲齊素隴多爾濟三都布多爾濟長子乾隆六十年襲扎薩  
克一等台吉

扎薩克一等台吉伊達木扎布列傳

伊達木扎布喀爾喀部人姓博爾濟吉特輔國公衮占長子初授協理台吉康熙五十六年隨同部輔國公博貝由布魯勒路擒厄魯特路宰桑羅卜藏錫喇布五十九年擒宰桑貝坤皆有功雍正三年烏梁海人和羅爾邁叛逃伊達木扎布馳會博貝軍擒斬賊眾四年博貝上其功

詔授扎薩克一等台吉乾隆六年參贊大臣慶泰奉

命赴哈哩勒邁閱防秋兵以伊達木扎布旗軍容整奏

獎賚之七年卒子根敦襲

一次襲根敦伊達木扎布第三子初授協理台吉雍正九年厄魯

特貝勒色布騰旺布屬奇爾吉斯人糾眾叛有車木楚克納木扎勒者土謝圖汗部貝勒也率兵赴察罕度爾軍經其地猝被害根敦聞之引五十騎往追斬級十一餘眾遁乾隆七年襲扎薩克一等台吉尋駐防塔密爾十九年移駐哈喇阿濟爾罕二十年三月大軍進剿達瓦齊烏里雅蘇臺辦事大臣哈達哈檄根敦選兵五百分巡海拉圖庫列圖哈道哩科布多布延圖等處與駐防烏哈爾和碩之公品級諾爾布扎布互爲聲援八月包沁賊阿克珠勒台吉克等叛應阿睦爾撒納鄂爾格諾爾納璘哈喇諸汛皆被掠根敦偕土謝圖汗部扎薩克台吉齊巴克扎布往捕路遇和托輝特青裘咱布赴汗哈屯收撫烏梁海與合兵復會自軍營旋之車

臣汗部郡王巴雅爾什第等同至布拉罕擒阿克珠勒俘其眾二十一年隨定邊左副將軍哈達哈征哈薩克偵劫驛賊奇爾吉斯宰桑圖爾班和卓等偕眾千餘遁烏梁海因率索倫兵邀擒之事聞

賜孔雀翎尋擊哈薩克眾於巴顏山軍旋請從剿逆賊青衮咱卜聞就擒乃還二十二年

詔偕參贊大臣唐喀祿護侍衛松達納赴哈薩克二十三年定邊左副將軍親王成衮扎布劾根敦緝盜馬賊弗獲

詔奪俸二十八年卒子車都布多爾濟襲

二次襲車都布多爾濟根敦長子初授三等台吉乾隆十七年駐



防喀喇烏蘇十八年杜爾伯特台吉車凌等來降車都布多爾濟兵迎之擒擅入汛界之扎哈沁宰桑禡木特二十年隨大軍勦達瓦齊旋赴汗哈屯收撫烏梁海謀逆賊阿睦爾撒納叛偕賽因諾顏部貝勒車布登扎布哈由薩克圖追緝之二十一年從父根敦追擒固爾班和卓敘功

詔授二等台吉

賜佩飾復隨車布登扎布捕烏梁海逃賊郭勒卓輝及和托輝特逆賊青衮咱卜二十四年以薩拉布拉克汎馬爲瑪哈沁所竊隨賽音諾顏部貝子額爾克沙喇往捕之

賜孔雀翎尋隨杜爾伯特郡王策凌烏巴什等追勦烏梁海宰桑

庫克辛盡降其眾

詔嘉之

命乾清門行走先是烏梁海人郭木薩噶以擅殺懼罪遁俄羅斯車都布多爾濟追至和甯嶺縛之獻至是并

賚幣示獎二十八年襲扎薩克一等台吉尋防護杜爾伯特游牧三十八年卒子巴圖爾襲

三次襲巴圖爾車都布多爾濟次子乾隆三十八年襲扎薩克一等台吉四十六年

詔世襲罔替

日本書紀卷之六十四

五

--	--	--	--	--	--	--	--	--	--

扎薩克一等台吉達什朋素克列傳

達什朋素克喀爾喀部人姓博爾濟吉特貝勒博貝從子父圖巴  
初以避噶勒丹亂奔居青海後來歸隨博貝由布噶勒進勦準噶  
爾有功授一等台吉

賜冠服嗣土謝圖汗部貝勒丹津多爾濟奉

詔赴巴里坤圖巴以兵從軍旋

詔封輔國公

賜雙眼孔雀翎尋赴察罕廋爾以克爾森齊老援勦不力私游  
牧罪

詔削爵畱軍效力未幾復授一等台吉卒子一卽達什朋素克雍

正二年隨博貝駐特斯防護烏梁海三年追擒烏梁海叛人和羅爾邁九年從勦準噶爾於蘇克阿勒達呼十二年額駙親王策棱薦其才

詔授二等台吉乾隆十八年隨參贊大臣薩拉爾擒私入科布多汛之烏梁海人扎木闢等

獎資幣尋偕賽因諾顏部貝勒沙克都爾扎布等招降扎哈沁宰桑馮木特屬二十二年偵和托輝特逆賊青衮咱布叛馳報烏里雅蘇臺軍令之備二十二年敘功授一等台吉尋析青衮咱卜屬命轄之授扎薩克二十三年以烏梁海賊阿木古朗等劫馬達什朋素克護所屬參贊大臣福祿劫之

詔削扎薩克爾軍效力尋隨福祿追擒阿本古朗等寘於法

詔宥前罪仍授扎薩克四十四年卒子衮布扎布襲

一次襲衮布扎布達什朋素克長子乾隆四十四年襲扎薩克一  
等台吉扈

駕木蘭行圍

賜孔雀翎四十六年

詔世襲罔替

國朝正史紀事本末卷之八十一

十一

扎薩克一等台吉普爾普車凌列傳

普爾普車凌喀爾喀部人姓博爾濟吉特輔國公通謨克從子祖  
巴克蘇木當噶勒丹掠所部時避居特木爾圖諾爾鄰伊犁以力  
弱不獲歸子孫遂爲準噶爾部人乾隆二十年大軍勦達瓦齊伊  
犁定普爾普車凌攜族來歸

詔編所屬百餘丁爲一佐領令轄之授扎薩克一等台吉以通謨  
克子輔國公旺沁扎布爲其戚族

命往同居卽令旺沁扎布護視之二十四年卒無嗣其母車凌請  
以旺沁扎布第三子沙克都爾扎布爲普爾普車凌嗣襲其職  
允之



皇朝通志卷之七十九

八

一次襲沙克都爾扎布普爾普車凌嗣子乾隆二十四年襲扎薩克一等台吉先是

上以普爾普車凌屬習處準噶爾不諳喀爾喀業雖編佐領不列盟二十七年定邊左副將軍親王成衮扎布奏漸與喀爾喀眾習詔隸扎克畢賴色欽畢都哩雅諾爾盟二十九年沙克都爾扎布卒亦無嗣復

允車凌請以旺沁扎布第四子尼木布多爾濟襲

二次襲尼木布多爾濟沙克都爾扎布弟乾隆二十九年襲扎薩克一等台吉四十六年

詔世襲罔替四十九年獲罪革職五十年從叔衮楚克襲

三次襲袞楚克尼木布多爾濟從叔乾隆五十年襲扎薩克一等  
台吉五十八年卒無嗣次年從子尼瑪襲

四次襲尼瑪尼木布多爾濟從子乾隆五十九年襲扎薩克一等  
台吉

四庫全書

子

國朝耆獻類徵初編卷首之八十

通奉大夫前署江西巡撫江西布政使司布政使臣李桓恭錄  
欽定外藩蒙古回部王公表傳卷之六十八

傳第五十二

扎薩克一等台吉諾爾布列傳

諾爾布喀爾喀部人姓博爾濟吉特扎薩克圖汗格埒克延丕勒  
族弟其五世祖鍾圖岱號巴圖爾有子丹巴號昆都倫陀音爲喀  
爾喀八扎薩克之一子七長色稜阿海嗣扎薩克生子二長喇嘛  
扎布子策登扎布以附逆賊青衮咱卜叛誅不立傳次肅哩子納  
木扎勒多爾濟卽諾爾布父初色稜阿海居薩爾塔郭勒以時入

貢最恭順康熙二十一年

遣侍衛拜音察克等往賚冠服佩帶弓刀器幣二十五年赴庫倫  
伯勒齊爾盟二十七年偕弟諾顏呼圖克圖噶勒丹畢里克圖色  
埒什希溫布達什額璘臣等來歸三十年迎

覲多倫諾爾

詔封扎薩克多羅郡王三十一年

詔發粟賑所屬貧戶三十九年卒喇嘛扎布降襲扎薩克多羅貝  
勒五十八年來朝雍正九年喇嘛扎布卒策登扎布襲乾隆八年  
授所部副將軍二十年以疾罷副將軍仍

命督理驛務二十一年和托輝特逆賊青衮咱卜叛策登扎布棄

汎歸由布延圖布拉克徒木布克迎附青衮咱卜時諾爾布爲二等台吉諫阻之弗聽諾爾布偕台吉固穆扎卜阿拉布坦拉旺布旌旺兌楚魯木等馳赴烏里雅蘇臺軍訴世受

國恩誓不從賊因率屬由博羅哈布齊爾赴察罕托輝遊牧且請以所攜駝馬助呼濟爾圖阿穆託克蔡汎兵策登扎布伏誅定邊左副將軍親王成衮扎布請以諾爾布領其眾

允之

詔授扎薩克一等台吉二十二年駐防布延圖額德格特汎二十七年解軍駝赴伊犁三十一年送馬四千赴烏魯木齊三十二年卒于敦多布多爾濟襲

臣等謹將... 奏

二

一次襲敦多布多爾濟諾爾布長子乾隆三十二年襲扎薩克一等台吉四十六年

詔世襲罔替

厄魯特一等台吉噶勒丹達爾扎列傳

今襲扎薩克

噶勒丹達爾扎厄魯特人輝特族姓伊克明安父羅卜藏初爲準噶爾台吉以噶勒丹處所部棄之從和碩特台吉噶勒丹多爾濟來歸

詔赴阿拉善厄魯特牧噶勒丹爲大軍所敗尋自殺從子丹濟拉竄走羅卜藏偕噶勒丹多爾濟從副都統阿南達設哨布隆吉爾及噶斯口防緝之噶勒丹多爾濟叛逃羅卜藏不從率屬八百餘歸阿拉善牧敘功封輔國公尋徙居喀爾喀與扎薩克圖汗部輔國公通謨克等鄰牧羅卜藏卒

詔以其長子巴濟襲輔國公爵授扎薩克領部眾巴濟弟曰扎木



畢日阿海曰達什達爾扎日噶勒丹達爾扎皆隸之巴濟始稍自奮嘗從靖逆將軍富甯安駐防巴里坤獻羊千馬八百糧百餘石助軍襲擊準噶爾於伊勒布爾和碩阿克塔斯烏魯木齊諸境以土噶番回目扎克扎福木特內附率兵五百往護敗準噶爾賊眾偵青海羅卜藏丹津叛復偕副都統阿喇納馳赴布隆吉爾擊之諭嘉獎扎木畢赴烏魯木齊擊準噶爾賊還遇伏於畢雷圖戰死詔由三等台吉追封輔國公無嗣以達什扎爾扎襲阿海偕喀爾喀公通謨克勒羅卜藏丹津獲逆黨丹津以獻

詔由三等台吉晉封一等台吉有濟克濟扎布者巴濟戚族也游牧青海以羅卜藏丹津亂挈眾就巴濟牲畜多道斃

詔所司議郵編佐領附巴濟牧雍正九年巴濟叛附準噶爾時準噶爾台吉噶勒丹策凌謀煽內附諸厄魯特遣將大策凌敦多卜踰阿濟嶺至柏格爾察罕額爾克誘巴濟及駐牧推河之厄魯特輔國公茂海台吉車凌等往會達什達爾扎濟克濟扎布及協理台吉朋素克岱青等皆從叛復導賊掠喀爾喀牧噶勒丹達爾扎幼巴濟攜赴準噶爾其族屬未附逆者偕喀爾喀公通謨克等徒訥穆勒圖喀喇博囉等處靖邊大將軍傅爾丹以所部徙牧告諭總督查郎阿察置之十年甘肅巡撫許容疏言鎮夷口內紅布湖地巴濟屬列幕居稱避準噶爾將內徙巴濟已叛歸準噶爾所部雖稱避賊豈可令居內地查郎阿以巴濟屬佐領翁鄂柴

等徒綽確哈魯爾給糧茶將偕喀爾喀公通謨克等徒牧阿拉善  
後臣思甯夏地衍僅隔一阿拉善別無險要鎮番孤懸塞外恐厄  
魯特偏處人心難測請

飭令密防未奉

旨內徙者毋縱入汛

詔檄查郎阿等酌徙巴濟屬未附逆者屯汛嚴轄會準噶爾小策  
凌敦多卜以兵三萬至阿爾台巴濟及達什達爾扎朋素克岱青  
茂海車凌等從且稱喀爾喀兵弱將導準噶爾越察罕度爾掠諸  
扎薩克游牧我軍偵以

聞

諭曰巴濟等有負國恩罪當誅戮伊等不以降賊爲恥反代爲賊謀喀爾喀聞之自必痛心切齒奮勇爭先矣喀爾喀親王額駙策梭等果大敗準噶爾賊於克爾森齊老及喀爾德尼昭巴濟遁歸借茂海車凌等各以其族游牧特穆爾圖諾爾爲準噶爾屬乾隆二十年大軍征達瓦齊抵伊犁時巴濟及茂海車凌等皆前死噶勒丹達爾扎偕達什達爾扎濟克濟扎布及茂海車凌子迎降諭曰叛賊子弟理應治罪但伊等父兄俱已死亡姑從寬免伊等由喀爾喀叛逃今應仍令游牧喀爾喀所但所屬戶口甚多著於伊等台吉內令大者准攜三十戶次二十次十戶餘俟事竣酌量安置諸台吉仍導令入覲有達瓦齊者準噶爾之扈魯禡台吉也游

牧喀璘哈畢爾噶阿睦爾撒納叛附之以兵襲噶勒丹達爾扎等於其境大軍至乞降乃遣屬護至尋由軍營入

觀

諭曰噶勒丹達爾扎初隨巴濟茂海車凌等叛遁今觀之人尙樸誠著授爲一等台吉遣歸喀爾喀牧二十一年六月

上憫其甫至牧乏生計

詔給口糧兩月十一月喀爾喀親王成衮扎布請給續至者口糧諭曰噶勒丹達爾扎屬前雖賜給口糧目今未能充裕著將新至戶口及前已經賞給口糧人等再給口糧兩月以示體恤二十二

年

詔給穀種復以牧地寒早霜

諭遺之麩麥三十年噶勒丹達爾扎卒子拉克沁噶喇襲

一次襲拉克沁噶喇噶勒丹達爾扎長子乾隆三十年襲一等台

吉

詔授扎薩克給印編佐領一隸喀爾喀扎薩克圖汗部以扎克畢

賴色欽必都哩雅諾爾盟長轄之四十六年卒子薩木丕勒諾爾

布襲

二次襲薩木丕勒諾爾布拉克沁噶喇長子乾隆四十六年襲扎

薩克一等台吉

詔世襲罔替

圖書集成醫部全錄卷之六十一

下

國朝耆獻類徵初編卷首之八十一

通奉大夫前署江西巡撫江西布政使臣李桓奏錄

欽定外藩蒙古回部王公表傳卷之六十九

傳第五十三

喀爾喀賽因諾顏部總傳

賽因諾顏部稱喀爾喀中路至

京師三千餘里東界博囉布爾哈蘇多歡西界庫勒薩雅索郭圖  
額金嶺南界齊齊爾里克北界齊老圖河元太祖十七世孫偉徵  
諾顏諾諾和有子五長阿巴岱次阿巴和爲土謝圖汗部祖次塔  
爾呢無嗣次圖蒙肯次巴賚今賽因諾顏部二十四扎薩克自厄



魯特二旗外皆其裔圖蒙肯子十三長卓特巴號車臣諾顏爲扎薩克輔國公托多額爾德尼諾爾布扎布台吉圖巴三旗祖次丹津喇嘛號諾捫汗爲扎薩克親王善巴輔國公旺舒克車凌達什台吉齊旺多爾濟素達尼多爾濟六旗祖次車凌次羅雅克皆無嗣次濟雅克號偉徵諾顏爲扎薩克輔國公阿玉什一旗祖次扎木本其裔下列扎薩克次察斯喜布號昆都凌爲扎薩克台吉尹達木納木扎勒二旗祖次丹津號班珠爾爲扎薩克超勇親王策棱子親王成衮扎布郡王車布登扎布二旗祖次畢瑪里吉哩諦號巴圖爾額爾德尼諾顏爲扎薩克台吉丹津額爾德尼一旗祖次錫納喇克薩特號琿台吉爲扎薩克台吉阿哩雅薩木濟特二

旗祖次桑噶爾扎號伊勒登和碩齊爲扎薩克台吉沙噶伊爾都  
齊一旗祖次扣肯號巴扎爾爲扎薩克台吉濟納彌達一旗祖次  
袞布號昆都倫博碩克圖授扎薩克郡王今襲貝勒其曾孫額墨  
根授扎薩克台吉又自爲一旗巴賚子一曰噶爾瑪爲扎薩克鎮  
國公素泰伊勒登一旗祖初喀爾喀有所謂紅教者與黃教爭圖  
蒙肯尊黃教爲之護持唐古特達賴喇嘛賢之授賽因諾顏號令  
所部奉之視三汗圖蒙肯卒次子丹津喇嘛復受諾捫汗號於達  
賴喇嘛崇德三年遣使通貢

優賚遣歸五年

賜敕獎諭順治四年以偕其族土謝圖汗袞布等合兵援蘇尼特

部叛人騰機思

詰責之七年遣子額爾德尼諾木齊上書乞好

詔偕袞布約誓定議十一年額爾德尼諾木齊復奉表

諭曰爾奏言喀爾喀左翼四旗皆爾統攝凡有敕諭罔弗遵行今  
即如所請可速敕爾部長遣子來歸有不遵者即行奏聞十二年  
皆受帑等子遣子弟來謁

詔宥前罪尋設八扎薩克

命丹津喇嘛領左翼扎薩克之一歲貢九白如三汗例十八年

賜遵文順義號給之印康熙三年

詔所屬毋越界游牧丹津喇嘛卒子塔斯希布襲塔斯希布卒子

善巴襲

賜信順額爾克岱青號二十七年噶勒丹掠喀爾喀善巴率屬來歸

詔附牧烏喇特諸部界三十年

駕幸多倫諾爾會閱

詔封善巴等王台吉有差各授扎薩克編所屬佐領隸土謝圖汗部三十一年善巴從弟策稜來歸策稜者圖蒙肯第八子丹津之孫台吉納木扎勒之子後授固倫額駙和碩超勇親王定邊左副將軍兼稱喀爾喀大扎薩克者也三十六年

詔善巴等各歸舊牧五十六年選兵赴阿爾台軍偵禦策妄阿喇

布坦雍正三年

上以所部系出賽因諾顏較三汗裔繁衍而額駙策稜自簡任副將軍勞績懋著

命率近族親王達什敦多布貝勒納木扎勒齊素隴貝子策旺諾爾布輔國公阿努哩敦多布額琳沁扎木禪旺扎勒台吉格木丕勒齊旺錫喇扎布達爾濟雅根敦車布登巴朗延達博第呢瑪特克什諾爾布扎布凡十九扎薩克別爲一部以其祖賽因諾顏號冠之稱喀爾喀中路不復隸土謝圖汗部喀爾喀有四部自此始九年所部兵隨大軍勦噶勒丹策凌擊其眾於克爾森齊老及額爾德尼昭大敗之十三年撤還乾隆元年選兵赴鄂爾坤防秋六

年

命參贊大臣副都統慶泰察閱防秋兵於桑錦托羅海十三年選駝五百運歸化城米赴塔密爾軍營尋調所部兵二千駐防錫喇烏蘇十八年分駐扎布堪二十年隨大軍勦達瓦齊先是喀爾喀分設中路時但以賽因諾顏名其部以示別於三汗未議襲號三十一年親王成衮扎布奏所部來歸初親王善巴爲同族長又世掌丹津喇嘛所遺印請視三汗例以善巴曾孫親王諾爾布扎布襲賽因諾顏號

詔允其請俾與土謝圖汗車臣汗扎薩克圖汗均世襲罔替初所部十九旗後增三旗附厄魯特二旗扎薩克二十有四盟於齊齊

爾里克設正副盟長各一副將軍參贊各一爵三十有三扎薩克和碩親王二附固山貝子一由貝勒降襲鎮國公一由貝子降襲輔國公二公品級一等台吉一公品級三等台吉一扎薩克多羅郡王二一由鎮國公晉封扎薩克多羅貝勒二一由郡王降襲一由鎮國公晉襲扎薩克鎮國公一由扎薩克台吉晉襲附輔國公一扎薩克輔國公五一由扎薩克台吉晉襲公品級扎薩克一等台吉一扎薩克一等台吉九附輔國公一公品級三等台吉一厄魯特扎薩克固山貝子二一由郡王降襲一由輔國公晉襲

扎薩克和碩親王善巴列傳

今兼襲賽因諾顏號

善巴喀爾喀部人姓博爾濟吉特元太祖裔格呼森扎扎賚爾琿台吉之六世孫其曾祖圖蒙肯始號賽因諾顏與三汗並稱次子丹津喇嘛居翁吉河霍岳爾客爲喀爾喀八扎薩克之一有子四長塔斯希布號伊勒登都爾格齊卽善巴父次色爾濟穆次素達尼次瑪哈達瓦其裔皆別設扎薩克詳各傳康熙六年善巴嗣扎薩克遣使告

賜信順額爾克岱青號二十一年

命副都統班達爾什等往賚冠服佩帶弓刀器幣二十二年遣使謝先是都統畢里克圖奉



命往勘喀爾喀與內扎薩克游牧以噶爾拜瀚海爲界久之多越界互竊議置哨至是善巴以蒙古舊俗逐水草居疏乞免

諭識世界毋越二十五年以土謝圖汗察琿多爾濟與扎薩克圖汗成表構讐

詔善巴導之修好二十七年噶勒丹掠所部善巴以兵助察琿多爾濟禦之鄂羅會諾爾不敵兵潰攜孥來歸

賜居烏喇特界外和勒博津其偕至之伊勒登楚琥爾烏巴什居烏蘭布拉克諾木齊公青居都什喀喇庫蘭居奧吉碩囉本扎勒畢爾根居茂金口阿王什額爾克阿海居蘇巴爾罕阿喇布坦岱青阿海居楚布灣洪郭爾烏巴什居喀喇和碩皆附烏喇特界二

十八年冬十月授扎薩克

詔隸內扎薩克之喀爾喀右翼親王諾內往示內地法度并遣官發殺虎口倉粟贍其眾十二月善巴等請赴甯夏互市許之三十年迎

覲多倫諾爾

詔封多羅郡王仍兼扎薩克同族盡隸之尋選兵隨侍郎瓦岱赴圖拉河偵噶勒丹是年冬以厄魯特巴圖爾額爾克濟農和囉理既降復遁

詔偕同族輔國公托多額爾德尼台吉丹津額爾德尼圖巴等備兵防禦尋和囉理乞降罷兵三十一年五月復

發殺虎口倉粟賑所屬貧戶六月

諭緝叛賊伊拉古克三呼圖克圖三十四年噶勒丹掠巴顏烏蘭  
善巴遵

旨移牧內汛以族子輔國公旺舒克屬畢托達等由庫塞訥塔爾  
納遁附噶勒丹遣德都赫沙津擒之收其戶畜還三十五年五月  
偕同族郡王袞布等隨西路大軍進剿噶勒丹於昭莫多降其眾  
五百五十九先是善巴遣屬扎勒等赴庫倫伯勒齊爾偵賊蹤比  
還報噶勒丹黨博羅特和卓潛入界善巴捕獲之奏噶勒丹若久  
居巴顏烏蘭必窺塞肆掠請

敕大軍速剿

上慰其言及大軍行

諭所屬選兵千善巴增選千五百赴調以健馬給官兵且獻羊助  
食軍旋

諭曰善巴肫誠效力懋著勤勞著晉封和碩親王仍畱信順舊號  
以示優眷尋

命察所屬喇嘛之交通噶勒丹者收其書以獻八月大將軍費揚  
古奉

命由科圖至塔密爾移駐鄂羅會諾爾檄善巴遣兵沿邊偵禦有  
台吉丹濟拉者噶勒丹從子也不知我師再出謀掠善巴牧善巴  
謀報費揚古擊敗之十一月丹濟拉遣其黨格壘沽英乞降善巴

長使伊布根齋疏

聞

詔侍郎滿丕往受之仍偕善巴協力防禦二十六年善巴請從軍許之尋噶勒丹竄死朔漠平

遣歸游牧三十七年移牧瀚海

命設汛防守四十六年卒子二長達什敦多布襲親王爵次車凌達什封扎薩克輔國公別有傳

一次襲達什敦多布善巴長子康熙四十六年襲扎薩克和碩親王尋授盟長雍正四年因老乞休

許之子二長喇嘛扎布次德沁扎布相繼襲

二次襲喇嘛扎布達什敦多布長子雍正四年襲扎薩克和碩親王九年噶勒丹策凌謀誘眾喀爾喀貽書喇嘛扎布額駙郡王策稜獲之獻

詔宣諭眾喀爾喀毋惑十年大軍擊賊酋策凌敦多布於克爾森齊老喇嘛扎布棄軍歸牧議削爵論死

諭曰喇嘛扎布怯懦無能理應照議論死但念伊祖善巴當喀爾喀未定之先輸誠內附屢隨大軍奮勉效力朕實不忍予以顯戮著削爵免死永遠監禁所遺扎薩克原爵以其弟德沁扎布襲撤還一佐領給額駙策稜

三次襲德沁扎布達什敦多布次子雍正十一年襲扎薩克和碩

親王乾隆十六年授所部副將軍尋授副盟長十七年偕土謝圖  
汗部郡王齊巴克雅喇木丕勒率兵千駐防錫喇烏蘇十八年獻  
駝馬助軍得紀錄十九年正月赴烏里雅蘇臺汛駐防七月輝特  
台吉阿睦爾撒納來降

詔偕參贊大臣努三移所攜降眾於塔密爾尋偕副都統納穆扎  
布由塔密爾移置固爾班舒魯克設汛防護二十一年六月督理  
軍營駝馬七月授參贊大臣未幾和托輝特逆賊青衮咱卜叛德  
沁扎布僞檄喀爾喀各汛兵士謝圖汗部扎薩克台吉遜篤布  
車臣汗部扎薩克台吉成衮扎布覺其僞以檄由德沁扎布所至  
疑與青衮咱卜通以

聞

諭曰偽檄流傳或係他人假冒德沁扎布之名亦未可定著加恩免究飭令速歸舊汛接理驛務毋自貽誤會所屬復乘間劫馬爲土謝圖汗部貝勒達什丕勒所訐

詔速擒賊贖罪九月

諭曰朕聞德沁扎布與親王成袞扎布甫聞逆賊背叛之信檄調眾扎薩克兵丁復令哲卜尊丹巴呼圖克圖徧行曉諭以安眾心輸誠效力甚屬可嘉著交理藩院議敘是年冬青衮咱卜就擒德沁扎布解參贊大臣職二十二年正月大軍由巴里坤勦厄魯特餘賊



國朝通志卷之二十一  
老貢人  
詔購馬解軍十一月

上念其諳練老成復授參贊大臣赴巴里坤協理軍務二十三年  
緝獲盜馬賊瑪塔克加級

賚幣二十七年卒子三長諾爾布扎布襲親王次齊旺多爾濟投  
貝子品級扎薩克台吉次三丕勒多爾濟投公品級一等台吉別  
有傳

四次襲諾爾布扎布德沁扎布長子初由一等台吉晉封固山貝  
子互見彼傳乾隆二十七年襲扎薩克和碩親王尋授副盟長  
命乾清門行走

賜三眼孔雀翎三十一年追襲其祖圖蒙肯所遺賚因諾顏號

賜之印詳總傳是年授所部副將軍四十六年

諭曰諾爾布扎布所襲親王係其曾祖善巴來歸後從征噶勒丹有功由郡王晉封之爵賽因諾顏又係伊部舊號著加恩均予世襲罔替五十一年以病罷長子車登扎布襲

五次襲車登扎布諾爾布扎布長子乾隆五十一年襲扎薩克親王五十七年卒次年子額琳沁多爾濟襲

六次襲額琳沁多爾濟車登扎布子乾隆五十八年襲扎薩克和

碩親王



附固山貝子諾爾布扎布列傳

今襲鎮國公

諾爾布扎布親王德沁扎布長子初授一等台吉乾隆十七年賜公品級二十年三月大軍勦達瓦齊烏里雅蘇臺大臣哈達哈檄以兵五百屯烏哈爾和碩防烏梁海并收準噶爾降眾九月敘追勦包沁叛賊台拉克和濟木呼哩功

詔封固山貝子二十一年以由軍汎私歸

飭偕扎薩克圖汗部公品級多岳特效力贖罪尋以督理驛務諭獎之二十二年獻馬助軍得紀錄尋

賜雙眼孔雀翎二十七年襲扎薩克親王互見彼傳其所遺貝子爵

詔改鎮國公以子車登扎布襲

一次襲車登扎布諾爾布扎布長子乾隆二十七年襲鎮國公四

十六年

諭曰車登扎布父親王諾爾布扎布未襲親王時曾賜公品級因  
追勦包沁有功特封貝子朕念此爵係伊本身效力所得是以於  
伊既襲親王之後仍令車登扎布襲鎮國公著加恩世襲罔替五  
十一年諾爾布扎布因病罷車登扎布襲親王爵所遺鎮國公以  
子額璘沁多爾濟襲

二次襲額璘沁多爾濟車登扎布長子乾隆五十一年襲鎮國公  
五十八年襲扎薩克和碩親王所遺鎮國公以弟朋楚克達什襲

三次襲朋楚克達什額璘沁多爾濟弟乾隆五十八年襲鎮國公

131-382

附公品級一等台吉三丕勒多爾濟列傳

三丕勒多爾濟親王德沁扎布第三子初授一等台吉乾隆二十二年德沁扎布獻馬助軍

諭議敘尋議親王爵無可加應於伊子內選一人賞公品級德沁扎布因以三丕勒多爾濟請

許之四十六年理藩院議三丕勒多爾濟所授公品級例弗應世襲俟出缺時請

旨

詔如議四十九年卒次年達瑪璘襲

二次襲達瑪璘三丕勒多爾濟長子乾隆五十年襲公品級一等



台吉五十七年卒弟敏珠爾襲

二次襲敏珠爾達瑪璘之弟乾隆五十七年襲公品級一等台吉

國朝耆獻類徵初編卷首之八十二

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之七十

傳第五十四

扎薩克和碩超勇襄親王策棱列傳

策棱喀爾喀部人姓博爾濟吉特扎薩克親王善巴再從弟祖丹津號班珠爾爲賽因諾顏圖蒙肯第八子生子納木扎勒號約蘇圖偉徵阿海子二長卽策棱次恭格喇布坦康熙三十一年丹津妻格楚勒哈屯攜策棱及恭格喇布坦自塔密爾來歸  
詔授策棱三等輕車都尉

賜居京師

教養內廷

命編所屬佐領附察哈爾鑲黃旗駐牧四十五年尙和碩純愨公  
主投和碩額駙尋

賜貝子品級

詔攜屬歸牧塔密爾五十四年

上幸塞外

駐蹕布爾哈蘇臺策稜來朝

諭赴推河隨北路大軍防禦策妄阿喇布坦五十九年大軍由阿  
爾台分路進勦策稜隨振武將軍傅爾丹擊賊布拉罕路至格爾

額爾格擒準噶爾宰桑貝坤等百餘人斬獲甚眾復焚其糧於烏  
蘭呼濟爾軍旋次哈達青吉勒遇賊援擊敗之六十年授扎薩克  
雍正元年

諭曰額駙策棱自出師以來從征效力甚屬奮勉著封多羅郡王  
以示殊眷二年入

覲時撤北路大軍

詔策棱偕同族親王丹津多爾濟貝勒溥貝畱駐阿爾台各授副  
將軍三年

詔策棱軍用正黃旗纛四年奉

命勘阿爾台形勝五年偕內大臣伯四格等赴楚庫河與俄羅斯

使薩瓦立石定界陳兵鳴礮謝天議罪應削爵

詔罰俸三年免削九年秋隨靖邊大將軍順承親王錫保討噶勒丹策凌偵賊由和通呼爾哈諾爾窺圖墨茂海奎素諸界偕翁牛特部貝子羅卜藏等分兵劫之冬十月偕丹津多爾濟大敗準噶爾賊於蘇克阿勒達呼準噶爾有大策凌敦多卜小策凌敦多卜皆噶勒丹策凌族最用事是役也大策凌敦多卜擁眾三萬謀掠喀爾喀聞順承親王駐察罕度爾科布多復有振武將軍傅爾丹軍不敢進潛遣將海倫曼濟等取道阿爾台迤東以賊眾六千分掠克嚕倫及鄂爾海喀喇烏蘇爾餘眾於蘇克阿勒達呼爲之援策凌等迎擊之至鄂登楚勒授台吉巴海兵六百令宵入賊營誘

賊將貢楚克扎布喀喇巴圖魯等來追伏兵擊之斬喀喇巴圖魯  
餘眾潰大策梭敦多卜及海倫曼濟等遁

諭曰額駙郡王策梭督率弁兵奮勇爭先擊敗準噶爾甚屬可嘉  
著晉封和碩親王賞銀一萬兩以示獎勵十一月

諭議勦賊方略尋授喀爾喀大扎薩克十年六月小策梭敦多卜  
復糾眾三萬出奇蘭至額爾德畢喇色欽策梭偕將軍塔爾岱青  
禦之於本博圖山未至賊掠克爾森齊老策梭等反旆擊相距二  
日以丹津多爾濟援兵不至賊遂趨額爾德尼昭八月策梭追賊  
十餘戰賊屢敗小策梭敦多卜據杭愛山麓偪鄂爾坤河而陣策  
梭麾眾疾攻斬馘萬餘獲畜械無算小策梭敦多卜遁順承親王

國朝通志卷之三十三  
三十一  
馳告捷首表策稜

上深嘉之

賜超勇號

諭曰準噶爾賊眾越察罕度爾軍營至杭愛山肆其猖獗額駙親王策稜尾追千里至鄂爾坤之額爾德尼昭奮勇攻擊將三萬賊眾殲除殆盡爲國輸誠忠勇超絕其特賜黃帶以旌異之此次軍功非尋常勞績可比隨征官兵著從優議敘其隨策稜在克爾森齊老擊賊者並著加倍優敘冬十月以厄魯特降眾居張家口者編三佐領

賜策稜轄之復以策稜轉戰不得歸牧戚屬爲小策稜敦多卜所

掠牧產多失

上憫之

諭給馬二千牛千羊五千銀五萬并察賑所屬失業者尋

命築塔密爾城建瓦屋居之十二月晉授固倫額駙以純愨公主已薨追贈固倫長公主十一年定邊大將軍平郡王福彭統大軍駐烏里雅蘇臺

詔策棱佩定邊左副將軍印進屯科布多尋授盟長十二年二月上以烏里雅蘇臺距科布多遠

諭進勦機宜悉聽策棱總理五月

召來京議軍務七月徹科布多軍駐察罕度爾十三年三月噶勒



丹策稜乞和表稱阿爾台舊係厄魯特牧杭愛舊係喀爾喀牧請  
由哲爾格西喇呼魯蘇至巴里坤畫界分守

詔策稜議因言往者喀爾喀游牧尙未至哲爾格西喇呼魯蘇應  
如所請但喀爾喀汎原設阿爾台迤東科布多額貝和碩和通鄂  
博布延圖托爾和烏蘭等處並在哲爾格西喇呼魯蘇界外應設  
汎如故至準噶爾游牧應以額爾齊斯及阿爾台爲界策妄阿喇  
布坦存日游牧和博克薩哩察罕呼濟爾迤西政年來斯越額爾  
齊斯賊性狡請令毋越阿爾台爲永禦計

上韙其議

諭噶勒丹策稜曰夫阿爾台之屬厄魯特乃噶勒丹從前之事爾

準噶爾並未越此游牧乃謂爲厄魯特牧地可乎且喀爾喀尙不  
令近阿爾台原欲兩界稍遠免啟爭端而可令爾居之乎爾父在  
時曾請將阿爾台山梁外哈道里哈達青吉勒布拉罕青吉勒三  
處不必置爲閒地朕未允行今特欲安逸眾生於此三處屬爾祇  
白克木齊克汗騰格里上阿爾台山梁由索勒畢嶺下哈布塔克  
拜達克之中過烏蘭烏蘇羅卜諾爾直抵噶斯口爲界并自呼遜  
托輝至喀喇巴爾楚克悉作閒地爾其遵諭行九月

皇上御極策稜請入

覲

諭曰準噶爾乞和定界事尙未決防守正宜嚴密不可暫離軍營

侯夷使到日再行來京乾隆元年正月徹大軍還

詔策稜統喀爾喀兵千五百駐烏里雅蘇臺及鄂爾坤尋

諭王大臣曰額駙超勇親王策稜總統北路軍營伊母見居京師  
不得朝夕定省恐其思念不置著送歸游牧用慰孝思并賞整裝  
銀五千兩二月遵

旨移駐兵備邊請選喀爾喀兵三千赴鄂爾坤防秋從之二年四  
月噶勒丹策凌貽策稜書欲仍游牧阿爾台稱策稜爲車臣汗策  
稜獻其書

詔以己意達之策稜奏遣台吉額墨根持書往報書曰阿爾台乃  
天定邊界爾父瑋台吉時阿爾台迤西原無厄魯特游牧自滅噶

勒丹以來我等建城駐兵其地眾所共知其不令爾游牧者原欲以此爲閒地兩不相及以息爭端耳今台吉反云難以讓給試思阿爾台果係誰地誰能讓給爾誠遵

旨定議我必不爲禍始亦不復向科布多居住又謂我等置哨偏阿爾台宜向內徹夫哨兵乃

聖祖仁皇帝時所設至今並未外移卽議定地界哨兵豈能不設爾台吉其自思之十一月準噶爾使至

召策稜馳來京主其議三年三月以準噶爾未遵旨指明地界

飭使還十二月噶勒丹策凌遣使哈柳奉表至請循布延圖河南

以博爾濟昂吉勒圖烏克克嶺噶克察等處北以遜多爾庫奎多  
爾多輝庫奎至哈爾齊喇博木喀喇巴爾楚克等處爲界厄魯特  
邊人仍在阿爾台山後游牧并乞令托爾和布延圖哨兵向內移  
詔弗允四年正月

命哈柳往見策稜哈柳曰額駙游牧部屬盡居喀爾喀地何弗居  
彼策稜荅曰我

主居此子惟隨

主而居喀爾喀地特子游牧耳哈柳又曰準噶爾尙有額駙子何  
不令來京荅曰子蒙

恩尙公主公主所出乃爲子子他子無與也卽爾準噶爾送還子

亦不以爲子當奏

聞誅之二月哈柳還十月復至請如原議毋踰阿爾台蓋自與準噶爾議界策棱凡三至京議始定十二月

諭曰額駙超勇親王策棱入覲朕諭以噶勒丹策凌送所掠喇嘛羅卜藏西瓦還時曾言車臣汗子見在準噶爾若念之當卽送還策棱奏臣受國恩至優極渥前準噶爾掠臣二子若等不卽自盡尙復苟且偷生全不知恥臣欲得此不肖子何用且與國事無益噶勒丹策凌性本狡詐臣若欲得二子彼必妄行干請所關非小國事爲重臣斷無念子之心朕思父子關乎天性策棱感激隆恩祇圖裨益國家顧惜大義不思復與其子相見朕心深爲惻然思

有以獎之伊長子成衮扎布人才出眾在軍前亦甚奮勉著加恩  
照宗室親王例封爲世子以昭殊眷五年五月遵

旨勘定喀爾喀游牧毋越扎布堪齊克慎哈薩克圖庫克嶺等處  
與準噶爾各守定界十月請專用喀爾喀兵防汛

允之卽

命策梭督調六年請給鄂爾坤及烏里雅蘇臺駐防兵銀米

詔從所請行尋因策梭年老

諭移軍營於塔密爾七年

御題詩扇

賜之十二年入

覲

優賚遣歸十五年薨訃至

上軫悼

諭曰定邊左副將軍固倫額駙喀爾喀大扎薩克和碩超勇親王策棱以名藩尙主班崇懿戚在

聖祖仁皇帝時卽已宣力邊陲勲猷茂著

世宗憲皇帝眷注優隆晉爵親王任專閩外身先血戰殄靖狡寇偉績丕昭益勤忠藎朕以王爲

兩朝勲舊倚毗彌殷寄重長城倍加渥澤前聞邁疾遄命賜藥選醫令伊次子車布登扎布馳驛侍奉復遣乾清門侍衛德山等前



往存問方期漸就痊可忽聞溘逝深爲軫惻著加恩賜銀一萬兩  
治喪卽命德山等往奠茶酒允伊遺奏合窆固倫純愨公主園寢  
著伊長子成袞扎布扶柩來京俟到日朕親臨奠醑所有應行典  
禮俱照宗室親王例考謚建碑俱如儀式自昔功臣勳戚侑食廟  
庭以王之功宜配享

太廟雖蒙古親藩從未有與配享者朕以王功在王室名勒旂常  
簡任久孚宜膺特典且令眾蒙古知朕崇獎賢勞中外一體俾共  
知感奮益切勸忠并照和碩怡賢親王例崇祀賢良祠永垂秩祀  
以示朕酬庸展親優賢篤舊至意

賜謚曰襄

御製七言詩悼之有不必讀書知大義每於臨陣冠三軍之句子  
八列譜者六長成衮扎布襲扎薩克親王次車布登扎布封扎薩  
克郡王別有傳次蘇巴什里次扎木禪多爾濟均封公品級次額  
琳沁多爾濟授一等台吉追封公品級別有傳次西勒格圖呼圖  
克圖

一次襲成衮扎布策棱長子康熙五十九年隨大軍擒準噶爾宰  
桑貝坤雍正十年勦賊額爾德尼昭有功授一等台吉乾隆元年  
封固山貝子授所部副將軍尋遵

旨議駐兵防邊奏選喀爾喀兵駐庫卜克爾干特斯克索等  
處五千各築城有事則入保拜達里克察罕度爾推河塔密爾所

駐內地兵悉徹還惟鄂爾坤應暫駐滿洲蒙古兵萬備防禦報  
聞四年封世子八年扈

駕詣盛京

賜杏黃轡十五年二月襲扎薩克和碩親王兼授盟長六月

諭曰額駙超勇襲親王策梭爲國家竭誠宣力

世宗憲皇帝授以定邊左副將軍重任訓兵飭備準夷懾服喀爾  
喀賴以甯謐實爲勳戚重任不意溘逝所遺缺甚屬緊要簡任務  
在得人成衮扎布係伊長子前在軍營懋著勞績才具實堪勝任  
雖此非世襲之職而因才器使有所弗拘著授爲定邊左副將軍  
務益勵忠勤勉成父志以副特簡毗任之意十六年三月奏守汛

弁兵私與界外回眾互市致爭請嚴鞫

詔勿株連嗣後嚴禁九月回眾至伊都克汎仍乞市成裘扎布檄守汎侍衛飭勿再至復遣土謝圖汗部扎薩克台吉車布登往驅之十七年三月率兵三千環屯塔密爾軍營十二月來朝奏每年鄂爾坤及烏里雅蘇臺駐喀爾喀防秋兵二千外四部各有備用兵扎薩克圖汗部千賽因諾顏部二千外土謝圖汗三千車臣汗部四千俱在游牧豫備距軍營近僅數日遠亦不過旬餘若盡調烏里雅蘇臺糧馬由各部派給將滋累請仍居本游牧聽調從之十八年杜爾伯特台吉車凌等攜眾降成裘扎布檄扎薩克圖汗部貝勒車登扎布車臣汗部副將軍公格埒克巴木丕勒各以兵千

國朝通志卷之八十二  
赴烏里雅蘇臺防準噶爾追兵有宰桑禡木特者引兵二百來追  
擅入界

諭勿縱還巢禡木特逸

飭責之十九年三月

諭曰前因軍營無事額駙策梭年老就近以塔密爾作爲軍營今  
有辦理烏梁海之事軍營應移駐烏里雅蘇臺以塔密爾作爲內  
地尋與尚書舒赫德議防秋

詔來京面授方略四月罷定邊左副將軍職

命赴額爾齊斯督屯田二十年正月定北將軍班第統大軍勦達  
瓦齊成衮扎布請隨征

諭遵前旨赴額爾齊斯二月

詔暫駐烏里雅蘇臺俟大軍行偕護軍統領塔爾瑪善往督屯田  
四月屯田兵由額爾齊斯移駐伊蘇圖鏗格爾七月伊犁平屯田  
兵徹還會包沁總管阿克珠勒等叛遁成衮扎布偕塔爾瑪善沿  
途緝賊四十餘以未悉擒

諭停議敘十月包沁賊肯哲顏達什巴雅爾圖等竄伏烏隆古成  
衮扎布擊斬之還駐烏里雅蘇臺二十一年八月和托輝特逆賊  
青衮咱卜叛

命成衮扎布復爲定遠左副將軍統師往擒先是青衮咱卜陰謀  
逆成衮扎布首發其狀

皇朝通志卷之二十一  
二  
獎賜佩飾至是偕親王德沁扎布檄各游牧兵協勦復令哲卜尊  
丹巴呼圖克圖諭所部知大義俾勿惑

上嘉之故有是

命十月

賜三眼孔雀翎十一月以遣察哈爾營總炳圖喀爾喀護衛齊納  
圖往諭烏梁海侍衛巴圖孟克羅卜藏阿扎喇往諭和托輝特母  
附逆

優賜之十二月青衮咱卜就擒

諭曰親王成衮扎布奉命討賊實心效力迅奏膚功朕深嘉之著  
賞杏黃帶封伊第四子占楚布多爾濟爲世子以獎忠勤尋

命占楚布多爾濟代掌扎薩克青衮咱卜之叛也其部貝勒車登扎布助逆

上命二賊就擒後籍所屬給成衮扎布及弟郡王車布登扎布等成衮扎布奏和托輝特屬有伊克和托輝特巴罕和托輝特明噶特哈柳沁托斯奢集努特六鄂拓克並烏梁海十六鄂拓克聞大兵至卽解尙知感戴和托輝特輔國公旺布多爾濟係貝勒博貝嫡嗣輔國公多爾濟車登台吉達什朋素克係博貝從子皆未附逆請令轄青衮咱卜屬至車登扎布助逆時台吉諾爾布率眾報烏里雅蘇臺軍汛供應駝馬尙屬奮勉請授扎薩克令轄車登扎布屬庶伊等不致離析各扎薩克知感自必嚴加鈐束



獎協機宜

詔如議行尋敘捐馬助軍功得紀錄二十二年正月

詔授定邊將軍統大軍赴巴里坤勦輝特逆賊巴雅爾

諭曰將軍重任甚難其人成衮扎布熟悉蒙古事宜且深感朕恩誠心報效著授將軍印賜整裝銀五千兩伊子弟有願隨往者聽其指名具奏此次進兵非初進伊犁可比見在賊勢窮蹙擒剿甚易成衮扎布勤勞已久毋庸久駐行間以示體恤十月以世子占楚布多爾濟卒

命其長子輔國公額爾克沙喇代掌扎薩克十二月來朝

諭曰成衮扎布世篤忠貞夙諳軍旅前曾授定邊左副將軍永居

邊陲嗣因巴雅爾作亂授定邊將軍統兵進剿朕思北路軍營關係甚重自平定伊犁以來拓地廣遠統轄非易今復授爲定邊左副將軍駐守烏里雅蘇臺統領官兵綏柔邊境其勛之二十三年三月

賜銀千兩

命攜孥赴軍四月以土爾扈特台吉舍稜遁俄羅斯

詔馳赴科布多會勦時成衮扎布已領兵三百赴布延圖追剿奏  
至

諭獎之七月

命調兵緝烏梁海逃人恩克八月遷駐烏里雅蘇臺尋遣兵緝烏

爾都里克劫驛賊十二月奉

詔購駝馬解巴里坤二十四年二月遣兵追捕瑪哈沁之盜馬者  
八月安置新撫烏梁海眾十月以回部底定

命成衮扎布宣

諭眾喀爾喀知之十一月奏徹布延圖兵還烏里雅蘇臺十二月  
來朝二十六年三月奏喀爾喀汎舊設阿爾台今準夷回部底定  
向時戍區俱成內地請展扎哈沁烏梁海喀爾喀等汎資耕牧業  
詔會勘尋奏柰曼明安至度濟察罕布爾噶蘇所設汎宜展至烏  
魯木齊烏梁海內大臣察達克等勘巴顏珠爾克至烏拉克沁伯  
勒齊爾及烏魯木齊可設汎十五俱相隔百里爲率軍機大臣遵

旨議柰曼明安舊汛應遠徙但千里長途喀爾喀難遙制應將附近烏魯木齊之烏爾圖布拉克賽塔喇納里特濟木薩四汛令索倫綠旗兵駐防其蘇伯昂阿至烏拉克沁伯勒齊爾十一汛令成衮扎布督理從之二十八年來朝以督理烏梁海與哈薩克互市協夷情

諭獎之二十九年四月奏烏里雅蘇臺舊城圯應增修報

可七月以鞫索倫逃兵未疏奏

訓飭之十一月復奏烏里雅蘇臺土浮難興版築舊城在齊格爾蘇特烏里雅蘇臺二河間應照舊造木城增高丈六尺厚一丈周圍共五百丈內外掛木柵中實土東西南各置門北迎河掘溝引

水環之卽以溝土築城報

聞三十一年額爾克沙喇卒

命次子輔國公伊什扎木楚代掌扎薩克三十六年成袞扎布卒  
賜銀千兩治喪于七長額爾克沙喇封貝子品級輔國公別有傳  
次伊什扎木楚襲輔國公次敏珠爾多爾濟封公品級次占楚布  
多爾濟封世子次納瑪愷多爾濟授一等台吉次德埒克多爾濟  
封輔國公次拉旺多爾濟襲扎薩克親王

二次襲拉旺多爾濟成袞扎布第七子尙固倫和靜公主授固倫  
額駙

賜雙眼孔雀翎尋封世子

命御前行走乾隆三十六年襲扎薩克和碩親王仍

命輔國公伊什扎木楚代掌扎薩克三十九年偕大學士舒赫德  
勦山東逆賊王倫四十六年

詔世襲罔替四十九年以成袞扎布之孫世子占楚布多爾濟之  
子車登達錫

恩賞喀爾喀一等台吉公品級五十二年封輔國公仍  
命乾清門行走

日本書紀卷之二十一

推古天皇

十一

附多羅貝勒恭格喇布坦列傳

今襲固山貝子

恭格喇布坦超勇襄親王策棱弟康熙三十一年來歸

賜居京師

教養內廷尋尙郡主授和碩額駙雍正元年

上以其性貞慤才超眾畱任京秩不若遣赴軍可得力

特封多羅貝勒令隨兄效力未至卒於途子佛保降襲固山貝子  
一次襲佛保恭格喇布坦第四子雍正元年襲固山貝子附伯父  
額駙策棱旗駐牧塔密爾十年準噶爾賊掠額爾德尼昭道經塔  
密爾時策棱由察罕庫爾軍營擊賊克爾森齊老牧地被掠不及  
救佛保陷賊兄沙克都爾扎布代襲貝子後大軍平定準噶爾佛



保歸授輔國公互見彼傳

二次襲沙克都爾扎布恭格喇布坦長子雍正十年襲固山貝子  
乾隆二十年追擒包沁叛賊阿克珠勒及和濟木呼哩敘功

詔晉封多羅貝勒二十七年卒子敦多布多爾濟襲

三次襲敦多布多爾濟沙克都爾扎布次子乾隆二十七年襲固  
山貝子尋授副盟長四十六年

詔世襲罔替

附貝子品級輔國公額爾克沙喇列傳今停襲貝子品級

額爾克沙喇親王成袞扎布長子初授一等台吉乾隆二十二年隨大軍勦輝特叛賊巴雅爾

詔封輔國公二十三年偕其弟占楚布多爾濟扈

駕木蘭行圍

賜黃馬褂及紫轡

命乾清門行走尋敘擒賊莫邏達什扎布功

賜貝子品級二十四年嗎哈沁賊盜汎馬

詔郡王車布登扎布往捕成袞扎布奏遣額爾克沙喇偕參贊大臣扎隆阿分路繼進

諭曰額爾克沙拉奮勇有爲朕所深知與其同行不若獨往庶無掣肘可卽赴扎隆阿營代領其眾但車布登扎布已先行兩月餘盜馬賊人又非大隊著暫停前進成衮扎布亦奏言時近秋若令額爾克沙喇赴車布登扎布處馬力疲且薩拉布拉克汎邇被掠額爾克沙喇業起兵請自烏魯木齊赴察拉垓等處牧馬緝賊兼令台吉烏木布濟率兵應

上報可尋

命赴哈薩克部界偵禦二十五年烏梁海爲哈薩克部人巴圖克巴圖爾所掠額爾克沙喇獲被掠者詰之告烏梁海遊牧遠以故被掠且哈薩克汗阿布賚遣使至欲擒獻巴圖克巴圖爾

諭曰額爾克沙喇久駐哈薩克界可徹兵還卽以朕旨宣諭云劫掠烏梁海係巴圖克巴圖爾一人所爲與其部長無涉使彼知之二十六年解伊犁牲畜道斃議償

詔免其半三十一年卒成袞扎布以額爾克沙喇子阿穆爾拜車布木達什幼其弟伊什扎木楚詣旗務奏請襲爵並遣入

覲

許之

詔停襲貝子品級以伊什扎木楚襲輔國公阿穆爾拜車布木達什各授一等台吉

一次襲伊什扎木楚親王成袞扎布次子初授一等台吉乾隆三

十一年襲輔國公三十二年扈

駕木蘭行圍

賜黃馬褂

命乾清門行走四十六年

諭曰伊什扎木楚所襲輔國公係伊兄額爾克沙喇效力軍營所

封之爵著加恩令其世襲罔替出缺後仍以額爾克沙喇子請旨

承襲五十五年卒五十六年兄公額爾克沙喇之子一等台吉阿

穆爾拜之子達什多爾濟襲

二次襲達什多爾濟阿穆爾拜之子乾隆五十六年襲輔國公

附 輔國公佛保列傳

佛保初襲貝勒爲準噶爾所掠見其父貝勒恭格喇布坦傳乾隆二十二年準噶爾平佛保自伊犁歸

賜公品級先是佛保陷賊其兄沙克都爾扎布代襲貝子二十八年沙克都爾扎布卒佛保及沙克都爾扎布子敦多布多爾濟入覲

詔敦多布多爾濟襲貝子而封佛保爲輔國公

命乾清門行走三十六年卒子三丕勒敦多克襲

一次襲三丕勒敦多克佛保長子乾隆三十六年襲輔國公四十六年

論曰三丕勒敦多克所襲公爵係因伊父佛保陷賊復歸加恩所  
封著令其世襲罔替

附 追封公品級一等台吉額琳沁多爾濟列傳

額琳沁多爾濟超勇襄親王策棱第五子初授一等台吉乾隆二十一年偕台吉旺辰多爾濟隨定邊左副將軍哈達哈勦撫烏梁海復進兵哈薩克以病痘卒

諭曰額琳沁多爾濟效力戎行歿於王事深可憫惻著加恩追封公品級以其子納遜多爾濟襲並

賜銀二百兩治喪

一次襲納遜多爾濟額琳沁多爾濟長子乾隆二十一年襲公品級一等台吉四十六年理藩院議納遜多爾濟所襲公品級例弗應世襲俟出缺時請



旨

詔如議

國朝耆獻類徵初編卷首之八十三

通奉大夫前署江西巡撫江西布政使司布政使臣李桓恭錄  
欽定外藩蒙古回部王公表傳卷之七十一

傳第五十五

扎薩克多羅郡王車布登扎布列傳

車布登扎布喀爾喀部人姓博爾濟吉特超勇襄親王策棱次子  
初授一等台吉雍正九年從勦準噶爾賊於蘇克阿勒達呼  
賜冠服十年由克爾森齊老赴額爾德尼昭擊賊力戰被創

詔封輔國公

賜雙眼孔雀翎

命乾清門行走乾隆七年

命御前行走十六年授所部副將軍參贊十七年其兄親王成袞  
扎布請析屬令車布登扎布轄自爲一旗

詔允其請別授扎薩克十九年七月以勦撫烏梁海偕同部貝子  
車木楚克扎布擊宰桑察達克於察罕烏蘇十月獲宰桑車根及  
厄魯特台吉齊木庫爾降其眾復隨參贊大臣薩拉爾擒準噶爾  
宰桑庫克辛禡木特及通禡木特十二月敘功

賜貝子品級二十年大軍勦達瓦齊車布登扎布偕協理台吉達  
什由察罕呼濟爾以三百騎倍道馳至集賽擒宰桑齊巴漢偵達  
瓦齊居格登在伊犁河西急奪船渡達瓦齊遁車布登扎布隨軍

追襲伊犁平定北將軍班第表其功

詔嘉之晉封多羅貝勒會逆賊阿睦爾撒納謀據伊犁潛與其黨納噶察貽書哈薩克汗阿布賚詭言統領蒙古漢兵駐伊犁車布登扎布責納噶察曰爾等匿奉

天子命反若自統兵至可乎納噶察不從車布登扎布告將軍班第飭易書且密陳阿睦爾撒納擅奪宰桑鄂勒錐駝馬藉稱防禦哈薩克及布魯特私調兵九千駐各路諸狂悖狀班第具以聞蓋阿睦爾撒納謀逆同事者多不之察獨車布登扎布發其奸師旋

命招降烏梁海部眾卽令轄之二十一年春烏梁海賊酋郭勒卓

輝譌言哈薩克汗阿布賚與阿睦爾撒納連和

詔車布登扎布以參贊大臣隨定邊左副將軍哈達哈率師往剿有固爾班和卓者奇爾吉斯宰桑也攜千餘戶潛赴烏梁海謀偕遁車布登扎布麾兵擊擒固爾班和卓誅其眾因進兵哈薩克界借尙書阿里衮由伊什勒諾爾剿賊至汗扎爾會斬獲無算上嘉其功晉封多羅郡王秋和托輝特逆賊青衮咱卜叛親王成衮扎布討之

詔車布登扎布還烏里雅蘇臺協理軍務尋

命緝賊郭勒卓輝冬十月軍旋

賜三眼孔雀翎尋以兵七百赴克木克木齊克協剿青衮咱卜聞

就擒乃還二十二年正月成衮扎布奉

命以定邊將軍由巴里坤勦輝特叛賊巴雅爾

詔車布登扎布署定邊左副將軍印駐烏里雅蘇臺八月遣兵擒  
附逆賊青衮咱卜叛逃之達瑪琳

優賚幣九月請遣烏梁海內大臣察達克率兵四百往招烏梁海  
博和勒納木扎勒等復由布延圖軍選兵策應

上聽其議十月

諭曰車布登扎布辦理軍務皆合機宜較前大有進益明歲進兵  
著授兆惠爲定邊將軍代成衮扎布而以車布登扎布爲之副卽  
來京請訓喀爾喀王公內有能協同辦事之人伊卽指名具奏毋

唐派兵但將新隨人役酌量足用仍加恩賞銀二千兩以備整裝之用十一月奏派土謝圖汗部公品級扎薩克台吉三都布多爾濟一等台吉齊旺扎布賽因諾顏部扎薩克台吉達什一等台吉敦多卜四等台吉庫爾奎等隨征聽調從之二十三年正月

詔授定邊右副將軍隨將軍兆惠由巴里坤進剿厄魯特餘賊及逆回霍集占三月兵至伊犁時叛酋阿睦爾撒納竄死逸賊阿巴噶斯哈丹舍稜布庫察罕哈薩克錫喇等未就獲車布登扎布奏遣兵赴喀什崆格斯搜逸賊

論曰此等處所伊犁進兵時俱已經過何必重勞馬力見今阿巴噶斯哈丹及舍稜等俱未殲除殊屬不知緩急伊等當自知愧悟

益加奮勉車布登扎布奏請赴塔爾巴噶台偵緝舍稜

諭曰當舍稜初遁時伊等若卽尾追又有和碩齊堵截必爲擒獲  
今已逋逃兩月餘豈尙在塔爾巴噶台坐待追兵耶可速赴額爾  
齊斯與成袞扎布等協力會剿尋

諭赴博囉塔拉緝阿巴噶斯哈丹布庫察罕哈薩克錫喇毋庸復  
至額爾齊斯六月奏收服烏魯特得木齊托羅和卓六十餘戶於  
喀什河

諭卽策應兆惠會布庫察罕爲哈薩克部人察哈瑪巴圖爾所擒  
諭曰前諭車布登扎布不必往追舍稜俟擒布庫察罕等卽策應  
兆惠今聞布庫察罕見擒於哈薩克則哈薩克錫喇亦必竄伏其



地車布登扎布速由塔爾巴噶台檄諭哈薩克阿布賚汗將哈薩克錫喇一體擒獻先是哈薩克錫喇及宰桑鄂哲特等潛遁和落霍斯聞遁急度不得脫悉眾據高岡侍衛瑪琥等以我兵少請待其走攻之車布登扎布持不可麾兵擊擒鄂哲特哈薩克錫喇僅以身免斬獲甚眾捷

聞

詔以其父超勇號

賜之七月鄂哲特械至供稱副將軍車布登扎布身先士卒所向無前

上愈嘉歎

賜金黃帶

諭曰車布登扎布奮勇勦賊以少克敵不愧超勇之目前者舍稜  
逃遁伊未及尾追諒因不能兼顧亦事勢使然此時布庫察罕料  
哈薩克自必縛獻惟聞哈薩克錫喇逃西哈薩克部之特柳克參  
贊大臣富德兵少窮追似屬可虞昨諭車布登扎布策應自應前  
往但亦須酌量馬力儻有不足卽徹兵與富德暫回伊犁再圖進  
取朕於他人每降旨督催伊天性勇往故降此旨著傳諭知之是  
月車布登扎布由固爾班察爾進屯阿布勒噶爾哈薩克縛獻布  
庫察罕車布登扎布因請馳赴阿克蘇策應將軍兆惠  
命還駐伊犁晉親王品級九月

四庫全書 卷之二  
諭曰撫定回部已有兆惠納穆扎爾等自易竣事車布登扎布軍  
營效力已久徹兵後卽歸游牧休息二十四年春偕車木楚克扎  
布率兵干越阿爾台捕嗎哈沁

詔沿途偵緝阿巴噶斯哈丹及綽囉斯台吉烏勒木濟夏

詔由塔爾巴噶台赴特穆爾圖諾爾協剿霍集占會將軍兆惠已  
率兵進葉爾羌

諭車布登扎布由博羅呼濟爾還駐伊犁冬十月以追嗎哈沁賊  
不力

訓飭之十二月入

覲

賜宴遣歸尋授所部副將軍二十五年

命圖形

紫光閣

御製贊曰拍馬彎弓無敵所向不曾讀書如古名將和洛霍斯少  
勝眾彼超勇親王額駙之子二十七年奉使西藏三十三年入  
覲

賜第京師三十六年授定邊左副將軍尋授盟長三十八年以牟  
利爲同部員子品級齊旺多爾濟所訐

詔罷左副將軍職三十九年車布登扎布年七十

賜無量壽佛及珊瑚朝珠四團龍服四十四年授議政大臣

上追念其擊賊和落霍斯功

命繪圖以

賜四十五年以擅請展牧界削親王品級四十六年

諭曰車布登扎布敷歷戎行戰功懋著由台吉洊封郡王兼授扎薩克著恩子世襲罔替四十七年卒子三丕勒多爾濟襲

一次襲三丕勒多爾濟車布登扎布長子乾隆四十七年襲扎薩

克多羅郡王

命御前行走

扎薩克多羅郡王衮布列傳

今襲多羅貝勒

衮布喀爾喀部人姓博爾濟吉特扎薩克親王善巴叔祖爲賽因諾顏圖蒙肯第十三子康熙元年右翼扎薩克圖汗旺舒克爲羅卜藏台吉額琳沁所戕衮布率左翼兵擊走額琳沁土謝圖汗察琿多爾濟嘉其勇投昆都倫博碩克圖號二十五年赴庫倫伯勒齊爾盟

詔授扎薩克二十七年爲噶勒丹所掠集眾來歸二十九年三月尙書阿喇尼統大軍禦噶勒丹謀衮布居額爾古納河謀內徙遣郎中馬迪往迎渡克嚕倫河而南時噶勒丹居阿爾坦額默爾在克嚕倫河北由烏爾順喀爾喀二河來追衮布敗走阿喇尼援之

噶勒丹遁

諭袞布移牧內汛三十年迎

覲多倫諾爾

詔封多羅郡王仍兼扎薩克三十二年

上幸塞外

駐蹕齊老圖昂阿袞布來朝

優賜之

命遣偵噶勒丹三十五年隨撫遠大將軍費揚古敗噶勒丹於昭  
莫多復遣歸色爾濟等赴齊斯希特克木齊克迎和托輝特貝勒  
根敦凱旋獻所獲厄魯特畜械

命賚之仍隨軍聽調是年十月遣屬烏勒木濟偕土謝圖汗部郡王固魯什喜屬阿玉什等齎

敕諭厄魯特台吉阿喇布坦絕噶勒丹來降十二月以兵緝厄魯特逸賊三十六年噶勒丹竄斃朔漠平

遣歸游牧四十年卒子二長額琳沁降襲多羅貝勒次都噶爾扎布孫額墨根授扎薩克台吉別有傳

一次襲額琳沁衮布長子康熙三十五年隨撫遠大將軍費揚古敗噶勒丹於昭莫多四十七年襲扎薩克多羅貝勒四十九年諭曰貝勒額琳沁於喀爾喀部爲導行人甚老成昭莫多之捷伊從征亦甚奮勉伊父本係郡王著加恩晉襲原爵出缺時仍襲貝



勒是年卒子吹扎木三襲

二次襲吹扎木三額琳沁長子康熙五十年襲扎薩克多羅貝勒五十六年隨大軍進勦策妄阿喇布坦雍正元年卒子納木扎勒齊素隴襲

三次襲納木扎勒齊素隴吹扎木三長子雍正二年襲扎薩克多羅貝勒九年準噶爾賊由阿濟入掠納木扎勒齊素隴偕扎薩克圖汗部貝勒班第台吉根敦等徙居色楞額河南北岸保護游牧十年隨大軍擊賊克爾森齊老獻馬助軍得紀錄乾隆十八年杜爾伯特台吉車凌等降納木扎勒齊素隴率兵百餘馳會參贊大臣達青阿禦準噶爾追兵尋赴扎布堪塔本托羅海駐防十九年

偕土謝圖汗部郡王桑齋多爾濟等屯鄂爾海喀喇烏蘇復遣長子一等台吉旺沁多爾濟從軍二十年正月大軍勦達瓦齊獻馬助五月以兵三百緝杜爾伯特逃賊巴朗復偕同部貝子車布登扎布等追達瓦齊至沙喇雅嶺達瓦齊尋就擒軍旋赴哈勒巴烏蘭駐防二十一年隨定邊左副將軍哈達哈勦烏梁海賊郭勒卓輝博博等因進討哈薩克敗其汗阿布賚兵

賜雙眼孔雀翎

命還軍營督牧駝馬二十五年卒子齊默特多爾濟襲

四次襲齊默特多爾濟納木扎勒齊素隴第三子乾隆二十五年襲扎薩克多羅貝勒二十七年扈

鶴木蘭行圍

賜雙眼孔雀翎尋授所部副將軍參贊四十六年

諭曰齊默特多爾濟之始祖衮布本喀爾喀舊扎薩克首先來歸封郡王爵嗣降襲貝勒已歷四世著加恩令其世襲罔替五十五年卒長子德埒克彭楚克襲

五次襲德埒克彭楚克齊默特多爾濟長子乾隆五十五年襲扎薩克多羅貝勒

國朝耆獻類徵初編卷首之八十四

追奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之七十二

傳第五十六

扎薩克鎮國公托多額爾德尼列傳今漢多羅郡王

托多額爾德尼喀爾喀部人姓博爾濟吉特扎薩克親王善巴再從弟祖卓特巴號車臣諾顏為賽因諾顏圖蒙肯長子有子三長齊滿生本塔爾子圖巴授扎薩克台吉別有傳次察斯希布子齊旺多爾濟次索諾木和碩齊子二長烏巴達次即托多額爾德尼康熙二十七年托多額爾德尼從烏巴達攜眾來歸

外藩傳

國朝通志卷之四十四  
老貢子不日  
詔附烏喇特界游牧先是噶勒丹自杭愛山越圖拉河轉畧克魯  
倫所部多潰走托多額爾德尼獨拒戰殺傷略相當賊眾稍衰有  
兩人其一騎及削木爲仗者二十九年三月偵噶勒丹居巴顏烏  
蘭偕同族素泰伊勒登以兵三千隨侍郎溫達赴圖拉遏準噶爾  
歸路十月自軍營入

覲

優賚之三十年迎

覲多倫諾爾

詔封扎薩克鎮國公復以厄魯特巴圖爾額爾克濟農和囉理旣  
降復叛

命備禦之尋和囉理乞降罷兵初托多額爾德尼無嗣以從兄齊  
旺多爾濟子策旺諾爾布爲己子請備宿衛

許之三十二年托多額爾德尼卒時策旺諾爾布在京

詔烏巴達襲鎮國公

一次襲烏巴達托多額爾德尼兄康熙三十二年襲扎薩克鎮國  
公三十五年大軍敗噶勒丹

詔烏巴達偕同族郡王衮布等沿邊偵緝三十六年叛賊伊拉古  
克三呼圖克圖竄伏黃河西岸謀劫汛馬

諭防緝之四十九年卒子巴穆襲

二次襲巴穆烏巴達長子康熙五十年襲扎薩克鎮國公五十一

年卒

詔以托多額爾德尼嗣子策旺諾爾布襲鎮國公爵而改授巴穆子諾爾布扎布爲扎薩克一等台吉自有傳

三次襲策旺諾爾布托多額爾德尼嗣子初授侍衛擢內大臣上駟院卿兼蒙古正黃旗佐領康熙五十一年襲扎薩克鎮國公五十五年閏三月以青海右翼台吉羅卜藏丹津察罕丹津達顏與左翼台吉額爾德尼額爾克托克托爾阿喇布坦俄木布構釁

詔偕侍衛布達哩莅盟諭令和好五十六年策妄阿喇布坦遣策凌敦多卜潛兵擾西藏

詔策旺諾爾布偕侍衛阿齊圖等駐噶斯偵禦之五十七年三月

侍衛色楞奉

命援西藏廷臣議檄策旺諾爾布及四川總督額倫特都統瑚錫圖赴噶順固木護青海額倫特請令瑚錫圖以兵千駐噶順固木已與色楞分路進藏策旺諾爾布復請令額倫特瑚錫圖同駐噶順固木

上以兩奏互異

諭飭之尋議瑚錫圖駐守色楞額倫特進剿策旺諾爾布繼援九月色楞額倫特擊賊於喀喇烏蘇齊諾郭勒乘勝深入以兵寡戰歿策旺諾爾布援弗至全軍還

詔優卹色楞額倫特他日



諭廷臣曰色楞額倫特固屬失機但策旺諾爾布係隨往接應之  
兵而遲延不前致前軍失援戰歿雖伊所統克全兵丁固屬感念  
於國事有何裨益五十八年四月撫遠大將軍固山貝子允禔奉  
命駐西甯檄策旺諾爾布偕副都統寶色等防索羅木策旺諾爾  
布請檄青海兵六百守軍營尋由索羅木護自西藏來歸之扎穆  
揚善木巴等至西甯時裏塘達賴喇嘛瑚畢勒罕羅卜藏噶勒藏  
嘉穆錯居西甯唐古特人以其部拉藏汗爲策凌敦多卜所戕願  
迎達賴喇嘛瑚畢勒罕歸置禪榻允禔以

聞

諭集青海王台吉等定議并

召策旺諾爾布等入奏五十九年正月羅卜藏噶勒藏嘉穆錯封第六世達賴喇嘛

詔策旺諾爾布參贊平逆將軍延信軍護往西藏八月由卜克河進屯齊諾郭勒綽瑪喇擊敗準噶爾賊謀定西將軍噶爾弼率雲南四川兵由拉里抵藏馳進策凌敦多卜遁西藏平軍旋六十年三月策旺諾爾布復奉

命隨延信駐藏尋延信病

召還噶爾弼代復病

詔策旺諾爾布佩定西將軍印代之雍正元年三月

命撤兵還先是策旺諾爾布赴青海莅盟時羅卜藏丹津僞從命

既而背盟謀脅眾據西藏與準噶爾連和有諾顏哈什漢及台吉巴勒珠爾者策旺諾爾布同族居青海聞其謀先後密遣人告策旺諾爾布四月策旺諾爾布奏言臣聞羅卜藏丹津負

恩倡逆自取滅亡以臣愚見青海台吉等彼此不睦骨肉離析各逞己見羅卜藏丹津又甚糊塗酗酒失人心伊雖傳集會盟度眾人無不感戴

養育深恩未必與伊同逆但事有關係不可不預爲防備臣見行文駐劄西甯侍郎常壽雲貴總督高其倬等一體偵禦疏至上命常壽馳赴青海宣

諭羅卜藏丹津至則羅卜藏丹津已叛十月大軍進討明年羅卜

藏丹津爲大軍所敗竄準噶爾青海平策旺諾爾布由西甯入  
覲

詔獎進藏功晉封固山貝子

賜三眼孔雀翎四年授副盟長十年因老乞休

許之子車木楚克扎布襲鎮國公

四次襲車木楚克扎布策旺諾爾布長子雍正十年隨大軍擊準  
噶爾於克爾森齊老及額爾德尼昭有功

優賚之

命乾清門行走是年襲扎薩克鎮國公乾隆三年

諭曰車木楚克扎布之父策旺諾爾布當

世宗憲皇帝時內廷行走宣力有年嗣駐藏奮勉由鎮國公晉封貝子前因年老子告以車木楚克扎布降襲鎮國公今觀車木楚克扎布效力軍營亦屬奮勉著加恩令其晉襲貝子六年參贊大臣副都統慶泰奉

命赴桑錦托羅海閱防秋兵以車木楚克扎布旗軍容整獎賚之十八年偕副都統達清阿駐防烏里雅蘇臺偵準噶爾宰桑禡木特以兵二百入汛追來降之杜爾伯特台吉車凌車凌烏巴什車凌蒙克馳由巴顏珠爾克博托和尼溝往禡木特揚言其部台吉噶勒藏多爾濟阿睦爾撒納將至因遣報定邊左副將軍親王成衮扎布發兵援而自赴車凌車凌烏巴什所諭速徙烏里雅蘇臺

車凌蒙克後至復令由庫布固爾河入西爾哈瀚海禡木特璽馳遁車木楚克扎布等追之不及

詔責其疏縱飭偕達清阿擒賊自效禡木特璽就擒復釋還

諭偕同部貝子沙克都爾扎布等以兵二千赴卓克索駐防

賜雙眼孔雀翎十九年購馬六千解軍隨參贊大臣薩拉爾以兵千餘擊烏梁海宰桑察達克於察罕烏蘇還至沙噶扎海迎會參贊大臣努三軍捕宰桑通禡木特等獲之降其眾敘功

賜貝勒品級

優資之

命隨參贊大臣烏爾登赴塔本托羅海駐防二十年隨大軍勦達

瓦齊由巴里坤至珠勒格圖偕杜爾伯特公瑪什巴圖等以兵三百前行擒準噶爾宰桑伊勒巴爾屬復奉定邊右副將軍薩拉爾檄偕阿拉善貝勒羅卜藏多爾濟杜爾伯特貝勒色布騰益兵七百招降扎哈沁宰桑敦多布布魯古特台吉諾海奇齊克輝特台吉敦博勒達克噶勒雜特宰桑哈薩克錫喇等謀達瓦齊居格登阻伊犁河疾引兵由博羅塔拉赴哈達濟勒渡奪其舟大軍合兵進擊達瓦齊遁車木楚克扎布以兵四百會諸將分路追達瓦齊尋就擒偕扎薩克圖汗部輔國公旺布多爾濟攜所部兵還會逆賊阿睦爾撒納叛布庫努特宰桑敦多克曼集等附逆車木楚克扎布偕台吉唐古特追擊之誅其眾復乘勝與旺布多爾濟勦叛

黨阿巴噶斯哈丹等游牧

詔嘉其功

賜三眼孔雀翎

諭隨定西將軍策楞由博囉塔拉復赴伊犁二十一年四月師旋  
縛獻阿巴噶斯哈丹戚屬請駐巴里坤剿逆賊

諭曰爾等自去歲效力軍營往返勞頓今不過弋捕逆犯毋庸多  
人可歸游牧休息七月以車木楚克扎布游牧距驛近

詔轄汛務會和托輝特逆賊青衮咱卜叛梗驛車木楚克扎布督  
兵續之軍書乃達

詔晉封多羅貝勒閏九月



諭曰比者車木楚克扎布接續驛站朕已優封貝勒今復自伊游牧解送駝馬助軍著加恩於軍需項內將此項牲畜折價賞給十二月青衮咱卜就擒親王成衮扎布表車木楚克扎布隨征功詔晉郡王品級二十二年四月偕參贊大臣唐喀祿率兵八百赴阿爾台緝逃賊哈薩克錫喇以察罕郭勒爲要隘馳往偵禦八月偕唐喀祿奏言杜爾伯特貝勒巴圖博羅特公舍稜台吉阿喇善等通阿逆走額爾齊斯不從其汗車凌徒牧臣等偵得狀偕副都統瑚爾起馳赴輝巴郎山後擒巴圖博羅特等并勦烏梁海賊五十戶乃旋兵赴塔爾巴噶台緝哈薩克錫喇

諭嘉和衷且協機宜以

御用佩飾

賜之飭敘加級九月

諭偕郡王車布登扎布撫烏梁海以宰桑博和勒納木扎勒等不  
卽降烏梁海內大臣察達克率兵四百往招車木楚克扎布檄布  
延圖兵百繼進盡降之有特勒伯克扎爾納克者阿勒坦諾爾之  
烏梁海宰桑也聞之亦攜屬至

詔車木楚克扎布定貢賞例宣示德意十二月

諭曰車木楚克扎布數年宣力戎行勤勞懋著近復招降烏梁海  
善爲撫納著晉封多羅郡王二十三年春奏偕察達克勘烏梁海  
戶口其得秦有十餘戶二十餘戶不等分置得木齊收楞額等員

國朝通志卷之四十四  
請併戶少者約四十戶編得秦一

上知其悉烏梁海情

詔如所請夏

命護理盟長印偕親王成衮扎布勒詭降之士爾扈特台吉舍稜  
偵遁俄羅斯乃還秋烏梁海總管阿喇善恩克等叛竄車木楚克  
扎布偕扎薩克圖汗部公品級多岳特分勒阿喇善及恩克屬就  
擒謀恩克竄哈屯河疏請暫歸阿勒和碩屯駐冬雪後賊必就擒  
許之冬果擒恩克

優賚幣二十四年四月副將軍郡王車布登扎布赴塔爾巴噶台  
捕嗎哈沁

命車木楚克扎布參贊其軍七月進伊犁緝逃賊十二月  
召覲京師

賜宴

獎賚二十五年隨車布登扎布擒掠烏梁海之哈薩克賊巴圖克  
巴圖爾二十六年復勦嗎哈沁色布騰逸走追不力

訓飭之會俄羅斯擒獻色布騰仍

賚幣十二月授副盟長三十六年授所部副將軍四十三年卒子  
貢楚克扎布襲

五次襲貢楚克扎布車木楚克扎布長子乾隆二十六年扈

駕木蘭行圍

賜孔雀翎三十七年

命乾清門行走四十四年襲扎薩克多羅郡王尋扈

駕行圍

賜三眼孔雀翎及黃馬褂四十六年

諭曰貢楚克扎布始祖托多額爾德尼原封公爵嗣因貢楚克扎布父車木楚克扎布敷歷戎行勳猷卓著由鎮國公洊封郡王著加恩令其世襲罔替五十三年以病罷弟德木楚克扎布襲

六次襲德木楚克扎布貢楚克扎布之弟乾隆五十三年襲扎薩克多羅郡王

扎薩克鎮國公素泰伊勒登列傳

今襲多羅貝勒

素泰伊勒登喀爾喀部人姓博爾濟吉特扎薩克親王善巴族弟爲賽因諾顏圖蒙肯弟巴賚之曾孫初隸土謝圖汗察璪多爾濟駐牧翁古布爾哈台康熙二十七年來歸

賜牧四子部落界外察罕博托輝二十九年三月偕同族台吉託多額爾德尼隨侍郎溫達赴圖拉河偵禦噶勒丹十月自軍營入覲

優賚之三十年迎

覲多倫諾爾

詔封扎薩克鎮國公以厄魯特巴圖爾額爾克濟農和囉理旣降

復叛

命備禦之尋和囉理乞降罷兵三十五年遭台吉車木朋偵噶勒丹蹤馳報大將軍費揚古督兵敗之獻所獲

遣歸游牧四十二年卒子洪果爾降襲扎薩克一等台吉

一次襲洪果爾素泰伊勒登長子康熙四十二年襲扎薩克一等台吉四十五年卒子阿努哩襲

二次襲阿努哩洪果爾長子康熙四十五年襲扎薩克一等台吉五十年

諭嘉其歲入覲竭力抒誠晉封輔國公雍正九年準噶爾賊眾由阿濟入掠驛斷阿努哩疾自牧所聞之以兵迎達軍書且給驛糧

詔嘉之晉封固山貝子十一年署所部副將軍十二年疾劇

遣歸游牧乾隆二年卒子多爾濟旺楚克襲

三次襲多爾濟旺楚克阿努哩長子乾隆二年襲扎薩克固山貝子十五年卒子羅卜藏車璘襲

四次襲羅卜藏車璘多爾濟旺楚克長子乾隆十五年襲扎薩克固山貝子二十年大軍勦達瓦齊羅卜藏車璘偕協理台吉固穆扎布得木齊達什扎布督理烏蘭烏蘇及烏魯木齊驛務會阿睦爾撒納叛逆黨阿巴噶斯哈巴等乘間劫驛羅卜藏車璘拒之戰死二十一年

諭曰貝子羅卜藏車璘爲國捐軀甚屬可憫伊子台吉德木楚克



扎布見辦接續軍臺事務亦甚奮勉出力著加恩由貝子原爵晉封貝勒令德木楚克扎布襲

五次襲德木楚克扎布羅卜藏車璘長子乾隆二十一年襲扎薩克多羅貝勒四十六年

諭曰朕因德木楚克扎布之父羅卜藏車璘死於王事德木楚克扎布又接續臺站有功施恩由貝子晉襲貝勒仍著加恩令其世襲罔替五十五年卒長子衮布車璘襲

六次襲衮布車璘德木楚克扎布長子乾隆五十五年襲扎薩克多羅貝勒

國朝耆獻類徵初編卷首之八十五

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之七十三

傳第五十七

扎薩克輔國公旺舒克列傳

旺舒克喀爾喀部人姓博爾濟吉特扎薩克親王善巴從子祖色爾濟穆生子德克德赫號墨爾根阿海卽旺舒克父以隨扎薩克圖汗沙喇迎噶勒丹爲土謝圖汗察琿多爾濟所殺見扎薩克圖汗部傳康熙三十一年旺舒克迎

覲多倫諾爾

國身... 老... 主  
論曰旺舒克之先累世納貢因喀爾喀兩汗交惡其父德克德赫無辜被殺以致屬眾潰散窮困無依朕甚憫之已命察還所屬俾復舊業著加恩封扎薩克輔國公三十五年隨西路大將軍費揚古敗噶勒丹於昭莫多三十六年以叛賊伊拉古克三呼圖克圖竄伏黃河西岸謀劫汎馬

詔旺舒克偕同族扎薩克台吉圖巴丹津額爾德尼等設汎防緝  
雍正元年卒子扎木禪襲

一次襲扎木禪旺舒克長子雍正元年襲扎薩克輔國公十年  
賜雙眼孔雀翎乾隆十年卒子巴圖蒙克襲

二次襲巴圖蒙克扎木禪長子乾隆十年襲扎薩克輔國公十八

年偕同部鎮國公貢格敦丹等率兵千赴烏里雅蘇臺駐防二十  
年大軍勦達爾齊巴圖蒙克偕車臣汗部郡王巴雅爾什第等率  
聲援兵三千繼進尋馳兵二百降穆哈賚得秦七十戶

賜帑及佩飾以疾卒於軍子丹巴旌準襲

三次襲丹巴旌準巴圖蒙克長子乾隆二十一年襲扎薩克輔國  
公尋

命乾清門行走四十六年

詔世襲罔替五十五年卒長子羅卜藏多爾濟襲

四次襲羅卜藏多爾濟丹巴旌準長子乾隆五十五年襲扎薩克  
輔國公

國朝詩集卷之六十一

十一

扎薩克輔國公阿玉什列傳

阿玉什喀爾喀部人姓博爾濟吉特扎薩克親王善巴再從弟父濟雅克爲賽因諾顏圖蒙肯第五子號偉徵諾顏阿玉什繼之康熙二十七年來歸三十年迎

覲多倫諾爾

詔授扎薩克一等台吉三十四年偕土謝圖汗部扎薩克台吉車木楚克納木扎勒赴綏克洪果爾偵噶勒丹并備駝馬糗糧資弁兵同往者三十五年四月

上親征噶勒丹阿玉什遣屬齊旺齊呼蘭等赴克魯倫河爲大軍嚮導凱旋

諭獎誠心效力調遣得宜封輔國公七月復偕車木楚克納木扎勒隨安郡王瑪爾琿護厄魯特降軍赴張家口外十月瑪爾琿還諭偕員外郎舍稜留駐十二月以私歸游牧被劾

上詢知舍稜實倡議宥勿問三十六年扈

駕幸甯夏還渡黃河

詔畱阿玉什與車木楚克納木扎勒由水驛扈

蹕他扎薩克皆登陸遄歸游牧三十九年卒于帕克巴扎爾先卒  
孫旺扎勒襲

一次襲旺扎勒阿玉什孫康熙三十九年襲扎薩克輔國公乾隆十二年卒子三都克車木伯勒襲

二次襲三都克車木伯勒旺扎勒長子乾隆十二年襲扎薩克輔國公二十五年以病罷子車登扎布襲

三次襲車登扎布三都克車木伯勒長子乾隆二十五年襲扎薩克輔國公二十九年卒

詔三都克車木伯勒仍復原職

四次襲三都克車木伯勒乾隆二十九年復襲扎薩克輔國公三十五年卒車登扎布子噶爾瑪襲

五次襲噶爾瑪車登扎布長子乾隆三十五年襲扎薩克輔國公四十六年

諭曰噶爾瑪所襲輔國公係伊始祖阿玉什在軍營效力晉封之



國朝通志卷之八十一

爵著加恩令其世襲罔替五十三年

賜孔雀翎黃馬褂

扎薩克輔國公車凌達什列傳

車凌達什喀爾喀部人紅圖爾濟高特扎薩克親王普巴次子康熙四十六年析其兄親王達什敦多布屬別爲一旗令轄之授扎薩克一等台吉尋以協濟軍需功

諭曰大軍出征以來扎薩克台吉車凌達什供應駝馬羊隻奮勉效力甚屬可嘉前者車臣汗烏駝客之叔父台吉三濟扎布曾以助辦軍需優封公爵車凌達什事同一律著加恩封輔國公仍兼扎薩克雍正二年卒子三長敦多布額璘沁次貢格次三都克扎布相繼襲

一次襲敦多布額璘沁車凌達什長子雍正二年襲扎薩克輔國

八年卒子色訥依襲

二次襲色訥依敦多布額璘沁長子雍正八年襲扎薩克輔國公  
乾隆八年卒無嗣

詔其叔父貢格襲

三次襲貢格車凌達什次子乾隆八年襲扎薩克輔國公十四年  
卒子車登扎布幼停襲輔國公

詔授貢格弟三都克扎布爲扎薩克一等台吉

四次襲三都克扎布車凌達什第三子乾隆十四年襲扎薩克一  
等台吉二十四年

諭曰車凌達什之扎薩克輔國公原係恩封承襲四次至車登扎

布以年幼停職見在中營扎布已卒。部克儿市保車波德什幼  
子白補授扎薩克以承爵。德忌公協濟軍需屢邀紀錄著加恩仍  
承襲輔國公尋

命督理驛務二十六年卒子敏珠爾多爾濟襲

五次襲敏珠爾多爾濟三都克扎布長子乾隆二十六年襲扎薩  
克輔國公四十三年以病罷子車登扎布襲

六次襲車登扎布敏珠爾多爾濟長子與貢格子車登扎布同名  
乾隆四十三年襲扎薩克輔國公四十六年

詔世襲罔替五十年卒長子德哩克多爾濟襲

七次襲德哩克多爾濟車登扎布長子乾隆五十年襲扎薩克輔

國公

國公

木

扎薩克輔國公諾爾布扎布列傳

諾爾布扎布喀爾喀部人姓博爾濟吉特扎薩克鎮國公巴穆長子康熙五十一年授扎薩克一等台吉先是諾爾布扎布叔祖托多額爾德尼封鎮國公卒嗣子策旺諾爾布

召居京師官內大臣托多額爾德尼兄烏巴達襲鎮國公卽諾爾布扎布祖也烏巴達卒巴穆襲至是巴穆卒

命策旺諾爾布襲其父鎮國公爵而以諾爾布扎布襲一等台吉別授扎薩克雍正九年隨大軍由蘇克阿勒達呼敗準噶爾賊衆十年復擊之於克爾森齊老及額爾德尼昭並優賚之乾隆元年敘功

詔封輔國公

賜孔雀翎五年卒子達木巴多爾濟襲

一次襲達木巴多爾濟諾爾布扎布長子乾隆五年襲扎薩克輔國公六年參贊大臣副都統慶泰奉

命赴桑錦托羅海閱防秋兵以達木巴多爾濟旗軍容整獎賚之九年卒子貢楚克襲

二次襲貢楚克達木巴多爾濟長子乾隆九年襲扎薩克輔國公  
扈

駕木蘭行圍

賜孔雀翎四十六年

諭曰貢楚克所襲輔國公係伊祖諾爾布扎布在軍營奮勉效力  
由扎薩克台吉晉封之爵著加恩令其世襲罔替五十一年卒長  
子索諾木巴勒珠爾多爾濟襲

三次襲索諾木巴勒珠爾多爾濟貢楚克長子乾隆五十一年襲  
扎薩克輔國公



國朝通志卷之三十一

宋徽宗本紀

原封貝子品級扎薩克一等台吉齊旺多爾濟列傳今襲公  
品級

齊旺多爾濟喀爾喀部人姓博爾濟吉特扎薩克親王德沁扎布  
次子初授一等台吉乾隆十八年獻駝馬助軍得紀錄尋扈

駕木蘭行圍

賜孔雀翎十九年復獻駝馬請從征達瓦齊

許之

賜公品級仍予紀錄二十年偕車臣汗部郡王巴雅爾什第等率  
聲援兵從大軍進剿達瓦齊伊犁定軍還

命乾清門行走

賜黃馬褂二十二年齊旺多爾濟以病不能赴軍請獻馬五百免

給值

上嘉其誠

賜貝子品級二十四年其父德沁扎布奏本旗丁戶滋眾請增編  
佐領授齊旺多爾濟轄別為一旗

詔從其請授扎薩克二十五年扈

駕木蘭行圍

賜雙眼孔雀翎先是齊旺多爾濟陵其兄親王諾爾布扎布為定  
邊左副將軍車布登扎布所斥憾之三十八年許其牟利

詔大臣往勘罷車布登扎布左副將軍職尋

命鞠齊旺多爾濟陵兄事堅不服

詔削貝子品級及扎薩克交理藩院嚴加鈐束勿令歸牧滋事仍  
恩授其子三都布多爾濟爲扎薩克一等台吉降襲公品級

一次襲三都布多爾濟齊旺多爾濟長子乾隆三十八年襲公品  
級扎薩克一等台吉四十六年理藩院議三都布多爾濟所襲公  
品級例弗應世襲請視扎薩克圖汗部公品級多岳特例俟出缺  
時請

旨

諭曰三都布多爾濟之父齊旺多爾濟獲罪削職原係私罪其貝  
子品級扎薩克台吉自應削除不準承襲朕復加恩令三都布多  
爾濟襲公品級扎薩克台吉今廷臣既以例弗予襲入奏著卽照

信軍... 卷之...

多岳特例一體辦理五十二年卒次年長子旺沁扎布襲

二次襲旺沁扎布三都布多爾濟長子乾隆五十三年襲公品級

扎薩克一等台吉

國朝耆獻類徵初編卷首之八十六

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之七十四

傳第五十八

扎薩克一等台吉阿哩雅列傳今襲鎮國公

阿哩雅喀爾喀部人姓博爾濟吉特扎薩克親王善巴從子曾祖錫納喇克沙特爲賽因諾顏圖蒙肯第十子號琿台吉居克嚕倫領所部扎薩克子二長齊巴克塔爾次薩木濟特齊巴克塔爾號車臣諾顏以附噶勒丹爲和托輝特貝勒根敦所執子布尼早死遺子一卽阿哩雅幼爲薩木濟特所虐有阿爾薩蘭衛宰桑者齊

巴克塔爾舊屬也翼阿哩雅與薩木濟特異居康熙三十一年攜眾來歸時薩木濟特已嗣扎薩克阿哩雅屬不願隸之

詔授阿哩雅一等台吉兼扎薩克并

命阿爾薩蘭衛宰桑協理旗務先是阿爾薩蘭衛宰桑偵噶勒丹自烏蘭布通敗歸邀擊之擒台吉丹津哈什哈阿玉奇等至至是以獻

諭獎之三十二年由克嚕倫移牧鄂爾坤及圖拉界三十四年噶勒丹掠克嚕倫遣人誘車臣汗烏默客被擒阿哩雅亦自俄僂俘其黨津巴至三十五年夏大軍敗噶勒丹

詔阿哩雅追捕逸賊會朋素克格隆以諭降噶勒丹被畱還遇阿

哩雅軍與偕行至特勒爾濟謀厄魯特數百竄河畔煙起犬吠亟往捕盡俘之還秋遣兵駐防汗阿林尋

命徙屬赴達哩剛愛與土謝圖汗部扎薩克台吉車林扎布同牧  
冬

上幸歸化城阿哩雅暨阿爾薩蘭衛宰桑來朝

命偕扎薩克圖汗部郡王色稜阿海等較射時車林扎布亦至

上念二人飭屬執 有功

諭獎之尋扈

駕還京

宴賚遣歸五十四年和托輝特公博貝奉



命勒烏梁海以阿哩雅及台吉濟納彌達根敦羅卜藏三扎薩克  
兵俱習戰請令隨勦

諭阿哩雅選兵赴調未幾卒子格木丕勒襲

一次襲格木丕勒阿哩雅長子康熙五十四年襲扎薩克一等台  
吉雍正九年隨大軍擊準噶爾賊於蘇克阿勒達呼

獎賚之十年隨額駙郡王策棱擊賊克爾森齊老力戰被創歸察  
罕度爾營療少愈仍請擊賊順承親王錫保壯其勇授兵三千由  
喀喇阿濟爾罕追餘賊越阿爾台至畢濟嶺斬獲甚眾順承親王  
以

聞

諭曰格木丕勒去歲懋著勞績今復奮勇勦賊被創愈奮深堪嘉  
予著封輔國公以示獎勵乾隆二年晉鎮國公三年偕扎薩克圖  
汗部公品級敏珠爾告所屬牧產損生計艱請展游牧至諾克圖  
額駙策棱代奏

上因與準噶爾議界未定

諭弗允十四年卒子貢格敦丹襲

二次襲貢格格敦丹格木丕勒長子乾隆十四年襲扎薩克鎮國公  
十八年偕車臣汗部副將軍公格埒克巴木丕勒等駐烏里雅蘇  
臺防護杜爾伯特降眾十九年正月隨參贊大臣薩拉勒擒擅入  
內汛之烏梁海得木濟瑚圖克扎木禪等

賜孔雀翎六月參贊大臣烏爾登調赴察罕扎拉烏魯格依諾爾  
駐防十月偕同部貝子車布登扎布由科布多牧烏梁海宰桑車  
棋屬盡降之

上嘉其功

召覲定北將軍班第以貢格敦丹從參贊大臣努三駐防齊齊克  
諾爾請緩入

覲期

允之

諭敘予紀錄仍

寶幣二十年偕副都統齊旺侍衛圖倫楚由齊齊克諾爾追緝杜

爾伯特逃賊巴朗會包沁宰桑阿克珠勒棄牧遁貢格敦丹奉親  
王成袞扎布檄以兵四百赴哈達青吉勒與協理台吉圖巴扎布  
察哈爾參領碩博郭勒等追擊之尋由哈達青吉勒馳會大軍渡  
伊犁進勦達瓦齊軍還貢格敦丹隨定北將軍班第畱駐伊犁阿  
睦爾撒納叛賊黨克什木巴蘇泰都噶爾等擾伊犁班第遇害貢  
格敦丹偕土謝圖汗部郡王車凌拜都布車臣汗部貝勒旺沁扎  
布擊賊弗克車凌拜都布旺沁扎布皆陣歿貢格敦丹突圍出迎  
會定邊右副將軍薩拉勒時定西將軍策楞引大軍復赴伊犁貢  
格敦丹偕協理台吉博爾綽對由珠勒都斯閒道至  
上念喀爾喀諸扎薩克隨班第畱駐伊犁猝遇叛賊以兵寡被困

詔策楞傳旨慰諭令歸休牧示恤貢格敦丹跽言世受

國恩無可圖報願擊賊自效策楞代奏

許之二十一年三月伊犁復定貢格敦丹隨大軍撫被難軍民七月隨貝勒車布登扎布征哈薩克路遇固爾班和卓遁擊其屨尋敗哈薩克汗阿布賚兵十月師旋

賜雙眼孔雀翎貢格敦丹復請從勦和託輝特逆賊青衮咱卜十二月青衮咱卜就擒

遣歸游牧三十五年卒子當蘇隴襲

三次襲當蘇隴貢格敦丹長子乾隆三十五年襲扎薩克鎮國公四十六年

諭曰當蘇隴始祖阿哩雅初封扎薩克台吉嗣因其子格木丕勒  
效力軍營懋著勞績晉封鎮國公至當蘇隴又襲二世著加恩令  
其世襲罔替四十七年卒子齊旺達什襲

四次襲齊旺達什當蘇隴長子乾隆四十七年襲扎薩克鎮國公

日本書紀卷之九  
推古天皇元年

三

附輔國公多爾濟列傳

多爾濟扎薩克鎮國公貢格敦丹近族初授協理台吉乾隆二十年隨定北將軍班第勦達瓦齊平伊犁會阿睦爾撒納叛賊黨克什木等擾伊犁多爾濟奮擊之被執宰桑托克托博羅特畱養其家二十一年伊犁復定多爾濟還

詔封輔國公

諭歸游牧二十七年復赴軍營道卒于沙克都爾扎布襲

一次襲沙克都爾扎布多爾濟長子乾隆二十年襲輔國公四十六年

諭曰沙克都爾扎布之父多爾濟效力軍營始終奮勉又因前往



軍營中途病卒朕心深爲憫惻是以令沙克都爾扎布仍襲公爵  
著加恩令其世襲罔替五十九年卒

扎薩克一等台吉圖巴列傳

今襲輔國公

圖巴喀爾喀部人姓博爾濟吉特扎薩克鎮國公托多額爾德尼從子父本塔爾號岱青楚琥爾諾顏駐收庫倫伯勒齊爾康熙二十七年來歸二十八年授扎薩克

詔居四子部落界外察罕博托輝三十年本塔爾卒

詔授圖巴爲扎薩克一等台吉以厄魯特巴圖爾額爾克濟農和囉理旣降復叛

命備禦之尋和囉理乞降罷兵三十六年

遣歸牧以叛賊伊拉古克三呼圖克圖竄伏黃河西岸謀劫汎馬諭防緝之是年卒子實第襲

一次襲實第圖巴長子康熙三十六年襲扎薩克一等台吉五十八年卒子齊旺襲

二次襲齊旺寶第長子康熙五十八年襲扎薩克一等台吉雍正九年偕土謝圖汗部貝勒車布登等隨大軍擊準噶爾於蘇克阿勒達呼

諭優敘十年賊掠克爾森齊老喀爾喀昂扎薩克懼不敵或棄軍歸牧獨齊旺隨額駙策楞督兵至額爾德尼昭據險奮擊之斬獲甚眾

詔獎其功封輔國公

賜雙眼孔雀翎乾隆十九年偕土謝圖汗部郡王桑濟多爾濟等

駐防鄂爾海喀喇烏蘇尋徙杜爾伯特降眾置其地護視之二十一年和托輝特逆賊青衮咱卜叛齊旺私歸游牧

宵勿問

命赴科布多督理驛務二十二年以病罷子達什襲

三次襲達什齊旺長子乾隆二十二年襲扎薩克輔國公定邊左副將軍親王成衮扎布表其督驛稱職

諭獎之

賜孔雀翎三十一年成衮扎布復以哈什圖五站雪盛損畜達什酌撥各游牧餘馬供使無誤入奏

詔晉封鎮國公四十五年卒子喇嘛扎布襲

國朝通志卷之二十一  
四次襲喇嘛扎布達什長子乾隆四十五年襲扎薩克輔國公四十六年

諭曰喇嘛扎布所襲輔國公係因伊祖齊旺在軍營奮勉效力封鎮國公滅等承襲之爵著加恩令其世襲罔替

國朝耆獻類徵初編卷首之八十七

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之七十五

傳第五十九

扎薩克一等台吉丹津額爾德尼列傳

丹津額爾德尼喀爾喀部人姓博爾濟吉特扎薩克親王善巴再從弟祖畢瑪里吉哩諦爲賽因諾顏圖蒙肯第九子號巴圖爾額爾德尼諾顏父弼齊噶岱號額爾克岱青世爲所部扎薩克康熙十八年噶勒丹自稱博碩克圖汗虐附近諸部畢瑪里吉哩諦偵謀侵喀爾喀遣使告

上嘉之

優賚其使十九年噶勒丹屬額爾德尼和碩齊私掠內扎薩克烏喇特部界畢瑪里吉哩諦以所居哈嚕納山距烏喇特六日程慮還掠偵額爾德尼和碩齊竄處額濟內河以

聞

詔設汛防禦二十四年畢瑪里吉哩諦卒子弼齊噶岱嗣號額爾克岱青尋卒二十七年丹津額爾德尼隨其從兄善巴來歸諭仍駐牧哈嚕納山二十八年

詔發殺虎口倉粟賑所屬貧戶尋請赴甯夏互市許之三十二年迎

觀多倫諾爾

詔授扎薩克一等台吉丹津額爾德尼以厄魯特巴圖爾額爾克濟農和囉理居阿拉善與已牧地毘連多被竊遣使訴於

朝

遣官詰責和囉理且令徙牧界內和囉理懼遁

詔卽收其人畜界丹津額爾德尼復

諭偕郡王善巴等備禦和囉理尋和囉理乞降罷兵三十六年叛賊伊拉古克三呼圖克圖竄伏黃河西岸謀劫汎馬

諭防緝之五十一年卒子錫喇扎布襲

一次襲錫喇扎布丹津額爾德尼長子康熙五十一年襲扎薩克



一等台吉雍正六年卒子滿珠習禮襲

二次襲滿珠習禮錫喇扎布長子雍正六年襲扎薩克一等台吉  
九年卒子吹木丕勒襲

三次襲吹木丕勒滿珠習禮長子雍正九年襲扎薩克一等台吉  
乾隆二十年卒子敦多布納木扎勒襲

四次襲敦多布納扎木勒吹木丕勒長子乾隆二十年襲扎薩克  
一等台吉三十年卒弟多爾濟齊巴克襲

五次襲多爾濟齊巴克吹木丕勒次子乾隆三十年襲扎薩克一  
等台吉四十年卒子索諾木袞布襲

六次襲索諾木袞布多爾濟齊巴克長子乾隆四十年襲扎薩克

一等台吉四十六年

詔世襲罔替五十三年卒次年子羅布桑達什襲

七次襲羅布桑達什索諾木衮布子乾隆五十四年襲扎薩克一等台吉

日本書紀卷之六十一

十一

扎薩克一等台吉薩木濟特列傳

薩木濟特喀爾喀部人姓博爾濟吉特扎薩克台吉阿哩雅叔祖父錫納喇克沙特號琿台吉舊爲所部扎薩克薩木濟特副號昆都倫墨爾根岱青康熙三十一年來歸

詔授一等台吉仍兼扎薩克五十一年卒子根敦襲

一次襲根敦薩木濟特長子康熙五十一年襲扎薩克一等台吉雍正十三年以病罷子布達扎布襲

二次襲布達扎布根敦長子雍正十三年襲扎薩克一等台吉乾隆十七年卒子車登扎布襲

三次襲車登扎布布達扎布長子乾隆十七年襲扎薩克一等台

吉四十六年

詔世襲罔替四十七年以病罷于多爾濟扎布襲

四次襲多爾濟扎布車登扎布長子乾隆四十七年襲扎薩克一

等台吉

扎薩克一等台吉伊達木列傳

伊達木喀爾喀部人姓博爾濟吉特扎薩克親王善巴再諾弟祖  
察斯喜布號昆都稜爲賽因諾顏圖蒙肯第七子有子三長琿台  
吉扎木延卽伊達木父次多爾濟孫衮布車凌授輔國公次圖巴  
子納木扎勒別授扎薩克台吉詳各傳伊達木號墨爾根台吉康  
熙二十七年來歸隸善巴旗三十五年隨西路大將軍費揚古敗  
噶勒丹於昭莫多

上以其父扎木延舊爲扎薩克伊達木復有從軍功

詔授扎薩克一等台吉勿復隸善巴四十八年卒子達爾濟雅襲  
一次襲達爾濟雅伊達木長子康熙四十八年襲扎薩克一等台

吉雍正六年卒子齊旺扎布襲

二次襲齊旺扎布達爾濟雅長子雍正六年襲扎薩克一等台吉  
十二年卒子額璘沁襲

三次襲額璘沁齊旺扎布長子雍正十二年襲扎薩克一等台吉  
乾隆二十年大軍勦達瓦齊額璘沁畱軍營督牧駝馬二十一年  
和托輝特逆賊青衮咱卜叛眾喀爾喀爲所煽多棄汛歸額璘沁  
偕同部扎薩克台吉賚克扎布等督牧如故

詔嘉其忠誠

賜孔雀翎

賚幣舊例牧夫不給口糧至是并

命給之二十九年額璘沁卒子巴勒桑敏珠爾襲

四次襲巴勒桑敏珠爾額璘沁長子乾隆二十九年襲扎薩克一

等台吉四十六年

詔世襲罔替五十七年卒子巴扎爾襲

五次襲巴扎爾巴勒桑敏珠爾子乾隆五十九年襲扎薩克一等

台吉



Handwritten text in the right margin, possibly a page number or title, including the characters '九' and '十'.

九

附 輔國公裘布車凌列傳

裘布車凌扎薩克台吉伊達木從子祖多爾濟爲伊達木父扎木延之弟有子一曰伊勒登裘布車凌其子也初授協理台吉雍正十年隨額駙親王策棱敗準噶爾於克爾森齊老及額爾德尼昭乾隆元年敘功

詔封輔國公九年卒子丹忠襲

一次襲丹忠裘布車凌長子乾隆九年襲輔國公二十年卒子達什朋楚克襲

二次襲達什朋楚克丹忠長子乾隆二十年襲輔國公四十六年諭曰達什朋楚克之祖裘布車凌因在軍營奮勉效力優封輔國

國朝通志卷之六十一

公至今承襲業已三世著加恩令其世襲罔替

扎薩克一等台吉納木扎勒列傳

納木扎勒喀爾喀部人姓博爾濟吉特扎薩克台吉伊達木從弟  
祖察斯喜布父圖巴見伊達木傳康熙三十五年納木扎勒隨西  
路大軍勦噶勒丹至額布爾谷阿達克奮擊賊眾大將軍費揚古  
表其功

詔授扎薩克一等台吉五十五年卒子巴朗襲

一次襲巴朗納木扎勒長子康熙五十五年襲扎薩克一等台吉  
雍正十年隨額駙親王策棱擊準噶爾於克爾森齊老力戰被創  
論獎其勇

賜降眾四戶乾隆十三年以病罷子阿喇布坦襲

二次襲阿喇布坦巴朗長子乾隆十三年襲扎薩克一等台吉二十  
十年大軍勦達瓦齊阿喇布坦留駐塔密爾二十一年和托輝特  
逆賊青衮咱卜叛眾喀爾喀爲所煽多棄汛歸阿喇布坦守護塔  
密爾軍庫

賜孔雀翎二十四年卒子敦多布襲

三次襲敦多布阿喇布坦長子乾隆二十四年襲扎薩克一等台  
吉三十一年以病罷子旺濟勒三丕勒襲

四次襲旺濟勒三丕勒敦多布長子乾隆三十一年襲扎薩克一  
等台吉四十六年

詔世襲罔替

扎薩克一等台吉沙噶伊勒都齊列傳

沙噶伊勒都齊喀爾喀部人姓博爾濟吉特扎薩克親王善巴再從弟祖桑噶爾扎號伊勒登和碩齊爲賽因諾顏圖蒙肯第十一子生都噶爾隸善巴旗子卽沙噶伊勒都齊康熙三十五年隨西路大軍勦噶勒丹至道拉哈薩克奮擊被創敘功

詔授扎薩克一等台吉雍正二年以病罷子延達博第襲

一次襲延達博第沙噶伊勒都齊長子雍正二年襲扎薩克一等台吉乾隆二年卒子羅卜藏敦多布襲

二次襲羅卜藏敦多布延達博第長子乾隆二年襲扎薩克一等台吉三十二年以病罷子衮布多爾濟襲

三次襲裘布多爾濟羅卜藏多爾濟長子乾隆三十二年襲扎薩

克一等台吉三十四年扈

駕木蘭行圍

賜孔雀翎四十六年

詔世襲罔替

國朝耆獻類徵初編卷首之八十八

通奉大夫前署江西巡撫江西布政使司布政使 臣李桓恭錄

欽定外藩蒙古回部王公表傳卷之七十六

傳第六十

扎薩克一等台吉素達尼列傳

素達尼喀爾喀部人姓博爾濟吉特扎薩克親王善巴從弟祖丹  
津喇嘛父羅卜藏見善巴傳素達尼舊隸善巴旗任協理台吉康  
熙三十五年隨西路大軍擊噶勒丹黨固英必齊葉齊等於汗阿  
林降其眾三十六年善巴疏言素達尼父羅卜藏號額爾德尼伊  
拉古克三陀音爲丹津喇嘛第三子舊掌所部扎薩克素達尼復



從征有功請編所屬別爲一旗令轄之

詔允其請授扎薩克一等台吉三十九年卒子薩喇旺扎勒襲

一次襲薩喇旺扎勒素達尼長子康熙三十九年襲扎薩克一等

台吉雍正元年卒子車布登襲

二次襲車布登薩喇旺扎勒長子雍正元年襲扎薩克一等台吉

十一年以從征準噶爾私棄軍歸牧罪議削爵子賚克扎布襲

三次襲賚克扎布車布登長子雍正十一年襲扎薩克一等台吉

乾隆二十年大軍勦達瓦齊賚克扎布捐馬助軍

命赴科布多督牧務二十一年和托輝特逆賊青衮咱卜叛眾喀

爾喀爲所煽多棄汛歸賚克扎布偕同部扎薩克台吉額璘沁協

理台吉旺舒克多爾濟等督牧如故

詔嘉之

賜孔雀翎

賚幣并

命給牧夫口糧示獎三十四年賚充扎布卒弟納旺車凌襲

四次襲納旺車凌車布登次子乾隆二十四年襲扎薩克一等台  
吉四十六年

詔世襲罔替四十九年以病罷子貢格拉什襲

五次襲貢格拉什納旺車凌第四子乾隆四十七年襲扎薩克一  
等台吉

皇朝通志卷之八十八

一

附 公品級三等台吉噶瓦列傳

噶瓦扎薩克台吉賚充扎布近族初授三等台吉協理賚充扎布旗務乾隆二十一年和托輝特逆賊青衮咱卜叛梗驛路噶瓦督牧馬續之乃得達

諭曰當驛路中斷時經過官員猝遇其變賴噶瓦供給牲畜爲之護送且伊所捐接續驛馬甚多奮勉急公朕深嘉之著賜公品級三十四年卒理藩院議停襲

詔仍以其子桑濟襲

一次襲桑濟噶瓦長子乾隆三十四年襲公品級三等台吉四十六年理藩院議桑濟所襲公品級例弗應世襲請出缺後停襲

詔如議四十七年

諭日前議於桑濟出缺後請旨停襲朕因其照例辦理業已允行但念桑濟之父噶瓦於青衮咱卜作亂時不肯隨眾株守能自備馬接遞驛務且於經過官員供給牲畜伊不過一協理台吉誠心奮勉若此故特賜公品級噶瓦卒後朕追念前功仍爵其子若終歸削除朕心殊爲不忍著恩予世襲罔替

扎薩克一等台吉濟納彌達列傳

濟納彌達喀爾喀部人姓博爾濟吉特扎薩克親王善巴再從弟祖扣肯號巴扎爾爲賽因諾顏圖蒙肯第十二子父車登號綽克圖濟納彌達嗣之舊隸善巴旗康熙四十八年

詔授扎薩克一等台吉自爲一旗五十四年和托輝特公博貝奉命勦烏梁海以濟納彌達及台吉阿哩雅根敦羅卜藏三扎薩克兵皆習戰請令隨勦

諭選兵赴調雍正二年卒子特克什襲

一次襲特克什濟納彌達長子雍正二年襲扎薩克一等台吉乾隆十五年卒子烏巴什襲

二次襲烏巴什特克什長子乾隆十五年襲扎薩克一等台吉四十六年

詔世襲罔替五十三年卒子布達齊素隴襲

三次襲布達齊素隴烏巴什長子乾隆五十四年襲扎薩克一等台吉

扎薩克一等台吉多爾濟列傳

多爾濟喀爾喀部人姓博爾濟吉特扎薩克親王善巴從弟祖丹  
津喇嘛父瑪哈達瓦見善巴傳多爾濟號偉徵阿海初以噶勒丹  
掠所部避走青海噶勒丹旣滅朔漠平喇嘛商南多爾濟奏請徙  
歸喀爾喀

許之授閒散台吉附善巴旗康熙五十二年編所屬丁戶自爲一  
旗

詔授扎薩克一等台吉雍正三年以病罷子呢瑪襲

一次襲呢瑪多爾濟長子雍正三年襲扎薩克一等台吉十年卒  
子阿保襲



二次襲阿保呢瑪長子雍正十年襲扎薩克一等台吉乾隆十八年卒無嗣

命其叔父甫璘巴勒襲

三次襲車璘巴勒多爾濟次子乾隆十八年襲扎薩克一等台吉二十五年卒子成裘扎布襲

四次襲成裘扎布車璘巴勒子乾隆二十五年襲扎薩克一等台吉

德木蘭行圍

賜孔雀翎四十六年

詔世襲回替五十年卒子德木楚克襲

五次襲德木楚克成衮扎布長子乾隆五十年襲扎薩克一等台吉



扎薩克一等台吉額墨根列傳

額墨根喀爾喀部人姓博爾濟吉特扎薩克郡王衮布曾孫祖都噶爾扎布號岱青阿海父喇布坦號冰圖台吉額墨根初授協理台吉隸貝勒吹扎木三旗康熙五十九年隨大軍由布拉罕進剿準噶爾雍正九年隨額駙策棱擊賊於蘇克阿勒達呼敗之

優賚銀幣十年復隨策棱擊賊於克爾森齊老力戰被創

賜孔雀翎乾隆二年四月以定準噶爾牧界奉

命往諭噶勒丹策凌十一月使還

召隨策凌入

覲三年正月授一等台吉

命乾清門行走三月復齋

敕諭噶勒丹策凌十一月還界定四年

上念額墨根奉使勞

詔授扎薩克十六年三月

敕禁回人入界與喀爾喀互市九月回人復至額墨根牧乞市

諭遣還二十二年額墨根卒子達什襲

一次襲達什額墨根長子初授協理台吉扈

駕木蘭行圍

賜孔雀翎及黃馬褂

命乾清門行走乾隆十八年杜爾伯特台吉車凌等降達什迎禦

準噶爾追兵十九年偕同部貝子車木楚克扎布收烏梁海宰桑  
察達克等眾尋擒準噶爾宰桑庫克辛禡木特及通禡木特二十  
年隨大軍勦達瓦齊由察罕呼濟爾選騎十三前行至塔木集賽  
降宰桑齊巴漢馳赴伊犁奪渡船偵達瓦齊遁由阿勒班什巴爾  
追之達瓦齊就擒隨大軍還二十一年三月隨郡王車布登扎布  
勦烏梁海賊郭勒卓輝博博等七月進征哈薩克敗阿布賚汗兵  
於漢塔喇斯軍旋復隨勦和托輝特逆賊青衮咱卜二十二年襲  
扎薩克一等台吉二十三年四月復隨車布登扎布至伊犁捕厄  
魯特逆賊六月偕侍衛老格赴喀什河降厄魯特得木齊托羅和  
卓六十餘戶時叛賊布庫察罕遁哈薩克達什隨車布登扎布督

兵索哈薩克縛以獻

詔嘉其功

賜公品級二十五年卒子班第襲扎薩克一等台吉

二次襲班第達什長子乾隆二十五年襲扎薩克一等台吉四十

六年

詔世襲罔替五十五年卒子達瑪璘襲

三次襲達瑪璘班第長子乾隆五十五年襲扎薩克一等台吉

國朝耆獻類徵初編卷首之八十九

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之七十七

傳第六十一

厄魯特扎薩克多羅郡王阿喇布坦列傳

今襲固山貝子

阿喇布坦厄魯特人準噶爾族姓綽羅斯準噶爾稱北厄魯特系  
出額斯墨特達爾漢譚顏越六傳有呼達該圖哈喇呼勒者號多  
克辛諾顏子三長巴圖爾琿台吉裔詳青海厄魯特部傳次墨爾  
根岱青為阿喇布坦祖次楚琥爾烏巴什有孫曰罕篤既降復叛  
事見阿拉善厄魯特部傳墨爾根岱青子二長丹津號噶爾瑪岱



青和碩齊次阿海三傳至達什達瓦嗣絕丹津子二長衮布巴圖爾系不著次都噶爾子五長車零次達都琥次罕都次卽阿喇布坦次達瑪璘阿喇布坦以所部台吉多同名故從其祖父稱別之曰丹津阿喇布坦又曰都噶爾阿喇布坦初巴圖爾璉台吉游牧阿爾台子噶勒丹嗣爲厄魯特長諸台吉皆附之貢不得自奉表惟丹津得專使閒歲輒遣至康熙二十二年定厄魯特貢例使入關以二百人爲額

諭噶勒丹及丹津知之丹津卒都噶爾嗣乞入市

京師

諭自四厄魯特大台吉外皆市張家口永爲令都噶爾卒子車零

及達都琥達瑪珠皆早死罕都阿喇布坦與噶勒丹聚牧阿爾台  
之科布多仍各領部眾阿喇布坦妻曰扎爾爲喀爾喀右翼扎薩  
克圖汗成袞女成袞子沙喇與左翼土謝圖汗察琿多爾濟以爭  
屬產不相能噶勒丹誘沙喇往會阿喇布坦察琿多爾濟率兵戕  
之復侵殺噶勒丹弟多爾濟扎卜噶勒丹因與喀爾喀構兵二十  
七年罕都阿喇布坦從噶勒丹侵喀爾喀由杭愛山陰至額爾德  
尼昭敗土謝圖汗兵以喀爾喀內附乃還二十九年噶勒丹復由  
烏達罕嶺侵喀爾喀罕都阿喇布坦自茂岱喀喇色古爾山陰以  
兵會有策妄阿喇布坦丹津鄂木布者皆噶勒丹兄僧格子也策  
妄阿喇布坦怨噶勒丹徙博囉塔拉丹津鄂木布仍附噶勒丹牧

阿喇布坦善丹津鄂木布與策妄阿喇布坦交惡策妄阿喇布坦  
偵噶勒丹侵喀爾喀潛兵至科布多掠噶勒丹妻阿努及牲畜去  
噶勒丹爲大軍所敗擊罕都阿喇布坦等遁歸罕都陰語阿喇布  
坦曰我等當入告

天朝及達賴喇嘛令噶勒丹與策妄阿喇布坦息爭否則善自爲  
計分處可也阿喇布坦以其謀告噶勒丹罕都懼奔策妄阿喇布  
坦所阿喇布坦畱事噶勒丹尋異志噶勒丹游牧孔圭濟達琿所  
部屯耕鄂爾坤阿喇布坦游牧察罕色琿所部屯耕扎布堪哈薩  
克圖旣而噶勒丹循克嚕倫河徙牧巴顏烏蘭強阿喇布坦往會

三十五年

上親征噶勒丹

駐蹕什巴爾台

遣諭噶勒丹曰汝當親至與朕定議否則以阿喇布坦等爲使時  
噶勒丹屯兵克嚕倫之克勒和碩聞

爲至懼夜遣人赴巴顏烏蘭召阿喇布坦與議我大將軍費揚古  
自西路迎擊兵偪礮聲不絕所部蒼黃走阿喇布坦禁之不可馳  
語噶勒丹曰

天朝兵威誰不知之是不可與戰噶勒丹益失所恃與俱遁至特  
勒爾濟口遇西路軍敗竄阿喇布坦集殘眾赴博囉河偵噶勒丹  
匿塔密爾之台庫勒復往就會丹津鄂木布以爭牧與噶勒丹隙

國朝通志卷之二十一  
三  
違之約阿喇布坦偕行阿喇布坦亦棄噶勒丹去由吉齊根特轉徙扎布堪之濟思布隆珠爾庫珠等處與噶勒丹相避行噶勒丹復自伯格爾察罕額爾克遣宰桑車凌布木召之阿喇布坦不往徙牧布顏圖呆爾其屬羅卜藏班珠爾者以來歸久請說降

允之復以喀爾喀親王策旺扎布郡王衮布固噶什喜皆阿喇布坦姻戚

詔遣屬往招之降時阿喇布坦及丹津鄂木布謀就策妄阿喇布坦以前憾不果往

敕曰朕統大軍敗噶勒丹兵丹巴哈什哈沙克珠木等接踵歸誠俱已授爵秩給衣食今朕復親統六師調各路兵勦噶勒丹儻不

來降必窮之於其所往爾阿喇布坦及丹津鄂木布前雖附噶勒丹然非倡亂之人今來降者皆云爾等與噶勒丹分析各居朕嘉爾猶知天道能自振拔爾牲畜被俘衣食已絕特遣使往諭其扎薩克圖汗之子策旺扎布先經離散朕已收歸封親王爵覓爾妻母令與完聚頻加撫恤頃又擇地賜牧使安生業爾其知之敕至爾卽率眾來歸前附噶勒丹罪朕不之究必待爾以富貴顯榮爾之部眾亦令妻孥完聚各得生業爾若尙有疑懼前策妄阿喇布坦使至時請朕勿討爾罪令往與會朕以策妄阿喇布坦遣使納貢敬慎有加深加憐惜爾若往附策妄阿喇布坦朕不究詰儻不擇斯二者傲倖於額克阿喇勒洪郭爾齊斯希等峻險之處棲

身苟免朕必往討爾其早作良圖毋或自貽伊戚追悔於將來也  
三十六年使至授之

敕阿喇布坦及其妻告願遵

旨內徙以噶勒丹介居請徙近策妄阿喇布坦牧時丹津鄂木布  
居吹地遺屬往告各使齎奏至不卽降復

敕其使諭之會噶勒丹自哈薩克圖哈喇阿濟爾罕遣使土克齊  
色稜達什召阿喇布坦不赴且奪召者騎自布顏圖臬爾徙阿爾  
臺之喀喇額爾齊思呼里木圖等處噶勒丹欲踰阿爾臺至額克  
阿喇勒捕魚食慮阿喇布坦襲已不果尋自殺丹津鄂木布奔策  
妄阿喇布坦所阿喇布坦仍分牧游行遣使奏請入貢

諭曰朕前聞爾與噶勒丹異處遣使諭爾來降或往依策妄阿喇  
布坦聽爾自爲計但不得據險竄伏爾無所歸爾遣使諾顏格隆  
藏布額爾克鄂木布阿旺達什等奏稱噶勒丹若至近地必擒執  
之以歸聖主朕又令爾使齎敕往諭雖不能擒殺噶勒丹但束身  
來降亦必富貴優養毋疑毋阻今爾稱蒙諭來降卽欲親往入奏  
偕策妄阿喇布坦同牧因臣妻疾甚是以不果往不論所居何地  
自當請安進貢以此觀之爾無乞降誠意尙爲首鼠兩端計目今  
情事爾所灼知丹濟拉申凌等來降朕悉加寵眷策妄阿喇布坦  
擒伊拉古克三呼圖克圖投朕使令治罪爾欲他往勿復望加爾  
厚恩顯榮事今憐爾無歸迫於生計欲使得所爾其熟籌之毋貽



悔阿喇布坦復不即降竄齋爾納木初罕都棄噶勒丹往就策妄  
阿喇布坦遠都疏子達爾扎從之策妄阿喇布坦奪其屬禁罕都  
及達爾扎噶勒丹滅始釋之罕都攜戶百餘乘閒脫將爲內附計  
至齋爾納木懼爲阿喇布坦阻棄其屬孛孛大雪中閒道赴巴里  
坤三子皆走死僅以妻女及從者七人行哈密郭帕伯克擒之詰  
得狀遣使導至三十七年入

覲

諭曰爾來歸情殊可憫所挈屬眾雖少以爾父嘗納貢故仍授台  
吉職先是阿喇布坦屬降者

詔安置察哈爾牧曰四品官噶羅卜藏曰二等待衛瑪穆曰三等

侍衛達克巴藏布及壯丁百七十餘設佐領一隸鑲黃旗以噶羅卜藏領之至是

詔罕都與同牧後授三品散秩大臣子二長索諾木如罕都職次阿喇布珠爾授三等侍衛四十一年阿喇布坦來歸丹津鄂木布既奔依策妄阿喇布坦尋爲所禁阿喇布坦懼不赴策妄阿喇布坦掠其牧乃徙額訥倫杲爾集諸宰桑言曰我今決內向矣遣使諾顏格隆藏布齎奏至

詔允降阿喇布坦挈屬徙策妄阿喇布坦遣族台吉大策凌敦多卜羅卜藏琳沁等以兵二千追之阿喇布坦列兵禦其宰桑洪科爾額爾奇木子車克學斬羅卜藏琳沁及兵四百餘會我使往迎

大策凌敦多卜等遁阿喇布坦率戶七百餘屯茂岱察罕度爾遣  
洪科爾額爾奇木馳奏

賜御用冠服未幾入

覲京師

召見保和殿

諭曰厄魯特歸降來朝未有率人如爾之眾者爾既傾心來歸甚  
屬可嘉朕所用避風石數珠最利風疾以賜爾阿喇布坦奏臣產  
絕域無知昔犯

天朝每思及心膽俱裂

諭曰爾厄魯特爲人多疑朕親率師至克魯倫遣使諭噶勒丹來

降彼不之從故至交戰失利其時若卽歸款朕亦卽已前厄魯特  
來降者朕皆授大臣職爾等尙不之信今已優養數年各安生全  
雖未從征立功扈從巡哨亦常盡力今觀爾體貌健壯他日得力  
可知念爾遠涉勞乏且善自調攝暇日可更與爾語也

詔封多羅郡王

賜貂裘鞍馬銀幣其從者諾顏格隆藏布洪科爾額爾奇木皆

賜達爾漢號尋

諭游牧推河阿喇布坦將行奏曰臣爲策妄阿喇布坦所掠無衣  
食窮困已極蒙

賜糧畜得更生今來入

親又蒙

恩給食乘傳遣侍衛擊駝馬迎臣甫至輒

賜宴復賞

御用珍服及未經見物

天高地厚之恩此生誠不能報但期臣身及臣子孫世世捐軀效力而已至臣屬眾志尙未甯俟數年後再請給賜官職編設旗隊允之四十二年

詔授扎薩克尋卒子二長車凌旺布次色布騰旺布相繼襲

一次襲車凌旺布阿喇布坦長子尙郡主授多羅額駙康熙四十二年襲扎薩克多羅郡王先是達瑪璘妻布尼塔爾從兄額璘沁

哈什哈至乞降

詔優養之子茂海及車凌從阿喇布坦來歸

詔封茂海爲輔國公五十四年準噶爾襲哈密

諭車凌旺布及茂海以兵備之六十一年車凌旺布來朝雍正元年

諭曰厄魯特公茂海從阿喇布坦來時

皇考深加愛養今在軍前輸誠效力有年著晉封固山貝子三年車凌旺布及弟貝勒色布騰旺布來朝四年理藩院奏游牧推河諸厄魯特請各設旗分佐領會準噶爾台吉噶勒丹策凌乞和詔遣散秩大臣伯四格等往勘阿爾台界卽赴推河議編厄魯特

旗隊尋奏以車凌旺布及色布騰旺布茂海轄所屬定四佐領  
詔各給扎薩克印厄魯特凡六旗曰扎薩克多羅郡王車凌旺布  
曰扎薩克多羅貝勒色布騰旺布曰扎薩克固山貝子茂海別有  
準噶爾扎薩克一曰固山貝子多爾濟色布騰阿拉善扎薩克一  
曰貝勒阿保輝特扎薩克一曰輔國公巴濟以車凌旺布領之授  
盟長復

諭理藩院曰厄魯特諸台吉歸順

聖祖仁皇帝特恩加授官職雖無世襲之

旨但伊等各有效力之處悉著降一等承襲如承襲之人或能守  
分盡職仍將原品賞給其以此諭厄魯特知之有烏梁海者錯處

唐努山及克木克木齊克近阿爾台汛

上以舊爲喀爾喀及準噶爾屬

詔車凌旺布及喀爾喀貝勒博貝分轄之徵其賦策妄阿喇布坦  
請

賜歸準噶爾

上不允

詔前鋒統領定壽等屯特斯防護烏梁海復令車凌旺布等往  
諭德意

頒資茶布六年卒弟色布騰旺布襲

二次襲色布騰旺布阿喇布坦次子尙郡主授多羅額駙雍正元



年封多羅貝勒四年授扎薩克七年襲扎薩克多羅郡王以貝勒爵之嗣者

詔併兩乳薩克爲一復授厄魯特盟長九年準噶爾煽亂內附諸厄魯特茂海車凌等爲所惑誘色布騰旺布屬從叛復助掠諸部牧畜

詔撫遠大將軍馬爾賽馳赴扎克拜達哩克防禦叛賊色布騰旺布尋奏至稱臣父阿喇布坦歸誠後世受

國恩頃準噶爾賊至方欲偕茂海車凌議徙內地不意二人率臣屬管旗章京班第佐領索騰等五百餘眾叛就噶勒丹策凌臣義不肯貳率宰桑等及兵百餘待

命

諭曰色布騰旺布素爲朕所嘉與今感戴朕恩竭力保護所屬游牧人等不致妄動且奏請旨可嘉可憫著理藩院遣人照視酌量嚴密之處速行徙牧明年色布騰旺布奏臣有宰桑十四屬戶四百二十以避命 敢至內地若不徙又鄰準噶爾界乞

施恩令徙喀爾喀河附近地

允之復

諭曰宰桑等不隨逆賊誠心歸附其主甚屬可嘉色布騰旺布感念朕恩不爲準噶爾賊所誘有逃竄者復能竭力追勦著加恩賞色布騰旺布銀千兩宰桑等銀各百兩屬人等每戶銀十兩乾隆

元年

命御前行走

賜紫轡先是車凌旺布時烏梁海隸其牧每丁納貂五尋以烏梁海乏生計議減二別給牧畜代之七年議政王大臣等奏色布騰旺布復徵烏梁海貂五請察議嗣逾額者罪從之十三年卒嗣子朋素克襲

三次襲朋素克祖罕都父索諾木見阿喇布坦傳色布騰旺布以無嗣育朋素克爲子乾隆十三年議襲扎薩克

詔降襲固山貝子尋

命乾清門行走

賜雙眼孔雀翎黃馬褂十七年

詔察所屬烏梁海之出入內汛者毋得私挈蒙古眾越境二十年  
大軍征達瓦齊獻馬二百

詔納之軍抵伊犁茂海車凌俱前死子齊默特多爾濟密什克多  
爾濟烏巴什等迎降尋入

覲

諭挈戚屬附朋素克牧餘仍畱伊犁二十一年和託輝特青衮咱  
卜叛遣逆黨伯爾格赴朋素克及烏梁海牧私調兵八百朋素克  
偕烏梁海達爾漢巴顏等擒伯爾格及從者送軍

諭嘉其不附逆二十五年副都統伊柱視伊犁屯田至海努克獲

虎紐銅章一文曰管轄厄魯特後旗扎薩克印驛封至蓋雍正四年頒給茂海物也茂海叛挈往準噶爾獻噶勒丹策凌至是得之詔貯內廷先是朋素克白喀爾喀河徙牧推河二十六年定牧鄂爾坤之烏蘭烏蘇隸喀爾喀賽因諾顏部以齊齊爾里克盟長轄之四十三年議朋素克強取族台吉爲己屬匿不報罪削扎薩克爵

詔其子納木扎勒襲

四次襲納木扎勒朋素克長子乾隆三十八年扈

蹕木蘭行圍

命乾清門行走授二等侍衛三十九年

賞黃馬褂會山東壽張逆民王倫擾臨清

詔從大學士舒赫德喀爾喀親王固倫額駙拉旺多爾濟往剿之  
四十三年襲扎薩克固山貝子

詔歸游牧四十六年

諭曰阿喇布坦以來降功封郡王爵其子車凌旺布色布騰旺布  
相繼承襲後因色布騰旺布無嗣以其養子朋素克降襲扎薩克  
固山貝子復因朋素克不稱扎薩克職以固山貝子原品休致令  
伊長子納木扎勒承襲其扎薩克固山貝子爵著加恩令世襲罔  
替五十三年卒子車凌多爾濟襲

五次襲車凌多爾濟納木扎勒長子乾隆五十三年襲扎薩克固

山貝子五十六年卒伊祖朋素克復襲

六次襲朋素克車凌多爾濟之祖乾隆五十六年復襲扎薩克固

山貝子

國朝耆獻類徵初編卷首之九十

通奉大夫前署江西巡撫江西布政使司布政使 臣 李桓恭錄

欽定外藩蒙古回部王公表傳卷之七十八

傳第六十二

厄魯特扎薩克輔國公丹濟拉列傳 今製固山貝子

丹濟拉厄魯特人準噶爾族姓綽囉斯祖巴圖爾琿台吉父溫春台吉系詳青海厄魯特部傳初溫春台吉與其兄噶勒丹同牧阿爾台康熙十七年附噶勒丹表入貢二十一年復遣使至尋卒子丹濟拉依噶勒丹二十三年偕弟達爾扎扎木揚附噶勒丹表入貢時噶勒丹自號博碩克圖汗厄魯特族皆隸之然性殘虐諸台



桑惟善丹濟拉與阿喇布坦丹津鄂木布格類固英信丹濟  
拉尤篤有事必與謀嘗以兵從噶勒丹侵略爾喀敗土謝圖汗察  
琿多爾濟

遣使諭噶勒丹罷兵不從丹濟拉及格類固英以覆奏獻復分兵  
侵略爾喀爲大軍所敗乞降遁

諭噶勒丹親來定盟否則以丹濟拉及丹津鄂木布爲使噶勒丹  
詭稱道遠乏糧糗弗遣復偕丹濟拉循克嚕倫河掠喀爾喀因屯  
牧巴顏烏蘭三十五年

上親征噶勒丹

駐蹕圖陵

遣使以兵二百齎

敕諭降至克嚕倫河丹濟拉率千餘騎突至欲奪前鋒馬我使叱曰爾等何得無禮

上率師親至矣西路大將軍費揚古亦自鄂爾坤圖拉且來丹濟拉駭失聲馳 噶勒丹偕竄至特勒爾濟口爲西路軍所敗噶勒丹挈數騎遁丹濟拉與相失偵匿塔密爾之台庫勒閒道往會以阿喇布坦丹津鄂木布等異志從噶勒丹至庫倫伯勒齊爾復以兵千五百掠游牧瀚海之喀爾喀有津巴者丹濟拉屬爲喀爾喀阿爾薩蘭街宰桑擒獻

遺歸招噶勒丹降至阿濟爾布都納遇丹濟拉語之故且曰

上遣兵分備邊汛矣丹濟拉遁詭遣察哈岱乞降聞我儲糧翁吉謀往奪會副都統祖良璧徹兵歸行未數里丹濟拉伺前軍過驟劫鞠重祖良璧自後馳至前軍旋擊敗走先是丹濟拉以奪糧爲非計從者曰與其餒而死不如盜而生丹濟拉強應之語曰勿殺人但掠食耳至是爲護糧軍所敗失乘騎丹濟拉撫膺嘆曰欲向清水求魚水已濁魚終不可得柰何率眾竄歸噶勒丹悞語曰我恃汝爲命汝今若此將何以存不得已當往哈密以馬易粟而食既而偵我軍設哨嘉峪關外弗敢往走格格特哈朗古特薩克薩圖古里克伯格爾察罕額爾克等處丹濟拉說噶勒丹遣格類固英來乞降時準噶爾諸台吉皆叛棄噶勒丹惟丹濟拉從

上不忍盡剋厄魯特眾既

遣使往招阿喇布坦及丹津鄂木布復以丹濟拉獨爲噶勒丹所  
信

賜噶勒丹敕以丹濟拉名次之再使

諭降至是復

遣格類固英從我使往

敕曰爾噶勒丹及丹濟拉如果引罪來降朕無異視務令得所爾  
屬人等亦得各安生業朕斷不念舊惡試自計之有能收養爾等  
之人否今已無所歸矣其速率屬來降若仍誤聽匪言後悔難追  
毋疑毋懼三十六年春我使至噶勒丹所宣

諭之丹濟拉私告格類固英曰我說噶勒丹降不從反疑我爾復說之降則我爲使往格類固英知噶勒丹無降志從我使歸丹濟拉密陳欲降狀尋以責噶勒丹僕反顏徙牧齊察蘭什爾哈戈壁等處相避行噶勒丹復自薩克薩圖古里克竄哈薩克圖哈喇阿濟爾罕數召丹濟拉不往

上聞之

詔察哈岱招降丹濟拉

敕曰朕爲天下元后善善惡惡乃至理也前遣格類固英等歸敕內開載爾名復使格類固英傳諭爾降今格類固英等至爾之辭意皆已備陳爾今能致噶勒丹降必當封爾爲多羅貝勒畀以殊

榮如不能致爾但束身來歸亦不失爾富貴况爾屬人乞降者朕  
皆宥罪顯榮優養爾應悉聞往咎槩不介意爾曾密奏若宥臣罪  
臣卽歸誠故特專賜爾赦盡宥爾罪朕爲大君豈改成命會噶勒  
丹召丹濟拉以私恩不忍絕復往會於阿察阿木塔台噶勒丹尋  
自殺丹濟拉以噶勒丹骸及女準齊海至巴顏溫都爾遣齊奇爾  
宰桑詣大將軍伯費揚古營告降以前不速降故懼討復馳竄布  
隆吉爾爲待

命計偵副都統阿南達設備奔巴里坤憊甚集從者議所向咸稱  
畱處便先是噶勒丹兄子策妄阿喇布坦與噶勒丹修怨徙博囉  
塔拉達爾扎扎木揚等皆從之丹濟拉以附噶勒丹故與策妄阿

喇布坦交惡至是謂從者曰爾等徒自謀耳若策妄阿喇布坦知而阻我則難爲計矣因游行博克達額琳哈畢爾噶境至濟木薩遇策妄阿喇布坦之郭莽喇嘛將以兵拒給之曰噶勒丹已歿吾欲往投策妄阿喇布坦其遣爾屬偕我使往郭莽喇嘛徹兵丹濟拉遣從者土克齊哈什哈偕郭莽喇嘛使達爾漢宰桑往告策妄阿喇布坦而自偕郭莽喇嘛駐待德伯色克

上以丹濟拉既乞降復竄徙

詔策妄阿喇布坦擒獻策妄阿喇布坦感丹濟拉且慮討不聽命罪遣族台吉大策凌敦多卜等兵擊之齊奇爾宰桑既乞降費揚古遣入

覲復令準噶爾降人丹巴哈什哈往諭丹濟拉曰爾來歸甚善所  
需糧騎若何當遣往何不輕身先至令族眾自後徐行丹巴哈什  
哈至巴顏溫都爾則丹濟拉竄已久察哈岱齊奇爾宰桑後先抵  
軍費揚古令齎前

敕往諭不之遇復給糧騎遣往令必與丹濟拉相見始歸抵郭莽  
喇嘛所授之

敕丹濟拉乃決降志擊裝徙就道大策凌敦多卜以兵至掠噶勒  
丹骸及準齊海去丹濟拉馳赴哈密子多爾濟色布騰爲大策凌  
敦多卜兵所掩與相失越九日乃至達爾漢伯克額貝都拉迎諸  
境遣子郭帕伯克護至內汛時



上幸塞外

遣官往迎

駐蹕可汗特穆爾嶺丹濟拉至

召入

行幄屏左右

垂詢移時始

命出

詔以丹濟拉爲內大臣多爾濟色布騰爲頭等待衛其從眾置張家口外視可用者給軍糧丹濟拉出語曰我乃叛逆罪人窮始來

歸

皇上略不致疑屏侍臣召入見且蒙

恩授顯爵

聖主至勇至仁如此令我誠心感戴永不敢異志矣三十七年

詔隸察哈爾正黃旗曰三品官楚魯克曰六品官都喇圖什賚唐古特及壯丁百有十僕役四十皆丹濟拉屬之來歸者也以多爾濟色布騰爲佐領領之四十四年

詔封丹濟拉爲扎薩克輔國公四十五年

諭赴牧推河借郡王車凌旺布偵防準噶爾賊蓋自是不復隸察哈爾旗四十七年卒子多爾濟色布騰襲

一次襲多爾濟色布騰丹濟拉長子康熙四十七年襲扎薩克輔

國公五十三年來朝扈

蹕避暑山莊

賜鞍馬銀幣五十四年準噶爾掠哈密境

詔兵備之會準噶爾敗於哈密遁走多爾濟色布騰駐防杭愛招  
降準噶爾屬貢楚克臧布等內附雍正元年

詔晉封固山貝子

賜三眼孔雀翎三年來朝八年晉多羅貝勒

詔從靖邊大將軍傅爾丹駐防科布多丹濟拉之來歸也爲大策  
凌敦多卜所掠攜眾至僅百餘後

賜牧推河給來歸諸厄魯特眾九年大策凌敦多卜遣使攜書誘

多爾濟色布騰往附謀者獲之以獻

諭廷臣曰此準噶爾反間計也多爾濟色布騰受朕恩甚重伊亦感激效力豈肯墮其術中但伊游牧人等原非伊之舊屬與伊不睦若仍在喀爾喀地游牧難以居住爾等其以準噶爾書示多爾濟色布騰觀之令伊父子向內徙牧朕自加恩給與產業時多爾濟色布騰謀準噶爾兵襲推河謀內徙有台吉索諾木吹濟者誘其屬戶四十餘叛赴準噶爾多爾濟色布騰至靖邊大將軍順承親王錫保軍訴稱屬眾難信請徙歸化城錫保以

聞

詔游牧西喇穆稜未幾以病請徙牧巴林及科爾沁界

諭曰爾屬眾俱保可魯特若與內扎薩克等游牧錯處將來彼此不睦別生事端亦未可定已經居定之處不可頻頻移徙屬眾亦甚勞苦人之壽算俱有定數豈可因自疑故卽欲徙牧乎爾今聆此諭旨省悟之後亦應自笑其愚也乾隆二年卒子三都布降襲固山貝子

二次襲三都布多爾濟色布騰長子乾隆二年襲扎薩克固山貝子十九年

命乾清門行走

賜雙眼孔雀翎黃馬褂二十年大軍征達瓦齊獻馬百

詔納之二十五年卒嗣子貢楚克邦襲

三次襲貢楚克邦三都布嗣子乾隆二十六年襲扎薩克固山貝子先是三都布自西喇穆稜徙牧喀爾喀河貢楚克邦復徙牧推河是年始定牧鄂爾坤之烏蘭烏蘇隸喀爾喀賽因諾顏部以齊齊爾里克盟長轄之四十六年

諭曰丹濟拉雖以窮蹙來降嗣因奮勉效力封扎薩克固山貝子其子孫相繼襲爵貢楚克邦雖爲三都布嗣子朕旣允其襲爵著加恩令世襲罔替

四庫全書  
卷之五  
八

國朝耆獻類徵初編卷首之九十一

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之七十九

傳第六十三

阿拉善厄魯特部總傳

阿拉善厄魯特部至

京師五千里東界甯夏西界甘州南界涼州北界瀚海袤延七百餘里卽賀蘭山地駐牧蒙古系出元太祖弟哈巴圖哈薩爾與和碩特同族和碩特舊爲四厄魯特之一故稱厄魯特部哈巴圖哈薩爾十九傳至圖魯拜琥號顧實汗有子巴延阿布該阿玉什兄



拜巴噶斯初育以爲子後自生子二長鄂齊爾圖次阿巴賴游牧河西套稱西套厄魯特巴延阿布該阿玉什號達賴烏巴什子十六居西套者曰和囉理曰墨爾根曰額爾克曰都喇勒曰哈什哈曰陀音曰土謝圖羅卜藏曰博第曰多爾濟扎布曰諾爾布扎木素曰愛博果特曰鄂木布和囉理號巴圖爾額爾克濟農以來歸授扎薩克

賜牧阿拉善諸昆弟子姓隸之其居青海者曰扎布曰阿南達曰伊特格勒曰巴特巴扎布授扎薩克領其族見青海厄魯特部傳鄂齊爾圖號車臣汗子三長額爾德尼子噶勒丹多爾濟次噶爾第巴子羅卜藏袞布阿喇布坦次伊拉古克三班第達呼圖克圖

後皆絕嗣阿巴賴裔爲準噶爾所掠故不著順治四年鄂齊爾圖遣使貢駝馬六年阿巴賴繼至七年鄂齊爾圖使至以喀爾喀煽蘇尼特部長騰機思叛奏稱力能鋤逆當相機爲之否則亦必修貢如初不敢稍萌異志

諭絕喀爾喀勿私通好嗣因額爾德尼噶爾第巴伊拉古克三班第達呼圖克圖及所部台吉宰桑等朝貢至者相接準噶爾台吉噶勒丹游牧阿爾台號博碩克圖汗覲爲厄魯特長鄂齊爾圖妻以孫女阿努尋與隙康熙十六年噶勒丹以兵襲西套戕鄂齊爾圖破其部鄂齊爾圖妻曰多爾濟喇布坦與喀爾喀墨爾根汗額列克妻皆土爾扈特汗阿玉奇女兒也額列克孫察琿多爾濟號

土謝圖汗偵噶勒丹侵鄂齊爾圖兵援之不及多爾濟喇布坦奔  
土爾扈特噶勒丹遣使獻俘

諭曰鄂齊爾圖汗與噶勒丹向俱納貢今噶勒丹侵殺鄂齊爾圖  
獻所獲弓矢等物朕不忍納也其卻之四套厄魯特既潰或奔依  
達賴喇嘛或被噶勒丹掠去和囉理率族屬避居大草灘盧幙萬  
餘守汛者遣之去仍逐水草徙戀處邊外有楚琿爾烏巴什者噶  
勒丹叔父也子五長巴哈班第次阿南達次羅卜藏呼圖克圖次  
罕章次羅卜藏額琳沁噶勒丹以私憾襲殺巴哈班第執楚琿爾  
烏巴什及羅卜藏額琳沁等禁之巴哈班第子罕都爲和囉理甥  
時年十有三其屬額爾德尼和碩齊攜之逃以兵四百掠烏喇特

戶畜鼠就 和囉理居額濟內河喀爾喀台吉畢瑪里吉哩諦偵以  
告會青海墨爾根台吉等察獻額爾德尼和碩齊所掠  
遣使詰知爲準噶爾屬

論噶勒丹捕額爾德尼和碩齊治罪并收和囉理歸牧或非所屬  
當以告二十二年噶勒丹奏和囉理等歸達賴喇嘛已遣使召請  
以丑年四月爲限是年蓋歲在亥二十三年罕都偕額爾德尼和  
碩齊遣使貢請宥掠烏喇特罪而和囉理戚屬嘗掠茂明安諸部  
牧產前以服罪故宥之至是

諭曰和囉理旣免罪額爾德尼和碩齊等著一體宥赦所貢准上  
納先是羅卜藏衮布阿喇布坦避噶勒丹走唐古特以達賴喇嘛

言表請

賜居龍頭山轄西套遺眾

命兵部督捕理事官拉都琥往勘奏言龍頭山蒙古謂之阿拉克鄂拉乃甘州城北東大山脈縣延邊境山口卽邊關建夏口城距湟川堡五里山盡爲甯遠堡距龍頭山里許有昌甯湖界之內地兵民耕牧久似不宜令新附蒙古居

上可其奏羅卜藏衮布阿喇布坦尋徙牧布隆吉爾土謝圖汗察琿多爾濟以女妻之事

聞

諭廷臣曰前鄂齊爾圖汗爲噶勒丹所戕其孫羅卜藏衮布阿喇

布坦往求達賴喇嘛指授所居之地達賴喇嘛令駐牧阿拉克鄂  
拉因以爲請鄂齊爾圖汗從子和囉理前沿邊駐牧曾檄噶勒丹  
收取之今羅卜藏袞布阿喇布坦與喀爾喀互相犄角噶勒丹欲  
以兵向和囉理等則恐喀爾喀躡之欲以兵向喀爾喀則恐和囉  
理等襲之此必非噶勒丹所能收取也二十四年和囉理請  
賜敕印鈴部眾廷臣以游牧未定議不允

諭曰和囉理等以避亂故離其舊牧來至邊境劫掠茂明安烏喇  
特諸部本應卽行殄滅朕俯念鄂齊爾圖汗世奉職貢恪恭奔走  
兼之彼亦迫於飢困是以宥其罪戾又羅卜藏袞布阿喇布坦係  
鄂齊爾圖汗孫爲和囉理從子應令聚合一處其遣官往諭朕旨

度可居地歸併安置封授名號給賜金印璽書以示朕興滅繼絕  
至意理藩院尙書阿喇尼遵

旨往諭和囉理奏

皇上令臣等聚處乃殊恩達賴喇嘛亦謂羅卜藏衮布阿喇布坦  
居布隆吉爾地隘草惡不若與臣同處臣等欲環居阿拉克山陰  
邊寇盜靖邊疆令部眾從此地而北當喀爾喀台吉畢瑪里吉哩  
譚牧地由噶爾拜瀚海額濟內河姑喇素河雅布賴山巴顏努魯  
喀爾占布爾古特洪果爾鄂隆以內東倚喀爾喀丹津喇嘛牧西  
極高河居之奏至

遣使諭達賴喇嘛曰噶勒丹滅鄂齊爾圖汗時和囉理及羅卜藏

衮布阿喇布坦等紛紜離散來至邊境又以生計窘迫妄行劫掠朕宥其罪不卽發兵勦滅和囉理等亦戴朕恩屢請勅印依朕爲命朕前諭噶勒丹收取彼約以丑年四月爲期今逾期已數月矣伊等骨肉分離散處失所朕心殊爲惻然鄂齊爾圖汗於爾喇嘛爲護法久矣何忍漠視其子孫宗族至於窮困今朕欲將伊等歸併安置爾喇嘛其遣使與朕使偕往定議二十五年達賴喇嘛奏已遣使

上遣拉都琥往會勘

諭曰爾等召集和囉理羅卜藏衮布阿喇布坦等相視可以游牧地指給定所其額爾德尼和碩齊等如欲與和囉理同牧亦許之



前和囉理已自誓不復令屬眾爲非其羅卜藏衮布阿喇布坦亦  
須嚴禁所屬和睦安居爾等可與和囉理等定沿邊爲盜作亂之  
罰朕所以不憚諄切訓諭者亦以其先世恭順有年不欲令子孫  
失所也儻伊等復流亡他徙殊負朕歸併眷恤之意矣拉都琥偕  
達賴喇嘛使約和囉理至東大山北語之曰爾所請噶爾拜瀚海  
地聽爾游牧外自甯夏所屬玉泉營西羅薩喀喇山嘴後至賀蘭  
山陰一帶布爾哈蘇臺口又自甯夏所屬倭波嶺塞口北努渾努  
魯山後甘州所屬鎮番塞口北沿陶蘭泰薩喇椿濟雷琿希理等  
地西向至額濟內河俱以距邊六十里爲界畫地識之定議蒙古  
殺邊民論死盜牲畜奪食物者鞭之私人邊游牧者台吉宰桑各

罰牲畜有差所屬犯科一次罰濟農牲畜以五九時罕都及額爾德尼和碩齊請與和囉理同牧羅卜藏衮布阿喇布坦偵其女兒阿努攜兵千赴藏道嘉峪關外懼襲已備之以故未卽徙拉都琥奏至

詔以所定地域之罰例檄甘肅守臣知之蓋自是和囉理屬始定牧阿拉善二十七年噶勒丹侵喀爾喀和囉理欲往援察琿多爾濟乞師於

朝時

諭噶勒丹罷兵使已就道

詔不允和囉理請而羅卜藏衮布阿喇布坦自率兵援喀爾喀遇

我使於道宣

諭之亦撤歸布隆吉爾察琿多爾濟尋爲噶勒丹所敗

上復遣使諭噶勒丹將行

命之曰噶勒丹若問和囉理事爾等宜述丑年之約并言達賴喇嘛向雖遣使定議令和囉理與羅卜藏袞布阿喇布坦歸併安置迄今尙未同居和囉理雖駐游邊地亦未編設旗隊前喀爾喀與厄魯特交惡和囉理曾請兵討爾朕仍諭遣之曰朕欲使爾等安處游牧而已豈肯給爾兵耶其以是告之令罷兵噶勒丹不從二十八年以羅卜藏袞布阿喇布坦卒

賜賻祭其妻及宰桑等請召噶勒丹多爾濟轄部眾

允之時噶勒丹多爾濟游牧準噶爾界

諭曰羅卜藏衮布阿喇布坦率屬內附所遺部眾恐致流亡噶勒丹多爾濟尙幼召之恐未卽至著和囉理前往布隆吉爾暫爲約束人民俟噶勒丹多爾濟至仍歸本地務期共相扶掖勿侵據所部眾噶勒丹多爾濟以所部饑告不卽徙

詔投諾顏號

遣侍讀學士達琬

諭恤所部貧民其母扎木蘇攜噶勒丹多爾濟至

詔轄羅卜藏衮布阿喇布坦眾附阿拉善牧有拜達者罕都屬也  
借額爾德尼和碩齊誘其主棄和囉理私以厄魯特兵千掠邊番

守汛者責之爲所戕且抗官軍甘肅提督孫思克以兵屯邊將勦之罕都懼乃降

詔宥罪仍駐牧阿拉善其叔父羅卜藏額琳沁尋自準噶爾至奏爲噶勒丹所禁十餘年以準噶爾與喀爾喀戰乘閒脫挈孥屬千餘至乞與兄子罕都同居

允之三十年和囉理以不遵

旨徙牧歸化城懼大兵討叛遁噶勒丹多爾濟羅卜藏額琳沁罕都等從之分道竄將軍尼雅漢等招降噶勒丹多爾濟屬納木喀班爾等五十餘戶和囉理女弟之夫克奇及從者二十一人以

聞

詔安置歸化城時和囉理弟博第游牧中衛邊外距阿拉善三百餘里聞其兄叛遁欲往會偵副將陳祚昌等屯昌甯湖遣子索諾木至軍詭稱假道詣南山否則請牧馬昌甯湖祚昌知爲緩軍計令挈屬至歸化城不從擊之斬五百餘級博第僅以身免走伊巴賴遇和囉理屬台吉齊奇克假糧馬竄額濟內河三十一年和囉理悔罪降

命仍牧阿拉善羅卜藏額琳沁罕都齊奇克等從和囉理降尋復叛走提督孫思克以兵追至庫勒圖斬四十餘級齊奇克就擒詔宥死附和囉理牧羅卜藏額琳沁罕都逸遇自青海來歸之喀爾喀台吉阿海岱青班第掠其資復竄哈密羅卜藏衮布阿喇布

坦有女弟曰阿海始與策妄阿喇布坦議婚噶勒丹奪之策妄阿喇布坦怒棄噶勒丹徙額琳哈畢爾噶

上聞之

遣員外郎馬迪齋

敕諭令絕噶勒丹道哈密羅卜藏額琳沁罕都等偕噶勒丹屬圖克齊哈什哈哈爾海達顏額爾克以兵劫之由大草灘毀邊垣遁爲青海台吉額爾德尼納木扎勒所擊走死三十三年和囉理弟博第率屬百餘降乞仍與兄同牧

許之

命輯所屬潰散者未幾齊奇克復叛遁和囉理遺所部莽素哈什

哈等以兵追諸耨爾格山諭之降不從擊斬之三十五年所部兵隨西路大軍敗噶勒丹於昭莫多副都統阿南達奉

命設哨以和囉理屬布爾噶齊達爾漢宰桑瑪賴額爾克哈什哈齊勞墨爾根薩里呼納沁齊倫琿塔漢占哈什哈布達哩杜喇勒和碩齊等分屯額布格特阿木格特昆都倫額濟內及布隆吉爾之博羅椿濟敖齊喀喇莽柰諸地時噶勒丹多爾濟竄徙嘉峪關外有哨卒拜格者其屬也阿南達召至遣歸說噶勒丹多爾濟曰上待汝恩甚厚將撫育之顧叛逃可乎和囉理棄牧時汝不能輯屬故從往

上灼知汝情念汝祖鄂齊爾圖汗將玉成汝汝其思之噶勒丹多



爾濟遣告曰

上念臣祖臣兄令臣與和囉理接壤居臣無知從和囉理叛遁今悔罪欲死臣幼臣母一婦人未能達乞以情代奏阿南達欲堅內附志遣使歸約如期會肅州諭設哨援哈密復檄哈密伯克額貝都拉曰噶勒丹至汝地汝卽召噶勒丹多爾濟往援勿復疑噶勒丹多爾濟遣宰桑阿約等齎降表至肅州會

上視師甯夏阿南達馳疏至

詔優恤所部眾三十六年噶勒丹多爾濟詣阿南達告曰噶勒丹不共戴天讐也願效力從戎荅

殊恩且復私讐軍事葢乃入

覲阿南達以

聞

允之噶勒丹遣使說噶勒丹多爾濟曰爾姊阿努存日言必以我  
女鍾齊海弄。今阿努歿爾娶我女與否其自爲計策妄阿喇布  
坦貽之書曰。等向爲姻戚噶勒丹行不義致棄前好今遣使招  
爾特爲誑爾計爾勿妄從未幾唐古特部第巴煽青海諸台吉盟  
察罕托羅海繕軍械助噶勒丹檄噶勒丹多爾濟以兵往辭不赴  
遣使俄濟通問策妄阿喇布坦自攜兵百會阿南達於布隆吉爾  
阿南達偵噶勒丹死其從子丹濟拉竄瀚海遣噶勒丹多爾濟屬  
輝特台吉羅卜藏等馳赴噶斯而自偕噶勒丹多爾濟以兵繼之

至色爾滕值俄濟歸以丹濟拉將自郭蠻喇嘛所往附策妄阿喇  
布坦告因徹噶斯兵遣噶勒丹多爾濟仍赴布隆吉爾設哨其屬  
阿勒達爾哈什哈恭格等煽之叛至西欣驛劫駝馬奉母扎木蘇  
由喀喇烏蘇遁阿南達遣兵四百追之不及招降其屬茂海烏訥  
恩巴圖爾阿喇木扎木巴阿喇木巴及輝特台吉羅卜藏等遣歸  
阿拉善羅卜藏後徙牧喀爾喀卽附扎薩克圖汗部之厄魯特扎  
薩克也是年和囉理以所部數叛請視四十九旗例編佐領廷臣  
議徙烏喇特界

諭曰若將和囉理移牧近地則沿邊別部蒙古甚多豈可盡徙且  
治蒙古貴得其道不係地之遠近著停徙仍游牧阿拉善地給扎

薩克印復以噶勒丹多爾濟竄赴準噶爾

敕策妄阿喇布坦曰噶勒丹多爾濟率屬來降安置耕種今忽爾其屬人棄眾私遁其中必有不得已之情務卽察明具奏朕於噶勒丹多爾濟略無責備之意且降旨收集其遺眾儻往汝地汝可善爲撫恤如欲內徙卽行遣歸時噶勒丹多爾濟陽附策妄阿喇布坦陰貳之策妄阿喇布坦將侵哈薩克噶勒丹多爾濟詭以兵從中道遁庫車爲回眾所殺母扎木蘇攜屬九百餘奔青海部青海諸台吉以獻

詔安置什巴爾臺隸察哈爾雍正二年大軍定青海王大臣等議阿拉善爲甯夏邊外要地青海願貢汗諸子裔舊皆游牧山後今

或徙山前請

勅阿拉善扎薩克郡王阿寶飭青海眾歸牧山後

允之阿寶奏臣祖顧實汗歸誠內附百年於茲受

天朝恩甚厚前青海昆弟阻兵搆亂上干

天討臣當束身受誅重荷

恩宥令安游牧感激莫報乞

賜青海曠地令臣鈐諸部不復萌異志

詔以青海貝子丹忠所遺博囉克克牧地給之并

諭撫遠大將軍年羹堯遣員齎餉助徙牧博囉克克者卽漢書

地理志所稱潢水也七年阿寶以博囉克克牧地隘擅請徙烏

蘭穆倫及額濟內河界議罪削爵尋

命復之

詔仍歸阿拉善牧不復居青海乾隆二十一年二等台吉達瓦車  
凌從大軍勦厄魯特竄黨遇伏於博囉齊奮擊之陣歿

詔議卹入祀昭忠祠先是阿寶屬達瑪琳從靖邊大將軍傅爾丹  
擊準噶爾於和通呼爾哈諾爾爲所掠至是攜孥及屬布庫勒等  
四十戶詣都統雅爾哈善軍請歸阿拉善舊牧

詔如所請徙眾仍置伊犁二十四年以台吉達瓦佐領布岱等勦  
嗎哈沁及逆回布拉呢敦霍集占功

詔優賚之所部旗一爵三日扎薩克和碩親王由貝勒晉襲附鎮

國公二二由貝子降襲一由輔國公晉襲

國朝耆獻類徵初編卷首之九十二

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之八十

傳第六十四

扎薩克多羅貝勒和囉理列傳今襲和碩親王

和囉理厄魯特人和碩特族姓博爾濟吉特號巴圖爾額爾克濟農初駐牧西套隸鄂齊爾圖汗嗣鄂齊爾圖汗被難和囉理徙牧大草灘遣使至靖逆將軍張勇所稱避亂赴青海以邊外道遠乏水草請由內地行張勇遵

旨諭由水泉過邊和囉理戀牧大草灘草盡北徙不果赴青海偵

皇朝通志卷一百一十二外藩傳



噶勒丹屯布隆吉爾慮襲已由雙井避入內地甘肅提督孫思克  
請率兵禦時張勇屯甘州

諭令親視出邊和囉理謝去徙牧額濟內河界遣宰桑博克等奉  
表至思克營服罪康熙十八年

詔兵部督捕理事官拉都琥赴和囉理所詰掠烏喇特諸部罪先  
是厄魯特眾避噶勒丹侵分牧邊外額爾德尼和碩齊私掠烏喇  
特和囉理弟土謝圖羅卜藏等復掠甯夏及茂明安鄂爾多斯諸  
部和囉理未之知也拉都琥往勘遣召額爾德尼和碩齊至詰責  
之察歸所掠之未售者十八人復獻馬百餘爲弟請罪

諭曰和囉理旣未行劫可勿罪二十年遣使入貢

詔納之二十一年補解馬至其母格楚爾哈屯弟土謝圖羅卜藏博第等各遣使從奏荷

併蒙居邊境屬眾妄行盜竊深悔罪又游牧邇甯夏乞

允赴市理藩院議償缺解馬仍照例治罪

諭曰和囉理等以敗竄來至邊境所部罔知法紀迫於饑困盜竊牲畜等物今既陳其苦情諄諄奏請著寬免前罪嗣後鈐束屬眾勿得妄行滋事其甯夏地向無厄魯特喀爾喀市易例所請不允二十二年和囉理徙牧河岸偏鄂爾多斯貝勒松喇布以

聞

諭退歸二十四年冬和囉理率屬七百餘來朝

詔以二百人入關爲額餘畱歸化城給羊及宣府貯米贍之二十五年正月至京

賞宴視大台吉例

召覲以

御服貂裘賜之

諭曰爾祖顧實汗於

太宗文皇帝時偕達賴喇嘛輸誠通款爾叔父鄂齊爾圖汗當

世祖章皇帝時每年遣使請安所貢土產白鷹朕猶及見之夫貢物何足珍賞特鑒其誠敬耳爾厄魯特內亂噶勒丹攻滅鄂齊爾圖汗遣使獻俘朕念鄂齊爾圖汗前此勉修誠悃候爾敗亡不勝

軫恤何忍受之因諭卻所獻頃爾爲噶勒丹擊敗奔至邊境劫掠沿邊居民牧產朕何難遣兵剿除明正爾罪念爾昔時頗竭誠悃復引罪自首以迫於飢困屬眾妄行等情陳奏朕卽有爾罪今若徙爾於邊境內外不拘安置何地爾焉敢不凜遵特念爾祖願實汗爾叔父鄂齊爾圖汗素致恭謹故俾爾絕者復繼散者復聚欲使鄂齊爾圖汗孫羅卜藏衮布阿喇布坦與爾聚處尙其共相輯睦善自安業爾等聚處與否在朕本無損益惟是朕爲天下主凡在函蓋咸欲使之共樂昇平朕茲諭旨自爾身及爾子孫當世世念之勿替尋

遣歸

賜牧阿拉善地三十年以噶勒丹侵喀爾喀偪阿拉善境

諭內徙會其部眾掠喀爾喀丹津額爾德尼牧畜有拒者輒格殺之事

聞

上以和囉理仍畱阿拉善牧將不靖

詔遣官徙至歸化城將置察哈爾復

諭甯夏兵防護之將軍尼雅漢等聞

命旬餘始赴和囉理以駐牧阿拉善久不願內徙聞大兵將至懼討率眾竄詭稱駐西喇布里圖待命尼雅漢遣諭曰大兵來非討汝以徙汝歸化城虞中道爲喀爾喀擾故耳汝若此豈不悖哉和

囉理不從尼雅漢追至庫克布里圖不及以所部牧畜歸  
詔給丹津額爾德尼復

諭曰朕思黃河冰凍時恐和囉理等以流兵掠我西界喀爾喀其  
令鄂爾多斯烏喇特喀爾喀各整兵備之和囉理既叛遁尋悔罪  
挈屬二千餘棲牧額濟內河之明安雅瑪圖

上聞之

諭曰前和囉理來歸朕給地安置不思圖報反劫內附喀爾喀因  
令徙居察哈爾復違命遠竄朕以向加養育並無執殺之意彼欲  
游牧何地惟其所擇但不得擾害邊塞耳明年將軍瑪拉等遣侍  
衛阿南達往招之和囉理乞降且請遣子來朝

厚身者庸矣後不糾  
卷首六十三  
四  
諭曰和囉理雖悔罪或因時序不宜馬匹羸瘠不得已乞降遣子  
至往返之際馬匹休息又復爲逋逃計其共商徙入內地策瑪拉  
奏和囉理感

仁恩不忍悖棄前遣使陳情以道阻未達故招檄甫至不自疑臣  
親率和囉理及色目五十餘人至甯夏其屬眾餒甚請

給糗糧令鄂爾多斯蒙古送至歸化城

允之

上知其內附誠

諭入覲和囉理偕次子玉木楚木馳至泣服罪

詔徹鄂爾多斯諸部備兵唐古特部第巴僞爲達賴喇嘛奏請以

和囉理徙牧青海

敕責之三十二年和囉理上書自理稱前鄂齊爾圖汗歲納貢噶勒丹興兵襲臣不獲已挈眾內徙自

賜牧阿拉善後富且安臣前入

覲蒙

恩以鄂齊爾圖汗進貢往來時請密

旨遣官傳諭臣至今銘不忘後使臣徙內地臣畏大兵威且屬眾潰故未卽至然臣雖奔遁不敢負

聖恩畱處邊外望

綸音如重生臣以族屬困餒不獲內徙請



賜牧舊地蒙

恩允許又察臣戚屬令完聚臣願集游牧眾捐軀效力向以無知  
失信每念及輿欲死乞

賜鑿恤

上慰諭之三十五年大軍既敗噶勒丹所部卒分屯設消和囉理  
復督兵千餘赴阿爾台之土魯圖防緝之三十六年遣達爾漢噶  
布楚車臣宰桑等赴青海收諸戚屬抵鎮海堡私向我守臣乞糧  
騎不之給訴所屬乏牲畜恐困斃不獲至游牧

詔如所請給是年

詔封和囉理爲多羅貝勒授扎薩克印轄其眾四十二年

上幸西安和囉理迎

親臨潼縣扈

蹕閱駐防兵

賜宴

優資銀幣四十六年卒子六長巴圖先卒子恭格阿喇布坦由協理台吉晉輔國公復停襲故不立傳次玉木楚木封輔國公別有傳次阿寶襲扎薩克次齊默特次布木爲間散台吉次丹津索諾木爲協理台吉

一次襲阿寶和囉理第三子康熙四十三年尙郡主授和碩額駙賜第京師

命御前行走四十八年襲扎薩克多羅貝勒

遣歸游牧五十四年準噶爾掠哈密

詔以阿寶爲右衛將軍費揚古參贊率所部兵五百赴推河會準噶爾敗於哈密遁走

詔仍以參贊往會西安將軍席柱等駐巴里坤襲擊準噶爾於伊勒布爾和碩阿克塔斯烏魯木齊諸地皆克捷五十九年自巴里坤赴青海參贊平逆將軍延信軍敗準噶爾賊於卜克河齊諾郭勒綽瑪喇等處護達賴喇嘛入藏六十年

詔統兵五百駐藏地爲署理定西將軍公策旺諾爾布參贊雍正元年議徹駐藏軍會青海羅卜藏丹津叛

詔諸路蒙古兵聽撫遠大將軍年羹堯檄調時阿寶自藏歸年羹堯思其功復以身爲大將軍蔑視之奏阿寶所率兵不堪用且身有疾應遣歸游牧未幾阿寶來朝

上憫其勞

慰諭之

詔封多羅郡王

賜銀萬兩二年以青海亂定

詔徙牧往轄其眾七年議擅請牧地罪削郡王爵仍畱多羅貝勒八年

詔率所部兵會西路大軍於巴里坤進擊準噶爾甫就道噶勒丹

策凌遣使乞和

諭聽調勿遽進未幾準噶爾襲我西路軍

詔以內扎薩克赴調噶斯兵千聽阿寶轄力能剿準噶爾卽率往  
否則入邊偕綠旗兵防內汛旣而其子袞布擊準噶爾敗遁阿寶  
乃自軍所歸阿拉善牧九年

諭嘉之

詔復郡王爵乾隆四年卒子三長袞布封固山貝子先卒次羅卜  
藏多爾濟襲扎薩克次拉爾濟旺舒克襲固山貝子別有傳

二次襲羅卜藏多爾濟阿寶次子乾隆四年襲扎薩克多羅貝勒  
十五年尙郡主授多羅額駙二十年以所部兵五百從西路軍征

達瓦齊於伊犁達瓦齊就擒定北將軍班第遣歸牧阿睦爾撒納  
叛逆黨克什木等擾伊犁羅卜藏多爾濟請仍以兵五百赴西路  
軍

諭駐牧聽調二十一年

詔羅卜藏多爾濟以兵千赴北路從定邊左副將軍親王成衮扎  
布勒和托輝特逆賊青衮咱卜兵甫備北路軍葳功

詔仍選兵五百赴西路羅卜藏多爾濟聞

命自游牧備駝馬餼糧馳抵巴里坤軍

獎賜茶幣二十二年偵阿睦爾撒納由博羅塔拉走阿卜克特偕  
副都統愛隆阿等分道馳擊抵塔爾巴噶台謀輝特逆賊巴雅爾

伏嶺險捕之賊遁尾六日次愛唐蘇哈薩克兵二百餘遮道羅卜藏多爾濟等僅數騎蹙擊之哈薩克懼乞降巴雅爾尋就擒

詔晉封多羅郡王授參贊大臣二十三年從定邊右副將軍郡王車布登扎布勦叛賊哈薩克錫喇及布庫察罕等抵和落霍斯賊據岡拒蹙擊之獲布庫察罕兄阿都齊進兵哈魯勒托羅海偵布庫察罕由庫克烏蘇走哈薩克將往索定邊將軍兆惠檄以兵屯阿勒坦額默勒勦喀喇沁宰桑恩克圖等於庫隴癸嶺恩克圖就擒哈薩克尋以布庫察罕獻

命羅卜藏多爾濟歸牧暫休固請留軍已病足

上憫之

慰令歸牧

賞三眼孔雀翎二十四年以大軍勦逆回布拉尼敦霍集古獻羊  
玉千請助軍

詔給值

賜幣及佩飾大軍旋還

旨攜所部弁兵與飲至宴

詔圖形

紫光閣

御製贊曰渭陽所出扎薩穎材命帥本部宣力龍堆及愛隆阿單  
騎見虜降哈薩克厥功甚鉅三十年



國朝書牘考卷之九十三  
詔晉封和碩親王

實元狐裘及黃轡三十八年獻野麻

御製詩紀之四十六年督兵五百赴蘭州隨大軍勦薩拉爾逆回  
於華林寺四十七年

詔世襲固替四十八年卒子旺沁班巴爾襲

三次襲旺沁班巴爾羅卜藏多爾濟長子尙郡君授固山額駙郡  
君卒復尙縣主授多羅額駙乾隆四十四年授公品級一等台吉  
命御前行走

賞雙眼孔雀翎黃馬褂四十六年從大軍勦薩拉爾逆回於華林  
寺四十八年襲扎薩克和碩親王四十九年授甯夏副都統抵任

聞石峯堡底店逆回驟起選駐防滿兵及阿拉善兵馳赴大軍剿賊

諭嘉之敘績

詔自擇其弟以名

聞授公品級一等台吉旺沁班巴爾遣弟瑪哈巴拉及雲登策登入

覲

詔授瑪哈巴拉公品級一等台吉

國朝文獻備考卷之六十一  
名目入下  
下

--	--	--	--	--	--	--	--	--	--

附固山貝子袞布列傳今襲鎮國公

袞布扎薩克郡王阿寶長子初授二等台吉雍正八年以所部兵五百赴巴里坤防準噶爾會甯遠大將軍岳鍾琪入

覲準噶爾偵不備襲科舍圖汎謀盜我駝馬總兵樊廷等以兵二千驟擊之袞布偕鄂爾多斯台吉定咱喇什率兵往援準噶爾賊敗遁

諭獎其阻勉效力九年封輔國公

詔徹兵歸牧岳鍾琪奏請畱屯

允之

諭曰袞布率所部兵效力行間勤勞懋著從前已加恩賞著仍增

給銀兩并諭其父阿寶知之十年晉封固山貝子

命御前行走

賜三眼孔雀翎十三年徹大軍袞布始率所部兵歸牧乾隆二年卒無嗣弟拉爾濟旺舒克襲

一次襲拉爾濟旺舒克阿寶第三子乾隆二年襲固山貝子六年卒無嗣

詔以其從父丹津索諾木之子索諾木多爾濟降襲鎮國公

二次襲索諾木多爾濟拉爾濟旺舒克再從弟乾隆六年襲鎮國公三十年卒子烏爾圖納遜襲

三次襲烏爾圖納遜索諾木多爾濟長子乾隆三十年襲鎮國公

四十六年從大軍勦薩拉爾逆回於華林寺四十七年

詔鎮國公爵世襲罔替以承貝子袞布祀四十九年從大軍勦石  
峯堡底店逆回有功

賜孔雀翎尋入

覲

命乾清門行走



附 輔國公玉木楚木列傳 今襲鎮國公

玉木楚木扎薩克貝勒和囉理次子康熙三十一年從父來朝

優賚之三十五年

上親征噶勒丹西路大將軍費揚古以阿拉善兵爲前驅玉木楚木偵噶勒丹自克嚕倫竄特勒爾濟偕副都統阿南達馳擊之費揚古統兵繼進噶勒丹敗遁軍還復以所部卒設哨布隆吉爾已而徹哨卒屯肅州

詔給糧糧芻麥三十六年復率哨卒赴哈密追捕噶勒丹從子丹濟拉謀由瀚海竄達賴喇嘛所馳禦之噶斯口丹濟拉來歸始徹還三十七年敘功



詔封輔國公五十二年卒子二長沙畢多爾濟次羅卜藏達爾濟  
相繼襲

一次襲羅卜藏達爾濟玉木楚木次子康熙五十三年襲輔國公  
尋晉鎮國公五十四年從西安將軍席柱等屯巴里坤防準噶爾  
五十九年復自巴里坤赴青海將從平逆將軍延信等護達賴喇  
嘛入藏次博囉充克疾卒無嗣兄沙畢多爾濟襲

二次襲沙畢多爾濟玉木楚木長子康熙五十四年偕羅卜藏達  
爾濟駐防巴里坤五十九年從大軍入藏駐其地六十年襲鎮國  
公雍正元年徹還

詔併敘昆弟從征績晉封固山貝子乾隆二年卒無嗣

詔以玉木楚木弟齊默特之子袞楚克降襲輔國公

三次襲袞楚克沙畢多爾濟從弟乾隆二年襲輔國公二十年以所部兵五百從征達瓦齊隸西路副將軍薩拉爾隊二十三年復率兵百從勦庫車逆回圍其郭敗賊援阿卜都哈里克兵

詔敘績逆酋霍集占尋攜賊五千餘來援盛擊之賊黨跳走追至鄂根河蘇巴什山陣斬三百餘級

諭嘉之

賜雙眼孔雀翎庫車城下復從大軍降阿克蘇及烏什眾進抵葉爾羌分領右翼隊擊賊喀喇烏蘇明年春還阿克蘇

詔晉封鎮國公夏復進兵喀什噶爾霍集占遁巴達克山大軍分

道進剿以表楚克駐防喀什噶爾巴達克山函霍集占首至乃遣  
歸明年敘功

獎賜銀幣三十二年卒子多爾濟色布騰襲

四次襲多爾濟色布騰表楚克次子乾隆三十二年襲鎮國公四  
十六年從大軍勦薩拉爾逆回於華林寺四十七年

詔鎮國公爵世襲罔替以承輔國公玉木楚木祀四十九年從大  
軍勦石峯堡底店逆回得功牌二

國朝耆獻類徵初編卷首之九十三

通奉大夫前署江西巡撫江西布政使司布政使臣李桓恭錄  
欽定外藩蒙古回部王公表傳卷之八十一

傳第六十五

青海厄魯特部總傳

青海厄魯特部在西南邊外至

京師五千七十里東及北界甘肅西界西藏南界四川襄延二千餘里卽古西海郡地分左右二境左境東自棟科爾廟西至洮賚河界八百餘里南自博囉克克河北岸北至西喇塔拉界四百餘里東南自拉喇山西北至額濟內河界四百餘里東北自永昌

縣界西南至布隆吉爾河界三千餘里右境東自棟科爾廟西至  
噶斯池界二千五百餘里南自漳臘嶺北至博囉克克河南岸  
千五百餘里東南自達爾濟嶺西北至塞爾騰西爾噶拉金界二  
千餘里東北自克騰庫特爾西南至穆嚕烏蘇河界千五百餘里  
厄魯特舊分四部曰和碩特姓博爾濟吉特曰準噶爾曰杜爾伯  
特姓綽囉斯曰土爾扈特姓不著部自爲長號四衛拉特今稱厄  
魯特卽明時所謂阿魯台也有輝特者最微初隸杜爾伯特後土  
爾扈特徙俄羅斯境輝特遂爲四衛拉特之一云青海蒙古分牧  
而處有和碩特有土爾扈特有準噶爾有輝特統以厄魯特稱之  
和碩特設扎薩克二十有一其始祖爲元太祖弟哈布圖哈薩爾

七傳至阿克薩噶勒泰子二長阿噶克特穆爾今內扎薩克科爾沁扎賚特杜爾伯特郭爾羅斯阿噶科爾沁四子部落茂明安烏喇特八部其裔也次烏噶克特穆爾九傳至博貝密爾咱稱衛拉特汗子哈尼諾顏洪果爾繼之有子六長哈納克土謝圖次拜布噶斯次昆都倫烏巴什次圖魯拜琥次色稜哈坦巴圖爾次布雅鄂特歡哈納克土謝圖爲公中扎薩克台吉車凌納木扎勒一旗祖拜布噶斯子鄂齊爾圖汗及阿巴賴諾顏牧西套後準噶爾滅其部詳阿拉善厄魯特部總傳昆都倫烏巴什琥都爾格齊諾顏今駐牧珠勒都斯之和碩特部四旗其裔也圖魯拜琥號顧實汗分青海部衆爲二翼子十人領之居左翼者曰達延曰鄂木布曰

達蘭泰曰巴延阿布該阿玉什居右翼者曰伊勒都齊曰多爾濟  
曰瑚嚕木什曰桑噶爾扎曰衮布察琿曰達什巴圖爾達延號鄂  
齊爾汗爲扎薩克鎮國公噶勒丹達什輔國公諾爾布朋素克車  
凌三旗祖別有附察哈爾之和碩特亦其裔也鄂木布號車臣岱  
青爲扎薩克台吉羅卜藏察罕濟克濟扎布達瑪璘色布騰阿喇  
布坦四旗祖達蘭泰爲扎薩克郡王額爾德尼額爾克托克托爾  
台吉車凌多爾濟二旗祖巴延阿布該阿玉什號達賴烏巴什爲  
扎薩克台吉扎布一旗祖別有阿拉善厄魯特一旗亦其裔也伊  
勒都齊爲扎薩克親王察罕丹津輔國公阿喇布坦扎木素台吉  
察罕喇布坦三旗祖多爾濟號達賴巴圖爾爲扎薩克貝勒朋素

克旺扎勒達什車凌台吉伊什多勒扎布三旗祖瑚嚕木什號額  
爾德尼岱青爲扎薩克貝子丹巴台吉色布騰博碩克圖二旗祖  
桑噶爾扎號伊勒登爲扎薩克貝子索諾木達什一旗祖衮布察  
琿無嗣達什巴圖爾子羅卜藏丹津叛逃準噶爾後就擒宥之隸  
內蒙古正黃旗顧實汗弟色稜哈坦巴圖爾號扎薩克陀音爲扎  
薩克台吉哈爾噶斯一旗祖布延鄂特歡三傳至阿布子二長達  
瓦次鄂爾奇達遜隸準噶爾號扈魯瑪台吉後來歸達瓦封公品  
級尋卒鄂爾奇達遜授伯爵隸內蒙古正黃旗土爾扈特設扎薩  
克四其始祖曰翁罕七傳至貝果鄂爾勒克爲扎薩克台吉索諾  
木喇布坦多爾濟色特爾布木二旗祖別有土爾扈特部十二旗



亦其裔也貝果鄂爾勒克弟翁貴爲扎薩克台吉達爾扎丹忠二  
旗祖準噶爾設扎薩克二旗始祖曰孛罕六傳至額森子二長博  
羅納哈勒爲杜爾伯特所自始今駐牧烏蘭固木之杜爾伯特部  
十六旗自輝特二旗外皆其裔也次額斯墨特達爾漢諾顏爲準  
噶爾所自始七傳至和多和沁號巴圖爾琿台吉駐牧阿爾台子  
十一曰車臣爲其弟噶勒丹所殺曰卓特巴巴圖爾徙牧青海爲  
扎薩克郡王色布騰扎勒一旗祖色布騰扎勒再傳嗣絕曰班達  
哩孫車木伯勒襲色布騰扎勒所遺扎薩克曰卓哩克圖和碩齊  
爲扎薩克輔國公阿喇布坦一旗祖曰溫春子丹濟拉以來歸封  
扎薩克輔國公附喀爾喀賽因諾顏部曰僧格子策妄阿喇布坦

號瑄台吉再傳爲其族達瓦齊所篡嗣絕曰噶勒丹以掠喀爾喀  
爲大軍所敗竄死曰布木號額爾德尼台吉其曾孫卽達瓦齊大  
軍平其部俘至京尋釋之封親王不列藩部曰多爾濟扎布爲喀  
爾喀土謝圖汗察瑄多爾濟所戕曰朋素克達什孫噶勒藏多爾  
濟以來歸封綽羅斯汗尋叛爲從子扎納噶爾布所殺曰達爾瑪  
三傳至三濟扎布以來歸授侍衛隸內蒙古正黃旗和多和沁弟  
曰墨爾根岱青子二長丹津號噶爾瑪岱青和碩齊孫阿喇布坦  
以來歸封扎薩克郡王附喀爾喀賽因諾顏部次阿海三傳至達  
什達瓦嗣絕妻車臣哈屯攜眾來歸編佐領置直隸承德府境不  
設扎薩克輝特設扎薩克一其始祖曰納木古再傳至卓哩克圖

和碩齊爲扎薩克輔國公貢格一旗祖厄魯特諸扎薩克外設喀爾喀公中扎薩克一別有察罕諾們汗授扎薩克喇嘛轄四佐領自爲一旗不列諸扎薩克盟天聰初蒙古諸部內附厄魯特猶私與明市

上以遠弗之禁崇德二年願實汗遣使通貢闕歲乃至七年偕達賴喇嘛等奉表貢八年

遣使存問達賴喇嘛以願實汗擊敗唐古特藏巴汗

敕曰有敗道違法而行者聞爾已懲治之自古帝王致治法教未嘗斷絕今遣使敦禮高賢爾其知之并賜甲冑使未至願實汗請發幣使延達賴喇嘛

允之順治二年顧實汗子達賴巴圖爾貢馬至奏聞

天使召聖僧臣等自當遵奉三年以厄魯特台吉等入甘肅境要糧賞

詔所司議勦撫會顧實汗奉表貢

賜甲冑弓矢命轄諸厄魯特嗣閒歲輒遣使至厄魯特台吉等附名以達和碩特族曰都爾格齊諾顏曰色稜哈坦巴圖爾曰鄂齊爾汗曰鄂齊爾圖汗曰阿巴賴諾顏曰達賴烏巴什諾顏曰伊拉古克三班第達呼圖克圖曰額爾德尼璉台吉曰阿哩祿克三陀音曰噶爾第巴台吉曰瑪賴台吉曰諾木齊台吉曰綽克圖台吉土爾扈特族曰羅卜藏諾顏曰楚琥爾岱青曰博第蘇克準噶爾

族曰巴圖爾琿台吉曰墨爾根岱青曰杜喇勒和碩齊曰楚琥爾  
烏巴什曰羅卜藏呼圖克圖以顧實汗爲之首五年甘肅巡撫王  
世功奏青海蒙古駐西甯需索供應請定貢使入關額餘駐關外  
給口糧

許之九年顧實汗導達賴喇嘛入

覲先奉表

聞并貢駝馬方物十年

詔封避文行義敏慧顧實汗

賜金冊印十三年顧實汗卒

上念其忠勤修貢

遣官致祭會青海屬復爲邊患

諭顧寶汗子車臣岱青及達賴巴圖爾等曰分疆別界向有定例邇來爾等率番眾掠內地抗官兵守臣奏報二十餘次屢諭不悛今特遣官赴甘肅西甯等處勘狀或爾等親至或遣宰桑來質誣妄之罪各有攸歸番眾等舊納貢蒙古者聽爾轄僮係前明所屬應仍歸中國至漢人蒙古定界與市易隘口務宜詳加察覈分定耕牧毋得越境妄行十五年復

諭車臣岱青曰前因爾等頻犯內地遣官往勘據奏爾等入邊向番取貢輒肆攘奪咎自難辭朕悉宥爾前愆但中外本無異視疆圉自有大防爾等向屬番取貢酌定人數路由正口遣頭目稟告

守臣方准入邊至市易定所應從西甯鎮海堡川北洪水等口出入毋得任意取道如或不悛國憲具在朕不爾貸也康熙四年甘肅提督張勇奏蒙古番眾游牧莊浪諸境情形叵測請增甘肅西甯駐防兵先是青海蒙古戀西喇塔拉水草饒乞駐牧張勇以其地爲甘肅要隘不容偏處往責之謝罪去因設永固營聯築八寨至是蒙古等復相繼徙近邊

上以漸不可啟

詔如張勇請五年勇復奏青海雖通西藏不過荒徼絕塞

朝廷曲示招徠准開市自應鈐束部落各安邊境乃邇來蜂屯祁連山縱牧內地大草灘曾遣諭徙復抗拒定羌廟官軍敗之猶不

俊聲言糾眾分入河州臨洮鞏昌西甯涼州諸地請設兵備

詔嚴防禦仍善撫以柔其心勇等乃自扁都口西水關至嘉峪關固築邊牆六年川陝總督盧崇峻奏青海諸頭目偵於八月將入寇因赴莊浪所備之遣總兵孫思克屯南山隘相形勢固守達賴喇嘛尋檄厄魯特諸台吉毋擾內地駐牧黃城兒大草灘蒙古悉徙去獻駝馬牛羊服罪請徹駐防兵

允之十四年西甯諸鎮兵屯河東剿叛賊王輔臣青海蒙古乘隙犯河西永固營副將陳達禦之陣歿孫思克屯涼州宣示朝廷恩威各引罪出塞會達賴喇嘛使至

命傳諭達賴巴圖爾等戢部眾勿爲邊患十六年準噶爾台吉噶



國朝通志卷之九十三  
勒丹襲殺駐牧西套之鄂齊爾圖汗青海和碩特諸台吉懼挈廬幕數千避居大草灘撫遠大將軍圖海等飭歸故巢十七年西套諸台吉偵噶勒丹將侵青海遣使告和碩特台吉達賴巴圖爾等爲防禦計

上聞之

諭張勇曰噶勒丹侵青海如遠從達布素圖瀚海而往則聽之若欲經大草灘則令堅立信約勿擾內地尋噶勒丹以從者異志且距青海遠行十一日徹兵歸遣書張勇詭稱其祖多克辛諾顏偕顧實汗取青海和碩特族獨據之欲往索以將軍所轄地故不果旣而懼和碩特諸台吉襲已密遣使議婚以女布木妻博碩克圖

濟農子根特爾張勇謀得狀奏噶勒丹讐青海蒙古議婚後恐復往侵甘肅當往來衝請增防

上報可有巴圖爾額爾克濟農和囉理者巴延阿布該阿玉什子也駐牧西套以避噶勒丹侵乞假內地赴青海

許之會噶勒丹屬額爾德尼和碩齊潛掠烏喇特戶畜青海墨爾根台吉聞之遣使詰歸所掠喀爾喀台吉畢瑪里吉哩諦亦以厄魯特掠所部陰偵之告額爾德尼和碩齊和囉理及青海台吉茂濟喇克等游牧額濟內河則未知其爲何厄魯特也十八年

遣使

諭達賴巴圖爾等曰爾墨爾根台吉將被盜劫掠人察護解送朕

甚嘉之夫勸善懲惡者國之法也邇聞厄魯特眾棲處額濟內河爾達賴巴圖爾及墨爾根台吉其照汝例嚴加治罪使至稱茂濟喇克和囉理皆無掠烏喇特事額爾德尼和碩齊爲準噶爾屬已徙牧去

詔檄噶勒丹收捕之不從二十九年大軍敗噶勒丹於烏蘭布通青海諸台吉附達賴喇嘛表上

算號

詔不允三十年甘肅提督孫思克奏噶勒丹巢距邊月餘從子策妄阿喇布坦雖交惡恐復合有侵青海舉道必經嘉峪關外肅州密邇青海請設兵三千爲備

上報可三十二年昭武將軍郎坦奏青海諸台吉私與噶勒丹通問請屯兵哈密絕往來蹤

上以噶勒丹自烏蘭布通敗遁後乏邊警且青海諸台吉素恭順詔寢議噶勒丹尋屯牧巴顏烏蘭徧內汛

詔西甯設戍兵唐古特部第巴陰比噶勒丹詭爲達賴喇嘛奏稱青海諸台吉無異志請徹戍

諭曰此爲征剿噶勒丹計非防青海諸台吉也會議剿噶勒丹詔檄青海眾勿驚懼三十五年

上親征噶勒丹敗之獲青海通噶勒丹使以博碩克圖濟農及薩楚墨爾根台吉爲所部長

遣使齎

敕諭曰爾青海厄魯特尊崇達賴喇嘛法教敬事本朝聘問貢獻恭順有年朕亦頻加恩賚乃噶勒丹違達賴喇嘛法教不遵朕旨朕統軍至圖拉勒而滅之博碩克圖濟農等遣往噶勒丹使爲朕所擒俱言達賴喇嘛脫緇已久第巴匿之且噶勒丹詭言青海諸台吉謀與彼同犯中國今噶勒丹亡命西走青海諸台吉如欲仍前修睦其各防守邊界遇噶勒丹卽行擒解若知而故縱此後永警絕之我使至察罕托羅海宣

諭善巴陵堪布蓋達賴喇嘛遣理青海蒙古務者也善巴陵堪布召青海諸台吉集盟壇言曰噶勒丹殺鄂齊爾圖汗我等與仇但

素奉達賴喇嘛言應遣議時達賴喇嘛示寂久唐古特達賴汗尋  
約和碩特八台吉遣使慶捷達賴汗卽鄂齊爾汗子也世長唐古  
特鄂齊爾汗弟自衮布察琿無嗣外餘八人皆居青海故其裔稱  
和碩特八台吉三十六年二月

上視師甯夏

詔額駙阿喇布坦都統都思噶爾巴林台吉德木楚克西甯喇嘛  
商南多爾濟等攜青海諸台吉使及賞物往招撫之復以哈密達  
爾漢伯克額貝都拉內附

詔青海厄魯特勿擾哈密境三月阿喇布坦等至察罕托羅海察  
罕諾捫汗迎告曰

皇朝通志卷之三十三  
皇上令青海眾得享安樂永受

恩澤何幸如之時顧寶汗子惟達什巴圖爾存阿喇布坦等宣諭之達什巴圖爾議遣博碩克圖濟農及額爾德尼台吉代入覲阿喇布坦等語曰

皇上駕臨甯夏爾當率眾往朝毋自誤達什巴圖爾偕察罕諾們汗善巴陵堪布及唐古特達賴汗子拉藏等檄諸台吉議欲四月起行達爾寺垂臧呼圖克圖溫都遜寺達賴綽爾濟喇嘛及囊素通事等咸請從私向使問獅象狀且相謂曰我等往朝殆必以所末見文物相示閏三月阿喇布坦德木楚克自青海歸議諸台吉至若露處未協朝典應令秋後入

覲京師

詔如議

命都思噶爾商南多爾濟留駐鎮海堡俟之扈

蹕諸臣奏青海厄魯特與準噶爾同部聞噶勒丹敗竄咸驚懼

皇上定策安集所部身至如歸誠非常舉請行慶賀禮

諭曰青海職貢有年來朝亦常事耳可勿賀諸臣固請因奉表賀

曰青海向雖修貢未隸臣屬今舉部歸誠噶勒丹益無竄路

皇上安內攘外之心自此允愜矣四月

諭留糧騎及羊九千餘於達希圖海俟青海眾至給之十一月達  
什巴圖爾偕諸台吉入



觀

諭曰朕非威懾爾等前來不過欲令天下生靈各得其所朕何物不備朕之尊不在爾等來否所望爾等各遂安全副朕好生至意耳

詔所從諸宰桑咸列坐預宴以

御用冠服朝珠

賜達什巴圖爾

賞諸台吉鞍馬銀幣有差復傳

諭曰爾等自祖父來歲修職貢故特優錫以寵爾歸十二月

上大閱玉泉山達什巴圖爾等扈

駕往觀戰憚失色奏

天朝兵威若此何敵不克三十七年正月

詔封達什巴圖爾爲和碩親王諸台吉授貝勒貝子公等爵有差  
先是噶勒丹詭與青海媼實謀往侵懼大軍討乃寢第巴以策妄  
阿喇布坦不附噶勒丹陰間之僞爲達賴喇嘛疏奏策妄阿喇布  
坦將侵青海及唐古特

上斥其妄會噶勒丹使至

諭曰青海諸台吉奉貢久儻噶勒丹屬犯青海朕必往討之至是  
噶勒丹就滅策妄阿喇布坦憾達什巴圖爾等內附詭請大軍征  
青海討前助噶勒丹罪

諭曰青海諸台吉聞朕出師甯夏遠徙游牧嗣噶勒丹平定親來稱慶伊等並無過端豈肯遽爲加兵朕統馭天下惟願宇內羣生咸獲安堵豈有使爾等構燬之理二月

上幸五臺山

詔達什巴圖爾等從將

旋蹕

召觀行帳

溫諭還歸給駝馬三十九年策妄阿喇布坦聲言兵擊第巴遣使赴青海陰覘強弱

上以策妄阿喇布坦將不靖

詔廷臣留意漢趙充國所議五事爲防禦計四十二年

上幸西安府達什巴圖爾等來朝扈

駕閱駐防兵奏禁卒精練天下無敵外省軍容復如是億萬年可  
永享昇平

賜宴遣歸五十四年策妄阿喇布坦遣兵掠哈密

上以鄰青海左翼牧

詔兵備之準噶爾敗遁初達賴汗子拉藏偕青海諸台吉定議內  
附尋襲唐古特汗以第巴私立僞達賴喇嘛襲殺之而自立博克  
達之伊什扎穆蘇爲達賴喇嘛瑚畢勒罕青海貝勒察罕丹津等  
訐其僞奏裏塘之羅卜藏噶勒藏嘉穆錯爲真達賴喇嘛瑚畢勒

罕

詔內閣學士拉都琥往驗尋

遣侍衛阿齊圖召青海兩翼議徒裏塘達賴喇嘛瑚畢勒罕以弭  
爭端貝勒色布騰扎勒阿喇布坦鄂木布朋素克旺扎勒台吉達  
顏蘇爾扎等僉請徙察罕丹津不從將偕達什巴圖爾子羅卜藏  
丹津盟率兵攻異已者阿齊圖疏至王大臣等奏察罕丹津若先  
攻諸部色布騰扎勒等來奔應置邊內察罕丹津牧距松潘僅四  
五日程請備兵待

詔西甯四川松潘諸路設兵備之五十五年察罕丹津畏罪徙裏  
塘達賴喇嘛瑚畢勒罕至西甯宗喀巴寺阿齊圖奏請集諸台吉

定盟以羅卜藏丹津察罕丹津達顏等領右翼額爾德尼額爾克托克托爾阿喇布坦鄂木布等領左翼令永睦

允之會準噶爾由沙拉襲青海掠台吉羅卜藏丹濟卜等牧畜復謀盜噶斯口官軍駝馬

諭曰準噶爾偵噶斯口兵勢稍弱潛來侵擾青海不可不嚴備之著西安兵會青海左翼四川督標兵會青海右翼協力防禦五十六年

遣使赴青海測分野未幾靖逆將軍富甯安謀策妄阿喇布坦遣兵赴唐古特馳疏

聞

上以裏塘達賴喇嘛瑚畢勒罕事初定拉藏汗或陰導準噶爾侵  
青海

詔理藩院尙書赫壽諭拉藏汗勿得與察罕丹津羅卜藏丹津等  
構兵復

諭遣侍衛色楞等赴青海曰準噶爾若侵拉藏汗爾卽與青海諸  
台吉等定議協勦務令絕無猜忌不至滋變方善或拉藏汗導準  
噶爾侵青海爾卽諭察罕丹津等曰策妄阿喇布坦屢抗大軍今  
拉藏汗與同謀是顯爲讐敵也國家始終仁愛保護願實汗子孫  
爾等正當奮志報效而行尋察罕丹津等以準噶爾侵拉藏汗告  
諭內大臣策旺諾爾布西安將軍額倫特等分屯青海要地五十

七年拉藏汗乞援疏至

詔色楞等會青海王台吉議進兵察罕丹津謀拉藏汗被戕謀誘  
準噶爾至青海迎擊之準噶爾懼不至先是哈密伯克額貝都拉  
獻西吉木達里圖西喇郭勒地

詔設赤金靖逆二衛及柳溝所聽兵民耕牧五十八年以其地錯  
青海左翼牧

遣官偕貝子阿喇布坦台吉阿爾薩蘭等勘定界阿喇布坦等曰  
青海眾荷

恩厚何惜隙地可耕者聽給兵民畱我等牧地足矣因集所屬宰  
桑等畫地標識議勿私越時撫遠大將軍固山貝子允禔統兵駐



西甯請自索諾木至柴達木路設站五站置青海兵十別令左右翼兵各三百屯近軍地防準噶爾賊從之允應復道

旨集兩翼王台吉以

上意宣諭曰唐古特部達賴喇嘛班禪喇嘛法教原係爾祖願實汗所設今準噶爾戕拉藏汗離散番眾爾等前稱裏塘羅卜藏噶勒藏嘉穆錯爲眞達賴喇嘛瑚畢勒罕願置禪榻廣施法教今唐古特民人及阿木島喇嘛如爾言

皇上爲安藏計遣大兵送往唐古特爾等宜率所屬兵或萬或五六千從往其定議具奏兩翼王台吉等僉稱願聽

命五十九年所部兵從大軍敗準噶爾於卜克河齊諾郭勒綽瑪

喇等處因護達賴喇嘛入藏捷

聞

詔留兵二千屯青海偵防準噶爾雍正元年

諭曰自西郵用兵青海王以下台吉以上各著勞績

皇考曾降旨俟凱旋日計功今青海王台吉等歷年效績應各酌加封賞其率兵進藏及駐防噶斯柴達木等眾應令各處將軍分別加賞是年羅卜藏丹津叛

命大軍往討越歲而定羅卜藏丹津初襲其父達什巴圖爾親王爵從大軍入藏歸覲爲唐古特長陰約策旺阿喇布坦援已復誘青海台吉等盟察罕托羅海令如所部故號不得復稱王貝勒貝

子公等爵而自號達賴琿台吉以統之郡王額爾德尼額爾克托克托爾不從偕鎮國公噶勒丹達什來奔

上以和碩特族自相殘不忍遽加兵

詔撫遠大將軍貝子延信善慰額爾德尼額爾克托克托爾時兵部左侍郎常壽駐西甯理青海務

命傳諭羅卜藏丹津罷兵不從則懲治之羅卜藏詭言親王察罕丹津郡王額爾德尼額爾克托克托爾謀據唐古特諸台吉不服將率兵與決勝負蓋以察罕丹津額爾德尼額爾克托克托爾首不附已欲誣罪因脅諸台吉奉已如鄂齊爾汗駐唐古特以遙制青海也察罕丹津爲羅卜藏丹津所偪繼額爾德尼額爾克托克

托爾學眾至

敕川陝總督年羹堯曰羅卜藏丹津自其祖願寶汗敬謹恭順達什巴圖爾慕化來歸晉封親王復令其子羅卜藏丹津襲封自宜仰體寵眷敬奉法紀乃妄逞強梁骨肉相仇欺陵親王察罕丹津郡王額爾德尼額爾克托爾等恣行倡亂朕甫聞其事遣使往諭令伊講和修睦式好無尤乃肆意稱兵侵襲察罕丹津額爾德尼額爾克托爾以致投入內境是其深負朕恩悖逆天常擾害生靈誅戮不可少緩朕欲大張天威特命爾爲撫遠大將軍統領大兵往聲羅卜藏丹津罪如敢抗拒卽行剿滅其黨有懼羅卜藏丹津勢暫爲脅從者果悔罪來歸卽行寬宥有能擒斬羅卜

藏丹津者分別具奏有情急來歸者加意撫恤其不抗拒者毋加殺戮羅卜藏丹津詭罷兵誘常壽至察罕托羅海雷之遣叛黨分掠西甯諸路煽賊番等爲應副將軍阿喇納自吐魯番馳赴噶斯斷由穆魯烏蘇往藏路副將王嵩參將孫繼宗等擊賊黨於布隆吉爾及鎮海堡申申堡北川新城等處四川提督岳鍾琪以雜谷土司等兵勦歸德堡外上寺東策卜下寺東策卜及南川口外郭密諸番復檄前鋒統領蘇丹等協勦所至告捷羅卜藏丹津懼送常壽歸請罪

諭年羹堯曰伊乃深負國恩與大軍對敵之叛賊國法斷不可宥不得因伊曾封王爵稍存疑慮其與羅卜藏丹津同謀之王貝勒

貝子公等既經背叛卽宜削爵伊等或來歸順或被擒獲不必更論封爵但視行事輕重可寬宥者從寬應治罪者治罪二年

詔以岳鍾琪爲奮威將軍參贊軍務鍾琪奉

命進剿偵從賊之巴爾珠爾阿喇布坦白烏蘭博爾克遁尾擊之至伊克喀爾吉擒其黨阿喇布坦鄂木布遣西甯總兵黃喜林山西爾哈羅色赴柴達木斷噶斯路偵羅卜藏丹津走烏蘭穆和爾鍾琪復分兵馳擊擒其母阿爾泰俘戶畜無算羅卜藏丹津偕賊黨分道竄侍衛達爾等擒丹津瑯台吉於華海子阿布濟車臣台吉於布哈色布蘇吹喇克諾木齊扎什敦多卜等於烏拉克羅卜藏丹津走準噶爾逆黨悉檻送

京師

詔行獻俘禮是役也以兵拒羅卜藏丹津者親王察罕丹津郡王額爾德尼額爾克托克托孫也不從羅卜藏丹津逆者郡王色布騰扎勒台吉阿喇布坦噶勒丹岱青諾爾布巴勒珠爾察罕喇布坦旺舒克喇布坦也爲羅卜藏丹津脅從者貝勒朋素克旺扎勒輔國公車凌台吉諾爾布也始附羅卜藏丹津尋以悔罪宥者貝勒羅卜藏察罕車凌敦多布貝子濟克濟扎布拉扎布台吉袁布色布騰納罕伊什也其附羅卜藏丹津者首惡曰吹喇克諾木齊阿喇布坦鄂木布藏巴扎木從黨曰巴勒珠爾阿喇布坦扎什敦多布格勒克阿喇布坦巴蘇泰及察罕丹津從子塔爾寺喇嘛堪

布諾捫汗也有中甸者隸雲南麗江府羅卜藏丹津給偽劄令附  
己大軍至率戶三千餘請降洮岷界外諸番舊爲青海屬悉就撫  
其不順者剋誅之阿岡多卜藏瑪嘉鐵布納珠公寺朝天堂卓子  
山碁子山先密寺興馬寺阿落西脫巴上篤爾素華藏上扎爾的  
諸番眾以次底定青海患始靖

御製平定青海文立石太學

御製文曰我國家受

天眷命撫臨八極日月所照罔不臣順遐邇乂安兆人蒙福乃有  
羅卜藏丹津者其先世顯寶汗自國初稽首歸命當時使臣建議  
畀以駐牧之地其居雜番羌密近甘涼我



皇考聖祖仁皇帝睿慮深遠每廕於懷既

親御六師平定朔漠威靈所加青海部落達什巴圖爾等震警承命

聖祖仁皇帝因沛殊恩封爲親王兄弟八人咸錫爵祿羈縻包容示以寬大而狼心梟性不可以德義化三十年來包藏異志朕紹登寶位優之錫賚榮其封號尙冀革心輯甯部眾而羅卜藏丹津昏謬狂悖同黨吹喇克諾木齊阿喇布坦諾木布藏巴扎木等實爲元惡謂國家方宏浩蕩之恩不設嚴密之備誕敢首造逆謀迫脅番羌侵犯邊城反狀彰露用不可釋於天誅遂命川陝總督太保公年羹堯爲撫遠大將軍聲罪致討以雍正元年十月師始出

塞自冬涉春屢破其眾凡同叛之部落戈鋌所指應時摧敗招降數十萬眾又降其貝勒貝子公台吉等二十餘人朕猶閔其愚蠢苦悔禍思愆束手來歸尚可全宥而怙惡不悛負險抗違乃決剪滅之計以方略密付大將軍年羹堯調度軍謀簡稽將士用四川提督岳鍾琪爲奮威將軍於仲春初旬禡牙徂征分道深入搗其窟穴電掃風馳搜剔巖阻賊徒蒼黃糜潰窮蹙失據羅卜藏丹津之母及謀逆渠魁悉就俘執擒獲賊眾累萬牲畜軍械不可數計賊首逃遁我師遞險窮追獲其輜重人口殆盡羅卜藏丹津子身易服竄匿荒山殘喘待斃自二月八日至二十有二日僅旬有五日軍士無久役之勞內地無轉輸之費克奏膚功永清西徼三月

國朝三才集卷之三十三  
三  
之朔奏凱旋旅饒歌誼羣士眾訢喜四月十有二日以倡逆之吹喇克諾木齊等三人獻俘

廟

社受俘之日臣民稱慶伏念

聖祖仁皇帝威靈鎮於遐方福慶流於奕葉用克張皇六師殄滅狂賊行聞將士亦由感激

湛恩厚澤爲朕踊躍用命斯役也芟夷凶悖綏靖番羌俾烽燧永息中外人民胥享安阜實成

先志以懋有不績廷臣上言稽古典禮出征而受成於學所以定兵謀也獻馘而釋奠於學所以告凱捷也宜刊諸珉石揭於太學

用昭示於無極遂爲之銘曰天有雷霆聖作弧矢輔仁而行威遠  
甯邇維此青海種類實繁錫之茅土列在藩垣被我寵光位崇祿  
富負其阻遐禍心潛構恭惟

聖祖慮遠智周睠念荒服綏撫懷柔朔野旣清四陲攸震僭號游  
加示之恩信如何凶狡造謀逆天鼓動昏憝寇侵於邊惟彼有罪  
自干天罰桓桓虎貔用張九伐王師卽路冬雪初零日耀組練雷  
響輦鉦蠢茲不順敢逆戎旅奮張螳臂以當齊斧止如山嶽疾如  
兩風我戰則克賊壘其空彼昏終迷曾不悔戾當剪而滅斯焉決  
計厲兵簡將往擣其巢踰歷嶽嶇坦若坳郊賊棄其家我繫而獲  
牛馬谷量器仗山積蹇兔失窟何所逋逃枯魚游釜假息煎熬師

以順動神明所福旬日凱歸不疾而速殪彼逆謀懸首藁街虜俘  
成禮金鼓調諧西域所瞻此惟雄特天討既申羣酋惕息櫜戈偃  
革告成辟雍聲教遐暨萬國來同惟我

聖祖親平大漠巍功煥文邁桓軼酌流光悠久視此銘辭繼志述  
事念茲在茲王大臣等遵

旨議善後事宜奏青海王台吉等應論功罪定賞罰游牧地令各  
分界如內地扎薩克例百戶置佐領一不及百戶者爲半佐領以  
扎薩克領之設協理台吉及協領副協領參領各一每參領設佐  
領驍騎校各一歲會盟令奏選盟長勿私推貢期自明年始分三  
班九年一周自備馬駝由邊入京市易以四仲月集西甯四川邊

外納喇薩喇地官兵督視有擅入邊牆者治罪又羅卜藏丹津之  
吹宰桑及察罕丹津從子丹衷之宰桑色布騰達什等率眾降請  
各授千百戶等官又喀爾喀居青海者勿復隸和碩特族令別設  
扎薩克土爾扈特及準噶爾輝特如之至西番部眾凡陝西所屬  
甘州涼州莊浪西甯河州四川所屬松潘打箭鑪裏塘雲南所屬  
中甸等處或爲喇嘛耕地或納租青海但知有蒙古不知有廳衛  
營伍諸官今番眾悉歸化應擇給土司千百戶巡檢等職令附近  
道廳及衛所轄又青海及巴爾喀木藏衛舊稱唐古特四大部顧  
實汗侵據之以青海地廣可牧畜巴爾喀木糧富令子孫游牧青  
海而巴爾喀木納其賦藏衛二地舊給達賴喇嘛班禪喇嘛今以

青海叛取其地應令四川雲南諸官管理又達賴喇嘛遣人赴市打箭鑪裝經察木多乍雅裏塘巴塘向喇嘛等索銀有差名曰鞍租至打箭鑪納稅請飭達賴喇嘛勿收鞍租打箭鑪免取稅歲給達賴喇嘛茶五千斤班禪喇嘛半之又西甯各寺喇嘛多者數千少者五六百易藏奸前羅卜藏丹津叛喇嘛率番眾抗大兵請於塔爾寺喇嘛選老成者三百給印照嗣後歲察二次廟舍不得過二百喇嘛多者百餘少者十餘番民糧賦令地方官管理度各寺歲用給之又陝西邊外河州西甯蘭州中衛甯夏榆林莊浪甘肅等處水草豐美林麓茂密蒙古諸部戀牧大草灘及昌甯湖請於西甯北川邊外上下白塔等處自巴爾托海至扁都口築城堡

令蒙古等勿妄據又肅州西洮賚河常瑪爾鄂敦塔拉等處應募  
民墾膏腴地庶漸致富饒至甯夏險要無過阿拉善顧實汗裔舊  
游牧山後今或徙至山前請令阿拉善扎薩克郡王額駙阿寶飭  
所屬歸阿拉善後其山前營盤水長流水等處悉爲內地又甘州  
西南界各設營汛令蒙古等不敢覬覦又巴爾喀木等部眾自魯  
隆宗東察木多乍雅外諸番日悉給印照視內地土司例又青海  
屬左格諸番請徙內地阿巴士司頭目墨丹柱等從勦有功請給  
安撫司銜不隸青海轄又西甯邊內可耕地請發直隸山西山東  
河南陝西五省遺犯能種地者官給牛具籽種三年後起科如例  
又甘州請黃番應招撫爲青海藩籬青海諸部令各守牧地不得



強據妄掠商賈察罕諾捫汗喇嘛廟毋得私聚議事遣官齋  
敕往不論秩崇卑王公以下跪迎有背貳者必懲

上從其議三年

詔以博羅充克克地給阿拉善郡王阿寶居之鈐青海族屬越七  
載始徹歸詳阿拉善厄魯特部傳是年青海和碩特土爾扈特準  
噶爾輝特喀爾喀及察罕諾捫汗各設扎薩克鑄總理青海蒙古  
番子事務關防

遣大臣齋鎮其地轄所部扎薩克岳鍾琪復奏親王察罕丹津鎮  
國公拉扎布等游牧河東地近河州松潘各路前議市納喇薩喇  
地地狹恐不給蒙古需請改市河州及松潘河州定於土門關附

近雙城堡松潘定於黃勝關之西河口二地并有城屋水草美互  
市可久又郡王額爾德尼額爾克托克托爾色布騰扎勒等游牧  
河西地近西甯請改市西甯口外丹噶爾寺至蒙古歲貢牲畜請  
每年六月後聽不時貿易庶蒙古商眾獲利益  
允之六年

敕準噶爾台吉噶勒丹策凌曰羅卜藏丹津無故弄兵殘虐骨肉  
朕遣大臣諭令息兵乃敢恃恩負德侵犯內境被我守邊精兵擊  
敗遠竄爾父策妄阿喇布坦應卽擒獻乃反隱而匿爾是何意耶  
羅卜藏丹津乃不忠不孝之人爾父年高歷練尙能將伊酌處可  
以生之亦可以制之必不爲所怙弄是以不曾勒令擒獻今爾年

與彼相等羅卜藏丹津志氣乖戾不顧恩義斷不守分安居甘處  
爾下爾務將羅卜藏丹津送至朕念達什巴圖爾前績仍施恩綏  
養斷不將伊誅戮爾其祇遵朕命是年唐古特部噶卜倫阿爾布  
巴隆布爾扎爾爾等叛擾唐古特謀通準噶爾大軍誅之七年  
上以準噶爾不靖必擾青海及唐古特因

決策遣討王大臣等議噶斯爲準噶爾通青海及唐古特要隘請  
選青海扎薩克兵千五百分屯噶斯及柴達木得卜特爾察罕烏  
蘇諸路

允之會噶勒丹策凌遣使告將獻羅卜藏丹津聞大軍就道懼仍  
攜歸八年

詔暫緩進兵

諭噶勒丹策凌速獻羅卜臧丹津當宥罪復

命青海扎薩克備兵游牧聽調準噶爾尋襲科舍圖汛

諭青海兵速赴噶斯準噶爾道九年

遣二等待衛殷扎納傳

諭左右翼扎薩克選兵萬屯青海適中地官兵皆賞裝復

命所部採買牲畜勿滋擾扎薩克公諾爾布拉扎布等尋徙牧叛  
詔曰朕因準噶爾賊乘西路軍不備盜駝馬因念青海各扎薩克  
人眾恐招逆賊侵害諭令派兵防護其採買馬羊者原欲使伊等  
所有牧畜得變價值可獲利益並非需此區區助也朕曾諭殷扎

國朝通志卷之三十三  
三十三  
納一切派兵採買聽蒙古使不可絲毫勉強并慮王台吉等科派所屬諭令嚴行禁約豈肯令遣往人徧迫蒙古從事乎今拉扎布等無故他徙或殷扎納不能宣揚凡諭使眾心共曉而採買馬羊又不聽從其便以致拉扎布等心懷疑畏漸避差徭特頒旨諭拉扎布等令其速歸本處準噶爾賊或由喀喇沙爾前赴噶斯潛行騷擾或增人眾窺伺青海所部蒙古兵丁尙未齊集器械亦未周備難望捍禦賊鋒亦令官兵善爲保護會拉扎布等不奉命諸扎薩克擒獻復集兵七千爲備軍械及馬不給

上憫之

諭廷臣曰朕所以聚此兵者特爲保全伊等家口及游牧計非爲

征伐調遣用也今聞其生計情形朕心深爲惻然俟從容料理必有加恩之處所聚兵七千著選派三千照前所降恩旨官員賞給本年俸銀兵丁賞銀五兩至戍卒駐防日久資斧維艱著給茶幣等項及每月所食青稞遣歸兵四千名官員等著給三月俸銀兵丁等著賞銀三兩令各回游牧準噶爾賊或潛擾青海朕意欲將伊等預行從容遷徙令賊由遠路來一無所得不待戰而力盡我官兵與賊交戰時青海三千兵但追襲賊後量力驅賊馬匹所得卽賞之仍計馬匹多寡加恩議敘復諭青海扎薩克等曰爾等係願實汗子孫自爾祖宗以來依附內地邊疆恪順供職

聖祖仁皇帝視爾等如子孫撫育六十餘年寵遇優渥且念爾等尊崇黃教是以於達賴喇嘛班禪喇嘛等備極恩眷前羅卜藏丹津聽信流言敢行背叛我朝發兵征剿逃竄準噶爾困苦恥辱無不聞之今爾等若至彼處路途遙遠馬畜困斃彼豈能爲爾等置立產業分給游牧地各令率屬保聚乎況準噶爾終歲爭戰凡用兵必置爾等於前虐使順意豈若各守祖父基業永享太平之爲得乎爾等若不熟計利害聽伊狂誘之詞依附賊人妄思蠢動將來興師問罪必先及之

諭內附諸番眾曰爾等沿邊番眾及青海蒙古同受國家撫綏之恩并無歧視今準噶爾賊窺伺邊境或將來侵擾青海而蒙古之

游牧黃河以南者畏避賊鋒投奔近邊爾番族須留心照視勿因  
向有嫌怨乘其危急加以戕害或蒙古恃眾劫掠爾等用力抵禦  
不可退縮俟事定後朕自論其曲直分別賞罰番族蒙古皆朕赤  
子果能遵朕諭旨彼此相安同受朝廷恩澤方爲無窮之福未幾  
準噶爾爲喀爾喀所敗布僞書煽內附諸蒙古復

諭青海扎薩克等曰青海王台吉等久荷隆恩冊封位號褒寵顯  
榮迄今歷有年所至於編設旗分以便稽察賞賚惟恐扎薩克等  
恃強陵弱互啟爭端譬厄魯特內有得秦者有鄂拓克者有扎斯  
古勒者有得木齊者皆爲易於管轄人眾而已爾有饑饉朕必加  
之周給隨獵行兵朕必加之賞賚從無徵輸爾蒙古者朝廷恩典



至優極渥若以封號旗分爲賤亦可奏明酌改且爾阿巴賴諾顏裔見在準噶爾所果爲率領乎抑爲屬下乎準噶爾係青吉斯汗臣僕爾等俱係青吉斯汗弟哈布圖哈薩爾子孫若以博爾濟吉特氏之先論之準噶爾乃爾屬隸奈何甘心自屈爾等當知準噶爾賊詭計勸諭屬人分別利害令亦如喀爾喀奮勇立功豈可甘自懦怯朕因準噶爾反閒諄諄降旨爾等如能遵行則可保室家游牧矣十年以喀爾喀敗準噶爾於克爾森齊老及額爾德尼昭諭青海扎薩克等曰喀爾喀奮勇剿賊爾等何獨不能各宜鼓舞振興踊躍效命賊眾侵擾青海止有噶斯一路爾等須防守隘口儻準噶爾前來務期協力追殺悉行剿除十三年

詔徹駐防大軍所部仍選兵二千屯得卜特爾伊克柴達木等汛以台吉達瑪璘色布騰色特爾布木領之乾隆十一年辦理青海事務副都統炭佛保遵

旨宣

諭諸扎薩克歲防汛議以郡王額爾德尼額爾克托克托爾之長子索諾木丹津及扎薩克台吉衮布喇布坦色特爾布木多爾濟色布騰薩喇等防得卜特爾汛以郡王衮楚克達什車凌喇布坦貝子丹巴輔國公納木扎勒車凌扎薩克台吉達瑪璘色布騰等防伊克柴達木汛十人爲五班三年一察軍械十二年以準噶爾使赴藏煎茶道噶斯復議自伊克柴達木得卜特爾外設汛哈濟

爾察罕烏蘇二十年大軍征達瓦齊抵伊犁羅卜藏丹津就擒  
諭曰羅卜藏丹津負恩背叛逃往準噶爾偷生三十餘載今兩路  
大軍至伊無路奔竄仍就擒獲實足以彰國憲而快人心羅卜藏  
丹津俘至告祭

太廟

社稷行獻俘禮

上御午門樓受之以

世宗憲皇帝有羅卜藏丹津至仍宥罪之

旨

詔免死子巴朗及察罕額布根授藍翎侍衛其戚屬處伊犁者

詔勿內徙二十三年大軍剿瑪哈沁偵沙拉斯瑪呼斯賊窟呼爾塔克羅卜諾爾以地近噶斯通青海

詔副都統濟福赴西甯宣

諭所部集兵千爲備復遣識噶斯道者偵賊蹤旣而所部兵集扎噶蘇臺

詔歸牧聽調勿遽就道濟福遵

旨諭之請遣近牧者歸仍量畱遠道兵屯烏圖備不虞

上鑒其誠

詔酌賞遣歸兵久之噶斯無賊蹤乃徹烏圖兵還二十四年陝甘總督楊應琚奏青海得卜特爾伊克柴達木等處設汛屯兵爲防

準噶爾計今準噶爾及回部悉底定請徹青海駐防兵從之先是阿睦爾撒納叛大軍分道進剿所部購馬二千駝四百送巴里坤軍

詔予值斃者半至是復輸馬七百餘駝三百二十餘請償斃數詔仍如值給二十七年以所部諸扎薩克請給羅卜藏丹津舊牧地楊應琚遵

旨往勘奏洮賚河等處係西甯肅州鎮標馬廠及番族牧地不便撥給西喇郭勒及西爾噶拉金東西五百餘里南北三十餘里地曠且距扎薩克等游牧近請給其西爾噶拉金踰河卽產礦山場久封禁請飭扎薩克等就近守視

詔以西喇郭勒給之西爾噶拉金河東聽駐牧河西鉛礦勿得越  
界私採所部扎薩克自察罕諾捫汗不立傳外旗二十有九爵三  
十扎薩克多羅郡王三一由親王降襲一由貝勒晉襲扎薩克多  
羅貝勒二一由郡王降襲扎薩克固山貝子二一由輔國公晉襲  
扎薩克輔國公四一由鎮國公降襲扎薩克一等台吉十六一由  
貝勒降襲二由貝子降襲一由輔國公降襲附固山貝子一公中  
扎薩克一等台吉二

日本書紀卷之六十一 武烈天皇本紀第十一

五

國朝耆獻類徵初編卷首之九十四

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之八十二

傳第六十六

扎薩克和碩親王察罕丹津列傳今襲多羅郡王

察罕丹津青海和碩特人姓博爾濟吉特號岱青和碩齊元太祖弟哈布圖哈薩爾之二十二世孫祖伊勒都齊為顧實汗第五子有子二長罕都再傳嗣絕次博碩克圖濟農子四長岱青巴圖爾次墨爾根諾顏次即察罕丹津次根特爾號車臣岱青伊勒都齊裔設扎薩克三詳各傳博碩克圖濟農初以噶勒丹女布木為子



國朝通志卷之九十四  
根特爾婦屢使通問噶勒丹康熙三十五年

上親征噶勒丹獲其使羅壘額木齊及善巴於軍

詔羈羅壘額木齊於弘仁寺以善巴從我使齋

敕諭博碩克圖濟農等擒獻噶勒丹逆黨及根特爾妻已而副都  
統阿南達設哨嘉峪關外擒其使之自噶勒丹所歸者於素爾河  
曰阿勒達爾宰桑以

問明年復

遣羅壘額木齊阿勒達爾宰桑等從我使往招博碩克圖濟農及  
諸台吉來歸會河州副將李鳳翔遣使博碩克圖濟農所以其私  
謂之曰爾爲噶勒丹媼盍說之降羅壘額木齊等歸牧博碩克圖

濟農喜謂其子根特爾曰我使被擒謂戮之矣不意蒙  
恩釋歸真

仁聖主也遣阿勒達爾宰桑等至將軍孫思克所稱願往說噶勒  
丹降思克馳奏

諭曰此雖博碩克圖濟農欲圖報效但噶勒丹降與不降豈係此  
遣使往說爲也況朕已發大兵分路進剿博碩克圖濟農使著遣  
歸尋青海諸台吉定盟內附達什巴圖爾等入

覲博碩克圖濟農以疾不至唐古特部第巴疏請免解根特爾妻  
理藩院議噶勒丹罪甚重其女斷不可畱青海若博碩克圖濟農  
攜至或可

賜生全今既令第巴代請仍當檄取

上從之博碩克圖濟農尋卒子察罕丹津嗣奏噶勒丹女爲臣弟  
根特爾妻第巴疏請免解未蒙

允許但

聖主優眷顧實汗子姓乞以噶勒丹女仍給臣弟令完聚

上鑒其情

諭免解未幾根特爾卒四十年察罕丹津來朝

詔封多羅貝勒五十六年偵準噶爾侵拉藏汗馳疏

聞議政王大臣等請檄松潘西甯兵備邊

詔遣侍衛拉什借察罕丹津定議明年察罕丹津奏大兵將赴藏

準噶爾必不敢潛至青海請仍檄松潘等處兵入口牧馬休卒

上聽其言復

遣侍衛扎卜密

諭察罕丹津謀誘準噶爾兵時準噶爾賊五百謀侵察木多察罕丹津詭遣宰桑迎赴裏塘都統法喇疑與賊應劾其罪

詔傳諭察罕丹津所遣宰桑俟準噶爾賊至偕駐防裏塘兵禦之察罕丹津尋來朝

諭曰人心疑懼之際爾能委身效順甚屬可嘉著晉封多羅郡王歸牧請從大軍赴藏

詔撫遠大將軍固山貝子允禩善視察罕丹津且以兵護其牧五

十九年從平逆將軍延信護達賴喇嘛入楚雍正元年敘功

詔晉封和碩親王復

命轄其從子丹衷屬眾丹衷者根特爾子也初授輔國公以大軍自青海討準噶爾遣所部助獻糧餉復以兵從至藏

諭獎之晉封固山貝子尋卒無嗣

詔追封郡王遺奏獻部眾及牧地

上不忍納

諭曰丹衷實心效力身故嗣絕朕富有天下四海爲家豈有利其所屬之理著四川提督岳鍾琪遣員會同扎薩克等察明戶口數目歸察罕丹津轄務使各得其所勿稍擾累至丹衷屬宰桑等素

著勤勞亦著分別加賞先是議由裏塘遷達賴喇嘛瑚畢勒罕羅卜藏丹津達

命且煽察罕丹津盟謀興兵襲諸台吉察罕丹津有惑志尋悔罪詔察罕丹津及羅卜藏丹津領青海右翼察罕丹津牧河東近松潘羅卜藏丹津牧河西近布隆吉爾地以河爲界是年羅卜藏丹津叛察罕丹津不之附將搆難

上聞之

詔西甯松潘兵馳往援有拉扎布者察罕丹津兄墨爾根諾顏之子也附羅卜藏丹津以兵掠察罕丹津牧察罕丹津攜孥及屬百餘奔至河州老鴉關外總理青海事務侍郎常壽置之河州邊內

羅卜藏丹津復以兵掠河州界因徙學蘭州察罕丹津屬額爾克  
扎爾瑚齊阿勒達爾和碩齊拉木布等以戶千餘丹衷宰桑噶隆  
色布騰達什等以戶七百餘相繼來歸三年

詔授扎薩克仍領所部歸青海牧以撫遠大將軍年羹堯不善撫  
其眾

飭責之牧甫定察罕丹津請入

覲

詔給整裝銀千兩明年將歸以行期

聞

召見圓明園

溫諭之復

賜銀千兩九年土爾扈特族諾爾布叛拉扎布復爲斡煽將由索羅木河竄察罕丹津聞變收拉扎布牧眾遣屬台吉等捕之或以察罕丹津偕拉扎布徙牧告

上知其內附誠不之疑拉扎布尋就擒

諭曰拉扎布雖係察罕丹津兒子朕知其素不相睦察罕丹津效力有年今已老病仍奮志報效甚屬可嘉著賜幣二十銀千兩令酌給所部效力人眾十三年卒子敦多布旺扎勒先卒察罕丹津嗣絕

詔以拉扎布子旺舒克襲



一次襲旺舒克察罕丹津從孫父拉扎布有子三長察罕喇布坦次旺舒克喇布坦皆別有傳旺舒克其季也雍正十三年

詔襲察罕丹津所遺扎薩克和碩親王乾隆十四年卒子旺丹多爾濟帕拉木襲

一次襲旺丹多爾濟帕拉木旺舒克子乾隆十四年襲扎薩克和碩親王三十六年卒無嗣

諭曰旺丹多爾濟帕拉木所襲扎薩克和碩親王爵前因察罕丹津無嗣以旺舒克襲之旺舒克故後朕復加恩以旺丹多爾濟帕拉木襲今復無嗣此和碩親王爵應卽停襲但念察罕丹津誠心報效若竟絕祀朕心深爲不忍著加恩令旺丹多爾濟帕拉木胞

伯父旺舒克喇布坦之子納罕達爾濟降等襲授多羅郡王管理察罕丹津所遺屬眾

三次襲納罕達爾濟旺丹多爾濟帕拉木從弟初襲其父旺舒克喇布坦扎薩克一等台吉互見彼傳乾隆三十六年

詔襲旺丹多爾濟帕拉木所遺扎薩克授多羅郡王四十年郭羅克番掠青海牧戕扎薩克輔國公禮塔爾納罕達爾濟追擊之俘賊番歸

諭獎四十七年

詔世襲罔替以承察罕丹津祀

厚車三石月妻借不者

ノ一ニハノ一ト

一ノ一

多羅郡王策旺喇布坦列傳

後授扎薩克

策旺喇布坦青海和碩特人姓博爾濟吉特號達賴岱青扎薩克親王察罕丹津從叔父其父多爾濟爲顧實汗第六子有子三長畢噶咱納次薩楚墨爾根台吉次卽策旺喇布坦多爾濟裔設扎薩克三詳各傳崇德七年多爾濟遣使哈喇扈濟等附達賴喇嘛表獻駝馬

賜幣及朝鮮貢物順治二年來朝三年復獻駝馬十四年表謝賜其父顧實汗賻祭恩并奏稱西甯東向不設驛貢使往來道艱乞設驛西甯東

上不允康熙十六年逆藩吳三桂爲大軍所迫謀結青海爲援遣

賊黨饋多爾濟金幣靖逆將軍張勇謀得狀奏松潘茂州道通西甯恐吳逆乘閒侵茶馬利

詔張勇屯甘州防禦多爾濟卒不助吳逆十九年

遣官駐松潘偵厄魯特邊情

詔檄多爾濟知之勿疑懼噶勒丹尋與喀爾喀構兵遣使乞援青海多爾濟遵達賴喇嘛諭不之許二十六年

遣使招撫青海時多爾濟前卒策旺喇布坦代已久和碩特入台吉集盟壇我使諭之曰達賴岱青當以身入朝否則遣子弟代蓋以多爾濟子故重之策旺喇布坦尋入

覲

優賚遣歸四十二年

詔封多羅郡王四十四年卒子額爾克巴勒珠爾襲

一次襲額爾克巴勒珠爾策旺喇布坦次子康熙四十四年襲多羅郡王四十五年爲諸昆弟所迫自戕死子二長朋素克旺扎勒降襲多羅貝勒授扎薩克次什多勒扎布別授扎薩克台吉自有傳

二次襲朋素克旺扎勒額爾克巴勒珠爾長子康熙四十六年襲多羅貝勒五十四年議由裏塘遷達賴喇嘛瑚畢勒罕遣諭所部朋素克旺扎勒稱聽

命察罕丹津不從將構釁久之事始定五十五年

詔選兵百屯噶斯路防準噶爾賊未幾準噶爾掠青海敗遁復

詔大軍備西甯所部聽調六十一年

詔撤噶斯駐防軍仍備兵游牧雍正元年羅卜藏丹津叛脅朋素克旺扎勒以兵掠郡王額爾德尼額爾克托克托爾牧二年大軍至叛黨吹喇克諾木齊扎什敦多布等遁噶斯朋素克旺扎勒擒吹喇克諾木齊之宰桑都喇勒及扎什敦多布母乞降奮威將軍岳鍾琪令追勦吹喇克諾木齊果擒至

上以朋素克旺扎勒雖附賊尋悔罪

詔宥之仍畱封爵三年

詔授扎薩克四年來朝

詔給整裝銀八百兩

諭曰朋素克旺扎勒之祖父皆封多羅郡王且於羅卜藏丹津叛逆時尙屬奮勉效力著仍晉封多羅郡王九年

詔借額爾德尼額爾克托爾遜兵萬護青海牧會其從弟貝勒達什車凌附土爾扈特族訶爾布叛徙牧圖古哩克朋素克旺扎勒以兵追歸檻獻

諭嘉之十三年卒其妻遣使告有子三長袞楚克達什次達木垂次根敦皆幼且避痘不獲入

覲乞

恩令一子襲爵



國朝書牘卷之四  
詔以袞楚克達什襲

三次襲袞楚克達什朋素克旺扎勒長子雍正十三年襲扎薩克多羅郡王乾隆四十二年以病罷子索諾木多爾濟襲

四次襲索諾木多爾濟袞楚克達什次子乾隆四十二年襲扎薩克多羅郡王四十七年

詔世襲罔替五十六年因官其和勒廓爾喀預備馬匹巡查台站賞給親王品級

國朝耆獻類徵初編卷首之九十五

通奉大夫前署江西巡撫江西布政使司布政使 臣 李桓恭錄

欽定外藩蒙古回部王公表傳卷之八十三

傳第六十七

扎薩克多羅郡王色布騰扎勒列傳 今襲多羅貝勒

色布騰扎勒青海準噶爾人姓綽囉斯號車臣岱青祖巴圖爾琿台吉父卓特巴巴圖爾準噶爾族舊游牧阿爾台巴圖爾琿台吉死子僧格嗣為準噶爾長卓特巴巴圖爾及其兄車臣以爭屬產故與僧格隙劫殺之蓋皆僧格異母兄也噶勒丹為僧格同母弟居唐古特習沙門去達賴喇嘛遣歸轄準噶爾眾因執車臣戕之

卓特巴巴圖爾自阿爾台奔赴青海康熙二十六年大軍定噶勒丹亂

遣使招撫青海時卓特巴巴圖爾卒色布騰扎勒幼不獲從和碩特諸台吉至四十二年來朝

詔封多羅貝勒五十四年議由裏塘遷達賴喇嘛瑚畢勒罕遣諭所部色布騰扎勒稱聽

命且以察罕丹津異志告察罕丹津尋悔事始定雍正元年羅卜藏丹津叛脅準噶爾族附己色布騰扎勒將拒之懼不敵羅卜藏丹津強授兵令掠西甯色布騰扎勒不從陰遣使告二年間大軍將至率戶口二千餘迎降署撫遠大將軍貝子延信置之西川口

外復以導從逆之貝勒羅卜藏察罕輔國公車凌台吉諾爾布等  
悔罪內附功

諭獎之晉封多羅郡王亂定歸牧王大臣等議青海之準噶爾請  
勿令隸和碩特族

允之先是準噶爾族設扎薩克一曰阿喇布坦三年

詔增設扎薩克一以色布騰扎勒領之尋入

覲

詔給整裝銀千兩九年卒子二長車凌喇布坦襲扎薩克次車凌  
圖勒木爲協理台吉

一次襲車凌喇布坦色布騰扎勒長子雍正九年襲扎薩克多羅

郡王乾隆十三年卒子索諾木多爾濟襲

二次襲索諾木多爾濟車凌喇布坦子乾隆十三年襲扎薩克多羅郡王二十三年卒無嗣

詔以其叔父車凌圖勒木之子色布騰多爾濟襲

三次襲色布騰多爾濟索諾木多爾濟從弟乾隆二十三年襲扎薩克多羅郡王三十年卒無嗣色布騰扎勒裔自此絕

詔以其從祖車木伯勒襲

四次襲車木伯勒色布騰多爾濟從祖其祖班達哩爲巴圖爾琿台吉季子從兄卓特巴巴圖爾徙牧青海子丹巴有子二長丹津早卒次卽車木伯勒乾隆三十年

詔襲色布騰多爾濟所遺扎薩克降授多羅貝勒三十九年卒子  
吹忠扎布襲

五次襲吹忠扎布車木伯勒長子乾隆三十九年襲扎薩克多羅  
貝勒四十七年

詔世襲罔替以承色布騰扎勒祀五十二年卒子德哩巴勒珠爾  
襲

六次襲德哩巴勒珠爾吹忠扎布長子乾隆五十三年襲扎薩克  
多羅貝勒



多羅貝勒衮布列傳今襲扎薩克多羅郡王

衮布青海和碩特人姓博爾濟吉特號阿齊巴圖爾扎薩克親王  
察罕丹津以父其父達蘭泰爲顧實汗第三子達蘭泰裔設扎  
薩克二皆嗣詳各傳衮布游牧嘉峪關外鄰哈密準噶爾及  
諸回使往來必經之順治十三年葉爾羌回長遣使克拜挈眾三  
百入貢抵肅州衮布以葉爾羌嘗奪其屬將襲之甘肅巡撫周文  
煜徙貢使至甘州衮布挈千餘騎分道入聞官軍嚴備遁歸卒不  
敢爲邊患康熙三十五年杜爾伯特台吉綽克圖避噶勒丹亂奔  
依衮布邊吏往詰以情告

詔勿究三十六年



上視師甯夏衮布遣宰桑禡木特至先是

遣使諭策妄阿喇布坦絕噶勒丹道經嘉峪關外衮布助糧糗駝馬且爲導令得達至是奏游牧邊外久不敢萌異志數年來青海諸台吉私盟皆未與請內附時額駙阿喇布坦等遵

旨招降青海行有期

詔攜衮布使往復

賜諭獎之阿喇布坦遣禡木特馳語衮布會衮布以建達賴喇嘛塔故遣長子額爾德尼額爾克托克托爾赴察罕托羅海中道聞達賴汗子拉藏將以兵襲已懼歸衮布復遣次子朋素克往拉藏讓之曰爾父私遣使內附非欲貳青海乎將與兵與爾父構難朋

素克馳歸語故衮布備兵待復遣禡木特迎告我使曰若不先臨我地諸台吉疑自息阿喇布坦等恐諸台吉不利之從禡木特言拉藏尋遣語衮布曰爾獨希寵

天朝非所宜我將偕青海諸台吉內附因撤兵阿喇布坦至諸台吉定盟衮布遣子朋素克入

覲

賜御用冠服視諸台吉有加禮三十六年

詔封朋素克爲固山貝子尋卒無嗣停襲故不立傳四十三年上以衮布先諸台吉內附

詔封多羅貝勒四十四年卒子額爾德尼額爾克托克托爾襲

一次襲額爾德尼額爾克托克托爾衮布長子康熙四十四年襲多羅貝勒五十五年以議遷達賴喇嘛瑚畢勒罕事定

詔分領青海左翼五十九年送達賴喇嘛入藏雍正元年敘功晉封多羅郡王未幾羅卜藏丹津叛以兵四千掠其牧額爾德尼額爾克托克托爾衮拒之不敌所部多卻走因攜妻問道至甘州乞援子阿喇布濟索諾木達什等集眾拒賊鏖戰七日賊始退率兵五百及戚屬千餘來歸署撫遠大將軍貝子延信置之蘇油口內馳

疏

聞

諭額爾德尼額爾克托克托爾衮曰青海台吉皆願實汗嫡孫自我

朝

太祖文皇帝時顧實汗與達賴喇嘛恭順效力迄今百年蒙

皇考施以恩寵加封名號普加庇護後經策妄阿喇布坦敗壞黃  
教圍困西藏殺害拉藏且復謀侵爾等於是

皇考遣發大兵偕爾等送達賴喇嘛至藏振興黃教今羅卜藏丹  
津無故稱兵以王等不入伊黨自相侵害朕仰體

皇考眷念顧實汗子孫之意其罪未明尚不忍卽加征討已遣侍  
郎常壽往問羅卜藏丹津所行情事若能知罪悔過朕當定其是  
否和解爾眾仍令爾兄弟照舊安居如果羅卜藏丹津不遵朕旨  
侵犯邊塞豈可不遣兵征剿今王屬眾人等盡被劫掠窮困來至

甘州朕聞之不勝惻然特遣郎中通智分給廩餼牲畜令從豐厚  
王等在彼安居不須憂慮朕斷不使爾等稍有拮据也常壽奏至  
得羅卜藏丹津叛狀大軍討之亂始定三年

詔授扎薩克偕避亂來歸之親王察罕丹津各攜所部眾歸牧撫  
遠大將軍年羹堯不優恤之

上責其罪曰朕聞郡王額爾德尼額爾克托克托爾部眾窮困流  
離資生窘乏親王察罕丹津所屬雖稍能存活亦屬貧窮爾身爲  
撫遠大將軍理應酌量事勢緩急人口多寡盡心籌畫分理乃僅  
發銀萬兩爲賑濟用額爾德尼額爾克托克托爾等遭叛賊掠奪  
投命來歸全賴安置得所俾其衣食有資咸登樂利此諸部落人

眾流離失所豈萬金所能給耶額爾德尼額爾克托克托爾尋入  
覲

詔給整裝銀千兩歸牧

賜如之九年

詔領左右翼扎薩克兵萬護青海牧會土爾扈特族諾爾布叛額  
爾德尼額爾克托克托爾遣子阿喇布濟偕輝特台吉恭格以兵  
擊諾爾布就擒時和碩特族拉扎布及達什車凌皆以叛徙牧諾  
爾布詭稱青海諸台吉謀逆阿喇布濟陰約以青海軍援已

諭曰青海各台吉世受國恩斷無背逆之事親王察罕丹津聞拉  
扎布叛卽遣兵追捕郡王朋素克旺扎勒聞達什車凌叛卽率兵

國朝通志卷之六十一  
十一  
攜歸額爾德尼額爾克托克托爾遺子效力行閒阿喇布濟見借  
恭格追擒諾爾布果有異志甯肯如此奮勉效力耶諾爾布械至  
訊之果辭誣論誅額爾德尼額爾克托克托爾尋奏年邁乞以子  
代從戎

上憫其情

諭曰額爾德尼額爾克托克托爾效力有年著將伊子內可襲王  
爵者指出一人朕加特恩封爲長子額爾德尼額爾克托克托爾  
以索諾木丹津名奏

詔如所請乾隆十四年卒子四長阿喇布濟封輔國公以非世爵  
不立傳次索諾木達什爲協理台吉次卽索諾木丹津襲扎薩克

郡王次車凌多爾濟別授扎薩克台吉自有傳

二次襲索諾木丹津額爾德尼額爾克托克爾第三子雍正九年封長子乾隆十年扈

蹕木蘭行

命乾清門行走十四年襲扎薩克多羅郡王十五年

詔增得卜特爾及伊克柴達木汛兵以索諾木丹津領之二十年大軍征達瓦齊索諾木丹津請備兵噶斯路

允之達瓦齊就擒

詔撤歸二十三年

詔副都統濟福與議備兵偵防厄魯特逸賊三十六年卒子袞楚



克扎布封長子先索諾木丹津卒孫袞楚克敦多布納木扎勒襲  
三次襲袞楚克敦多布納木扎勒索諾木丹津孫乾隆三十六年  
襲扎薩克多羅郡王四十年卒子剛噶爾襲

四次襲剛噶爾袞楚克敦多布納木扎勒長子乾隆四十年襲扎  
薩克多羅郡王四十七年

詔世襲罔替

國朝耆獻類徵初編卷首之九十六

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之八十四

傳第六十八

多羅貝勒達顏列傳

後授扎薩克

達顏青海和碩特人姓博爾濟吉特郡王策旺喇布坦從子父薩楚墨爾根台吉有子三長額爾克諾顏早卒次卽達顏次噶勒丹岱青諾爾布薩楚墨爾根台吉嗣父多爾濟爲青海右翼長康熙二十九年我使赴策妄阿喇布坦所歸經嘉峪關爲青海台吉阿奇羅卜藏所掠甘肅提督孫思克誘質其宰桑懼反我使遣兵擊

之斬馘四百餘獲駝馬牛羊千計阿奇羅卜臧遁思克檄青海台  
吉等歸所掠薩楚墨爾根台吉遣宰桑詰阿奇羅卜臧罪察獲畜  
械罄以獻復代謝罪

上以薩楚墨爾根台吉等恭順

詔宥之先是喀爾喀爲噶勒丹所敗有阿海岱青班第者奔青海  
依多爾濟久之子身歸戚屬百餘仍畱青海薩楚墨爾根台吉育  
之三十二年

遣官往取悉遵

諭送歸三十五年大軍征噶勒丹唐古特部第巴煽薩楚墨爾根  
台吉以兵萬餘屯雜谷桑湯對河諸番地爲觀望計謀噶勒丹敗

遁歸尋卒子達顏嗣五十四年準噶爾侵哈密敗遁議撤噶斯駐防兵以達顏屬台吉等游牧柴達木通噶斯之察罕齊老圍

遣侍衛等駐其地偵準噶爾蹤五十五年三月

詔選所部兵百屯噶斯閏三月以議遷達賴喇嘛畢勒罕事定詔分領青海右翼先是親王達什巴圖爾爲和碩特長以私憾誣訐達顏罪

詔禁京師以其叔父策旺喇布坦代轄所屬尋策旺喇布坦來朝乞宥達顏罪攜歸青海

允之有番族曰瞻對在鴉籠江西境其祖爲喇瑪什喇扎木禪明成化中入貢給之印再傳至多爾濟布木子二長革松撤次按撤

不相能革松撒子琳沁布及孫側冷旺布屯牧瞻對按撒攜子側  
冷扎布徙奔霍爾附青海說多爾濟以兵侵瞻對掠屬番二十餘  
戶側冷旺布女弟之夫曰喇瑪布屯牧喇袞與定謀內附納其土  
及民數瞻對屬番三千戶喇袞屬番千戶且獻明所給印會策旺  
喇布坦遣宰桑扎爾瑚齊等取霍爾賦使以私至打箭鑪詭稱多  
爾濟及子薩楚墨爾根孫達顏相繼徵瞻對賦瞻對久爲青海屬  
請勿納我守汛臣遺書詰之策旺喇布坦稱宰桑辭誣且謝罪  
詔授側冷旺布及喇瑪布爲官內屬卽隸秦甯協阜和營之瞻對  
喇袞二安撫司也策旺喇布坦卒其妻額琳沁旺布謀奪霍爾諸  
地達顏以策旺喇布坦恤育恩弗爭也側冷扎布忌側冷旺布等

內附攘附牧地

遣官往勘知霍爾爲達顏屬

飭額琳沁旺布給之復

諭達顏遣使霍爾察歸所攘贍對地以宰桑等監之令番族勿滋擾達顏奉

命惟謹是年十二月來朝

諭曰達顏爲達賴巴圖爾孫且素樸誠感戴朕恩實心效力辦理青海事務始終毫無舛誤朕甚嘉之著封多羅貝勒明年正月奏請增設噶斯守兵防準噶爾

上聽其言二月扈

驛幸畿甸

優賚遣歸五十七年卒

諭悼之子旺舒克喇布坦襲

一次襲旺舒克喇布坦達顏子康熙五十八年襲多羅貝勒六十年卒無嗣貝勒朋素克旺扎勒爲策旺喇布坦孫謀奪達顏屬遣侍郎常壽勘狀達顏弟噶勒丹岱青諾爾布口吃達什車凌其子也年十有四達顏妻玉木楚木察罕達喇請以達什車凌襲旺舒克喇布坦爵

允之降襲固山貝子

詔善視達顏妻復

諭朋素克旺扎勒勿得私攘其屬

二次襲達什車凌旺舒克喇布坦從弟康熙六十一年襲固山貝子其父噶勒丹岱青諾爾布初爲閒散台吉雍正二年羅卜藏丹津叛脅之附不從偕貝勒朋素克旺扎勒迎降大軍復以兵擊賊黨吹喇克諾木齊等敘功

詔封固山貝子世襲罔替蓋青海世爵自此始噶勒丹岱青諾爾布尋卒其妻請以達什車凌兼襲之理藩院議蒙古無襲兩世爵例

諭曰噶勒丹岱青諾爾布於青海羅卜藏丹津事著有勞績因議敘封爲貝子今旣病歿伊兄弟兩家止有貝子達什車凌一人著



從優加恩并兩貝子爵爲貝勒仍世襲罔替三年

詔授扎薩克九年土爾扈特族諾爾布叛達什車凌爲所惑亦徙牧朋素克旺扎勒以兵追歸達什車凌奏臣幼且多疾有墨爾根阿里克鄂木布者臣屬也附諾爾布叛掠臺馬臣從臣母徙牧圖古哩克避之告臣從兄朋素克旺扎勒擒墨爾根等歸乞宥臣無知罪

諭曰達什車凌年幼以聽信讒言畏罪遷移並非有意逃遁且值朋素克旺扎勒往追卽迎前陳訴又將伊屬眾私掠汎馬者擒獻贖罪著從寬免黜多羅貝勒爵乾隆二十二年卒子丹巴車凌襲三次襲丹巴車凌達什車凌長子乾隆二十二年襲扎薩克多羅

貝勒三十九年卒子濟克默特伊什襲

四次襲濟克默特伊什丹巴車凌長子乾隆三十九年襲扎薩克  
多羅貝勒四十七年

詔世襲罔替



多羅貝勒納木扎勒列傳今襲扎薩克一等台吉

納木扎勒青海和碩特人姓博爾濟吉特親王察罕丹津從弟祖鄂木布爲願寶汗次子有子二長墨爾根台吉次卓哩克圖岱青墨爾根合吉子七長卽納木扎勒次墨爾根岱青次車凌次特賴次拉爾濟次額琳沁達什次阿喇布坦鄂木布裔設扎薩克四詳各傳鄂木布號車臣岱青順治六年以河西白帽回族米喇印丁國棟等謀逆助大軍討之復招降西甯城

詔賜土謝圖巴圖爾岱青號鄂木布卒墨爾根台吉嗣

詔襲土謝圖岱青號其巴圖爾號弗之給也康熙十三年以逆藩

吳三桂叛

遣使往諭達賴喇嘛道西甯墨爾根台吉將尼之爲我使所叱懼  
謝罪嗣聞吳三桂煽王輔臣叛梗秦蜀以所部兵屯大草灘外令  
軍書得達內地有準噶爾台吉罕都及拜達者既降尋叛搆賊干  
餘掠番民由大草灘毀邊垣遁墨爾根台吉聞之擊其眾以大草  
灘饒水草來徙牧爲守汛者所禦復乞屯牧黃草灘

上不允

遣尙書科爾廓代往定界尋引去墨爾根台吉卒納木扎勒自號  
額爾德尼三十五年奏請襲祖父號并求黃草灘地

諭曰納木扎勒乞推祖父恩著仍以土謝圖岱青號賜之至黃草  
灘既定爲內地所請不允三十六年春

遣官招降青海納木扎勒從其叔祖達什巴圖爾入  
覲

賜宴保和殿

召升陛飲以

御用冠服及銀幣

賜之三十七年

詔封多羅貝勒仍稱土謝圖岱青號四十一年以牧地乏水草且  
多疾請徙牧大草灘

諭曰雖四十九旗蒙古未有令游牧內地者所請仍不允四十九  
年納木扎勒卒子羅卜藏察罕襲

一次襲羅卜藏察罕納木扎勒次子康熙五十年襲多羅貝勒雍正元年羅卜藏丹津叛羅卜藏察罕附之偕逆黨阿喇布坦巴勒珠爾阿喇布坦等擾青海牧二年聞大軍至悔罪率屬台吉衮布色布騰納罕伊什等降其母復攜諸台吉妻請內徙

詔置西甯口外給茶麥諸物養之事定議附叛罪削多羅貝勒三年

詔仍領游牧眾授扎薩克一等台吉六年來朝

上以能悔罪且奮勉稱職

詔晉封輔國公乾隆七年卒子多爾濟色布騰降襲一等台吉二次襲多爾濟色布騰羅卜藏察罕長子乾隆七年襲扎薩克一

等台吉二十六年卒子恭桑車凌襲

三次襲恭桑車凌多爾濟色布騰長子乾隆二十六年襲扎薩克  
一等台吉四十七年

詔世襲罔替五十四年卒嗣子旺舒克襲

四次襲旺舒克恭桑車凌嗣子乾隆五十四年襲扎薩克一等台  
吉



日本書紀卷之六十一

八

國朝耆獻類徵初編卷首之九十七

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之八十五

傳第六十九

固山貝子車凌敦多布列傳後授扎薩克

車凌敦多布青海和碩特人姓博爾濟吉特扎薩克親王察罕丹津從弟曾祖瑚魯木什爲顧實汗第七子有子四長根扎次哈坦巴圖爾皆無嗣次達爾巴生噶爾車木伯勒子一卽車凌敦多布次乘岡子二各授扎薩克詳後傳瑚魯木什號額爾德尼岱青順治六年助大軍討河西逆回米喇印丁國棟等復招降西甯城

四庫全書  
卷一百一十一  
詔賜巴圖爾額爾德尼岱青號康熙二十三年遣使貢方物二十四年來朝會

上大閱於王家嶺奏請扈

駕往觀

允之歸牧謀噶勒丹侵喀爾喀以所部兵屯邊謀助大軍討逆噶勒丹敗遁乃率兵還三十六年大軍定噶勒丹亂

遣使招撫青海瑚噶木什前卒子哈坦巴圖爾以疾不獲從諸台吉入

覲四十四年卒遺疏授親王達什巴圖爾稱子達什敦多布幼乞賜恤蓋和碩特族入台吉以內附功授王貝勒貝子公等爵有差

惟瑚噶木什及桑噶爾扎裔未

賜爵達什巴圖爾以

聞且獻哈坦巴圖爾疏

詔封達什敦多布爲輔國公尋卒無嗣停襲故不立傳五十七年  
以準噶爾襲藏

詔青海諸台吉往援時車凌敦多布幼而孤母楚克賚納木扎勒  
以所屬唐古特兵萬請從軍五十九年大軍分道入藏復助獻糧  
餼六十一年冬攜車凌敦多布來朝

慰諭之雍正元年青海王貝子貝勒公台吉等皆以入藏功議加  
封賞獨車凌敦多布

特賜多羅貝勒爵蓋異數也羅卜藏丹津叛車凌敦多布附之二  
年大將軍至其女兄從貝勒羅卜藏察罕母奔赴西甯楚克賚納  
木扎勒尋攜車凌敦多布及屬戶千餘請降

詔置伊克烏蘭和碩給茶麥諸物養之車凌敦多布從大軍勦羅  
卜藏丹津擒逆黨丹津以獻事定議附叛罪削多羅貝勒爵降固  
山貝子三年卒無嗣

詔以其從祖秉圖之子丹巴襲

一次襲丹巴車凌敦多布再從叔父其父秉圖有子二長色布騰  
博碩克圖授扎薩克台吉別有傳次卽丹巴雍正三年

詔襲車凌敦多布所遺固山貝子尋授扎薩克乾隆十年扈

蹕木蘭行圍

命乾清門行走十七年卒于沙克都爾扎布襲

二次襲沙克都爾扎布丹巴長子乾隆十七年襲扎薩克固山貝子四十七年

詔世襲罔替四十八年卒于車爾登多爾濟襲

三次襲車爾登多爾濟沙克都爾扎布次子乾隆四十八年襲扎薩克固山貝子



扎薩克固山貝子索諾木達什列傳

今襲一等台吉

索諾木達什青海和碩特人姓博爾濟吉特扎薩克親王察罕丹津從弟祖桑噶爾扎爲顧實汗第八子生子塔薩博羅特號和碩齊子二長敦多布達什次卽索諾木達什崇德七年桑噶爾扎遣使額爾伯赫等附達賴喇嘛表貢駝馬

賜幣及朝鮮貢物康熙三十六年青海諸台吉內附敦多布達什及索諾木達什幼且避痘不獲入

覲四十四年親王達什巴圖爾奏諸昆弟子姓惟瑚嚕木什及桑噶爾扎裔未

賜爵



國朝通志卷之九十一  
詔封敦多布達什爲輔國公五十九年以準噶爾潛兵據藏索諾木達什率所部駐柴達木敦多布達什復以兵護達賴喇嘛入藏雍正元年敘功敦多布達什晉爵鎮國公未幾卒羅卜藏丹津叛以索諾木達什鄰牧誘擒之尋脫歸

諭曰索諾木達什竭誠報國盡忠效力今聞脫身來歸良慰朕懷特沛殊恩著封固山貝子給上等產業明年青海定

遣歸牧三年

詔授扎薩克入

覲

詔給整裝銀六百兩乾隆十四年卒子三長噶勒丹敦多克先卒

次噶勒丹旺扎勒次莽爾相繼襲

一次襲噶勒丹旺扎勒索諾木達什次子乾隆十四年襲扎薩克固山貝子十五年卒弟莽爾襲

二次襲莽爾索諾木達什第三子乾隆十五年襲扎薩克固山貝子十八年卒子羅卜臧色布騰襲

三次襲羅卜臧色布騰莽爾長子乾隆十八年襲扎薩克固山貝子三十一年以郭羅克番掠所部牧畜逸走議不嚴防汛罪

詔削扎薩克以其弟巴勒濟特襲羅卜臧色布騰改授閒散貝子爵互見彼傳

四次襲巴勒濟特莽爾第四子乾隆三十一年襲扎薩克降授一

等台吉四十七年

詔世襲罔替四十九年卒長子拉扎布襲

五次襲拉扎布巴勒濟特長子乾隆四十九年襲扎薩克一等台吉五十六年卒

詔以莽簡長子貝子羅卜藏色布騰襲

六次襲羅卜藏色布騰莽簡長子乾隆五十六年仍襲扎薩克復因大兵征剿廓爾喀巡查臺站奮勉效力

賞給貝勒品級

附 固山貝子羅卜臧色布騰列傳

羅卜臧色布騰初襲其父貝子莽齋所遺扎薩克互見彼傳乾隆三十一年議防汛不嚴罪

詔授其弟巴勒濟特爲一等台吉代掌扎薩克而改授羅卜臧色布騰閒散貝子爵附巴勒濟特旗四十七年

詔世襲罔替五十六年仍以羅卜臧色布騰襲扎薩克復囚大兵征剿廓爾喀巡查臺站奮勉效力

賞給貝勒品級



固山貝子羅卜藏達爾扎列傳

今授扎薩克一等台吉

羅卜藏達爾扎青海和碩特人姓博爾濟吉特號車臣岱青貝勒納木扎勒從弟父卓哩克圖岱青爲鄂木布次子康熙二十三年遣使達延宰桑貢駝馬尋卒三十六年和碩特諸台吉入覲羅卜藏達爾扎幼不獲至母阿勒達爾以

聞

上憫其情

詔封輔國公五十年來朝晉封固山貝子

優賚遣歸尋授盟長六十一年率兵護達賴喇嘛入藏道疾雷郭莽廟尋卒子濟克濟扎布降襲輔國公

一次襲濟克濟扎布羅卜藏達爾扎長子康熙六十一年襲輔國公雍正元年羅卜藏丹津叛兵脅之因從擾青海諸台吉牧二年聞大軍至懼降事定議附叛罪削爵三年

上以濟克濟扎布雖脅從尋悔罪

詔仍領游牧眾授扎薩克一等台吉乾隆二十年卒子車凌多爾濟襲

二次襲車凌多爾濟濟克濟扎布長子乾隆二十年襲扎薩克一等台吉二十八年卒子達克巴納木扎勒襲

三次襲達克巴納木扎勒車凌多爾濟長子乾隆二十九年襲扎薩克一等台吉四十四年卒子諾爾布璘沁襲

四次襲諾爾布璘沁達克巴納木扎勒長子乾隆四十四年襲扎薩克一等台吉四十七年

詔世襲罔替



博學堂藏書

一

國朝書獻類徵初編卷首之九十八

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之八十六

傳第七十

扎薩克鎮國公噶勒丹達什列傳

今襲輔國公

噶勒丹達什青海和碩特人姓博爾濟吉特親王察罕丹津從弟其高祖曰達延爲顧實汗長子號鄂齊爾汗子六長袞楚克號達賴汗子拉藏嗣爲準噶爾所戕次多爾濟子垂庫爾生噶勒丹達什次索諾木袞布次朋素克次索諾木達什次墨爾根諾顏鄂齊爾汗裔設扎薩克三詳各傳康熙三十六年噶勒丹達什從達什

巴圖爾內附五十年

詔封輔國公時索諾木達什及墨爾根諾顏子車凌並

賜輔國公爵蓋鄂齊爾汗爲顧實汗長嗣世領青海左翼及唐古特眾故其子姓并

賜爵五十九年噶勒丹達什從大軍送達賴喇嘛入藏雍正元年敘功晉鎮國公羅卜藏丹津叛脅之附噶勒丹達什不從攜屬台吉阿旺達什巴等避至甘州境署撫遠大將軍貝子延信置之蘇油口內先是額駙阿喇布坦等遵

旨招降青海諸台吉至盟壇諭之曰爾入家台吉外達賴汗當遣子弟入

覲尋定議以弟朋楚克至

優賚之嗣是朝貢不絕

詔封多羅貝勒朋素克卒子阿喇布坦鄂木布襲其爵至是以從  
羅卜藏丹津叛誅之青海定噶勒丹達什歸牧三年

詔授扎薩克乾隆四年卒子三長扎木三端多布先卒次丹津納  
木扎勒次索諾木巴勒濟相繼襲卒皆無子噶勒丹達什嗣絕

一次襲丹津納木扎勒噶勒丹達什次子乾隆四年襲扎薩克鎮  
國公十三年卒弟索諾木巴勒濟襲

二次襲索諾木巴勒濟噶勒丹達什第三子乾隆十三年襲扎薩  
克鎮國公尋卒從子索諾木多爾濟襲

三  
次襲索諾木多爾濟索諾木巴勒濟從子祖索諾木衮布爲鄂  
齊爾汗第三子有子二長車凌別襲扎薩克輔國公自有傳次垂  
濟扎木索爲協理台吉索諾木多爾濟其子也乾隆十三年

詔襲索諾木巴勒濟所遺扎薩克降授輔國公四十七年

詔世襲罔替以承噶勒丹達什祀五十四年卒弟拉特納錫第襲  
四次襲拉特納錫第索諾木多爾濟之弟乾隆五十四年襲扎薩

克輔國公

扎薩克輔國公阿喇布坦列傳

今襲罔  
山貝子

阿喇布坦青海準噶爾人姓綽羅斯扎薩克郡王色布騰扎勒從子祖卓哩克圖和碩齊爲巴圖爾琿台吉子游牧阿爾台以避噶勒丹亂徙牧青海依和碩特族有子四長班第達次巴哈曼齊次都勒達爾裔不著次納木奇扎木禪子一卽阿喇布坦準噶爾族與和碩特族世婚察罕丹津弟根特爾旣以噶勒丹女爲妻阿喇布坦爲噶勒丹從子察罕丹津復以女妻之噶勒丹亂旣平準噶爾族不附逆者

詔仍游牧青海聽和碩特族與姻好如故康熙五十五年阿喇布坦來朝

詔授公品級一等台吉時游牧青海之和碩特土爾扈特耀特喀爾喀諸台吉皆未編設旗隊獨以阿喇布坦領其族

賜扎薩克職給銀幣如公例雍正元年羅卜藏丹津叛察罕丹津率孛內徙阿喇布坦與相失尋偕察罕丹津宰桑巴圖等攜戶千四百餘來歸三年

詔晉封輔國公仍兼扎薩克九年

命偕和碩特族扎薩克郡王額爾德尼額爾克托克托幫選兵萬護青海牧乾隆四年卒子納木扎勒車凌襲

一次襲納木扎勒車凌阿喇布坦長子乾隆四年襲扎薩克輔國公十五年自青海赴唐古特次喀喇烏蘇聞珠爾默特納木扎勒

叛馳至布達拉城護視達賴喇嘛尋大軍定唐古特亂

諡嘉之晉封固山貝子二十三年

詔副都統濟福與議備兵偵防厄魯特逸賊三十五年卒子齊默特丹巴襲

二次襲齊默特丹巴納木扎勒車凌長子乾隆三十五年襲扎薩克固山貝子四十七年

詔世襲罔替



同子三子品大在二不亦一

四

輔國公索諾木達什列傳

後授扎薩克

索諾木達什青海和碩特人姓博爾濟吉特鄂齊爾汗第五子康熙五十年

詔封輔國公五十一年卒其妻達什扎木素遣使告鄂齊爾汗嗣世領左翼和碩特族無長索諾木達什者有子四長納罕遜都布習沙門法次諾爾布朋素克索諾木達什令習諸物次諾木喀次諾爾布僧格幼請以諾爾布朋素克襲爵允之

一次襲諾爾布朋素克索諾木達什次子康熙五十二年襲輔國公五十九年以兵送達賴喇嘛入藏雍正元年敘功增俸三年

詔授扎薩克四年卒其妻察罕伊什請以嗣子達什巴勒珠爾襲  
爵

允之

二次襲達什巴勒珠爾諾爾布朋素克嗣子雍正五年襲扎薩克  
輔國公七年入

覲次鄂爾多斯之巴顏布喇克疾卒無嗣索諾木達什裔自此絕  
詔以其從祖索諾木衮布之子車凌襲

三次襲車凌達什巴勒珠爾再從叔父雍正八年襲扎薩克輔國  
公乾隆九年卒子達什扎布襲

四次襲達什扎布車凌第三子乾隆九年襲扎薩克輔國公三十

一年卒子根敦端多布襲

五次襲根敦端多布達什扎布長子乾隆三十一年襲扎薩克輔  
國公四十七年

詔世襲罔替以承索諾木達什祀

國朝詩話卷之六

七

下

扎薩克輔國公車凌列傳

車凌青海和碩特人姓博爾濟吉特鎮國公噶勒丹達什從叔父其父墨爾根諾顏爲鄂齊爾汗季子有子二長卽車凌次班珠爾康熙五十年

詔封車凌爲輔國公雍正元年羅卜藏丹津叛脅車凌及班珠爾附之會準噶爾族貝勒色布騰扎勒避亂內徙班珠爾從至撫遠大將軍貝子延信置之西川口外二年大軍抵青海

上以車凌迎降雖脅從未助逆

詔宥罪仍畱輔國公爵三年

詔授扎薩克六年卒子二長色布騰達什次衮楚克扎布相繼襲

一次襲色布騰達什車凌長子雍正七年襲扎薩克輔國公乾隆  
四年卒無嗣弟袞楚克扎布襲

二次襲袞楚克扎布車凌次子乾隆四年襲扎薩克輔國公十二  
年來朝扈

蹕木蘭行圍

命乾清門行走

賞孔雀翎十八年卒子吹忠扎布襲

三次襲吹忠扎布袞楚克扎布長子乾隆十八年襲扎薩克輔國

公四十七年

詔世襲罔替

扎薩克輔國公貢格列傳

貢格青海和碩特人姓伊克明安祖卓哩克圖和碩齊生子第巴號青諾顏第巴子五長呼里特噶次唐古特次巴勒達爾次卽貢格次巴勒珠爾初和碩特族爲青海厄魯特長輝特台吉隸之雍正元年羅卜藏丹津叛貢格不之附率昆弟子姓等降大軍復助勦賊黨於哈瑪爾嶺二年亂定王大臣等議青海之輝特請別設旗分佐領令勿隸和碩特族

允之有濟克濟扎布者與附喀爾喀之輝特輔國公巴濟同祖以羅卜藏丹津擾其牧徙屬就之餘仍畱處青海三年

詔以貢格領其族授扎薩克一等台吉九年土爾扈特族諾爾布



國朝通志卷之九十八  
卷之九十八  
八  
叛貢格馳兵往擊自喀喇郭勒追至蒙固爾托羅海獲之檻送大  
軍

諭曰貢格效力有年前羅卜藏丹津叛時奮勇勦賊今諾爾布叛  
逆復傾心無惑竭力追勦著加恩封輔國公乾隆二十年卒子納  
罕塔爾巴襲

一次襲納罕塔爾巴貢格長子乾隆二十年襲扎薩克輔國公三  
十五年卒子旺扎勒敦多布襲

二次襲旺扎勒敦多布納罕塔爾巴長子乾隆三十五年襲扎薩  
克輔國公四十七年

詔世襲罔替尋卒子達瑪璘襲

三次襲達瑪璘旺扎勒敦多布長子乾隆四十七年襲扎薩克輔  
國公五十六年復因大兵征勦廓爾喀巡查臺站奮勉效力  
賞給貝子品級

--	--	--	--	--	--	--	--	--	--

國朝耆獻類徵初編卷首之九十九

通奉大夫前署江西巡撫江西布政使司布政使 臣李桓恭錄

欽定外藩蒙古回部王公表傳卷之八十七

傳第七十一

扎薩克輔國公阿喇布坦扎木素列傳 今襲一等台吉

阿喇布坦扎木素青海和碩特人姓博爾濟吉特扎薩克親王察

罕丹津從子父岱青巴圖爾為博碩克圖濟農長子有子三長即

阿喇布坦扎木素次敦多布鄂木布次車臣圖達賴喀木布蓋自

博碩克圖濟農至阿喇布坦扎木素凡三傳皆長嗣康熙五十九

年

詔封輔國公雍正三年授扎薩克九年

命偕扎薩克郡王額爾德尼額爾克托克托爾選兵萬護青海牧  
乾隆五年卒無嗣

詔以其弟敦多布鄂木布之子達什納木扎勒襲

一次襲達什納木扎勒阿喇布坦扎木素從子乾隆五年襲扎薩

克輔國公三十年卒嗣子禮塔爾襲

二次襲禮塔爾達什納木扎勒嗣子乾隆三十年襲扎薩克輔國

公時達什納木扎勒有子隆賁幼禮達爾母都噶爾匿不告四十

年郭羅克番掠青海牧禮塔爾以兵拒不敵為所戕四十一年駐

紮西甯副都統惠齡疏奏禮塔爾母匿隆賁狀

詔以隆賁降襲扎薩克一等台吉

二次襲隆賁達什納木扎勒子乾隆四十一年襲扎薩克一等台

吉四十七年

詔世襲罔替

--	--	--	--	--	--	--	--	--	--

扎薩克一等台吉達瑪璘色布騰列傳

達瑪璘色布騰青海和碩特人姓博爾濟吉特貝勒納木扎勒從子父額璘沁達什爲墨爾根台吉第六子有子三長巴特瑪色布騰早卒次卽達瑪璘色布騰次博貝額璘沁達什初封固山貝子嗣晉多羅貝勒以附羅卜藏丹津叛論罪削爵故不立傳雍正三年

詔授達瑪璘色布騰爲扎薩克一等台吉轄其眾十三年議徹駐防準噶爾軍

詔所部仍備兵二千護游牧以達瑪璘色布騰及土爾扈特台吉色特爾布木領之乾隆十四年無嗣弟博貝襲



一次襲博貝達瑪璘色布騰弟乾隆十五年襲扎薩克一等台吉  
二十年卒無嗣

詔以其伯兄巴特瑪色騰之子旺扎勒襲

二次襲旺扎勒博貝從子乾隆二十年襲扎薩克一等台吉三十  
年卒子根敦扎布襲

三次襲根敦扎布旺扎勒長子乾隆三十年襲扎薩克一等台吉  
四十七年

詔世襲罔替五十四年卒子固木扎布襲

四次襲固木扎布根敦扎布長子乾隆五十四年襲扎薩克一等  
台吉

扎薩克一等台吉阿喇布坦列傳

阿喇布坦青海和碩特人姓博爾濟吉特貝勒納木扎勒弟康熙三十六年納木扎勒等內附阿喇布坦幼不獲從入

乾隆元年羅卜藏丹津叛脅誘青海諸台吉阿喇布坦不之附三年

詔授扎薩克一等台吉乾隆四年卒子衮布喇布坦襲

一次襲衮布喇布坦阿喇布坦長子乾隆四年襲扎薩克一等台吉四十一年卒子班第襲

二次襲班第衮布喇布坦長子乾隆四十一年襲扎薩克一等台吉四十七年



扎薩克一等台吉哈爾噶斯列傳

哈爾噶斯青海和碩特人姓博爾濟吉特祖色稜哈坦巴圖爾爲  
顧實汗弟有子十一長特爾袞號額爾德尼琿台吉次阿哩祿克  
三陀音次額爾德尼陀音次達爾瑪次多扎烏巴什次瑪賴次茂  
濟喇克再傳至哈爾噶斯次庫木什庫次畢喇納達什次烏善次  
伊思丹津崇德八年色稜哈坦巴圖爾來朝貢駝馬雕翎元狐等  
物  
優賚之順治十二年阿哩祿克三陀音貢駝馬雕翎元狐十三年  
瑪賴遣使入貢十七年偕茂濟喇克至康熙六年伊思丹津爲諸  
昆弟所迫子身來朝

四庫全書  
卷之二十一  
五  
詔封多羅貝勒尙縣主投多羅額駙

賜田產僕屬隸內蒙古正白旗後以罪削爵降三等公列藩部雍正元年羅卜藏丹津叛脅哈爾噶斯等附已不之從三年

詔以哈爾噶斯爲扎薩克一等台吉蓋和碩特族之游牧青海者自顧實汗裔十九扎薩克外另設扎薩克二一爲顧實汗兄哈納克土謝圖裔以車凌納木扎勒領之別有傳一爲顧實汗弟色稜哈坦巴圖爾裔以哈爾噶斯領之乾隆十九年卒子恭格車稜襲一次襲恭格車稜哈爾噶斯長子乾隆十九年襲扎薩克一等台吉三十一年郭羅克番掠青海恭格車凌不速調游牧兵復懼罪

爾泰

詔削扎薩克仍留一等台吉以其弟吹忠扎布襲扎薩克  
二次襲吹忠扎布哈爾噶斯次子乾隆三十一年襲扎薩克一等  
台吉四十七年

詔世襲罔替五十九年卒子楞衮多爾濟襲

二次襲楞衮多爾濟吹忠扎布長子乾隆五十九年襲一等台吉

皇朝三才圖會卷之八

七

扎薩克一等台吉扎布列傳

扎布青海和碩特人姓博爾濟吉特扎薩克親王察罕丹津從叔父其父巴延阿布該阿玉什爲顧實汗第四子有子十六名詳阿拉善厄魯特部傳扎布其季也初巴延阿布該阿玉什諸子分牧青海及西套有巴圖爾額爾克濟農和囉理者游牧西套以避噶勒丹亂先青海和碩特族內附

賜牧阿拉善授扎薩克諸昆弟子姓隸之其畱處青海者四曰扎布曰阿南達曰伊特格勒曰巴特巴康熙三十六年從達什巴圖爾內附雍正三年

詔授扎布爲扎薩克一等台吉轄其族乾隆三年卒子達奇襲



一次襲達奇扎布長子乾隆三年襲扎薩克一等台吉二十二年卒子桑濟達什襲

二次襲桑濟達什達奇長子乾隆三十二年襲扎薩克一等台吉四十七年

詔世襲罔替四十九年卒子車凌多爾濟襲

三次襲車凌多爾濟桑濟達什長子乾隆四十九年襲扎薩克一等台吉

國朝耆獻類徵初編卷首之一百

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之八十八

傳第七十二

扎薩克一等台吉察罕喇布坦列傳

察罕喇布坦青海和碩特人姓博爾濟吉特祖墨爾根諾顏爲博碩克圖濟農次子父拉扎布號墨爾根岱青以罪削扎薩克不立傳拉扎布子三長卽察罕喇布坦次旺舒克喇布坦見後傳次旺舒克別襲察罕丹津所遺扎薩克親王爵自有傳康熙五十年拉扎布封輔國公五十五年晉固山貝子五十九年以兵護達賴喇

噶爾丹入藏雍正元年敘功晉多羅貝勒未幾羅卜藏丹津叛煽拉扎布附已令以兵掠察罕丹津牧二年大軍討羅卜藏丹津拉扎布懼奔巴爾喀木子察罕喇布坦旺舒克喇布坦迎降招其父拉扎布至獻駝馬千餘

詔削貝勒爵降鎮國公三年

詔宥拉扎布罪授扎薩克仍領游牧眾九年土爾扈特族諾爾布叛拉扎布復附之攜察罕喇布坦由索羅木河遁察罕喇布坦諫不從

上聞拉扎布徙牧

諭悔罪歸不至副都統達爾率兵追察罕丹津遣諸台吉助捕察

罕喇布坦迎降達爾復進擊拉扎布拉扎布乃悔罪自索羅木河歸青海牧

諭曰拉扎布子察罕喇布坦能知其父之非不得已而從之情甚可憫朕尙欲令察罕喇布坦襲其父拉扎布公爵達爾等遵

旨議奏拉扎布舊封貝勒以羅卜藏丹津叛不從青海眾赴西甯獨奔徙巴爾喀木降公爵今復無故遁應論罪如律但情因畏懼且追兵至輒降請令圈禁西甯以其子察罕喇布坦轄屬眾

諭曰拉扎布係察罕丹津兄子著將拉扎布寬免交察罕丹津嚴行管轄拉扎布子察罕喇布坦著授扎薩克一等台吉乾隆二年卒子多爾濟色布騰襲

一次襲多爾濟色布騰察罕喇布坦長子乾隆二年襲扎薩克一等台吉四年卒無嗣

詔以拉扎布次子旺舒克喇布坦襲

二次襲旺舒克喇布坦察罕喇布坦弟乾隆四年襲扎薩克一等台吉三十三年卒子納罕達爾濟襲

三次襲納罕達爾濟旺舒克喇布坦長子乾隆三十三年襲扎薩克一等台吉三十六年

詔襲其從兄旺丹多爾濟帕拉木所遺扎薩克一等台吉  
見彼傳弟羅卜藏丹津襲所遺扎薩克一等台吉

四次襲羅卜藏丹津旺舒克喇布坦次子乾隆三十六年襲扎薩

克一等台吉四十七年

詔世襲罔替五十二年因番匪滋擾游牧未能防範削台吉弟沙喇布提理襲

五次襲沙喇布提理羅卜藏丹津弟乾隆五十二年襲扎薩克一等台吉五十六年因追捕番匪中槍死子衮布多爾濟襲

六次襲衮布多爾濟沙喇布提理長子乾隆五十六年襲扎薩克一等台吉

同治元年庚午五月廿九日

--	--	--	--	--	--	--	--	--	--	--	--	--	--

扎薩克一等台吉伊什多勒扎布列傳

伊什多勒扎布青海和碩特人姓博爾濟吉特扎薩克郡王額爾克巴勒珠爾次子兄朋素克旺扎勒襲扎薩克郡王爵別有傳雍正元年羅卜藏丹津叛伊什多勒扎布不之附三年

詔授扎薩克一等台吉七年卒子畢齊罕車凌襲

一次襲畢齊罕車凌伊什多勒扎布子雍正七年襲扎薩克一等台吉乾隆三十九年以病罷嗣子巴勒珠爾襲

二次襲巴勒珠爾畢齊罕車凌嗣子乾隆三十九年襲扎薩克一等台吉四十七年

詔世襲罔替五十一年卒次年從叔畢齊罕車凌襲



二次襲畢齊罕車凌巴勒珠爾從叔乾隆五十三年襲扎薩克一等台吉五十四年以病罷嗣子三都布襲

四次襲三都布畢齊罕車凌嗣子乾隆五十四年襲扎薩克一等台吉五十八年卒從弟多爾濟襲

五次襲多爾濟三都布從弟乾隆五十八年襲扎薩克一等台吉

扎薩克一等台吉色布騰博碩克圖列傳

色布騰博碩克圖青海和碩特人姓博爾濟吉特父秉圖爲瑚峴木什第四子秉圖子二長卽色布騰博碩克圖次丹巴襲車凌敦多布扎薩克貝子爵別有傳色布騰博碩克圖初爲閒散台吉雍正元年羅卜藏丹津叛脅之附不從三年

詔授扎薩克一等台吉乾隆三年卒子車凌多爾濟襲

一次襲車凌多爾濟色布騰博碩克圖長子乾隆三年襲扎薩克一等台吉二十六年卒子羅卜藏車凌先卒孫巴勒珠爾襲

二次襲巴勒珠爾車凌多爾濟孫乾隆二十六年襲扎薩克一等台吉四十二年卒子噶勒丹丹忠襲

何... 卷之二十一

三次襲噶勒丹丹忠巴勒珠爾長子乾隆四十一年襲扎薩克一等台吉四十三年郭羅克番掠其牧

上以噶勒丹丹忠甫襲爵不更事

詔宥罪免削爵四十七年

詔世襲罔替

扎薩克一等台吉車凌多爾濟列傳

車凌多爾濟青海和碩特人姓博爾濟吉特扎薩克郡王額爾德尼額爾克托克托第四子雍正三年額爾德尼額爾克托克托  
爾始授扎薩克

詔以其長子阿喇布濟爲協理台吉九年土爾扈特族諾爾布叛  
阿喇布濟有擒斬功晉授一等台吉未幾以額爾德尼額爾克托  
克托爾奏

詔封其第三子索諾木丹濟爲長子復

諭曰朕令額爾德尼額爾克托克托爾於諸子內選擇可襲王爵  
者去請授爲長子額爾德尼額爾克托克托爾以索諾木丹津名

入奏想伊意必以阿喇布濟效力軍前將來自能受朕恩也著將阿喇布濟晉封輔國公已而卒額爾德尼額爾克托克托爾次子索諾木達什嗣協理台吉阿喇布濟子多爾濟襲輔國公乾隆十一年額爾德尼額爾克托克托爾奏請以所屬十佐領給索諾木丹津十之六給車凌多爾濟十之四以索諾木達什隸索諾木丹津以多爾濟隸車凌多爾濟別設一扎薩克允之

詔授車凌多爾濟爲扎薩克一等台吉多爾濟以輔國公隸之未幾多爾濟卒子納罕扎木素降授一等台吉輔國公爵傳襲故不立傳二十五年車凌多爾濟卒子恭格色布騰襲

一次襲恭格色布騰車凌多爾濟長子乾隆二十五年襲扎薩克  
一等台吉四十三年郭羅克番襲青海牧掠扎薩克台吉噶勒丹  
丹忠畜產逸走恭格色布騰追擊之不及輒返議罪削扎薩克子  
沙克都爾襲

二次襲沙克都爾恭格色布騰長子乾隆四十三年襲扎薩克一  
等台吉四十七年

詔世襲罔替

同書... 類... 不... 類... 卷... 上... 下...

Table with 10 empty columns and 1 row.

國朝耆獻類徵初編卷首之百一

通奉大夫前署江西巡撫江西布政使司布政使臣李桓恭錄

欽定外藩蒙古回部王公表傳卷之八十九

傳第七十三

扎薩克一等台吉索諾木喇布坦多爾濟列傳

索諾木喇布坦多爾濟青海土爾扈特人其曾祖保蘭阿噶勒琥  
爲貝果鄂爾勒克次子偕弟莽海游牧青海與和碩特族錯居保  
蘭阿噶勒琥子車臣諾顏生拉瑪達什號圖爾根台吉索諾木喇  
布坦多爾濟其子也初青海土爾扈特族隸和碩特雍正元年羅  
卜藏丹津叛有諾顏格隆者附之二年間大軍至乞降復從四川



提督岳鍾琪剿賊事定以習沙門法

詔宥附逆罪王大臣等議青海之士爾扈特請別設旗分佐領令勿隸和碩特族

允之三年土爾扈特族設扎薩克四以索諾木喇布坦多爾濟領其一

詔授扎薩克一等台吉七年卒無嗣保蘭阿噶勒琥裔自此絕以族曾孫棟襲

一次襲棟其六世祖曰莽海爲索諾木喇布坦多爾濟從曾祖莽海子阿畢岱保齊有子二長格埒勒圖其裔別授扎薩克見台吉色特爾布木傳次博第蘇克爲棟曾祖順治八年貢駝馬自稱青

海土爾扈特台吉十五年復遣使瑪齊克布達哩多爾濟朋素克  
扎布和碩齊等入貢博第蘇克子垂多爾濟和碩齊有子二長塔  
爾巴無嗣次巴坦生子棟雍正七年襲扎薩克一等台吉乾隆五  
年卒子薩喇襲

二次襲薩喇棟長子乾隆五年襲扎薩克一等台吉三十七年卒  
子達什喇布坦襲

三次襲達什喇布坦薩喇長子乾隆三十七年襲扎薩克一等台  
吉四十五年卒無嗣弟薩木都布扎木素襲

四次襲薩木都布扎木素薩喇次子乾隆四十五年襲扎薩克一  
等台吉四十七年

國朝通志卷之八十一

詔世襲罔替

扎薩克一等台吉色特爾布木列傳

色特爾布木青海土爾扈特人扎薩克台吉棟從弟其曾祖格埒勒圖爲莽海孫詳棟傳格埒勒圖子色稜吉斯扎布有子三長臧布次伊斯拉裔不著次鄂爾齊子四長諾爾布授扎薩克以叛誅故不立傳次卽色特爾布木次衮布扎布次拉蘇隴扎布雍正元年羅卜藏丹津叛諾爾布附之尋悔罪從準噶爾族貝勒色布騰扎勒來歸亂定

詔宥罪三年

詔授諾爾布扎薩克一等台吉九年諾爾布以防準噶爾設汎騰格里乘閒叛率佐領里塔爾等盜掠汎馬奔徙衮額爾吉庫克烏

蘇時和碩特族拉扎布附諾爾布木不從其兄徙牧  
且以兵勦拉扎布於索羅木河副都統格默爾偕輝特公恭格和  
碩特台吉阿喇布濟等分道擊諾爾布至喀喇郭勒將就擒復逸  
走窮追至蒙固爾托羅海獲之

詔以色特爾布木不從逆

賜銀八百兩授扎薩克一等台吉諾爾布之就擒也詭稱青海諸  
部合謀令率騰格里兵爲逆且誣阿喇布濟以青海全軍援尋械  
至廷臣鞫上其罪稱諾爾布爲土爾扈特族微台吉妄行叛逆里  
塔爾身爲佐領附逆作亂皆應斬諾爾布叛時妻孥皆在游牧請  
免奴給色特爾布木轄

上從其議十三年撤防準噶爾軍

詔所部備兵二千護游牧以色特爾布木及和碩特台吉達瑪璘色布騰領之乾隆二十一年卒子烏爾占襲

一次襲烏爾占色特爾布木長子乾隆二十一年襲扎薩克一等台吉四十七年

詔世襲罔替四十九年卒無嗣

詔以其叔父衮布扎布之子伊達木襲

二次襲伊達木烏爾占從弟乾隆四十九年襲扎薩克一等台吉五十年卒從弟貢格襲

三次襲貢格伊達木從弟乾隆五十年襲扎薩克一等台吉

國朝通志卷之四十一

四

扎薩克一等台吉達爾扎列傳

達爾扎青海土爾扈特人扎薩克台吉索諾木喇布坦多爾濟族子其高祖翁貴爲貝果鄂爾勒克弟子額濟內有子四長瑪哈斯次特穆納次青巴圖爾次庫德特皆游牧青海瑪哈斯及青巴圖爾高不著庫德特裔詳扎薩克台吉丹忠傳特穆納子三曰墨爾根濟農額墨根無嗣曰阿玉什其孫卽丹忠別授扎薩克曰阿勒達爾子二長察罕喇布坦次達爾扎察罕喇布坦以罪削扎薩克故不立傳雍正元年羅卜藏丹津叛察罕喇布坦偕和碩特親王察罕丹津來歸復從大軍剿逆黨

諭嘉之三年



國朝通志卷之百一  
五  
詔授察罕喇布坦扎薩克一等台吉時達爾扎授協理二等台吉  
九年土爾扈特族諾爾布叛和碩特族拉扎布亦徙牧遁察罕喇  
布坦從之達爾扎畱牧從副都統達爾等以兵剿逆黨拉扎布尋  
悔罪歸察罕喇布坦不卽降爲達爾等所擒以狀

聞疏稱察罕喇布坦舊爲土爾扈特族微台吉以不從羅卜藏丹  
津叛

賜爵秩乃無故潛逃軍至又不卽降應論罪如律但未乘亂滋事  
請免死圍禁西甯以其弟達爾扎襲扎薩克令佐領等不隸他族  
諭曰察罕喇布坦前從剿羅卜藏丹津尙屬效力著從寬免死其  
弟達爾扎著授扎薩克一等台吉以察罕喇布坦給之令其嚴加

管轄乾隆十九年達爾扎卒子色布騰多爾濟襲

一次襲色布騰多爾濟達爾扎長子乾隆十九年襲扎薩克一等

台吉三十四年卒無嗣

詔以其伯 罕喇布坦之子袞楚克襲

二次襲袞楚克色布騰多爾濟從子乾隆三十四年襲扎薩克一

等台吉四十七年

詔世襲罔替

同治庚午年  
廣東省城  
各官入冊

一

扎薩克一等台吉丹忠列傳

丹忠青海土爾扈特人扎薩克台吉達爾扎從子祖阿玉什爲特穆納次子見達爾扎傳阿玉什子拜博號額爾克濟農丹忠其子也號額爾德尼濟農雍正元年羅卜藏丹津叛不之附三年

詔授扎薩克一等台吉乾隆十年卒子納木錫哩策旺襲

一次襲納木錫哩策旺丹忠子乾隆十年襲扎薩克一等台吉十四年卒無嗣阿玉什裔自此絕以族弟都勒瑪扎布襲

二次襲都勒瑪扎布其高祖曰庫德特爲丹忠從曾祖三傳至丹津子三長拉扎布次垂扎布皆早卒都勒瑪扎布其季也乾隆十

四年

詔襲納木錫哩策旺所遺扎薩克一等台吉四十七年  
詔世襲罔替

國朝耆獻類徵初編卷首之百二

通奉大夫前署江西巡撫江西布政使臣李桓恭錄

欽定外藩蒙古回部王公表傳卷之九十

傳第七十四

公中扎薩克一等台吉車凌納木扎勒列傳

車凌納木扎勒青海和碩特人姓博爾濟吉特其高祖哈納克土  
謝圖爲願實汗伯兄有子二長秉圖達賴烏巴什次洪果爾秉圖  
達賴烏巴什子二長圖瑚爾綽克圖次墨爾根瑪拉蓋自哈納克  
土謝圖祖博貝密爾咱始稱衛拉特汗越四傳至圖瑚爾綽克圖  
皆世爲長嗣圖瑚爾綽克圖子四長塔爾巴額爾克次達木巴達

爾濟次僧格子卽車凌納木扎勒次扎木揚康熙三十六年哈納克土謝圖裔從達什巴圖爾內附雍正元年羅卜藏丹津叛脅車凌納木扎勒等附之不從賊黨掠其牧以兵拒弗敵集昆弟子姓來歸自編屬丁爲佐領二年青海定

遣歸牧三年設公中扎薩克二猶滿洲蒙古八旗之公中佐領也其一爲喀爾喀族別有傳其一卽和碩特族凡三十三台吉謂以車凌納木扎勒領之授一等台吉八年準噶爾掠其牧

上憫之

詔攜戚屬居京師十年卒無嗣

詔以其伯父達木巴達爾濟之子巴勒丹襲

一次襲巴勒丹車凌納木扎勒從弟初授二等台吉以準噶爾侵  
牧失其孳孳子身赴京師

詔優養之雍正十一年襲公中扎薩克一等台吉

遣歸青海牧乾隆二十九年卒子達什車木伯勒襲

二次襲達什車木伯勒巴勒丹長子乾隆二十九年襲公中扎薩  
克一等台吉四十七年

詔青海諸扎薩克咸世襲罔替惟車凌納木扎勒及喀爾喀達什  
敦多布所遺扎薩克仍以公中議襲五十六年因大兵征剿廓爾  
喀達什車木伯勒巡查臺站奮勉有功

賞給公品級



--	--	--	--	--	--	--	--	--	--

131-816

131

公中扎薩克一等台吉達什敦多布列傳

達什敦多布青海喀爾喀人姓博爾濟吉特喀爾喀祖格埒森扎  
扎賚爾暉台吉有子七名詳喀爾喀部傳鄂特歡諾顏其季也子  
青達瑪尼默濟克號車臣諾顏有子二長唐古特墨爾根岱青三  
傳至通謨克授扎薩克輔國公隸喀爾喀扎薩克圖汗部別有傳  
次多爾濟阿喇布坦伊勒登徙牧青海子訥克額爾德尼阿海生  
達什敦多布不復歸喀爾喀部喀爾喀與和碩特同祖故喀爾喀  
族之徙牧青海者皆隸和碩特族雍正元年和碩特族羅卜藏丹  
津叛脅青海喀爾喀諸台吉附已有根敦者訥克額爾德尼阿海  
從子也二年聞大軍至迎降王大臣等議青海之喀爾喀請別設

旗分佐領令勿隸和碩特族

允之三年

詔喀爾喀族設公中扎薩克一以根敦領之授一等台吉青海厄魯特凡五族設公中扎薩克一一爲和碩特族自車凌納木扎勒始別有傳一爲喀爾喀族自根敦始未幾以根敦嗜酒且與喀爾喀諸台吉隙不任扎薩克職罷之故不立傳先是噶勒丹侵喀爾喀根敦從多爾濟阿喇布坦伊勒登攜孥奔青海唐古特墨爾根岱青及子本塔爾岱青巴圖爾前卒孫墨德卓哩克圖亦以避難從至後噶勒丹就滅乞由青海還喀爾喀因

賜牧阿爾台額爾齊斯烏隴貴界餘仍畱處青海墨德卓哩克圖

卒子通謨克嗣至是

詔根敦自青海往附之乾隆三年

上以喀爾喀族聚青海不忍令析處

詔簡台吉領之以達什敦多布任公中扎薩克一等台吉四十年

卒子羅卜藏車木丕勒先卒孫車德爾襲

一次襲車德爾達什敦多布孫乾隆四十二年襲公中扎薩克一

等台吉四十七年

詔仍世以公中議襲

